



EX LIBRIS 82

Co: Ludovici Pelleatti
e Portogruario.

BIBLIOTECA
SEMINARIO V.
PORDENONE

C

A

CAR 1





XI-2

(92)

IX

DE OFFICIO ORATORIS LIBRI V.

In quorum tribus, qua ratione Orator docere,
delectare, ac mouere debeat, plene docetur:
in reliquis uero, de Pronuntiatione &
Memoria accurate scribitur:

*In secundo speciatim de locis, siue Ridiculis absolu-
tissima habetur tractatio.*

Quibus accessit Catalogus Auctorum qui de Rhetorica
Grece, Latine, & Italice aliquid scripserunt: atque
eorum qui Aristotelis & M. Tullij rhetoricos
libros suis scriptis illustrarunt.

AUCTORE LVDOVICO CARBONE
*a Costaciaro, Academico Peribento, & sacra Theologia
in almo Gymnasio Perusino olim Publico Magistro.*

CVM PRIVILEGIIS.



VENETIIS, apud Ioannem Guerillum. 1596.

111
SERENISSIMO
FRANCISCO

MARIAE II.

Vrbini Duci VI. &c.



Nus et alter propemodum
annus est, cum Celsitudini
tuæ ex meorum Studiorum
fructibus nullum, pro meo
instituto, persolui censum.

Cur autem annum prætermiserim, id fuit
causæ, quod propter alia opera, quæ mihi præ
ter opinionem conficienda fuere, viginti de di
uinis humanisq; legibus libros, quos tibi desti
naueram, eos typis dare, et ad te mittere non
potui: qui tamen fructus tibi pendent, & in
dies maturescunt, propediem decerpendi, ac
mittendi. Interim, cum nonnihil uererer, ne
me uel negligentie, uel ingrati, aut potius iniu
sti animi uitio damnares, aliquod munusculū
ad te mittere decreui. Cum ergo his diebus
intellegerim, hos de Officio oratoris libros a
multis desiderari, ac etiam perquiri, quod in

eis ea contineantur, quæ mihi de tota dicendi
ratione edenda restabant; eos sub tuo amplissi-
mo nomine in lucem exire uolui: Tum, quod
omnes fere meas de arte oratoria lucubratio-
nes tibi dicaui, ac proinde hanc quoq; tibi de-
beri animaduvertebam: tum etiam, ut eam cul-
pam, quam me timere paullo ante dixi, uita-
rem: ne, quam pro tua singulari humanitate
apud te collegi gratiam, amitterem. Nam, si
Aristippus grauis auctor, non modo magnorū
uirorum patrociniū literatos confidere, sed
ex eorum auctoritate totos pendere uolebat;
quid ego inter literatos minimus facere de-
beo? Ego, inquam, qui omnibus ijs rebus sum
destitutus, quibus studia sustentari solent: cū
eum sim nactus meorum studiorum atq; scri-
ptorum Patronum, qui, tantum abest, ut lite-
ras aspernetur, ut maxime omnium literatos
amplectatur, iuuet, et protegat; immo in quo-
uis literaturæ genere sibi palmam præripi non
patiatur: et quod in paucis inuenias, bonas lite-
ras cum omnibus uirtutibus coniungat, no-
menq; suum eximijs animi ornamentis ad om-

IV

nem immortalitatem commendet, suoq; splendore hoc nostrum seculum, ueluti lucidissimus sol, serenet, atque illustret. Quis enim est qui ignoret (ut nunc de literis taceam) quanta sit tua in omni uita moderatio, quanta in rebus arduis fortitudo, quanta in rerum distributione iustitia, quanta in regendis populis prudentia, quanta in literatos munificentia, quanta deniq; in Deum pietas, atq; religio? Ut, cum animum habeas omnium uirtutum genere exornatum, & tantum lumen in omnem partem diffundas, attributum illud SERENISSIMI, tibi iure optimo tribuatur: ut qui ab animo omnes ignorantis tenebras omnesq; perturbationum nebulas quam longissime dispuleris, & alios tuo splendore illustres: quo te omnes ad amandum allicis, et in amore arctissime tenes, tibi optimo nobilissimoq; domini genere subijcis: et ita non solum in tuos, sed etiam in omnes qui tuas uirtutes norunt, cum principatum exerces, quo nihil potest excogitari praestantius atque diuinius; quam scilicet, hominum animos sibi habere

bere deuotos: cum hac regnandi ratio sit diu-
ni numinis propria. Tu itaque omni ex par-
te absolutus Princeps, qui cum prius tibi ipsi
penitus imperes, alios etiam tuis uirtutibus
tibi subiectos reddis. Neque enim quispiam
eum perfectum Principem uocaret, qui suis
affectibus uitiisq; misera, & homine etiam
abiectissimo indigna seruitute deseruiret.

Ago itaq; immortalī Deo gratias quam ma-
ximas, quod eum sim nactus Dominum atq;
Patronū, qui sit omnibus uirtutibus plenus,
non Colossū quendam terra refertum, cui
mea scripta recte consecrare possim, eumq;
hunc in modum nunc exorare debeam,

Hanc etiam Mæcenās accipe partem:
paruam certe, si rem ipsam, maximam uero,
si animi ex quo proficiscitur spectabis magni-
tudinē: quam quidem te spectaturum con-
fido; ut sicut in alijs partibus, ita et in hac
Deum imiteris, quem, ut tuis optatis faueat,
perpetuo me precaturum polliceor. Vale.

Deditiſſ. ſeruus, ac deuotus

Ludouicus Carbo.



INDEX DISPUTATIONVM
SINGVLO RVM LIBRORVM.

LIBRI PRIMI.

QUID & quotuplex sit officium, & quæ
huius operis vtilitas. Disput. 1. pag. 1.
Quot & quæ sint Oratoris officia.
Disput. 2. pag. 9

An docere sit Oratoris officium, & ubi docere de-
beat. Disput. 3.

Quo pacto orator docere debeat, siue de recta do-
cendi ratione. Disput. 4.

An docere sit præcipuum oratoris officium.
Disput. 5.

An orator debeat esse omnium rerum cognitione
præditus, ut apte docere, & cætera officia idonee
præstare possit. Disput. 6.

De magistri, discipuliq; officio. Disput. 7.

LIBRI SECVNDI.

AN delectare sit proprium oratoris officium.
Disput. 1. pag. 73

An ioci possint arte tradi. Disput. 2

Quæ sit risus natura, seu de risus definitione.

a 4 Disput.

I N D E X.

Disput. 3. pag.	93
Quid sit ridiculum. Disput. 4	99
De ridiculorum diuisione. disput. 5	117
De ridiculorum locis. disput. 6	121
De iocandi necessitate & virtute. disput. 7. pag. 133	133
De honesta iocandi ratione, siue de recto iocorum usu. disput. 8	142

LIBRI TERTII.

<p>AN Agere de affectibus ad Rhetorem perti- neat. disput. 1. pag.</p> <p>An dicendo animos affectibus permouere liceat.</p> <p>Disput. 2.</p> <p>Quid & quotuplex sit affectus, & quod affectuum cognitio sit oratori necessaria. disput. 3</p> <p>De lenioribus animi affectibus. disput. 4</p> <p>De maioribus animi affectibus. disput. 5</p> <p>Qua ratione maiores affectus commouendi sint.</p> <p>Disput. 6</p> <p>Quæ ad permouendos affectus valeant, & qua ra- tione quidam priuati affectus commouendi sint.</p> <p>Disput. 7</p> <p>An orator, ut suo optime fungatur officio, debeat esse vir bonus. disput. 8.</p> <p>De oratoris officio in causis suscipiendis atque tra- ctandis. disput. 9</p>	<p>156</p> <p></p> <p>167</p> <p>181</p> <p>189</p> <p>198</p> <p></p> <p>207</p> <p></p> <p>216</p> <p>222</p> <p>242</p>
--	--

LIBRI QVARTI.

QVANTA sit actionis necessitas atque utilitas.	
disput. 1. pag.	257
Quid sit pronuntiatio, & quæ eius partes.	
disput. 2. pag.	226
De uocum tonorumque uarietate.	disput. 3. 276
De actione, siue de corporis gestu.	disput. 4. 282
Quedam communia recte pronunciandi præcepta.	
disput. 5.	288
De triplici tono, siue de uocis usu pro tonorum va-	
rietate.	disput. 6. 295
De gestu, siue de singulorum membrorum corpo-	
ris recta actione.	disput. 7. 302
De singularum partium orationis pronuntiatione.	
disput. 8.	310
De recta sententiarum pronuntiandarum ratione.	
disput. 9.	315
De uitijis in pronuntiatione uitandis.	disput. x. 324
De actionis exercitatione.	disput. xj. 332

LIBRI QVINCTI.

QVAE sit memoriæ natura.	disput. I. pag. 339
Quanta sit memorię utilitas atque necessitas.	
disput. 2.	343
De quibusdam obseruationibus ad facilius ediscen-	
dum.	disput. 3. 353

INDEX.

De artificiosa locorum memorię inuentione & cōstitutione. disput. 4.

Quid & quotuplex sit imago, deque imaginum artificiosę memorię conditionibus. disput. 5.

De ratione formandarum imaginum. disput. 6.
pag. 372

De priuata imaginum formandarum & collocandarum ratione. disput. 7. pag. 377

De quarundam priuatarum rerum formatione, & colloca-
tione. disput. 8.

De recto artis memorandi usu. disput. 9.

*Finis Indicis Disputationum singulorum
librorum.*

LIBRI QVINTI.

INDEX

INDEX RERVM NOTABILIVM.

A



Actio qualis in oratore desideretur.	pag. 269
Actiōnis necessitas.	265
Actiōnis vis in dicendo quanta.	261. & seq.
Actiōnis instrumenta quæ.	267
vide Pronuntiatio	
Aemulatio quid sit	186
Affectiōnum diuisiō, & descriptio.	183. & 186. 189. 190
Affectus commouere non adinaton,	200
neque facile	202
Affectus cur nobis sint a Deo insiti	171. & 172
Affectus descriptio	182
Affectus humani in ithi, & pathi diuisi	189
Affectus leniores quibus rebus concitentur.	194
Affectus mitiores quibus in locis mouendi sint	197
Affectus qua in re a moribus differant.	199
Affectus quib. in causis comouendi sint & contra.	212
Affectus quibus in orationis partibus sint excitandi.	213
Affectus quid significant	157
Affectus quot, & qui sint	182
Affectus vnde, & quot modis moueantur	182
Affectuum cognitio an oratori necessaria	188
Affectuum excitandorum loci	216. & 217. & 218
Allegoricis verbis cur nonnulli vtantur	26
Amplificatio ad quid valeat	176
Anima rationalis quæ	14
Anima rationis expertis quæ	14
Animæ rationis expertis diuisiō	14
Animi partes	14
Argumentorum imagines quomodo formandæ	388
Ars quæ nobilior	42
Ars quid sit	267
Artium	

Artium functiones quomodo distinguantur	11
Artium officia in quibus sint posita	13
Audita qua ratione retinenda	395
Auditores qua re detineantur	76

B

Bibliothecas qui fecerint	393
Bibliotheca optima memoria	393
Bibliotheca memoriæ quomodo conficienda	393
Boni ingenij indicium memoria,	348
Bona memoria qui præditi fuerint	348. 393
Bonitas morum non necessaria oratori	232

C

Caliepia quid sit	88
Cariëntismus quid sit	88
Carmina qua ratione ediscenda	395
Casuum imagines quomodo formandæ	387
Causarum finis qui, & quotuplex	247
Causarum suscipiendarum ratio quæ	243
Comis unde, & quid significet	89
Comitas quid significet, & quid ei contrarium	88
Conciliatio qua re fiat	18
Concionator qualis esse debeat	236
Concitatio quid requirat	18
Concitationis munus	35
Consilij quod officium conueniat	5

D

Delectandi munus qua in re cætera præster	37
Delectandi munus unde pendeat	33
Delectatio quid sit	75
Delectationis officium	35
Delectetur quibus rebus	78
Dialectica quid, & quid doceat	62
Dialectici officium	24
Dialecticus quarum rerū cognitionē habere debeat.	62
Dicacitas quæ sit	87

Dicax qui fit	87
Dicta quid in se contineant	87
Dictandi ratio optima	391
Dictæ quæ dicantur	87
Dictum, & dicta quæ sint	87
Discipulorum officium quod	70. & 71
Docemus quare	18
Docendi munus unde pendeat	33
Docendi ratio quid requirat	18. & 26
Docens quomodo se gerere debeat erga discipulos.	67. & 68
Docendum qua ratione fit	23. & 27
Docenti quid præstandum	66. & 70

E

Eloquentia qua ratione fit uirtus	241
Eloquentia quomodo comparari possit	62
Eloquentia quibus ex rebus constet	71
Eloquentia quid sit	56
Eloquentiæ definitio	53
Eloquentiæ fundamentum	69
Eloquentiæ nomine quid intelligatur	54
Eloquentiæ uis propria, atque natura	62
Eloquentiam admirabilem, quæ, & quot faciant.	15. & 16
Eloquutionis uis	16
Ergon quid sit	3
Exercitatio quid sit	268

Facetiarum genera quot	119
Facetiæ quales esse debeant	146. & 147
Facetiæ quæ ad ridicula pertinent	119
Facetiæ quid significent	85
Facetiæ unde ducantur	85
Facetudo quid	139
Facetus qui esse debeat.	144
Facetus qui uocandus	141
Festiuitas quid designet	88

I N D E X

Figura quid, & quotuplex	273
Figuræ qua ratione pronuntiandæ sint	318
Finis & officij distinctio	12. & 16
Finis quid.	12

G

G enera dicendi oratoris officio accommodata.	18
Genera dicendi quibus rebus accommodanda.	38
Gestus bonus	309
Gestus diuisiones variæ	282
Gestus in rota oratione qualis	311
Gestus quibus in corporis partibus sit obseruandus	283
Gestus quid	282
Gestus uis	282
Gestus uitia	329
Gloriæ effectus qui sint	249

H

H æretici cur diligenter suos errores defendant.	209
Homo qui affectu ducitur est veluti bestia	177
Homines relaxatione indigent	134. & seq.
Homines affectibus ducuntur	166
Homines quibus rebus moueantur	38
Hora accommodata ad ediscendum quæ	359
Humani affectus non sunt mali	171. & 172
Humanos affectus mouere licet dicendo	175

I

I gnorantia quotuplex	103
Imagines qua ratione collocandæ	379
Imagines qua ratione fingendæ	372
Imagines quomodo deleri possint	396
Imaginum diuisiones variæ	368
Imaginum loci	368
Imago qualis esse debeat	367. & 370
Imago quid sit	367
Imitatio quid	267
Instrumentum oratoris ad docendum	23

Integritas vitæ discenti necessaria	69
Ithi quid significet	13
Iobi oratio maxime delectabilis	37
Iocandi necessitas	134
Iocandi vsus, & modus	143
Iocorum vtilitates	151
Iocus, & ludus iu quo differant	84
Iocus quid significet	ibid.
Iocus vnde ducatur.	ibid.
L Audes quot in oratore	35
Lepidus quid sit	88
Lepor & lepos quid sint	88
Loci iuuandæ memoriæ	362
Locorum constituendorum ratio	362
Locorum diuisio	361
Loquacitas stulta quæ	63
Ludus & iocus in quo differant	84

M

M embra omnia in dicendo qua ratione, sint com- ponenda	302
Memoria actus qua ratione prodncatur	343
Memoria a quo, & qua ratione inuenta	352
Memoria quibus rebus iuuetur	353. & 355
Memoria quotuplex	341
Memoria, & reminiscencia in quo differant	342
Memoria unde pendeat	344
Memoriam quæ loca iuuent	362
Memoriam qui cibi offendant	354
Memoriæ bibliotheca quomodo conficienda	393
Memoriæ definitiones variæ	345
Memoriæ excolendæ locus, & tempus	358
Memoriæ excolendæ modus	352. & 357
Memoriæ inueniendæ necessitas	346
Memoriæ materia	341
Memoriæ quæ mandanda sint	356

Memo-

I N D E X.

Memoriæ quæ noceant	345. & 354
Memoriæ vsus quid requirat	395
Memoriæ vtilitates	347
Mimi qui dicantur	87
Moralis philosophus quomodo agat de officio	9
Mores quid significant	190. & 191
Morum diuisiones variæ	158. & 192
Morum indicandorum ratio quotuplex	192
Motus morum qui sint	15
Motus quando sit magis necessarius, quam docilitas.	35
Motuum excitandorum ratio, & modus	208
Motuum genera quot	15. 75
Mouemus qua re.	18
Mouendi munus vnde pendeat.	33
Munera oratoria quæ præcipua	33
Munera oratoris cur tria sint	16
Munera oratoris quæ difficiliora	35
Munera oratoris quo ordine sint collocanda	37

N

N atura oratoris quæ esse debeat	69
Natura quid in pronuntiando præstet	266
Numerorum imagines quomodo formandæ	387
Naturalis pronuntiatio obseruanda in pronuntiando	335

O

O fficia oratoris qua ratione plura quam tria esse possint	18
Officia oratoris quot modis inter se cõparari possint.	35
Officij diuifio.	4
Officij & finis distinctio	12. & 16
Officij oratorij partes quot & quid unaquæq; desideret.	17
pag.	
Officij ratio vnde sumatur	10
Officij significationes	3. & 4
Officium medium, & inchoatum quod	6
Officium oratoris maximum, & difficillimum	2

I N D E X.

Officium quid sit.	pag.3. & 7.& 12
Officium quōtuplex.	4
Officium verum quod.	6
Officium vnde dicatur.	3
Opus quid sit.	8
Oratio i qua affectus sunt cōcitādi qualis esse debeat.	215
Oratio longior qua ratione ediscenda	357
Oratio perfecta quibus ex rebus constet.	44
Oratio quōtuplex.	23
Orationis sine actione similitudines quædam.	263
Orationis virtutes.	28
Oratoria vis quibus in rebus sita.	63
Orationis sonus qualis, & quantus esse debeat.	293
Orationis virtutes.	28
Orator optimus qui.	17.& 232
Orator perfectus qui.	51
Orator qua ratione à Philosopho, & Poeta differat.	36
Orator qua ratione suo fungatur officio.	38
Orator quomodo agat de officio	9
Oratores cur fide digni iudicantur.	235
Oratoris cognitio quanta	54
Oratoris definitio ex Catonis sententia.	224
Oratoris habitus qualis esse debeat.	287
Oratoris officium.	3.47
Oratoris finis qui.	46
Oratoris instrumentum ad docendum.	23
Oratoris laudes quæ, & quot.	74
Oratoris materia.	48. & 52
Oratoris munera quot, & quæ.	255
Oratoris officium in affectibus permouendis.	177
Oratoris officium maximum & difficillimum	2
Oratoris vis in quo sita.	47
Oratori proprium quid.	54
Oratori quæ necessaria.	253

I N D E X.

P

P Athi quid significet.	pag. 15. & 1	29
Periti proprium quid sit.		3
Perito de quib. officijs & quomodo sit agendum.	6. &	9
Persuadeant quæ, & quot.		59
Persuasio quot modis accipi possit.		59
Persuasio unde pendeat.		56
Persuasio unde sumenda.		47
Perturbationum omnium diuisio.	183. 186. 1	89
Philosophus ab oratore qua ratione differat.		56
Pronuntiandi ratio qualis esse debeat.		2 88
Pronuntiatio quid sit.		2 68
Pronuntiatio quid efficiat.		2 59
Pronuntiationis causæ efficientes quot & quæ.		2 66
Pronuntiationis difficultas quanta.		2 58
Pronuntiationis diuisio.	270. & 2	73
Pronuntiationis exercitatio qualis esse debeat.	333.	3 57
Pronuntiationis exercitatio quam utilis.		3 52
Pronuntiationis species.		2 69
Pronuntiationis vitia.		3 4
Pronuntiationis utilitas, & necessitas quanta.		2 69
Proteruia quid.		1 5
Prudentia quotuplex.		2 18
Pulchritudo quid & quotuplex.		1 1
Punctorum imagines qua ratione formandæ.		3 87

Q

Q VAE audiuntur, qua ratione retinenda.	pag.	3 95
--	------	------

R

R Eminiscentia, & memoria in quo differant.		3 42
Res omnes qua ratione sint pronuntiandæ.		2 8
Rhetorica cur Dialecticæ æquipollet.		1 43
Rhetorica quid sit.		1 4
Rhetorica quæ facultas sit.		1 2
Rhetoricæ materia, quæ.	43. &	53
	Rhet.	

Rhet. officium quod.	9
Rhetor perfectus quis possit esse.	53
Rhetoris cognitio quanta.	66
Re deat cur unus magis quam alius.	96
Ridendi necessitas.	134
Ridicula qua ratione tractentur.	82
Ridicula unde excitentur.	99
Ridiculorum diuisiones variae.	113
Ridiculorum loci.	121
Ridiculorum quorundam exempla.	104
Ridiculum quid significet.	84. & 112
Ridiculum quod magis risum ciat.	111
Ridiculum unde ductum.	83
Ridiculum vt fiat quid necessarium.	107. & 109
Risum qui continere nituntur cur in cachinum prorumpant.	pag. 96
Risus causæ quæ.	97
Risus cur contineri non possit.	95
Risus cur lacrymas sæpe moueat.	96
Risus cur vires debilitet.	96
Risus quid sit.	90
Risus quotuplex.	93
Risus sedes.	94. & 95
Risus unde oriatur, & qua ratione.	93. & 94
S	
Sales quid significant.	pag. 34. & 85
Salium genera quot.	86
Sanniones qui sint, & unde dicti.	88
Sapientibus quod officium conveniat.	15
Scientiam rerum omnium quomodo quis consequi possit.	49
Scientiarum principium.	342
Scommata quæ dicantur.	87
Scurræ qui uocentur.	141
Scurrilitas quid sit.	87

I N D E X

Scurrilitatis species.	pag. 117
Sensuum diuisio.	342
Sensuum sedes.	343
Sententiæ qua ratione pronuntiandæ sint.	316
Sermo proprius quid orationi afferat.	26
Sermocinationis gestus.	323
Stultitia quotuplex	229

T

T emporis imagines qua ratione formandæ.	pag. 390
Toni qui sint	271. 279. 295
Tonis quando sit utendum.	295
Tonorum diuisio.	271
Translatio ad quid sit facta.	26
Turpitudine quid, & quotuplex.	102. & 103

V

V erba ad docendum quæ adhibenda	26
Verba propria quid sint	26
Vitium indicendo maxima in quod.	26. & 28
Vox quomodo sit accommodanda rebus.	310
Vox apta quæ.	279
Vocis instrumenta quæ sint.	266
Vocis diuisio.	270
Vocum genera . 276. earumque exempla varia.	pag. 277
Vocis firmitudo qua ratione conseruari queat	274
Voluntas qua re moueatur.	18
Vrbanitas quid sit, & vnde sit ducta.	86. 90
Vsus memoriæ.	392
Vsus memoriæ, quid requirat.	395
Vultus in dicendo quomodo componendus.	302

CATALOGVS AVCTORVM

qui in hoc opere citantur.



A Egidius Romanus.

Aesopus.

Albertus.

Alexander Philos.

Alexander de Ales.

S. Ambrosius.

Antonius Bernardus.

Antonius Lullus

Antonius Pinus

Aristoteles

Athenaus

Auctor Herennianus.

Audomarus

S. Augustinus

Augustinus Niphus

Augustinus Valerius

Ausonius.

B

B Arthol. Medina

S. Basilus

S. Bernardus

Boetius

Buridanus.

C

C Caesar.

Canon. Apostolic.

Catullus

Claudius Minoes

Clemens Alexand.

Caelius Calcagninus.

Caelius Rodigin.

Collegium Coimb.

Conc. Trident.

Cosmus Rosellius.

Cyrillus Alex.

D

S Damascenus.

David

Diodorus Siculus

Diogenes Laert.

Dion.

Donatus.

E

E Ecclesiasticus.

Emporius.

Ennius.

Eustatius.

Eustratius.

b

3

Fabius

Fabius Quintil.

Fernelius

Franciscus Petrarca

Franciscus Philelphus.

G

Galenus

Gerardus Odo.

Grifolus

Gulielmus Gratarola

H

Herbetius

Homerus

Horatius.

I

Iacobus Publicius

Iacobus Peresius

Iamblicus

Ioan. And. ab Anguil.

Ioan. Bap. Porta

Ioan. Goropius

Ioan. Metzing.

Ioan. Mericlin.

Ioan. Romberch

Ioan. Visor.

Iobus

Isocrates

Iulius Capitol.

L

Lactantius Firmian.

Ludonicus Dulcius.

Ludonicus Granat.

M

Macrobius

Madius

Maioresius

Marcus Ant. Muretus

M. Cato

M. Tullius

Martialis

Matheolus Perusinus

S. Matthæus

Matthæus Colatinus

Melchior Iunius.

O

Ovidius

P

Palladius

Parrasius

S. Paulus

Paulus Aegineta

Petrus Crinitus

Petrus Io. Perpinianus

Petrus Ramus

Petrus Rauennas

Petrus Sain.

Philcl.

Philelphus	Sallustius
Philippus Gesualdus	Seneca
Plato	Simon Lucensis
Plautus	Simon Verepens
Plinius	Solinus
Plutarchus	Strebeus

Pontanus	T
Porphyrus	Terentius
Prutenius	Terentianus
Publianus	Themistius

Q	Thiodoreus
Vinct. Mendos.	Theophrastus
R	Thomas Correas
Abianus	Trapezuntius
Rabbi Eleazar	Tuscanella

Robortellus	V
Rodolphus Agric.	Alerius Maximus
Rupertus Abbas	Virgilius

S	Z
Alomon	Eno.

CATALOGVS AVCTORVM
qui de rhetorica aliquid
scripsere.

A



CHMI ars rhetorica.

Adriani Barlandi de amplificatione rhetorica.

Aeneæ Syluij lib. de rhetorica.

Alardi Aemstelerdami descriptio rhetorica concionatoris, & hæretici p omnes locos Rod. Agric.

Alberti Leonij rhetoricæ lib. I.

Albini, seu Alcuini rhetorica cum scholijs Matthæi Galeni.

Alexandri Sophistæ de figuris sententiarum, & de eloquentione.

Alphonſi Zorillæ de ratione concionandi.

Amandi Chabassij aphorismi rhetoricæ.

Ambrosij Quisquel. de ratione concionandi.

Antonij Mancinelli scribendi orandique methodus.

Antonij Nibrisensis tabulæ rhetoricæ.

Antonij Persij nouæ positiones in rhetoricam.

Antonij Lulli progymnasmata, & libri septem de oratione.

Antonij Posseuini Cic. collatus cum &c.

Antonij Raberij tabulæ rhetoricæ.

Aphthonij progymnasmata, cū scholijs Audamari.

Apollo.

Apollonij lib. de figuris, & dialogi.

Apfimi Græci rhetorica.

Aquilæ Romani de figuris.

Aristidis Græci rhetorica.

{ Alpharabij, compendiosa explicationo.

{ Petri Victorij comment.

{ Danielis Barbari schol.

{ Maioragij com.

{ Aegidij Romani com.

Arist. de rhet. ad

{ Dionysij de Burgo.

Theodectē lib. 3.

{ Hermanni Schidis.

in quos extant.

{ Anton. Riccob. partitiones.

Eiusdem de rhet.

{ Cyllenij tabulæ.

ad Alexandrū.

{ Francisci Robortelli.

{ Nyphi epitomę.

{ Antonij Bernardi in primum
& tertium lib. comment.

{ Guidonis Ariminensis epito.
sive scriptum, manuscrip-
tum.

Arnobij presbyteri de rhetorica institutione.

Augustini Hipponens. de rhetorice principijs li-
ber. & libro 4. de doctrina Christiana.

Augustini Niphi epitomę rhetorices Arist.

Augustini Cur. de imitatione.

Augustini Valerij rhetorice Ecclesiasticę libri
tres,

B Bartholomæi Riccij de imitatione libellus.
Bartholomæi Latomij compendium Rodolphi Agric.

Bartholomæi Caulcantis Rhetoricæ libri septem Italice.

Bedæ presbyteri de schematibus.

Benedicti Ariomontani rhetoricorum lib. 4.

Bernardini Tomitani sermones, Italice.

Bernardini Parthenij de imitatione poetica.

Brunetti Latini in lib. de inuent. Cic. italice.

C Christophori Saxi Perusini de rhetor. lib.
Cælij Calcagnini compendium rhetoricæ
eiusdem dialogus de memoria, & orationes.
Conradi Celtis epitome, seu index rhetoricę Ciceronis.

Conradi Neobani de inuentione.

Consulti Chirij Fortuniani rhetoricorū libri tres.

Cornelij Valerij Ultraiect. Rhetorica.

Cypriani Soarij de rhet. lib. tres.

D Auidis Chytræi Rhetorica.

Demadis rhetoris fragmenta in uolumine ab Aldo excusso, vbi duodecim habes auctores qui de rhetoricis aliquid scripsere.

Demetrii Phaleræi de eloquutione.

Diegi Stellæ de ratione concionandi.

Diegi Vallades de rhetorica Christiana.

Dinar.

Dinarchi Rhetoris, apud Aldum.
Dionysij Halicarnasæi rhetorica: de eloquutione,
& compositione oratoris: de characteribus anti-
quorum oratorum.

Eiusdem de componendis nominibus.
Dionysij Longini de sublimi oratione.

E

Eloquentiæ pro gymnasmata. 8.
Emporij Rhetoris lib. de rhetorica.
Epiphaniij de characterè epistolari.

F

Facci Albini, qui & Alcuinus dicitur; lib. de
rhetorica ad Carolum Magnum.
Francisci Siluij Ambiani progymnasmata in artē
oratoriam centuriæ.
Francisci Robortelli de rhetorica facultate.
Francisci Sansouini de arte oratoria libro 3. italice.
Francisci Patritij de rhetorica dialogi decē italice.
Francisci Panicarolæ de ratione concionandi.
Furij Coriolani Valentini rhetorica.

G

Gasparini Grammatici de eloquētia tradatus.
Gasparini Bergomensis exordia manuscri-
pta.
Georgij Vallæ institutio Rhetoris, & de rhetori-
ca lib. 2.
Georgij Trapezūtij rhetoriæ lib. 5. absolutissimi.
Georgij Cassandri tabulæ rhetoriæ.
Georgij Acanthij partitiones in 4. lib. rhetoricorū
ad

ad C. Herennium.
 Georgij Gossij de eloquutione.
 Gerardi Vossij artis rhetoricæ methodus, qua per
 quæstiones rhetoricæ præceptiones tractat.
 Gerardi Bucoldiani de inuentione.
 Gulielmi Cathelinæi Andini rhetoricæ lib. 2.
 Gulielmi Tardiui rhetoricæ artis compendium.
 Gulielmi Parisiæsis de rhetorica diuina, siue potius
 de precatione recte facienda.

H

HENRICI de Kalkar rhetoricę loquagium.
 { Sirinani.
 { Sopatris.
 { Marcellini.
 Hermogenis Thar- { Troili Sophiste.
 sensis sophistæ rhet. { Maximi Planudis.
 lib. cum scholijs. { Hilarionis Monachi para-
 phras.
 { Prisciani ex Hermog. præ-
 exercitamenta.

Hieronymi Paduani, de necessarijs oratori, de rhe-
 torica, & oratore: de exordio & eius partibus: de
 omnibus partibus rhetoricæ: de argum. rhe. &c.
 Hieronymi Caphari epitomæ rhetorices.
 Hieronymi Regij de copia rerum, & uerborum, de
 & figuris in suis comment.
 Hieronymi Mascheri Mantuani de floribus rheto-
 ricæ lib. 2. Italice.
 Horatij Tuscanellæ armonia, Italice. Eiusdem ap-
 plica-

plicationes præceptorum rhetoricæ.

Huldrychi Zafij rhetorica legalis.

I

Iacobi Lodouici Strebei de verborum electione,
& collocatione oratoria lib. 2.

Iacobi Brocardi partitiones oratoriæ, quibus omnia quæ docuit Arist. breuiter complexus est.

Iacobi Locher Philomusi compendium rhetoricæ.

Iacobi Vuercheri præcepta rhetoricæ.

Iacobi Publicij epitomæ oratoriæ artis, & de arte memoriæ.

Iacobi Vaimphelingij præcepta rhetorices.

Iacobi Omphalij de eloquutionis imitatione, & apparatu.

Iacobi Peresij rhetorica Ecclesiastica.

Iacob. Maz. in suis conclusionibus de rhetorica. a nu. 2304 ad. 2488.

Iacobi Gorcij de figuris grammaticis & rhetoricis lib. 5.

Iani Parrhasij breuiarium rhetorices.

Iasonis Nores introd. in rhet. italice.

Ioachimi Fortij rhetorica, & libellus de formis dicendi.

Ioachimi Ringelbergij rhetorica.

Ioan. Ludouici Viuis rhetor. lib. 3. eiusdem de corrupta rhetorica lib. 1. & de traden. discipl.

Ioan. Marinelli de recta sermonis iudicandi ratione manuscrip.

Ioan.

- Ioan. Butini ad figuras Isagoge.
 Ioan. Despaut. de figuris.
 Ioan. Boteri de prædicatore uerbi Dei lib. 5.
 Ioan. Iacobi Vuerkeri oratoriæ artis præcepta ex
 Arist. Cicer. & Hermog. tabulis compregensa.
 Ioannis Susembroti epitome schematum & tropo-
 rum.
 Ioan. Aloy & Annibalis Marescotorum fratres ar-
 tis rhetoricæ commentarius.
 Ioan. Merisoti de parechemate, contra Ciceronis
 calumniatores.
 Ioan. Matomeros compluten. rhetorica.
 Ioan. Cæsarij de rhetorica tractatus septem.
 Ioan. Franc. Pic. in lib. 1. c. 6. & lib. 2. 4. Examinis
 uanitatis doctrinæ gent. nulla habet ad hanc ar-
 tem pertinentia. eiusdem epist. de imitatione ad
 Petrum Bembum.
 Ioan. Mariæ Memi orator italice.
 Ioan. Voellij generale artificium texendæ orationis
 cuiuscunque generis.
 Ioan. Monhemij epitomæ rhetor.
 Ioan. Paculi Gallutij de formis enthymematum.
 Ioan. a Fossa partitiones oratoriæ.
 Ioan. Retorforti de arte dicendi lib. 4.
 Ioan. Sambuci de imitatione Ciceroniana Dial. 3.
 & quod oratores cognoscendi sint ante poetas.
 Ioan. Andreæ Giliij topica poetica.
 Iosephi Racendytæ de rhetor. & de copia rerum,
 & artificio oratorio.

Iouitæ Rapicij de numero oratorio, & de periodis
lib. 5.

Iſidori de rhetor.

Iulij Ruſiniani de figuris.

Iulij Camilli theatrum eloquentiæ.

Iulij Rogerij opusculum de rhetorica, in quo uſus
rhetoricæ in Theologia oſtenditur.

L Aurentij Palmireni prolegomena in rhetori-
cam, & topica.

Laurentij Antiqui ſumma rhetoricarum præceptio-
num, & de eloquentia.

Laurentij à Villa Vicent. de ratione concionandi.

Leonardi Aretini rhetorica.

Lucæ Ballioni de ratione concionandi.

Ludouici Granatens. rhet. eccleſiaſticæ libri ſex.

Ludouici Carbonis de arte dicendi libri duo: de
oratoria & dialectica inuentione libri quinque.
de eloquentione libri quattuor, de diſpoſitione ora-
toria libri vnici, de quæſtionibus oratorijs libri
duo, de cauſſis eloquentiæ libri 4. de officio ora-
toris libri 5.

M

M Tullij Ciceronis.

{ Cõment. M. Fab. Vic.

| Caſtigat. Mar. Becic.

De inuent. libri duo, cum { Bruneti Latini.

| Antonij Ricob. Com

{ ment. in lib. de inuent.

Boethij

	{ Boethij.
Topica, cū cō.	{ Georgij vallæ Placentini.
ment. vel scho	{ Ioan. Visorij Cœnomani.
lijs,	{ Bartholomæi Latomi.
	{ Petri Vellij Gueuaræ.
	{ Iacobi Lod. Strebei.
Partitiones, cū	{ Georgij Vallæ Placent.
comment. vel	{ Barthol. Latomi.
scho lijs, &c.	{ Maioragij.
	{ Claudij Min. tabulæ & Syntag.
Lib. 3. de orat.	{ Iac. Lodo. Strebei.
ad Q. Frat. cū	{ Fabij Paul. in lib. primum.
com. vel scho.	{ Audomari. Talæi.
De clarisorat.	{ Victoris Pisani.
ad Brutū, cum	{ Auli Antonij Palmireni.
cōmē. & scho.	{ Ant. Riccobon.
	{ Iacobi Lod. Strebei.
Orat. ad Brut.	{ Marini Becichemi castigat.
cū cōmē. scho.	{ Ioan. Riuij castig.
& castig.	{ Petri Victorij castig.
	{ Victoris Pisani.
De optimoge	{ Achillis Statij.
ner. orat. cum	{ Pet. Rami.
comment.	{ Ioan. Antonij Viperani.
	{ Mosel.
M. Fabij	{ Camer.
Quint. cum	{ Leodegarij a quercu,
schol.	{ Antonij Pini com. in
	{ lib. tertium.

M. Ioannes Herbetius de oratore lib. 5.

Martiani Capellæ Rhetorica.

Marij Philelphi rhetorica lib. 3.

Martini Cruijji rhetorica. 8.

Matthei Camariotæ epitomæ rhetoriçæ Hermog.
& quædam rhetorica sub eius nomine ex-
cussa.

Matthæi Bosuli, Parisiens. institutiones rhetoriçæ,
cum scholijs contra Petrum Ramum.

Matthæi Colatij de fine oratoris in Quint. pro Ci-
cerone contra Victorinum, & Quint. vbi refel-
lit quosdam horum auctorum errores.

Matthæi Cardeni Cochani rhetoriçæ Institutio-
nes.

Melchioris Methodus eloquentiæ comparandæ.

Eiusdem scholæ Rhetoriçæ 8.

Menander rhetor de genere demonstratiuo.

Michaelis Angeli Blondi rhetorica italice ad vsum
Causidicorum.

N

Natalis Comitis de terminis rhetoricis li-
bri tres.

Nicephori Blemmidæ ars compendiaria differen-
di, interprete Greg. Val.

Nicolai Romani Pruceni de arte rhet. lib. 4.

Nicolai Liburni Veneti de compendiosa eloquu-
tione.

Nicolai Beraldi de extemporalis dicendi facultate.

Nicolai Biesij Andegauen. de arte dicendi lib. duo.

c

Pale-

P Alemonis rhetoris & sophistæ orationes.
Papiæ de ordine dicendi.
Pancei cuiusdam rhetorica, in Vatic. Bibliotheca.
Petri Rami Rhetoricæ distinctiones in Quintil.
Brutinæ quæstiones in Ciceronem de perfecto
oratore. Eiusdem quæst. rhetoricæ.
Petri Langerij orator quis dicendus.
Petri Mosel. de figuris.
Petri Bembi de imitatione sermonis lib. 1.
Petri Guntheri de arte rhet. lib. 2.
Phebamonis Sophistæ liber de arte rhetorica, apud
Ioan. Sambucum.
Philippi Beroaldi de facultate dicendi ex tempore.
Platonis Gorgias, de rhetorica.

R

R Aimundi Lulli isagoge in rhetoricam.
Raphaelis Cyllenij tabulæ in rhetoricâ Arist.
& Demetr.
Raphael Regius in oratoriam institutionem, con-
clusiones circa rhetoricam contra Calphur-
nium.
Rodulphi a Tussignano, de ratione concionan-
di.
Romani Aquilæ lib. de figuris.
Rutilij Lupi de figuris.

Sebastianus Pontani Delphin. de emendata orat.
Serapionis rhetorica.

Simonis Pauli Sucrienſis diſputationes rhetoricae.
Eiuſdem methodi ad orationes & conciones fa-
ciendas.

Sopatri quaestiones de componendis declamationi-
bus, in cauſſis praecipue Iudicialibus, graece.

Eiuſdem prolegomena in Ariſtid. de rhetorica.

Speroni Speroni dial. de trib. generibus cauſſarum,
vtrum preſtantius, italice.

Stephani Plazonij praexercitamentorum, & rheto-
ricae compendium.

Stephani Caroli oratorium artificium.

Sulpitij Victorij oratoriarum institutionum prae-
pta: vel de arte oratoria.

Theonis Sophistae rhetorica progymnasmata.

Thrachelai tabulae rhetoricae.

Thomae Corrae de eloquentia libri quinque.

Thomae de Truſil. de ratione concionandi.

Valentini Erythraei tabulae in partitiones ora-
torias Ciceronis.

Vincentij Belluacenſ. de rhetorica ſpeculi doctri-
nalis lib. 4.

AVCTORES INCERTI.

	(Ascentij.
	Mancinel.
	Franc. Maturant.
Auctor ad Herenniu	Guarini manuscrip.
lib. 4. quos alij Gal.	Iodoc. Badij.
lio, alij Conſicio, alij	Marini Becichemi castiga
Ciceroni tribuunt.	tiones.
Cum commentarijs,	Hieron. Capiduri.
ſive ſcholijs.	Gyliberti Longolij, &
	Claudi Pontani.
	Reinhardi Lorichij ta-
	bula.

Auctoris incerti de rhetorica liber, una cum Sulpi-
tij Victoris oratorijs præceptis.

Dialogus incerti auctoris de oratoria ſecûdum Pla-
tonem Beſſarione interprete.

Synopſis rhetoricæ græca, & de rhetorica lib. 2. in
Vatican.

Index eorum fere omnium, quæ rhetores in ora-
tionem venire aſſerunt, libellus excuſſus Argen-
torati.

DE UTILITATE LAUDIBVS RHETORICÆ & eloquentiæ orationes variæ.

Valentini Erythraei.
Omnibonis Leonicensi.
Raphaelis Regij.

Augu.

Augustini Dathi.
 Conradi Celtis.
 Philippi Beroaldi.
 Aenæ Syluij. Epist. 64.
 Angeli Decembrij.
 Gilberti Cognati contra rhetoricam.
 Ioan. Pic. epist. ad Barbar.
 Gratiam naturalem plus persuadere, quam elo-
 quentiam, Marfil. Ficin.
 Quantum momenti in pronuntiatione, & apto mo-
 tu corporis, Fulgofius. Valer. Max. lib. 8. cap. 10.
 Senec. lib. 5. epist. 40.
 De oris multiplici uitio Cœlius. idem de Chrijs, &
 de panegyricis. lib. 19. c. 12.
 Nasci poetam & fieri oratorem, an sit verum. 7.4.
 Philosophiam moralem esse utile rhetoricæ Otho
 Vuerdmyllerus, lib. 1. c. 16.

SCRIPTORES DE MEMORIA.

Auctor Herennianus.
 Cosmus Rosellius.
 Fabius Quintil.
 Franciscus Petrarca.
 Franciscus Sansouin.
 Franciscus a Monteleone.
 Gulielmus Gratarola.
 Iacobus Publicius.
 Iacobus Anton. Marta Florent.
 Ioan. Bapt. Porta.

Io. Rom.

Ioan. Romberch.

Ioan. Metzingerus.

Ludouicus Dulcius.

M. Tullius lib. 2. de orato.

Petrus Guntherus.

Petrus Rauennas.

DE CONFICIENDIS EPIST.

Libanius Sophista.

Valent. Erythr. de conscrib. epist.

Rocchus Pilo. Perusinus.

Lippus Brandol. lib. 2. de gener. epist.

Iustus Lipsius.

Ludouicus Viuesi.

M. Georgius Macropedius.

Ioan. Voellus e Societ. Iesu.

Federicus Nauſea.

Melchior Iunius scholia rhetoricae, & de conscribendis epist.

Aloysius Antonius de cons. epist.

Hieronymus Capharus.

Ne quid in folio esset vacui, adiecta est
hæc in Culicem Elegia.

QUID tantos demum strepitus clangente susurro,
Tantaq; præcipiti murmura nocte mouet?
Nunc patulas alis vexat stridentibus auras,
Nunc subito præter lumina cæca volat.
Quid faciam incertū est: palmis cōprehendere coner?
Effugit implicitas ut leuis aura manus.
Pellere contendam baculo? domus illicet alta
Remigio alarum tecta suprema petit.
Occidam duros conuerso cardine postes?
Præstabit faciles parvula rima vias.
Pertuolitare sinam? spes est mihi nulla quietis;
Cordalicet iam iam sommus anhelat premat.
Circudentq; licet sæcunda papauera lectum,
Et crepitante piger riuus inundet aqua.
Quo sæpe insomnis iaceo luctamine fessus
Dum monstrum omnino triste fugare placet.
Certe adeo grauib; capitis cruciatibus angor,
Atque adeo ingenti sæpe labore premor.
Ut nequeam noctem turbato corde per omnem
Molia Hymenæi carpere dona Dei.
Vix parum demum infelix degusto soporem
Cum medium flagrans æthera Phæbus habet.
Quod genus hoc monstri? quib; aut genitorib; ortum?
Aut vnde extemplo sole cadente furit?
Scilicet occultis illud cognoscere signis,

*An quod amat noſtem, nocte parente ſatum eſſe
 Si cum matre ſua pariter ſurgitq; , cadiſque,
 Cum uenit, ille uenit, cum fugit ille fugit.
 An quod amat longis obſcura reſſibus antra,
 Et ſtygijs forſam deuorat illud aquis?
 Infelix ego ſum, monſtro qui uxor ab iſto,
 Cui patria eſt orcus, noxque profunda parens.
 Non me dulciſonos permittit condere verſus,
 Dum rapide horriſono murmure cuncta replet.
 Non ſophiæ campos patitur luſtrare nitentes,
 Dum pacem abrumpit, diraque bella ciet.
 Ambulo? terrificis perſtringit lumina pennis,
 Ne videam tardos quod iacet ante pedes.
 Ceſſo? Cauas intrat magis clangoribus aures,
 Et crebro inſiſtit qua via certa patet.
 Quæ te ſcua in me mouet inclementia fati,
 Fare culex? quæ te numinis ira mouet?*

Maiores menda ſic emendato.

3. pagina. uerſu. 24. in o. p. 5. u. 21. hoc. p. 6. u. 10. diuidi.
 p. 9. u. 6. in. p. 17. u. 3. quodq; p. 22. u. 16. ſolum. p. 25. u. 2.
 obſcuris. p. 31. u. 24. ratione. p. 36. u. 3. permouendo. p. 48.
 u. 8. oratore. p. 55. u. 26. ſine. p. 59. u. 8. fatemur. p. 67. u. 8.
 iuuenil. morſu. p. 68. u. 2. bona. 25. docent. p. 74. u. 1. erit.
 12. diſtrahit. p. 77. u. 29. parum grauis. p. 80. u. 5. gratia.
 p. 40. u. 27. ridiculis. p. 96. u. 12. ridendum. p. 98. u. 22.
 idoneum. p. 111. u. 5. hac. p. 140. u. 15. ex. p. 164. u. 7.
 diligenter. p. 168. u. 3. humanas. 16. præcepta. p. 175. u. 4.
 negaret. p. 187. u. 24. ſubijcio. p. 228. u. 8. qualem. 9. Craſ-
 ſus. p. 231. u. 7. ſit. p. 245. u. 2. nomē. p. 293. u. 16. oratione.
 p. 295. u. 24. delectare. p. 302. u. 28. uariato. p. 337. u. 3.
 imitatione. p. 357. u. 7. diligens. p. 395. u. 9. ſingularum.

DE OFFICIO
ORATORIS

LIBER I.

In quo de officio docendi agitur.

Quid & quotuplex sit officium, & quæ huius operis utilitas. Disputatio. I.

N IHI sæpenumero cogitanti, quodnam argumentum suscipi posset ab eo tractandum qui reip. humanæ plurimum prodesse scribendo uellet; de rerum omnium usu atque abusu dignissima occurrebat tractatio. Quandoquidem, nihil est quod in humana societate plures lites procreet, plures discordias & dissensiones excitet, pluraque damna & maiora incommoda in communem uitam inferat, quam quod homines artibus & rebus omnibus ad eum finem non congruenter utantur, ad quem factæ atque institutæ sunt, & suo quisque recte non fungatur officio. In cuius utilissimi argumenti explicatione, quod sciam, hucusque uersatus est nemo. Et quoniam hæc amplissima disputatio multam ac uariam requireret do-

A

Etrinam,

Etrinam, otiumque sane longum, quibus nos rebus minime abundamus; propterea hanc prouinciam intactam relinquemus, & alijs eam proposuisse sat nobis erit.

Ceterum, cum iam de oratoria facultate multos libros in lucem dederim, ne quis tam necessaria, tam communi, tamque potenti arte, uel ad suam, uel ad alienam perniciem, quod interdum usu uenire solet, abutatur; de oratoris officio, quo nullum fortasse maius & difficilius in humanis artibus reperitur, mihi ex officio aliquid scribendum esse iudicauit. Pluribus itaque libris de re proposita ea docebo, quæ ad rectum eloquentiæ usum, & ad munera oratoria bene exercenda cognita sunt necessaria.

Dicam itaque primo de officio quedam uniuersæ; deinde quot & quæ sint oratoris officia; postea de officijs singulis: ac postremo quæ in oratore desiderentur partes, ut bene suo utatur officio explicabo.

Et quoniam obscure et imperfecte de re proposita ageretur, ni prius quid, & quotuplex sit officium explicaretur; ideo hac prima disputatione hæc duo potissimum a nobis exponenda sunt. Et ut quæ dicturi sumus melius intelligantur, quasdam dubitationes in medium asseremus, quæ quo eundem sit, nobis indicabunt.

Primum, hæc de officio oratoria tractatio, non ad Rhetorem, sed ad Philosophum qui de moribus agit, pertinere uidetur: quandoquidem officium ad honestas actiones refertur, de quibus nihil dicendi

magister præcipit.

Deinde, is de artium officio disputare debet, qui omnes artes tenet, qui omnium artium didicit discrimina, & quid cuique proprium sit intelligit; at hoc pertinet ad Peritum, hoc est ad eum qui omnium artium doctrina est imbutus: oratorij igitur officij explicatio non erit rhetorica.

Præterea, oratoris officium dicitur esse, Aptè dicere ad persuadendum; at hoc munus explicatur in ea Rhetoricæ parte in qua de eloquutione disseritur: igitur nihil aliud de officio oratorio tractandum restat; ac proinde frustra a nobis hæc suscipitur disputatio.

In huius primæ disputationis explicatione, cum in re minime dubia uersemur, nullæ occurrunt citandæ sententiæ: ad fundamenta itaque accedo, in quibus de officij nomine atque natura breuiter disputabo.

Primum fundamentum, cum officium in Latina lingua uarie usurpari soleat, ut qua ratione hoc uocabulum a nobis in præsentia sumatur intelligi queat, uarias eius significationes priore loco asseremus. Et ut ab eius notatione auspicemur, officium, ut aliqui scribunt, dictum est ab efficiendo, ut dicatur officium, quasi efficium, e, mutata in e, ob maiorem uocis suauitatem: officium enim id esse dicitur, quod quisque pro suæ personæ conditione debet efficere. Sunt tamen qui a uerbo officio, quod nocere significat, ductū fuisse uolunt, per Autiphrasin, quod minime officiat sed potius profit, ita ut præpositio, Ob, non contra,

Ambr. li.
I. offic.

Plin.

Cic. ad
Att. lib.
16.

sed circum significet, cum officio circa id uersetur, quod nobis faciendum est. Huius uocis hæ sunt magis usitatae significationes. Officium aliquando ponitur probeneficio; ut cum dicimus, certare officijs, pro mutuis officijs, exprobare officium: aliquando pro dignitate & magistratu; ut cum Plinius iunior dixit, distringor officio: aliquando pro obsequio & honore; ut cum dicitur, officiij causa aliquem adire: aliquando pro actione cum honestate & uirtute coniuncta, recteque rationi & naturæ consentanea, quo modo accepit Tullius in libris quos de officijs scripsit: denique officium dicitur id quod unaqueque ars siue persona pro susceptæ uitæ ratione efficit, aut efficere debet, quo modo Grammatico, Poetæ, Medico, & alijs artificibus suum tribuitur officium, & propria ex arte functio: & hoc pacto a nobis in hac tractatione sumetur, & sequenti fundamento definietur. Quod nos officium dicimus, Græci τὸ καθήκον uocant, ἀκατά, & εἶνα id est uenio, sic dictum, quasi conueniat: atqui Latina appellatio paullo plenior, neruosior, & expressior, quam græca esse uidetur.

Secundum fundamentum; ut adhuc multo melius quid nomine officiij intelligatur, & quid sit officium illud de quo querimus, doceamus, nonnullas officiij diuisiones, prout officium quandam designat functionem in medium afferemus. Officium igitur ut functionem alicui personæ conuenientem significat, duplex est: alterum, quod est cum uirtute coniunctum, quod cuique homini congruit, prout homo honeste

uiuen-

uiuendo ad beatam uitam tendit: ad quod officium præstandum omnes homines eodem modo sunt obligati; cum conueniat homini, ut homo est, nimirum ut est animal rationis particeps, & ad beatam uitam pergit: de quo officio, qui mores tractant, ij agunt Philosophi: alterum quod non est necessario cum uirtute coniunctum, quod conuenit homini ratione alicuius personæ, aut muneris suscepti, siue artis, quam profiteitur; quod qui exequitur, qui prestat suo dicitur fungi munere; ut cum Medicus idoneam parat potionem ad sanandum: quo modo discimus aliud nautæ, aliud militis, aliud agricolæ, aliud Principis, aliud subditi, siue deuoti, aliud uxoris, aliud mariti esse officium. Officium primo modo sumptum, hunc in modum non male diuideres: Officium, aliud pertinet ab beatam uitam, et ad hominis finem; quo pacto, eorum qui beatitudinem sunt adepti officium esse diceres, æuo perpetuo diuinum numen laudibus celebrare: aliud quod in actione uitæ positum est, de quo uaria traduntur præcepta, quibus uitæ usus formari, & ad felicitatem perueniri possit. Hor rursus duplex, alterum perfectum & absolutum, quod Greci κατ' ὅσον, quasi recte factum uocant: ducto uocabulo a uerbo κατορθώω, quod cum uirtute, uel aliquid excellenter facere significat. Cicero rectum, & recte factum traducit: si uerbum uerbo reddere uelles, quod secundum rectum, id est, secundum uirtutem factum est, diceres. Hoc officium uiris tribuitur perfectis, quod nostri rates ad consilia referrent: & a Stoicis in solo sapiente ponatur;

Cic. lib.
1. offic.
Ioan.
Visor.



batur; qui non solum efficit, sed etiam recte efficit: non solum reddit depositam, sed etiam recte reddit. Alterum medium & inchoatum, quod hominibus bonis tribuitur; & ad aliquem usum sumitur: cuius cur recte sit factum, probabilis redditur ratio. Hoc nostri, quod ad præceptorum observationem pertinet, uocarent, quamuis istę appellationes non sint omnino pares. At de his officijs Philosophi morales & Theologi accuratius disputent. Alterum iuxta uarios hominum status et artes diuide potest; de qua re nos nihil dicemus: cum hoc efficere ad Peritum pertineat, describemus tamen; ut quod sit oratoris officium melius doceri possit. Rursus officium duplex est: alterum uerum, quod alicui uirtuti, aut honestæ arti tribuitur, & utilitatem aliquam secum affert; alterum falsum & perniciosum, quod alicui uitio & deprauatę arti tribui solet, quo modo dicimus, officium assentatoris esse ad gratiam loqui, & officium mali mercatoris fucare merces. Atque hæc sunt, quę adnotasse volui; cætera in positionibus dicentur.

Prima positio, agere de officijs morum pertinet ad Philosophum moralem: de quibus nos nihil, cum, ut infra demonstrabitur, possit Orator recte suo officio fungi, etiamsi non sit bonis moribus ornatus.

Secunda positio, agere de personarum artiumque officijs ea distinguendo, et singulis suū attribuēdo pertinet ad Peritum. Is enim solus, cum sit omnium artium cognitione prædictus, officiorum distinctionem assigna-

assignare, & quod cuiusque artis sit officium docere potest.

Tertia positio, explicare priuatim quod sit cuius-
cunque facultatis officium, & quomodo præstandum
sit, ad eam artem spectat, quæ illud exequi debet. qua
re, docere, quo pacto Orator suo debeat munere fun-
gi, eius erit artis, quæ oratorem informat, nimirum
Rhetoricæ. Doctrina est manifesta: quoniam tota
ista explicatio pendet a fine, qui in tali arte conside-
ratur, ut infra planius dicitur.

Quarta positio, officium uniuersæ sumptum, hunc Prut.
in modum describi solet, officium est cuiusque perso-
næ secundum uitæ statum conueniens, ac debita a-
ctio: quo modo dicimus, officium Senatoris, Iudicis, Par.c.12.
consulis, Episcopi, & aliorum. Alij hoc modo descri-
bunt, officium est uniuscuiusque personæ actus con-
gruens secundum mores ciuitatis: uel simplicius cum Lib.i. de
Tullio dicas, officium est id, quod facere quis debet. inu.
In vnaquaque enim arte officium est id quod artifex
præstare, & ad finem consequendum efficere debet.
In arte dicendi, officium esse dicitur, Aptè dicere ad
persuadendum: quo fit, ut totum in actione & usu sit
positum: de quo planius sequenti disputatione age-
tur. Officium vero, ut ad mores refertur, hunc in mo- cæel.cal.
dum a quibusdam describitur, officium est actio in om- Grifol.
ni uita, cum uirtute & ratione coniuncta: quam de-
scriptionem in suis defensionibus in Ciceronem de
officijs refellit Grifolus, & in suis decisionibus Ma-
ioragius; qui hoc alio modo definit, officium est

8 De officio Oratoris.

actio in omni vita hominum, cuius probabilis ratio reddi potest.

In Brut. Quinta positio, id quod unaqueque ars prestare debet, Græci τὸ ἐπὶ προϋποκαταστάσει, uocant, latine, opus: quod uero interdum usus est Cicero, ut cum legitima et propria oratorum opera, pro officiis, & opus oratorum fieri, aut perfectum esse, dixit. At uero Romani, officium, opus, munus, functionem, & partes appellare solent.

Sexta positio, hæc de oratoris officio tractatio est maxime utilis & necessaria. Hanc positionem satis ex se claram, ex eo confirmare licet, quod de omnium fere artium atque personarum officio privata opuscula scripta sunt; ut de officio Aduocati, Legati, Medici, Episcopi, & aliorum. Et sane frustra omnem discerneretur ars, si qua ratione ad usum per eius officii cognitionem redigenda est, esset ignotum. Ut omittam, quod in hac tractatione ea explicabuntur, quæ maxime ad artem dicendi plene cognoscendam & tradendam pertinent; & præcipue quæ ad decorum seruandum sunt cognitu necessaria: ad quod demonstrandum hæc docta Horatii carmina faciunt.

Qui didicit patrie quid debeat, & quid amicis,
Quo sit amore parens, quo frater amandus, &
hospes,

Quid sit conscripti, quod iudicis officium, quæ
Partes in bellum missi ducis, ille profecto,
Reddere personæ scit conuenientia cuique.
Accurate, itaque de docendi, delectandi, mouendi
dique

lique ratione, quæ Oratoris officia esse, dicuntur, hoc
 sperare, fauente Deo, nobis agendum est. Et quoniam
 omnes alias Rhetoricæ partes integris libris expo-
 suimus, præter actionem & memoriæ, de his dua-
 bus hoc eodem opere agemus. At quæ hæc sunt, quæ
 in hac prima disputatione ponenda iudicavi: restat
 ut in contrarium allata soluamus argumenta.

Ad primum, Philosophus moralis agit de huma-
 no officio uniuersæ: Orator vero solum de suo: ille de
 officijs morum, hic de officio artis.

Ad secundum, cōcedo Peritum agere de omnium
 artium officio uniuersæ, ut eorum distinctionem pro
 artium diuersitate assignet: tamen priuata explica-
 tio officij cuiusque artis, ad priuatos pertinet arti-
 fices; cum quo artis præcepta referenda sint, & qui
 eorum sit usus, hi melius noscant.

Ad tertium, eo loco explicatur quidem genera-
 tim oratoris officium, dum docetur, quid sit apte dice-
 re: at vero ista aptitudo accuratius in singulorum of-
 ficiorum explanatione demonstranda est, quod hoc lo-
 co facturum sumus.

Quot & quæ sint Oratoris officia.

Disputatio. II.

Natura officij uniuersæ sumpti exposita, pro-
 prius ad nostrum institutum accedendo, an
 unum, an plura sint Oratoris officia examinandum
 est: quæ res non nihil difficultatis habet, ut sequen-

tes

tes demonstrabunt rationes.

Primum, unum tantum esse uidetur Oratoris officium, apte dicere ad persuadendum: quod non urzo in loco docet M. Tullius, quem ceteri sequuntur: quæ argumentatio sic confirmari potest: tota officij ratio sumitur a fine: atqui unus est Oratoris finis, igitur & officium unum.

Deinde, videntur esse tria, docere, mouere, & delectare, id quod uno ore omnes bene dicendi docent artifices.

D. Aug.
in Rhet.

Præterea, videntur esse plura, quam tria, quoniam multi sunt qui scribunt, quinque esse Oratoris officia, inuenire, disponere, eloqui, memoriæ mandare, ac pronuntiare: & Cicero in Bruto, requirit in Oratore digressiones, miserationes, conquestiones, & indignationes, igitur.

Postea, ea hic apparet difficultas, quod dicendi magistri non videntur sibi constare in rebus, in quibus oratoris officium positum esse tradunt: Nam a liquando in apte dicendo ponunt: aliquando in docendo, delectando, ac mouendo: aliquando in tractandis tribus causarum generibus: aliquando in videndo quid, quo loco, & quo modo dicendum sit: & denique alij alijs in rebus positum esse dicunt.

Ad hæc, omnes ferè Rhetores summum magistrum Ciceronem sequentes, dicunt, Apte dicere ad persuadendum esse Oratoris munus: atqui hoc videtur falsum: quia officij ratio a fine sumenda est: at vero persuadere est commune Rhetoricæ cum omni-

bus artibus: non erit igitur eius officium apte dicere ad persuadendum cum officium debeat esse quid proprium. Atque has rationes alijs missis, attulisse sufficiat.

Quod ad auctorum opiniones attinet, Fabius, & qui eum sequuntur scriptores, dum affirmant Oratoris finem esse bene dicere, siue, quod idem est, apte dicere ad persuadendum, inter finem & officium non distinguunt. Quod si pro Fabio diceret, officia Lib. 3. c. 5. esse docere, mouere, & delectare, seu inuenire, dispo- nere, eloqui, memorię mandare, & pronuntiare, hoc nihil est, quia hæc sunt officia singula; nos de uno, summo, hic speciatim loquimur. Alij vero, ut Quintilianus libro quinto in præmio refert, unum tantum ponebant officium quod est, docere. Alij, eodem referente, tres unius communis officij fecerunt partes, quę sunt, docere, delectare, & mouere. At communis Rhetorum sententia cum M. Tullio facit, qui oratoris officium ait esse, Aptè dicere ad persuadendum, vel quod idem est, Bene dicere, seu, Nihil eorum prætermittere, quę adiumentum aliquod afferre possint ad persuadendum: hoc tamen in alias partes distribuunt, ut postea docebo. Vt autem quę & quot sint oratoris munera plane exponam sequentia pono fundamenta.

Primum fundamentum, functiones in quacunque arte, ut præclare præter alios docuit Galenus, Ad Tra-
ex fine distinguendę sunt; cum ille præcedant, hic sib. c. 2. & 27.
uero sequatur: sine cuius notitia, quid sit officium re Para. ca. 12.
Et

De definiri & intelligi non potest: finis. n. est omnium
quæ in aliqua arte traduntur ratio. Quo fit, ut qui ista
duo non distinguunt, in utroque assignando facile er-

Lib. i. de
mu.

rent. Ideo M. Tullius de fine & officio Rhetoricæ a-
gendo, eleganter & docte utrunque distinxit, &
definiuit. Inter officium autem & finem, inquit ipse,
hoc interest, quod in officio quid fieri, in fine quid of-
ficio conveniat, consideratur: ut Medici finem dici-
mus esse, curare apposite ad sanandum; finem cura-
tione sanare; officium est id quod facere quisque de-
bet; finis id cuius causa facere debet: officium est ar-
tis opus, finis operis terminus; ad quem tamen non
semper artifex pervenit, præsertim si ars ex earum

Arist. li.
2. Phi.

sit numero, quæ in coniectura versantur. Nec pro-
pterea dicitur artifex non fuisse recte suo functus of-
ficio; cum ipsa etiam natura, qua nihil est certius,
non semper ad propositum sibi finem perveniat. Va-
leant igitur, qui dicunt oratoris finem non esse per-
suadere; ea de causa, quod non semper persuadeat:

Pontan.

& qui ut Fabium cum Cicerone concilient, duos fin-
gunt fines, intrinsecum & extrinsecum, hoc est, bene
dicere, & persuadere: uel ideo, persuadere, non esse
finem affirmant, quia alio refertur, ut ad reip. con-
servationem; cum id non in ipsa arte fiat. Nec. n. re-
cte diceret, frenum non esse finem eius artis quæ fre-
na facit, quamvis ad artem equestrem referatur.

Arist. 1.
eth.

Prut. li.
c. 8.

Neque etiam, quod alia multa persuadent, ut tabu-
le, pulchritudo, adulatio, & similia, & aliæ quoque
artes docendo persuasionem aliquam, gignunt, persua-

dere

dere, non erit oratoris proprium; cum non quocumque modo, sed dictione, hoc est optimis sententijs, ornatibusque uerbis persuasionem quandam popularem, non didascalicen, sed pisteuticen orator faciat: sed de his alibi fuisse diximus. Nunc pro certissimo habeamus, oratoris finem esse persuadere, ut inde quod sit eius officium perpendere liceat.

Secundum fundamentum, doctore Galenus, scribens ad Trasibulum, artium officia, partim in singulis earum functionibus, partim in generibus uniuersis posita esse docuit. Quam doctrinam exemplis ex ea arte quam tractabat sumptis, hunc in modum explicuit. Si de singulis functionibus loquamur, Medici officium est eluere uulnus, ad mouere cucurbitulas, ligare uulnera, & id genus alia efficere. Si uero de uniuersis, eiusdem officia sunt, medicamentis uti, uictus rationem prescribere, manu aliquid efficere, ad quod omnes functiones facile reuocares: & tandem, hoc uniuerso munere, Apposite curare ad sanandum continentur omnia: atque idem in alijs artibus dictum est. Quo fit, ut mirum uideri non debeat, si scriptores in assignandis artium officijs nunc plura, nunc pauciora, nunc hec, nunc illa assignant, ut infra in positionibus, de Rhetorica loquendo, planius demonstrabo.

Tertium fundamentum, in quo cur tria potissimum esse dicantur oratoris munera, de quibus disputaturi sumus, exponendum est. Cum ergo unum sit oratoris munus, si uniuerse loquamur, Aptè dicere

Acap. 22
ad 27.

Prut. li.
I. c. 6.

Arist. li.
1. Eth. c.
ult.

ad persuadendum; uidendum est, quibus instrumentis hunc finem consequatur, ex quo uniuersi officij partes colligende erunt; hæc autem sunt, fides, siue cognitio, delectatio, & motus: quandoquidem, dum docet, delectat, ac mouet, persuasionem gignit, aut saltem apte ad persuadendum dicit. Numerus autem instrumentorum quibus suo recte fungitur munere, finem ve consequitur, ex partibus animorum quos tractat, colligendus est. Sunt autem in hominum animis partes duæ, (missam facimus in presentia eam qua alimur & uiuimus) una rationis consilijque particeps; altera rationis expers, agrestis, immanis, communis hominibus cum bestiis, in qua sunt sensus omnes, motusque & perturbationes; illa tota consilio & ratione gubernatur; hæc sine ratione & consilio impetu quodam fertur. Hæc a Physiologicis in duas distribuitur partes; quarum altera concupiscens dicitur, quæ voluptate alitur, ac proinde ea quæ delectant expetit, et perquirat; altera irascens, in qua irarum uiget ardor, quæ impetu quodam id refugit, quod nocet, quod repugnat. Et quoniam Dialectici ea quæ dicunt non accommodant ad animos tractandos, sed solum ad rem ipsam docendam; ideo illa tantum ad persuadendum assumunt, quæ ad docendum, & ad eam partem quæ est rationis particeps capiendam sunt accommodata. At vero oratores, qui non solum quid in re sit ostendere, sed etiam quod sibi proponunt persuadere conantur; duobus ad persuadendum instrumentis utuntur: altero quo rationem doceant

ceant & capiant; altero quo partem agrestem, & rationis expertem impellant, & permoueant. Motuum autem ut infra planius dicetur, duo sunt genera: alij leniores, quos Græci ἡθῆρ, Cicero, Mores appellare solet; alij maiores & vehementiores, quos illi παθῆρ, nos perturbationes, concitationes, permotionesque nominamus. Illi motus appellantur Mores, qui consiciuntur significatione bonorum morum, ut liberalitatis, mansuetudinis, humanitatis, comitatis, aliarumque uirtutum generis eiusdem, ad animos auditorum leniter tractandos, & quasi alliciendos. Permotiones vero sunt, quibus hominum mentes grauius, ac vehementius concitantur, & quasi rapiuntur; ut irascantur, ut metuant, ut inuideant, alijsq; maioribus perturbationibus commoueantur. Nec omnino placet, quod aliqui dicunt, leniores motus admoueri ad animi partem concupiscentem, grauiiores uero ad irascentem: nanque amor ad partem qua concupiscimus pertinet, ut Philosophi sacrique D. Tho. Theologi docent, & tamen omnes dicendi Magistri amorem in concitationibus uehementioribus ponunt. Dicendum itaque est, utrumque motum ad utranque partem rationis expertem admoueri: sed alterum, ad eas leniter tractandas & alliciendas, alterum ad easdem impellendas & uehementius permouendas. De his duobus motuum generibus meminit Tullius cum dixit, Duo sunt quæ bene tractata ab oratore, admirabilem eloquentiam faciunt; quorum alterum est, quod Græci εὐθὺς, uocant, ad naturas, & ad mores,

mores, & ad omnem uite consuetudinem accommodatum: alterum, quod iidem παθητικὸν nominant, quo pertubantur animi et conciantur, in quo uno regnat oratio. De quibus etiam Fabius libro sexto, capite secundo, multa scribit, & nos latius infra, cum de mouendi officio agemus. Atque ex his colligere licet, cur tria dicantur esse oratoris munera, quia tria sunt quæ ad persuadendum ualent, docere, delectare, hoc est conciliare leniterque tractare, & permouere ac inflammare: quam doctrinam in ipsis positionibus plenius demonstrabo.

Matthe. Prima positio, oratoris finis est persuadere: Hæc po-
colatius sitionem alibi probatam, hoc loco, tamquam totius
dispu. de tractationis fundamentum, simpliciter proponimus.
hæc re. Errant itaque toto cælo, qui aliter sentiunt, & hunc
Pe. Sain. finem non artis, sed oratoris, vel extrinsecum & re-
motum esse dicunt.

Secunda positio, finis & officium in aliqua arte non sunt idem. Patet hæc positio ex ijs quæ adnotauimus, & ex Aristotelis, Ciceronis, aliorumque communi doctrina. Quare non placent illi, qui affirmant in Rhetorica officium oratoris in actione ipsa consistere, finem uero ipsius actionis, & non in illa: quod non minus obscure, quam inepte dicitur: in qua doctrina confutanda, nihil est cur immorari debeam, cum sit expresse falsa.

Fab. li. 2. Tertia positio, uniuersum oratorijs officium, est
e. 17. apte dicere ad persuadendum: addunt aliqui, de qua-
uis re proposita. Ita Cicero in priore de inuentione
libro

libro decernit; quo cum ceteri meliores scriptores faciunt. Hoc idem docere videtur Aristoteles, cum de rhetorica loquendo ait, uodque opus eius non est persuadere, sed posse quæ in singulis credibilia sunt perspicere, veluti etiam in ceteris artibus vniuersis. Nec enim medicina est sanitatem inducere, sed quoadusque possibile sit, ad hoc usque perducere: cum possibile sit eos qui nullo possunt pacto sanari, bene tamen curare.

Quarta posuio, officij oratorij tres sunt præcipue partes, docere, delectare, mouere. Mæa, inquit Antonius, totius orationis tres sunt rationes, vna conciliandorum hominum, altera docendorum, tertia concitandorum. Harum trium partium prima lenitatem orationis, secunda acumen, tertia uim desiderat. Nam hoc necesse est, ut is qui nobis causam adiucaturus sit, aut inclinatione voluntatis propendat in nos, aut defensionis argumentis adducatur, aut animi permotione cogatur. Et Tullius in Bruto, Tria sunt enim ut quidem ego sentio, quæ sunt efficienda dicendo, ut doceatur is apud quem dicetur, ut delectetur, ut moueatur vehementius. Et alio loco, Optimus est enim orator, qui dicendo animos audientium, & docet, & delectat, & permouet. Docere debitum est, delectare honorarium, permouere necessarium. Cuius doctrine omnes posteriores subscripserunt, eamque confirmarunt. Et Fabius, Tria sent, inquit, quæ præstare debet orator, ut doceat, ut moueat, ut delectet.

Li. i. c. i.

Lib. 2.
Orat.De opt.
gen. ora.

Li. 3. c. 3

Quinta positio, docere, mouere, ac delectare in di-
 cendi ratione sunt munera inter se distincta. Nam
 docemus narratione & argumento, mouemus affe-
 ctu & perturbatione, conciliamus dignitate homi-
 nis, rebus gestis, & vite existimatione. Ad docen-
 dum faciunt sententiæ acutæ, ad delectandum argu-
 tæ, ad commouendum graues. Docendi ratio qua-
 rit acumen, id est acutam quandam inuentionis sub-
 tilitatem: concitatio, uim impetumque affectuum
 petit: conciliatione inclinatur voluntas & propen-
 dit in nos. Docendi ratione instruuntur argumenta
 ad causæ defensionem: concitatione animi permo-
 uentur: conciliatione fit in nos propensior is qui co-
 gnoscit: argumentatione adducitur, animi permotio
 ne cogitur. Addocendum assumitur dicendi genus
 subtile, ad delectandum modicum, ad flectendum
 vehemens.

Sexta positio, præter iam dicta oratoris munera
 alia assignare licet, iuxta alias functiones, quibus
 orator fungitur: unde multa alia possunt notari mu-
 nera, & maxime illa quinque a partibus, & alia ex
 tribus generibus causarum sumpta. Quare dicere
 possumus, quinque esse oratoris officia, Inuenire, di-
 sponere, eloqui, memoriæ mandare, ac pronuntia-
 re: & pro causarum varietate, laudare, & uitupe-
 rare, suadere & dissuadere, accusare, ac defendere.

Septima positio, si loquamur de Rhetoris officio
 in docendo, hoc est quonam modo qui hanc artem do-
 cet, eam docere debeat, aliter de eo loquendum erit;

de quo postea nonnihil dicemus. Verum, hoc officium commune est ei cum alijs artificibus, qui in docendo versantur, si uniuerse loquamur; habet tamen aliquid propriū, ut suo dicetur loco: sicuti etiam de officio oratoris in causis suscipiendis atque tractandis.

Atque has positiones attulisse sufficiat: ex quarum doctrina, ut etiam ex ijsquæ adnotauimus, quatuor priora solueres argumenta.

Quod autem in ultimo de persuasionem dicitur, persuasio Rhetorica, ut alibi docuimus, longe ab aliarum artium persuasionem distat: quare certa quadam ratione persuadere, hoc est rationibus communibus, & ui orationis ad aliquid faciendum animorum translatione inducere, proprium est oratoris.

An docere sit oratoris officium, & ubi, & quando docere debeat. Disp. 3.

Quamuis ex ijs quæ proxima disputatione diximus manifestum sit, docere, in muneribus oratorijs ponendum esse: tamen, ut huius officij uim de eo priuatim agendo accuratius explicemus, rem certam in dubium reuocare placet: quod igitur docere non sit oratorium munus, hoc pacto demonstrares.

Primum, quod est commune multis artibus, non est alicui proprium: quod alicui rei non propriæ conuenit, ad eius munus non pertinet, cum propria munera artes constituant diuersas, & ad artes diuersas

pertineant; atque pro varietate finium, qui sunt in singulis artibus diuersi, diuersa assignantur officia: at docere commune est Rhetoricæ cum Dialecticæ, immo hoc totum Dialecticæ esse uidetur: igitur.

Deinde, orator, siquid docet, id facit narrando & proponendo: at qui in multis causis, & in quibusdam causarum generibus nulla est narratio, & propositio; igitur docere non erit munus oratori necessarium: & ita falsum erit, quod Tullius scripsit, Docere esse necessitatis.

Præterea, is qui docet habet pro fine cognitionem: at orator, cum sit artifex practicus, siue actiue, non habet pro fine solam rei notitiam: quare docere non erit propria oratoris functio.

Postea, Rhetorica est facultas, quæ, ut Plato & eius discipulus Aristoteles scriptum reliquere, in utranque partem disputare docet: igitur oratoris munus non erit docere: cum is doceat, qui unam tantum questionis partem confirmat.

Postremo, eius artificis est docere, qui uersatur in ratione, & rationum momenta perpendit, fontesque argumentorum indicat: quæ omnia efficit Dialecticus, non autem orator, cuius est solam orationis ornamenta sectari, sermonemque perpolire, & ut uniuerse dicam, Eloqui, unde suum nomen accepit: igitur.

Cic.in o-
rat.

Rodol.
Agric.li.
2.

In hac difficultate, quidam existimarunt, docere non esse proprium oratoris munus: & siquid docet, tanquam Dialecticus docet. Alij uero ita putant
hoc

hoc munus ad oratorem pertinere, ut hoc unum ei tribuant: alia uero duo, accessiones uocant: ita antiquorum morosus censor Agricola. Denique, alij hoc munus tanquam proprium oratori tribuunt, nec alijs duobus eum priuant: quorum sententia, tanquam uera, & communis retinenda est. Ad huius quæstionis explicationem nonnulla hoc loco adnotare possem; sed ne in re manifesta magis quam necesse est immorer, ad positiones accedam; in quibus, quæ ad rem proxime faciunt, paucis exponam.

Ant.
Pin.

Prima positio, ad oratorem ex officio pertinet docere. Hoc affirmauerim contra primam opinionem: quæ falsam esse, cum patet ex dictis, tum etiam hac firmissima ratione demonstratur. Ad oratorem, ut talis artifex est, pertinet persuadere, et certa quadam ratione persuadere: at hoc nunquam efficiet, (quod prudens negaret nemo) nisi dicendo doceat: igitur, ut suum consequatur finem, unde omnium munerum & officiorum perpenditur ratio, docere debebit. Huc pertinet dictum illud, Docere est necessitatis.

Secunda positio, quamuis docere sit oratoris munus; tamen non est ei ita proprium, ut etiam alijs artificibus, ut historico, poetæ, & Dialectico non conueniat. Sunt enim aliqua, quæ ita alicuius artis, naturæque dicuntur propria, ut alijs etiam conueniant: quo pacto dicimus, hominis proprium est, esse bipedem; quod, etsi omni homini conueniat, tamen non soli: cū alia inueniantur animalia, quæ duobus utuntur pedibus. Cæterum, non est eadem prorsus docendi ra-

tio, qua orator utitur, cum ea qua alij artifices utuntur; ut ex ijs quę adscribemus planum fiet.

Tertia positio, orator uarijs modis hoc munere fungitur: hoc est, non una & eadem, sed diuersis rationibus docet. Docet itaque proponendo, proposita narrando, & dum narrat, argumentorum semina spargendo: partiendo, ac diuidendo: rem propositam rationibus confirmando, & contrariam sententiam refellendo: ea quę proposuit in memoriam reuocando, dicta colligendo: & denique quę dicit amplificando, & ad animos permouendos accommodando.

Ex quibus colligere licet, nonnihil discriminis esse inter rationem docendi oratoris & aliorum artificum. Nam demonstrator, siue Philosophus, ut
 Arif. li. 1. Philosophus, solam uera & necessaria docet; dum
 prio. c. 1. proposita quęstionis unam tantum partem, ueram
 lib. 1. post c. 2. nimirum, argumentis necessarijs probandam sumit. Dialecticus probabiliter utranque partem docere conatur, sed ad rei naturam, qua de agitur, non ad auditorum sensus accommodate. Historicus solum docet res gestas simpliciter narrando & exponendo: Poeta etiam argumentis, siue exemplis fictis ad docendum utitur. At uero orator, rationibus potissimum persuasibilibus, non modo ad intelligentiam, sed etiā ad affectus auditorum accommodatis, & pro rerum, locorumque opportunitate, cum omnes quęstiones subiectas habeat, & necessarijs, & probabilibus argumentis, certam notitiam, opinionemque facere conatur.

conatur. Quo fit, ut ad hoc suum munus explendum non solum persuasibilia, & uerisimilia, sed etiam uera cognoscere debeat.

Quarta positio, orator in omnibus orationis partibus docere debet, diuersa tamen ratione. In exordio docet, dum auditorem docilem reddit, ea ratione, quam alibi explicuimus. In narratione rem uerisimilem ac probabilem reddendo: ut libro de dispositione oratoria plane docui. In propositione diuidendo, & partiendo, ut eodem loco demonstraui. In contentione, uera, probabilia, & uerisimilia asserendo argumenta; & quæ contra afferuntur extenuando, ac refellendo. Denique, in per oratione, quæ dicta fuere in memoriam reuocando, & amplificando.

Lib. de
Disposit.
orat.

Quinta positio, hoc docendi munus in omni genere orationis, & in omni causa adhibendum est: magis tamen in una, quam in alia. Quod in omnibus adhiberi debeat, planum est; cum sit officium sua natura necessarium, non autem obsoletum auditorum prauitatem. Quod autem magis in una, quam in alia causa eo utendum sit, ex eo patet, quod una est magis comparata ad docendum, quam alia, ut quæstio cognitionis causa instituta, quæstio definitionis, & denique illa, in qua queritur, an res facta sit.

Sexta positio, instrumentum quo orator ad docendum utitur, est oratio; non quæuis, sed oratio ornata & ad popularem sensum accommodata. Est autem oratio triplex: una qua exponimus, nullis adhibitis probationibus, qua utimur in exordio & narratio-

ne: altera, qua ratiocinando aliquid docemus, ratio-
num mementis adhibitis, quæ in confirmatione po-
tissimum usurpatur: tertia, qua quæ probata sunt am-
plificamus, & aplificando confirmamus; cum ampli-
ficatio nihil aliud sit, quam quædam grauis probatio,
cuius priuatus in peroratione est usus. Quales au-
tem huiusmodi orationes esse debeant, alibi docui-
mus. Sed de hac disputatione satis: nam quæ de hoc
officio docenda restant, mox docebo; si prius in con-
trarium allata argumenta dissoluero.

Ad primum, hoc argumentum facile soluitur ex
allata doctrina. Dicimus itaque primum, nonnullæ
dici propria quæ cum alijs sunt communia: quæ ideo
dicuntur propria, quod in omni speciei indiuiduo re-
periantur; & huiusmodi est docere in arte dicendi.

Deinde, dicimus oratorem longe diuersa ratione do-
cere, quam alij artifices faciant, ac proinde quoddam
docendi genus esse ei proprium. Docent Dialectici lo-
quendo, sed non dicendo; non ijsdem locis, non eadem
locorum tractatione: & idem de alijs dicas, quorum
est aliquo pacto docere.

Ad secundum, huius argumenti expedita est so-
lutio: falsum. n. assumit, oratorem solum proponen-
do & narrando docere; ut ex ijs quæ diximus est
manifestum.

Ad tertium, non solum docemus, ut aliquid co-
gnoscatur, sed etiam ut id quod cognitum fuerit fiat,
ut in tota morum philosophia patet: quæ ut Aristoteli-
teles, non semel dixit, ideo discitur, ut quæ cognoscun-
tur

tur ad opus traducantur.

Ad quartum, in rebus probabilibus & obscuris, tunc veritas melius cognoscitur, cum quid in utraque partem dici possit, intelligitur. Et licet orator idoneus sit ad dissidendum in partem utranque: tamen id, ni apte doceat, efficere minime potest.

Ad ultimum, hoc argumentum assumit falsum, ac proinde non bene concludit. Est itaque Rhetoris siue oratoris argumentorum momenta perpendere, & quæ apta & accommodata sunt ad fidem faciendam excogitare: ac etiam certa quadam ratione quæ ad docendum valent, ut alibi docuimus, disponere.

Quo pacto Orator docere debeat, siue de recta docendi ratione. Disp. 4.

VT hoc primo & omnium maxime necessario officio, recte fungi possit orator: præter ea, quæ proxima disputatione docuimus, quedam adiicimus alia, aliis quidem in locis sparsa, nunc autem, in unum colligenda. Cum ergo instrumentum quo orator ad docendum utitur, sit oratio, non quæcumque, sed ea quæ ex optimis sententiis lectis quæ verbis conficitur, ideo hac disputatione, quæ verba, quæ sententiæ, & quæ sententiarum formæ ad apte docendum ualeant, priuatim aperiemus. Et quoniam versamur in re minime dubia, ideo quæ occurrunt dicenda, quibusdā positionibus breuiter perstringemus.

Prima

Prima positio, omnis recta docendi ratio spectanda est, partim in uerbis, partim in sententijs, partim in tota oratione, & denique partim in ipsa tractatione Ratio huius doctrinæ est in promptu: quia instrumentum, quo docemus est oratio, ut supra docuimus: at in oratione omnia iam dicta considerari possunt: igitur.

Secunda positio, ad recte planeque docendum, uerba adhibenda sunt propria, quotidiana, aut etiam translata, cum ad melius & magis significandum facta est translatio. De proprijs res est manifesta; quia uerba propria sunt ueluti rerum notæ quas proxime significant; quo fit, ut sermo proprius maximam lucem orationi afferat. Hinc est, ut qui intelligi nolunt, improprijs, & allegoricis utantur uerbis: ut olim omnes fere Philosophorum scholæ faciebant. Merito itaque illi scriptores laudantur, qui, ut plane perspicueque doceant, uerbis utuntur proprijs. De quotidianis nihil attinet dicere; quia cum orator apud populum uerba faciat, nunquam poterit apte docere, si recondita usurpabit uerba. Verissimum est. n. quod aliquando docuit M. Tullius, in dicendo uitium uel maximum esse a uulgari genere orationis, atque a consuetudine communis sensus abhorrere. De translatis ad docendum & illustrandum accomodatis, quid est quod aliquid dicamus, cum in hunc finem sint facta, ut clarius doceant? Merito itaque ab omnibus reprehenduntur illi, qui proprijs & usitatis uerbis relictis, recondita & impropria usurpant, ut

aliquid sapere uideantur, cum ita locuntur, ut ab alijs non intelligantur: si tamen illi sapiunt, qui quor sum inuentus sit sermo ignorant, aut obscure loquendo se ignorare plane demonstrant. Cum, ut docte Augustinus ait, Nulla sit loquendi causa, si quod loquimur, non intelligunt propter quos ut intelligant loquimur.

Lib. 4.
doctr. c.
10.

Tertia positio, ad apte docendum ea sunt adhibenda sententiarum lumina, quæ uim exponendi & ob oculos ponendi habent. Huiusmodi sunt usitæ & personis accommodatæ similitudines, imagines, comparationes, distributiones, demonstrationes, expositiones, & huius generis aliæ figuræ. Qui itaque uult plane docere, hisce ueluti stellis, suam illuminet orationem.

Quarta positio, qui uult apte dicere ad docendum, sententias assumat ad auditorum sensus accommodatas, populares nimirum, in communi hominum sensu positas, faciles, & eas quæ nihil obscuritatis habent. Quid enim ab eius officio qui docere debet potest esse magis alienum, quam id ad dicendum sumere, quod ab eo qui audit intelligi non queat? Id qui facit, non secus mihi facere uidetur, ac is, qui ad ouium gregem, aut ad lapides orationem uellet habere. Et, si, ut sapiens ait, Vbi non est auditus non est fundendus sermo; cur fundetur ibi, ubi nulla est audientis intelligentia? Quid delectationis capiet, qui rei quam audit nullum percipit gustum? & quo modo ab ea re poterit permoneri, quæ in eius

Ecci. 32.

intelligentiam non ingreditur? An uero hac in parte a multis, qui apud plebem dicunt, imprudentis sine peccetur, quis non videt? Quam rem, cum interdum mecum ipse cogito, ita obstupesco, ut admiratione defixus heream: praesertim, cum eorum inscientiam & imprudentiam animadverto, qui tunc se in dicendo laudem adipisci posse, & se adeptos esse arbitrantur, cum de rebus a communi sensu intelligentiaque remotis, & obscuris, contra omnia artis bene dicendi praecepta, omniumque bonorum oratorum consuetudinem dixerint. O Stultitiam admirandam: Ignorant isti, quod summus orator dixit, omnem orationem ad eos qui audiunt debere esse accommodatam, & inter doctos & indoctos ponendum esse discrimen. Ignorant isti primam orationis uirtutem esse perspicuitatem, claritatemque. Huc pertinet, quod oratorem perfectum instituendo, perfectus orator de Thucydideo dicendi genere agendo dixit, Ipse illae conciones ita multis habent obscuras abditasque sententias, uix ut intelligantur; quod est in oratione civili vitium vel maximum. Et ut cum Augusto hunc locum concludam, Qui ergo dicit, cum docere vult, quandiu non intelligitur, non dum existimet dixisse, quod vult, ei quem vult docere. Quia, etsi dixit, quod ipse intelligit, non dum illi dixisse putandus est, a quo intellectus non est. Si vero intellectus est, quocumque modo dixerit, dixit. Quare, qui in hoc primo munere obscura, vel clara obscure dicendo errabit, is nullo boni oratoris officio poterit per-

Cir. in
Part.

In orat.

Lib. 4. de
doct. chr.
c. 12.

perfungi; ac proinde, frustra laborabit, & dignus erit, qui ab omnibus irrideatur, & cum ad dicendum uenerit, deseratur.

Quinta positio, ad apte docendum ea assumenda, est orationis forma, eaque exprimenda est idea, quae perspicuitas & claritas nominatur: qua forma prima, & praecipua, & in omni genere, & in tota oratione necessaria exprimitur orationis uirtus. Quae autem ratione haec idea conficienda sit, libro tertio de Eloquutione plane docuimus: is igitur consulatur locus ab eo qui in hoc oratorio munere optime se gere re uoluerit.

Lib. 3. de
eloquut.
orat.

Sexta positio, ad apte planeque docendum, perio-
dis breuioribus utendum est, & recta potius docendi
methodo, quam circumducta & longa, formisque ar-
gumentandi breuioribus, ut sunt enthymemata, epi-
cheremata, & breuiter comprehensa dilemmata.
Huius doctrina ea assignatur ratio, quia orator, ut
plurimum, apud eos dicit, qui longum orationis sen-
sum, & argumentorum uim multis uerbis explica-
tam comprehendere non queunt. Propterea pru-
denter Aristoteles admonebat, propter auditorum
simplicitatem, prolixitatem uitandam esse.

Li. 1. he.
c. 2.

Septima positio, ei qui apte ad docendum sit di-
cturus, cauendum est, ne dum aliquid planius docere
studet, id pluribus uerbis exponat, aut inculcet, quod
alias per se est satis manifestum. Quoniam saepe con-
tingere potest, ut magis obscuretur, aut certe audito-
ribus fastidiosa reddatur oratio. Sicut enim, ut in-
quit

quit *Augustinus*, gratus est qui cognoscenda enubilat, sic onerosus est, qui cognita inculcat; eis duntaxat, quorum tota expectatio in dissoluenda eorum quæ panduntur difficultate pendeat.

Octava positio, ad apte planeque docendum licet de sermonis ornatu minus esse sollicitum. Hanc doctrinam his disertis verbis tradidit *Augustinus*, si tenet auditorem, uel colloquutorem discendi cupiditas, nec capacitas desit, quæ quoquo modo intimata possit accipere, non curante illo qui docet, quanta eloquentia doceat, sed quanta euidencia. Cuius euidentiæ diligens appetitus, aliquando negligit uerba cultiora, nec curat quid bene sonet, sed quid bene indicet, atque intimet, quod ostendere intendit. Unde, ait quidam, cum de tali genere loquutionis ageret, esse in ea quandam diligentem negligentiam. Hæc tamen sic detrahit ornatum, ut sordes non contrahat. Et paullo infra, Quid enim prodest loquutionis integritas, quam non sequitur intellectus audientis? cum loquendi omnino nulla sit causa, si quod loquimur, non intelligunt, propter quos, ut intelligant, loquimur. Qui ergo docet, uitabit omnia uerba quæ non docet. Hæc *Augustinus*.

Nona positio, tunc apte ad docendum dicitur, cū res subiecta exponitur: cum expositioni additur ratio, cui subiicitur approbatio, approbationi redditio, cum sua ratione, ac denique cum adhibetur conclusio. Exemplum huius formæ docendi potest esse initium libri primi *rhetoricæ ad Herennium*, ut quidā adnota-

adnotarunt. Cæterum, non est necesse, vt omnes al-
late partes in ea sententia, vel oratione quam tra-
ctamus semper reperiantur: sed una uel alia præter-
mitti potest, prout res ipsa locusve postulabit. Et hæc
sunt quæ in hac disputatione dicere habui.

An docere sit præcipuum Oratoris officium.

Disput. 5.

ILLUD est nobis in hac disputatione propositum,
ut quodnam sit e tribus officijs oratorijs præstan-
tius aperiamus: cum huius dubitationis tractan-
dæ non uno in loco Cicero nobis occasionem dederit. Lib. 2. or.

Quod autem docere non sit præcipuum oratoris
munus ex eo probares, quod Antonius de his tribus
muneribus loquendo, primum locum conciliationi
animorum, hoc est delectationi dedit; hoc igitur
præcipuum.

Deinde, probó delectandi munus esse præstantius
ob eam causam, quod delectationem parit, quæ est
omnium humanarum actionum postrema perfectio:
ut, non sine ratione in ea nonnulli ultimam felicità-
tem positam esse existimauerint.

Postea, probó præstantius esse mouere, ea natione
quia in huius muneris functione sita est totius ora-
tionis victoria: quam qui dicendo obtinet, is demum
suo officio satis omni ex parte fecisse dicitur.

Præterea, probó præstantius esse docere, quoniam
illud munus est præstantius, quod sua natura, artifici
exhi-

exhibendum est: atqui huiusmodi est docere, sine quo alia munera existere nequeunt, hoc uero sine illis maxime; cum animorum conciliationes, & concitationes ob auditorum prauitatem adhibeantur: docilitas igitur erit præstantior.

In orat.
de perf.
orat.

Postremo illud dubitationem facit, quod cicero de his tribus officiis uarijs in locis loquendo, uaria eis attributa assignauit; Nam aliquando dixit, docere esse necessitatis, delectare suauitatis, & flectere uictoriæ: alibi uero, docere esse debitum, delectare bonorarium, permouere necessarium.

Quamuis hæc disputatio aliquibus nimis curiosa uideri posset: tamen, si quis eam diligenter consideret, non esse inutilem facile intelliget. Nam, qui quodnā oratoris munus sit dignius intellexerit, is in eo maiorem diligentiam sibi ponendam esse statuet, ponetque.

Quod autem ad scriptorum opiniones attinet, Agricola, qui duo posteriora munera accessiones uocauit, proculdubio priori primum locum tribueret. Qui uero totam eloquentiæ uim in eloquendo ponunt, & illi qui olim uocabantur Sophistæ, præcipuum munus delectationem, lenemque animorum tractationem, aut etiam eorundem permotionem facerent.

Ad huius difficultatis explicationem, unum, vel alterum breuiter adnotabo, cum nolim subtilius & accuratius, quam faciam, eam examinare; sed potius alijs ad id faciendum occasionem præbere. Illud igitur

igitur primum adnotauerim, hæc tria officia dupliciter comparari posse; uno modo simpliciter, ea inter se conferendo; altero modo ad causæ genus, uel ad auditores accommodando: quæ ratione magis unum, quam aliud in una causâ adhibendum erit.

Notandum deinde est, in omni comparatione, ut alibi docuimus, uaria posse spectari attributa, ut necessitatem, utilitatem, dignitatem, difficultatem, & id genus alia: pro quorum diuersa ratione, quæ comparantur, preferri, aut postponi possunt: & quidem, aut simpliciter, aut ex parte.

Lib. 4. de
Inuen.

Notandum præterea est, nos hoc loco supponere omnia ista tria munera, aliqua parte, in omni oratione, uniuerse loquendo, adhibenda esse: quo posito, quæri potest, quodnam sit magis necessarium, magis utile, magisque oratori proprium.

Postremo notandum est, docendi munus potissimum a narrationis & probationis forma pendere; delectandi uero a quodam dicendi genere compto, elegantiori, & ad uoluptatem auditorum accommodato: mouendi denique ab ipsâ amplificandi, & agendi forma, & a quodam orationis genere lacertoso, atque inflammato, spiritusque pleno. His ita notatis, has subijcio positiones.

Prima positio, si hæc tria munera comparentur ratione necessitatis, quæ sumitur ex fine, qui est persuadere, magis necessarium est docere, quam mouere & delectare, & magis mouere, quam delectare. Quod docere ratione necessitatis primū obtineat lo-

li. 3. de. cum, patet primum auctoritate Aristotelis, qui scri-
 c. 3. ptum reliquit, Par esse rationibus ipsis certare, &
 non orationis ornamentis, animorumque inflexione;
 In orat. quæ tamen duo ob auditorum prauitatem necessaria
 dicuntur: per se igitur satis esset sola rei expositio, &
 D. orat. probatio; quæ duo ad munus docendi pertinent. Hoc
 pect. idem voluit Cicero, cum dixit, docere esse necessita-
 li. b. 4. de tis, & debitum, hoc est, sua natura, requisitum, tam-
 duct. quam per se necessarium officium. Hanc eandem do-
 ctrinam hisce præclaris uerbis exposuit Augustinus.
 Dixit ergo quidam eloquens, & verum dixit, ita di-
 cere debere eloquentem, ut doceat, ut delectet, ut fle-
 at: deinde addidit, Docere necessitatis est, delecta-
 re suauitatis, flectere uictoriæ. Horum trium quod
 primo loco positum est, hoc est docendi necessitas in
 rebus est constituta, quas dicimus, & reliqua duo in
 modo quo dicimus docendo. Ex quibus uerbis primo
 colligeres, in quo primum munus a posterioribus dis-
 ferat: deinde, reliqua duo munera per se nihil sine
 primo efficere, at primum interdum per se aliquid
 efficit tunc nimirum, cum apud eos dicimus, qui sola
 essent rei demonstratione contenti: postremo, primum
 munus in rebus ipsis potissimum cerni, alia uero duo
 præcipue in uerbis modoq; dicendi, ut ex Augusti-
 no adnotauimus: at maiorem uim ad persuadendum
 habent res suauit atq; natura, quàm uerba, & loquen-
 di modus: igitur.

Quod autem concitatio sit magis necessaria, quàm
 delectatio, ex eo patet: quia delectatio non confert

proxime ad persuadendum, sed solum ad auditorem detinendum, & conciliandum: at uero concitatio auditorum quocunque vult impellit, & unde vult reuocat. Nunc facit quod Tullius de hoc tertio officio dixit, Mouere esse uictoriae, atque necessarium. Si itaque horum trium munerum necessitas, sua natura, spectetur, hoc pacto collocanda erunt, Docere, mouere delectare.

Secunda positio, ex hypothesis, hoc est auditorum supposita prauitate, quam orator cum ad populum & rudem multitudinem, & ad homines parum bene affectos dicat, supponit, magis necessarium est animos permouere, quam docere, praesertim in causis, hoc est in questionibus finitis. Hoc mihi affirmasse uidetur Tullius cum dixit, Flectere esse uictoriae & necessarium. Nam id unum, ut idem ait, ex omnibus ad obtinendas causas potest plurimum: in quo uno omnis est oratoris uis. Et alio loco, cum duae summae sint in oratore laudes, una subtiliter disputandi ad docendum, altera grauius agendi ad animos audientium permouendos, multoque plus proficiatis qui inflammat in-

In Brut.

Streb.

dicem, quam ille qui docet, & quae apud ipsum sequuntur. Commotio itaque est potissima oratoris functio, quae non solum auditorem adducere, sed & trahere potest: unde illam egregiam appellationem oratio sortita est, quod flexanima dicatur, & orator hominum Deus ac moderator.

Tertia positio, si ista munera comparentur ratione difficultatis, difficilius est permouere, quam docere

& delectare, & docere, quam delectare. Doctrina est manifesta; quoniam paucos oratores uidemus, qui in promouendo valeant, & multo plura, tum ex parte animi, tum ex parte corporis requiruntur bona, uel a natura concessa, uel studio acquisita ad permouendum, quam ad docendum & delectandum, ut quisque ex se, facile animauerteret, quamuis docendi doctrina, ut Antonius ait, plura præcepta requirat.

Quarta positio, permouere est quodammodo magis proprium oratoris, quam docere, & delectare. Docent Philosophi, & licet interdum loquantur; tamen eorum oratio, nec nervos, nec oratorios, & forenses aculeos habet. Loquuntur cum doctis, quorum sedare animos malunt, quam incitare: & de rebus pacatis minimeque turbulentis, docendi non capiendi causa loquuntur: ut in eo ipso quod delectationem aliquam dicendo aucupentur, plus nonnullis, quam opus sit, facere uideantur, ut ait Cicero. Delectant etiam Poetæ, & ita dicunt, ut unam potissimum uoluptatem propositam habeant: at uero orator ideo delectat, ut detineat, leniat, & tandem capiat. Propter eos, inquit Augustinus, quibus fastidientibus non placet ueritas, si alio quocunque modo, nisi eo modo dicatur, ut placeat sermo dicentis, datus est in eloquentia non paruus etiam delectationi locus. Quæ tamen addita non sufficit duris, quos nec intellexisse, nec docentis elatione delectatos esse profuerit.

Quinta positio, delectandi munus in eo alia muna

Cic. in or-
rat,

Lib. 4. de
do. Chr.
ca. 13.

nera antecellere uidetur, quod quendam leporem, gratiam, dignitatemque secum afferat: dum quodam dicendi genere liberali, ingenuo, & morato hominū animos is qui dicit sibi conciliat, urbanitate, atque iucunditate perfundit, & attentos ac suspensos tenet: ut tenebat ille, qui de se loquendo, uere aiebat, Iob 29.
Expectabant me sicuti pluuiam, & os suum aperiebant quasi ad imbrem serotinum. Dicere itaque cū M. Tullio liceat, Delectare esse honorarium, hoc est honorem quendam dignitatemq; afferre, ac etiam in eo qui dicit exposcere.

Sexta positio, pro causarum personarumque ratione unum ex his officiis magis necessarium erit, quam alterum. In causa cognitionis magis docendū est: in causa actionis magis mouendum: & si dictio comparata esset ad gratiam voluptatēque aucupandam, magis delectandum erit. Similiter in genere demonstratiuo, uniuerse loquendo, plurimum delectationi & leni commotioni seruitur: in deliberatiuo probationi, & in iudiciali permotioni. Atque idem dicas de alijs causarum generibus; ut de honesto, de turpi, de dubio, & de reliquis.

Septima positio, si natura ordinem spectemus, hæc munera hoc ordine collocanda esse uidentur; ut prius delectando nobis auditorem animos conciliemus, postea doceamus, & tandem concitemus ac permoueamus. Illa etiam acceperam, inquit Crassus, Li. 1. ora.
antequam de re diceremus, initio conciliandos esse eorum animos, qui audirent, deinde rem demonstrem,

dam, demonstrationem autem sequi debet motus, qui potissimum in fine orationis adhibetur. Ceterum, hic ordo non est perpetuus, & hæc munera sunt in tota oratione permista; licet unum magis, quam alterum in aliqua orationis parte extare debeat. Quando autem Tullius & alij ita collocant, ut delectare ponant in medio, id spectant, ut duo magis necessaria munera in extremis partibus constituent, & minus necessarium & aliorum causa assumptum ponant in medio. Docet itaque orator dum proponit, narratue, & proposita probat, & ne inutiliter doceat, docendo delectat, & urbanitate suauitateque detinet, ut tandem flectendo uictoriam referat, id enim unum ad obtinendas causas plurimum ualeat. Neque enim populus, neque semidocti homines argumentis tam mouentur, quam concitatis affectibus. Alia itaque ratio est scholarum, alia causarum ciuiliu, ut senatus, ut fori, ut concionis.

Octaua positio, tribus officijs oratoriis aptanda sunt tria dicendi genera: subtile ad probandum, quoniam diligens expositio rerum, & argumentatio, sepe captat etiam minuta & subtilia, nequid utile causæ relinquat, ne ue grauius tractando minus intelligatur. Modicum, id est temperatum ad delectandum, ut cum laudes optimi cuiusque narramus, aut in communibus locis fusa lateque spatiamur. Vehemens & graue ad flectendum, ut in amplificationibus, & in omni contentione grauioris affectus. Sed ne subtilius & accuratius, quam necesse est, de re proposita dicam,

eam, iam dicta sufficiant. Restat igitur ut argumentis satisfaciamus.

Ad primum, non est mirum, si Antonius primo loco posuit animorum conciliationem, quia aliquo pacto priorem locum obtinere potest, ut supra diximus.

Ad secundum, quidquid sit de delectatione, sit ne præcipua humane mentis operatio, de qua multa a Philosophis & a Theologis disputantur; nunc ad rem nostram satis erit, si dicamus, ideo delectare non esse præstantius munus, quia aliorum causa suscipitur, ut scilicet melius docemus, ac permoueamus.

Ad tertium, concedimus tertium munus esse præstantius ratione necessitatis & iurium, cum in eo sit maior ad persuadendum uis, eo modo quo diximus, quam in alijs.

Ad quartum, hoc argumentum primæ positionis doctrinam confirmat, ac proinde non est quamobrem refellatur.

Ad ultimum, quonam pacto Cicero intelligendus sit, ex ijs quæ docuimus, facile intelligeres.

An orator debeat esse omnium rerum cognitione præditus, ut apte docere, ceteraq; officia idonee præstare possit. Disp. 6.

C*Ravis sane, atque omnino ambigua semper mihi visa est hæc, quam discutiendam proposui dubitatio; tum ob contrarias auctorum sententias,*

tum ob rationum momenta, quæ in utranque partem afferuntur: quæ ideo priore loco proponam, ut quantum sit hac in re difficultatis facile intelligatur.

Et primum, qui negantem tuentur partem, hunc in modum disputarent, ut primo de oratore sermone contra Crassum disputauit Sæuola, qui pernegauit Crasso dicenti, Oratoris esse in omni genere sermonis & humanitatis debere esse perfectum: & cum in alienas possessiones temere irruisse affirmat: ubi concludens ait, Quamobrem ista tanta, tamque multa profitenda Crasse, non censeo. Satis est id magnum, quod potest præstare; ut in iudicijs ea causa, quamcunque tu dicis, melior & probabilior esse uideatur: ut in concionibus, ut in sententijs dicendis ad persuadendum tua plurimum ualeat oratio: denique, ut prudentibus diserte, stultis etiam uere dicere uidearis. Hoc amplius, si quid poteris, non id mihi uidebitur orator, sed Crassus sua quadam propria, non communi oratorum facultate posse. Cum ergo ars oratoria sit facultas quædam naturalis & humana, nature, & hominum uires excedere non debet; ut sane excederet, si omnium rerum cognitio perfecto oratori esset necessaria. Qui igitur contra sentiunt, talem nobis oratorem proponunt, cuius perfectionem, nemo assequetur unquam: præsertim, ut ait Antonius, in nostra uita, & occupationibus.

Deinde, si oratoris perfectio ex rerum omnium cognitione petenda est, cur isti, qui artes oratorias scribunt, qui bonum oratorem formant, de rebus omnibus

bus non agunt, sed solum præcepta, quæ ad ornandam orationem ualent, tradunt? & ut cum Menedemo Li. i. ora. disputem, quod si tantam uim rerum maximarum rhetorici illi doctores complecterentur: quero, cur de præmijs, & de epilogis, & de huiusmodi nugis, sic enim appellabat, referti sunt eorum libri? de ciuitatibus instituendis, de scribendis legibus, de æquitate, de iustitia, de fide, de frangendis cupiditatibus, conformandisq; hominum moribus litera in eorum libris nulla inuenitur.

Præterea, & est argumentum, quo utitur Antonius aduersus Crassum affirmantem oratori necessariam esse legum cognitionem, Quoniam multū distāt inter se istæ facultates, longeque sunt diuersæ, atque seiunctæ: ac proinde una non includet alteram, nec ab ea perfectionem sumet. Nec, si P. Crassus idem Lib. i. de orat. fuit eloquens & iuris peritus, ob eam causam inest in facultate dicendi iuris ciuilis scientia. Nam si quisque, ut in aliqua arte & facultate excellens aliā quoque artem sibi assumpserit, is perficiet, ut quod præterea sciet, id, eius in quo excellet, pars quadam esse uideatur, & quæ ibi late disputat Antonius.

Et ut huic rationi ex Philosophorum Dialecticorumque doctrina maiores addantur uires, ad hunc modum disputo, Qualis est proportio materiae ex qua artifex suum opus conficit ad ipsum artificem, talis est proportio materiæ ad quam orator applicat suum opus, ad ipsum oratorem: atqui materia artificis non est de eius perfectione: igitur nec oratoris

Lib. 2. e.
vlt.

In lib. 2.
Met. tex.
18.

Li. 1. post.

Aris. lib.
1. c. 1.
ani.
c. 1.

materia ad eius pertinebit absolutionem. Propositionem, quam tamen facile concederet Quintilianus, qui a contraria sententia stare uidetur, sic probares. Constat enim aurificem propriam retinere perfectionem, etiamsi careat auro, ex quo uas conficiat: alias enim si materia aurificis & oratoris perfectionem auget, sequeretur cum esse perfectiorem aurificem & oratorem, qui nobiliorem tractaret materiam, eo qui in re uersaretur deteriore, quod magnus Commentator Auenroes nullo modo concederet: qui mirabiliorem esse ait scientiam artificis facientis ex luto aliquid, quam eius, qui ex auro faceret: cum ille non iuuetur a materia, hic uero plurimum. Materia igitur in qua ars uersatur, ad artis perfectionem non facit. Dixi, materia in qua, ut distinguere a materia quam ars tractat, & explicat; quia hæc materia artis ad artificis perfectionem pertinet; ut patet in arte statuaria, cuius materia in quam agit, uel ex qua opus conficit, est æs: materia uero quam tractat, seu, ut loquuntur Philosophi, obiectum, est figura, siue statua, a qua materia quælibet ars, ut docet Aristoteles, suam perfectionem & dignitatem sumit, si sit dignior & firmitior. Quo fit, ut ars de nobiliore & certiore obiecto nobilior sit ea, quæ est de re ignobiliore & minus certa. Atqui res de quibus ornate dicit orator, non sunt materia, siue obiectum Rhetorices, cum in his explicandis non uersetur: igitur nec de perfectione oratoris: cuius gravis perfectio solum ab ornato sermone

cultuque orationis, qui est ei proprius, petenda est. Quare, perfectus erit orator, qui perfectam orationem ex artis præceptis conficiet, qualis qualis sit materia: sicut ille omnibus numeris absolutus est Grammaticus, qui ex Grammaticæ præceptis orationē componit maxime congruam. Ex quibus illud etiam colligeres, artis oratoriæ præstantiam esse exiguam; cū in solo uersetur sermone, ut omnes fatentur, sitque facultas satis incerta, atque aliarum artium, quæ in rebus uersantur, quasi ancilla; quippe omnibus uerba subministrat: Ex qua parte omnium artium infimam esse diceres. Atque de ista argumentatione hactenus.

Postea, si uerum est, quod initio suæ Rhetoricæ scriptum reliquit Aristoteles, Rhetoricam equipollere Dialecticæ, quia ambæ nullius sunt determinati generis, si orator cuius de ornate dicendo doctrina omnibus potest applicari rebus, omnium artium cognitione ornatus esse deberet, eadem ratione Dialectico, omnium rerum necessaria esset scientia; cum rationē probabiliter disputandi de omnibus rebus doceat: at qui falsum est Dialecticum omnium scientiarum genere debere esse præditum, cum eius perfectio non pendeat a materia, cui applicatur Dialectica: quare nec orator talem ac tantam doctrinam habere debet.

Ad hæc, eiusdē facultatis est uidere quid in unaquaque re uerum aut falsum sit, & quid probabile & improbabile: sed primum pertinet ad Dialecticam,

Cap. I.

cam, quæ uis est discernendi uerum a falso: igitur, & secundum: unde colligitur, Rhetorem nullam rerum habere debere cognitionem, sed solum sermonis. Prima huius argumentationis propositio est Aristotelis in primo sue rhetoricæ libro, ubi ait, eiusdem uirtutis esse ueri & uerisimilis considerationem: sumptio, est Dialecticæ definitio: Tota igitur argumentatio uera.

Iam uero, tria sunt ex quibus perfecta conficitur oratio; probabilitas, congruitas, & ornatus, quibus in rebus tres artes versantur, Dialectica, Grammatica, Rhetorica: prima probabilitatem confert, altera sermonis congruentiam, tertia ornatum & eloquutionem. Quare, totus oratoris labor, & omnis industria, atque absolutio in ornatu consistet: & si quid in rebus peccabit, non artis oratoricæ, sed aliarum artium erit vitium.

Denique, cõsto aliquam rerum cognitionem esse in oratore necessariam, & ad eius perfectionem pertinere: tamen, debet esse certa, non interminata, ut est omnium rerum notitia, non abstrusa, non recondita, sed communis & ad communem sensum accommodata, ut apud Ciceronem disputat Antonius: concludatur itaque orator ijs rebus, quæ sunt in usu ciuitatum uulgari, ac forensi. Pro altera sententia hæ rationes potissimum facere videntur.

Primum, oratori de vnaquaque re præposita orate, copiose, & idonee ad fidem faciendam, dicendum est, ut non uno in loco scriptum reliquit Tul-

lius

lius: at nemo de rebus omnibus apte ad persuadendum dicet, nisi omnium rerum fuerit doctrina imbutus: quare, si orator nomen suum retinere uoluerit, omnes res cognitae habere debet.

Deinde, fingamus duos esse oratores equaratione dicendi arte instructos, qui eadem de re dicturi sint: ex quibus, is profecto melius de re proposita dicet, qui rem illam perfectius nouerit: igitur ad perfectum oratorem constituendum, qui de unaquaque re perfecte dicere queat, omnium rerum notitia erit necessaria.

Postea, omnis artifex debet habere perspecta & cognita suae artis instrumenta, quod profecto negaret nemo; cum sine hac cognitione artifex efficere possit nihil: atqui, auctore Fabio, omnes scientiae sunt Oratoris instrumenta; igitur.

Præterea, perfectum, ut Philosophi docent, id esse censetur, cui nihil abest: atqui, cum oratio non modo costet ex uerbis, sed etiam ex rebus, ex quarum dignitate efflorescere debet: profecto is perfectus orator dicendus non erit, qui eorum quae dicit nullam habebit notitiam: & cum oratoris sit in omni re uersari, nunquam erit omni ex parte absolutus orator ille, qui omnium rerum doctrinam non fuerit consequutus.

Ad hæc, ut se habet domus, gratia exempli, ad edificatorem, & quoduis opus ad suum artificem; ita oratio ad oratorem: atqui domus constructa ex materia ab artifice melius tractata et disposita, ut ex Arist. li. 7. polit. qua-

quadratis & perpolitis lapidibus, est longe perfectior & nobilior, quam illa quæ ex ruderibus est confecta: pariigitur ratione, longe perfectior erit oratio ex ijs rebus conflata, quæ fuerint perspectæ & accuratius tractatæ; cum qui eas cognoscit molto meliorem orationem ex illis conficere queat. Rerum itaque cognitio ad perficiendum oratorem conferet; & is censebitur perfectior qui plura & melius cognoscit, & cognoscendo melius tractat; & ne quid ei desit, si in perfectis numerandus est, ut omnium rerum cognitionem consequatur necesse erit. Huc faciunt hæc uerba, quæ pro hac sententia disputando protulit Crassus. Sin oratoris nihil uis esse, nisi compositæ, nisi ornate, copiose eloqui: quæro, id ipsum qui possit assequi sine ea scientia, quam ei non conceditis? dicendi. n. uirtus, nisi ei qui dicit, ea de quibus dicit percepta sint, extare non potest: & paullo infra, unum erit profectò, quod ij qui bene dicunt, afferunt proprium, compositam orationem, & ornatam, & artificio quodam & expolitione distinctam. Hæc autem oratio, si res non subest ab oratore percepta, & cognita, aut nulla sit necesse est, aut omnium irrisione ludatur. Quid est. n. tam furiosum, quam uerborum, uel optimorum, atque ornatissimorum sonitus inanis nulla subiecta sententia, nec scientia?

Iam uero, oratoris finis, ut omnes meliores dicendi magistri docent, & nos alibi docuimus, est persuadere, quod qui persuasum non habent, eiusmodi sunt, ut eis nihil penitus persuaderi possit: omnis autem per-

sua-

suasio a rebus ipsis & a rationum momentis ad animos populariter tractandos accommodatis sumenda est: quare orator rerum cognitione orbatus nihil poterit persuadere, nec uidere, quid in unaquaque re sit aptum ad persuadendum. Perfecto igitur oratori cuius munus est apposite dicere ad persuadendum perfecta rerum cognitio tribuenda est.

Denique, vis maxima oratoris existit in hominum mentibus, vel in aliquem affectum iræ, odij, & doloris incitandis, uel ab his iisdem permotionibus ad lenitatem, misericordiamque reuocandis: quæ, qui naturas hominum, rimque omnem humanitatis, causasque eas, quibus mentes, aut incitantur, aut reflectuntur, penitus non perspexerit, dicendo perficere non poterit, ut Crassus disputat. Atque idem dicere de legum cognitione, si in foro digne uersari debet: de morum philosophia, si laudaturus est: de reipublica si in senatu sit dicturus: & denique de omnibus questionibus finitis & infinitis, actionis & cognitionis, si ubique in omni re proposita orator suum nomen retinere voluerit. Quare, & humani affectus, qui permouendi sunt, & res ipsæ quibus permouentur oratori perfecto cognoscendæ erunt. Atque has rationes pro altera sententia attulisse sufficiat. Quod attinet ad auctorum opiniones tres mihi occurrunt dicendi modi.

Primus quorundam qui totam uim ac perfectionem oratoris in perfecto ornatu positam esse uolunt, ita ut nullam a rerum cognitione perfectionem sumat

mat, cum eius subiecta materia sit ornatus sermo, siue elegans & perpolita oratio. Ita Agricola in sua dialectica, Petrus Ramus, Audomarus, & nonnulli alij, qui libenter a ueterum doctrina hac in parte discedunt.

Lib. I.
erat.

Secundus, quem non obscure in sua disputatione contra Crassum insinuauit Antonius: qui aliquam rerum cognitionem in oratore requirit, non omnium rerum, non absolutam, qualis est in ijs qui artes tractant, sed eamquæ est in usu vulgari & forensi: quæ homo in communi uita, & in uulgari hominum consuetudine, non hebes, non rudis habere potest. Quod si quid difficilius occurrat, consulere debebit eos, qui artes norunt: ubi concludit, nec etiam iuris civilis scientiam esse ei necessariam; quam tamen alij ei concederent, sicuti & aliquam philosophiæ morum cognitionem.

Tertius, quem approbasse uidetur Crassus, & sub eius persona M. Tullius, in oratore perfecto necessariam esse rerum de quibus acturus est notitiam. Eandem opinionem sequitur Fabius, a qua non alienum fuisse Aristotelem nonnulli uolunt: de quorum sententia planius postea dicetur. Vt autem quid in hac controuersia satis dubia magis probabiliter tenendum sit, doceamus, fundamenta quædam ponenda sunt.

Primum fundamentum, in quo docebo quæ & quanta rerum cognitio sit oratori necessaria. Cum itaque in oratore perfecto omnium rerum a quibusdam

dam requiritur doctrina, non est intelligendum de rebus singulis, quæ cum certo numero non cōtineantur, humana cognitione comprehendendi non queunt, sed de rebus omnibus uniuerse: nam qui res uniuerse cognitæ habet, facile de singulis dicere potest. Rursus, cum in Oratore omnium rerum notitia desideratur, intelligendum puto de ijs rebus, quarum aliqua est ars uel scientia, præsertim de artibus ingenuis & liberalibus: quarum artium complexum Græci encyclopediam uocant. Quod autem harum rerum cognitio humanæ naturæ uires non superet, his rationibus demonstrari potest. Primum, quia non est necesse, ut is, qui populariter & ad communem sensum accomodate disputaturus est, habeat omnino exactam & absolutam rerum cognitionem; sed satis est, si quæ frequentius tractari solent, magis cognita habuerit modo reliqua non omnino ignoret, & ideo quarundam artium principia et communes locos eum tenere sat erit; ex quorum notitia, qui erit rerum maximarum gnarus, & in dicendo uersatus, de rebus subiectis apte & copiose dicere poterit. Deinde, quoniam uidemus, quosdam de omnibus maioribus scientiis & artibus libros conscripsisse, & ea tradidisse, quæ potestate omnia continent, quæ ad illas artes pertinent: & aliqui conclusiones ex omnibus fere artium generibus disputandas proposuere. Quare, si quis bono uteretur ingenio, si magistros haberet idoneos, si in hanc unam rem totus incumberet, ut humanarum artium aliquam haberet scientiam, eam proculdu-

bio consequi posset. Denique ex fide dignis scriptoribus discimus, aliquos olim extitisse, qui de unaquaque re proposita se statim disputare posse profitebantur. Quod primum ferunt, ait Tullius, Leontinum fecisse Gorgiam: qui permagnum quiddam suscipere, ac profiteri uidebatur, cum se ad omnia, de quibus quisque audire uellet, esse paratum denuntiaret.

Lib. 1.
orat.

Postea uero vulgo hoc facere coeperunt, hodieque faciunt; ut nulla sit res, neque tanta, neque tam improuisa, neque tam noua, de qua se non omnia, quæ dici possunt, profiteantur esse dicturos. Et alio loco,

Li. 3. or.

Namque illos ueteres doctores, auctoresque dicendi, nullum genus disputationis a se alienum putasse accepimus, semperque esse in omni orationis ratione uersatos. Ex quibus Heleus Hippias, cum Olympiam uenisset, maxima illa quinquennali celebritate ludorum gloriatus est, cuncta pene audiente Græcia, nihil esse ulla in arte rerum omnium, quod ipse uesciret; &c. Et infra de Romanis loquendo ait, Equidem sæpe hoc audiui de patre & socero meo, nostros quoque homines qui excellere sapientiæ gloria uellent, omnia, quæ quidem tunc hæc ciuitas nosset, solitos esse complecti, et quæ apud Ciceronem sequuntur. Fieri itaque posse existimandum est, ut ea acquiratur doctrina, quam in perfecto oratore aliqui necessariam esse arbitrantur, si adsit ingenij acumen,

Cic. li. 1.
orat.

& studium. Nam, ut Socratem illum solitum aiunt dicere, Perfectum sibi opus esse, si quis satis esset concitatus cohortatione ad studium cognoscendæ, percipiendæ

icipiendęque uirtutis: quibus enim id persuasum eſſet, ut nihil mallent ſe eſſe, quam bonos uiros, ijs reliquam facilem eſſe doctrinam: ſic ego, inquit Scæuola apud Tullium, ſi in hæc, quę patefecit ſua oratione Cræſſus, intrare uolueritis, facilli me uos ad eaque cupitis peruenturos, ab hoc aditu, ianuaque patefacta. Si quis itaque benedicendi ſtudio incenſus, poſt prima literarum rudimenta, & rhetoricę præcepta, que uno uel altero anno diſci poſſunt, per aliquot alios annos ad artium & ſcientiarum encyclopædiam comparandam ſe ſe conferret, eam ſibi compararet rerum cognitionem, quam aliqui in perfectō Oratore deſiderari docent. Quid autem nomine perfecti oratoris intelligendum ſit, ſequenti fundamento explicabo.

Secundum fundamentum. Primum, oratoris nomine non eſt dignandus is, qui in ludo ſola dicendi præcepta tradit: cum multi optime præcepta teneant, qui tamen nihil in dicendo ualent: qui nunquam forum, nunquam ullius iudicium aſpexerunt: & quod ipſi experti non ſunt, id docent ceteros. Neque cauſſidicum quendam, neque proclamatorem, aut rabulam conquirimus, ſed eum, qui copioſe, ornate, apte, ad animos permouēdos de re propoſita dicere poſſit. Is orator, ait Cræſſus, erit tam graui dignus nomine; qui quęcunque res inciderit, quę ſit dictione explicanda, prudenter, & compoſite, & ornate, & memoriter dicat, cum quadam etiam actionis dignitate. Et quoniam huiusmodi orator eſſe

Li. 1. ora.

non potest, sine aliqua earum rerum de quibus dicit cognitionem, cum nemo de rebus incognitis copiose & prudenter dicere ualeat, illud in dubium uenit, an ista cognitio ad oratoris perfectionem, & absolutionem sua natura pertineat, & an satis sit eam, cum occasio & necessitas occurrerit, ab alijs artificibus accipere, an uero perfectus orator ista cognitione, ex se, debeat esse instructus: quibus de rebus, & de tota hac controuersia, quid dicendum sit, sequentibus positionibus explicabo.

Prima positio, oratoris materia sunt res omnes. Ponitur hæc doctrina tanquam huius disputationis fundamentum, quam nos alibi probauimus, et meliores scriptores sequuntur; neque enim ait Antonius, ulla non propria oratoris est res, quæ quidem ornate dici, grauiusque debeat, & Cicero, post Crassi & Li. 2. ora. Antonij disputationem, non quid illi dixerint, sed quod ipse sentiebat exponens, Bene dicendi artem non habere aliquam definitam regionem, cuius terminis septa teneatur, plane affirmauit. Omnia itaque quæcunque in hominum disputationem cadere possunt, bene sunt ei dicenda, qui hoc se posse profiteretur; aut eloquentiæ nomen relinquendum est.

Secunda positio, bono oratori, non modo artis bene dicendi præcepta sunt cognoscenda, sed etiam earum rerum, de quibus dicit debet habere notitiam, Hanc doctrinam nemo nisi stultus negaret; quoniã, ut ait Antonius, Nemo potest de ea re, quã non nouit, non turpissime dicere. Inanis itaq; uerborum profluentia &

uolubilitas sine rerū quædicuntur cognitione, non eloquentia a qua nomen suū accepit orator, sed ut loquitur Sallustius, loquentia, aut potius loquacitas nominatur. Propterea M. Tullius aliquādo accuratissime eloquentiam definiens, dixit, Esse uim quæ scientiā complexa rerum, sensa mentis & consilij sic uerbis explicat, ut eos qui audiunt, quocucūque incubuerit possit impellere, quasi cum Aristotile dixisset, esse artem, seu facultatem uidendi quid in unaquaque re sit accommodatum ad persuadendum; que uis nunquam erit in eo, qui sit rerum ignarus, si Crasso, uel potius rationi manifestissimæ credendum est.

In Cat.

Li. 3. or.

Lib. de ora.

Tertia positis, si Rhetorica, siue eloquentia sumatur pro facultate auulsa a rebus, ut continet solam ornandæ amplificandæque orationis doctrinam, potest dici ex se perfecta sine aliarum rerum cognitione, ita ut perfectus dicatur Rhetor, qui omnia quæ ad eleganter, copiose, apteque dicendum sunt necessaria cognouerit. Quod hoc loco docemus, est omnino perspicuum; & ex eo patet, quia hanc doctrinam nulla alia ars, aut scientia tradit; quam dum Rhetor docet, nullius certæ rei, aut causæ mentionem facit, sed uniuersæ præcepta tradit, quæ ad omnes res dicendās accommodari possunt. Et quidem Rhetoris sic considerati ornatus sermo dicitur esse proprius; qui, ut alibi docuimus dici potest artis dicendi subiecta materia. Huc pertinet quod apud Ciceronem ait Antonius, omnes artes sine eloquentia suum munus præstare posse, oratorē

Li. 2. or.

Li. I. ora. uero sine ea nomen suum obtinere non posse: ut ceteri, si disertis sint, aliquid ab hoc habeant: hic, nisi domesticis se instruxerit copiis, aliunde dicendi copiam petere non possit. Et Crassus apud eundem, sint eę res de quibus disputant (de Philosophis loquitur) in alijs quibusdam studijs; oratio quidem propria est huius unius rationis, de qua loquimur, & querimus: & paullo infra, Vnum erit profecto, quod ij qui bene dicunt, asserunt proprium, compositam orationem & ornatam, & artificio quodam & expolitione distinctam. Ceterum, in hac disputatione nomine eloquentiae non intelligimus illam solam & nudam praeceptorum cognitionem, sed eam vim ac facultatem, quae qui est praeditus apte de omnibus rebus ad persuadendum, & populariter dicere potest: & per oratorem, non ludi magistrum solisque praeceptis eruditum hominem, sed eum, qui vim, de qua diximus, est adeptus & in causis uersatur. De quo illud statuendum restat; an ea rerum cognitio, quam ei necessariam diximus, ad eius perfectionem pertineat, & ui suae artis ei conueniat, an uero penitus extrinsecus accedat, ueluti statuae aurum quo inauratur.

Quarta positio, aliqua omnium rerum cognitio ad perfectum oratorem constituendum est omnino necessaria. Quoniam, ut est dictum, eius materia sunt res omnes; &, ut etiam statuimus, non potest de re ulla dicere, ni aliquo pacto ab eo fuerit percepta: igitur. Hanc doctrinam multorum auctoritate confirmare licet. Ita expresse M. Tullius, quidquid ali-

qui

qui dicant: Fabius in eadem uidetur esse sententia, Lib. 1. c.
 dum in oratore perfecto quem instituendum sumpsit, 10.
 artium requirit encyclopadiam: & perfectum esse
 neget, eum cui, uel parua defuerint. Parhasius, non
 continet, inquit, rhetorica rerum omnium peritiam, Cap. 15.
 sed oratori perfecto necessariam esse affirmamus; idē
 uir eloquens Maioragius, & Perpinianus, quem
 hanc sententiam acriter defeudentem me audiuisse
 memini, ut multos alios recentiores scriptores mis-
 sos faciam.

Quinta positio, ista omnium rerum, siue artium
 scientiarumque doctrina, in oratore non debet esse ita
 perfecta, ut est in ijs qui singulas artes & scientias
 ex officio tractant; sed satis est, si tanta sit, ut orator
 ea teneat, quæ ad communem sensum popularemque
 intelligentiam, & ad fidem faciendam, & ad animos
 tractandos sunt accommodata; quæ omnia uidere ac
 percipere huius artificis est proprium. Hanc doctri-
 nam, ut arbitror tradere uoluit Antonius, qui cum Li. 1. or. 2.
 nonnulla enumerasset, quæ oratori cognoscenda sūt,
 ita ait, Comprehendenda esse oratori puto, si minus,
 ut separatim de his rebus philosophorum more respō-
 deat, at certe ut in causā prudenter possit intexere;
 hisce autem ipsis de rebus, ut ita loquatur, ut ij qui
 iura, qui leges, qui ciuitates constituerunt, loquuti
 sunt, simpliciter, splendide, siue ulla serie disputatio-
 num, & sine ieiuna concertatione uerborum.

Sexta positio, quam dicimus oratori necessariam
 esse rerum cognitionem, eam sua uia ad eum perficien-

dum requiri existimandum puto. Primum, ad hanc doctrinam confirmandam sumere licet argumentū satis firmum ex parte finis. Quoniam persuasio oratori proposita potissimum pēdet ex notitia ipsarum rerum quas Orator assumit: quod si sua uī atque natura, quod sapiēs negaret nemo, rerum scientiā ad persuadendum confert; sine ea perfectus Orator nullo modo poterit existere. Deinde, oratio est quoddam Oratoris opus, quod ex uerbis sententiisque conficitur, & magis quidem ex rerum, quam ex uerborum bonitate: igitur ut uerborum notitia est ei sua natura necessaria, ita & rerum scientia, & quidem multo magis: neque hic de dicendi magistro loquor, sed de eo qui in causis uersatur, cuius oratio rerum scientia debet efflorescere. Postremo eloquentia, est copiose loquens sapientia: atqui sapientia absq; rerum cognitione nulla est, vel si quid est, stultitia est, ut sapienter aliquando Tullius scripsit: igitur.

Septima positio, etsi in perfecto Oratore omnium rerum desideretur doctrina: tamen quarundam rerum cognitionem magis quam aliarum debet esse instructus; illarum nimirum, quarum crebrior est in dicendo usus; ut, Dialecticæ, Historicæ, Poeticæ, Iuris prudentiæ, Philosophiæ morum, & physiologiæ, quæ omnia missis alijs, sola M. Tullij auctoritate confirmabo. De dialectica: studiosissime inquit Tullius, in dialectica exercebar, quæ quasi cōtracta & astricta eloquentia putanda est: et tu Brute iudicasti te illā in-

tanti

lib. 3. de
orat-

In orat.

In Bru.

tant, consequi non posse. Et alio loco, Esse igitur perfecte eloquentis puto, non eam solum facultatem habere, quæ sit eius propria, fuse lateque dicendi, sed etiam vicinam eius atque finitimam Dialecticorum scientiam assumere: quanquam &c.

In orat.

De historia, cognoscat etiam, ait Tullius, rerum gestarum & memoriæ veteris ordinem, maxime. scilicet nostræ civitatis, sed imperiosorum populorum, regum illustrium. Et infra, Nescire autem, quid antea quam natus sis, acciderit, id est semper esse puerum. Quid. n. est ætas hominis, nisi cum memoria rerum veterum cum superiorum ætate contextitur? Commemoratio autem antiquitatis, exemplorumque prolatio summa cum delectatione, & auctoritatem orationi affert, & fidem. De poetica habes luculentum testimonium in oratione pro Archia: ubi quantum ex huius artis cognitione utilitatis capiat Orator luculenter exponit. Et alio loco, legendi etiam sunt poetæ: cognoscenda historia, & quæ ibi sequuntur.

Fab. lib.
12. c. 4.

De Iurisprudencia, varia extant apud eundem testimonia, sed vnum, vel alterum attulisse sat erit. Ius civile teneat, quo egēt causæ forenses quotidie. Quid est. n. turpius, quam legitimarum & civilium controuersiarum patrocinia suscipere, cum sis legum & civilis iuris ignarus?

Li. 1. ora.
In orat.
Fab. lib.
ult. c. 3.

De morum disciplina, nullibi non meminit. In primo oratorio, cum omnem philosophiam in subtilitatem differendi, in obscuritatem naturæ, & in uitâ, de hoc tertio membro loquens ait. Tertiū uero, quod semper fuit

Fab. ii b.
j. c. 2.

feit, nisi tenebimus, nihil oratori in quo magnus esse possit, relinquemus. Quare hic locus de uita totus oratori est perdiscendus :

- In orat: De Physiologia, quem etiam, quo grandior sit, & quodam modo excelsior, ut de Pericle dixi supra, ne physicorum quidem ignarum uolo. Omnia profecto, cum se a cælestibus rebus referet ad humanas excelsius manifestiusque & dicet, & faciet. In summa omnia complexus est, cum eloquentiæ fundamentum fecit sapientiam, quæ est rerum diuinarum atque humanarum notitia. Quantam autem desiderauerit in oratore scientiam tunc plane indicauit, cum omnia quæ sita, audita, lecta, disputata tractata, agitata, ei debere esse dixit. sunt autem duo loca, in quibus omnia quæ diximus, dum hac de re scripsit, numerauit: quorum alter est in primo de oratore sermone, cum ait, Legendi etiam sunt poetæ, et quæ sequuntur: alter in oratore perfecto, ubi scribit, Nec uero dialecticis modo sit instructus, sed habeat omnes philosophiæ notos & tractatos locos, &c.

De quibusdam alijs disciplinis, ut de Musica, & Geometria, uide quæ Fabius libro primo suarum institutionum docet. Concludamus itaque ad oratorem perfectum constituendum, non solam uerborum copiam atque elegantiam, sed etiam rerum scientiam esse necessariam, id quod his uerbis apud Ciceronem de re profita disserendo, statuuit Crassus. Illud probabilius, neque tamen uerum, quod Socrates dicere solebat, Omnes in eo quod scirent, satis esse eloquentes.

tes: Illud verius, Neque quemquam in eo disertum esse posse, quod nesciat; neque, si optime sciat, ignarusque sit facundiæ, ac poliendæ orationis, diserte id ipsum, de quo sciat, posse dicere.

Ut autem quæ docuimus adhuc certiora fiant, argumenta pro contraria parte allata dissoluamus.

Quod ergo ad primam rationem attinet, satis aperte ex ijs, quæ adnotauimus explicatur: facemur doctrinam in Oratore perfectæ necessariam non esse acquisitu facilem, paucos & raros esse, qui eam assequuntur: negamus tamen non posse acquiri, cum aliqui acquisuerint. Nec proinde reprehendendus esset, qui speciem optimi Oratoris proponens, tantum in eo requireret doctrinæ, quantum nemo assequutus est unquam; cum aliud sit docere qualis & quantus Orator esse debeat, & qualis sit hominum consuetudine spectata. Quandoquidem etiam diuinæ literæ homines in hac vita existentes ad eam perfectionem consequendam hortantur, quam in hoc mundo non consequuntur: ut cum Dominus dixit, esote perfecti, ut Pater uester perfectus est. Proponitur itaque summum, ut ni eo perueniatur, prope accedatur: cum prima sequentem honestum sit in secundis tertijsque consistere: & homines qui summa mirantur, inferiora etiam probant. Quare, non est cur eorum, qui se studio eloquentiæ dediderunt, spes infringatur, aut languescat industria; dum quod est optimum proponimus, & in præstantibus rebus, magna sint, quæ sunt optimis proxima. Atque ego, in-

Cice. in
orat.

Mat. 6.

Cice. in
orat.

quit

quit Cicero, in summo oratore fingendo talem informabo, qualis fortasse nemo fuit. Non enim quero quis fuerit, sed quid sit illud, quo nihil possit esse præstantius, & quæ ibi sequuntur. Talem etiam Fabius sibi informandum proposuit. Et Aristoteles in politicis expresse docuit, eum qui hisce de rebus tractat, summam debere proponere reip. formam, ac Principem summum.

De secunda, non pertinet ad artem ipsam res omnes explicare quibus orator in dicendo utitur, sed solum præcepta tradere, quæ ad res ab alijs acceptas ornate, & ad persuadendum accommodate in oratione populari tractandas ualent. Cognoscit itaque per alias artes orator res de quibus suo modo disputat. Explicat ergo Rhetor præcepta dicendi, sed non res de quibus dicendum est, nisi forte communi quadam ratione, dum docet quid in omnibus sit ad persuadendum accommodatum.

De tertia, & si hæc ratio multis uerbis conflata sit; breuiter tamen a nobis euertetur. Dicimus ergo necessariam esse cuique artifici, sua ui atque natura, aliquam cognitionem eius rei, siue materiæ ex qua suum opus conficere debet: ut fabro tignario lignorum ex quibus conficienda sunt scamna, tabule, capsæ, & id genus alia: idem de oratore dicas; qui nunquam poterit de rebus benedicere, nisi earum, et hoc ex ipsius artis ui, cognitionem aliquam habuerit. Et sane, quomodo ornamentis a rebus sumptis, quorum magna est copia, rem de qua agit ornabit, si

eam non habeat aliquo pacto cognitam? quomodo eandem amplificabit, si naturam causas, partes, proprietates, effectus adiuncta, contraria, & similia subiectæ rei ignorauerit? Ad hæc, cum oratio constet ex rebus, & uerbis, & prima eloquentia ac sapientia sit rerum, cur rerum cognitio non pertinebit ad eum artificem, qui orationem ex rebus conficit? eam intelligo cognitionem, quæ ad ornate & prudenter dicendum est necessaria. Vbi illud admonuerim, quod est omnino memoria retinendum, satis esse artifici eam habere suæ materiæ notitiam, quæ ad opus bonum conficiendum est necessaria, non prorsus omnem notitiam, quæ de illa simpliciter haberi potest.

Quod si hic aduersarij dicant, satis esse ab alijs artificibus istam doctrinam sumere, id nunquam mihi satisfecit. Quomodo enim intelliget, quæ sit uis, quæ natura, quæ partes, quæ proprietates, quæ cause, qui effectus, quæ contraria, similia, maiora, & minora, & alia multa, quæ ad ornate, apte, prudenterque dicendum de re proposita cognitu sunt necessaria, is qui, ut dicitur, etiam terminos ignorat? Aut igitur iste perfectus orator dicere non poterit, aut pessime dicet, aut per aliquot menses ei rei operam dare debebit, de qua sit bene & apte dicturus. Atque ita, si de rebus omnino diuersis sigillatim ei habenda esset oratio, semper ei bonarum artium scholæ frequentandæ erunt: & ita, qui bonus deberet esse magister, semper rudis erit discipulus. Quid si ex
tem-

templo dicendum esset? In summa, negamus cognitionem materiae in qua tractanda uersatur, non pertinere ad oratoris perfectionem, ut supra docuimus, & probauimus.

De quarta, concedimus Dialecticum, qui de omnibus rebus ex probabilibus communibus differere uelit, debere esse omnium artium cognitione peritum: quales olim nonnulli fuere, qui de unaquaque re proposita se in utranque partem disputare posse profitebantur; quod, sine rerum de quibus differere uolebant cognitione, facere minime poterant. Dialectica tamen non agit de rebus omnibus, sed rationem disputandi de omni re docet.

De quinta, Dialectica est facultas uidendi rerum & probabile accommodatum ad res ipsas, & in disputationibus philosophicis: at uero Rhetorica est facultas uidendi quid sit persuasibile in populari certu potissime, ac etiam ubique. Quid autem probabile & persuasibile differant alibi, docuimus. Hoc unum uelim ab omnibus intelligi, quod pauci sunt qui intelligent, eam esse vim atque propriam eloquentiae naturam, uidere persuasibilia, illisque apte ad permouendos animos uti. Facili apologo citius Agrippa secedenti a patribus plebi quod uoluit persuasit, quam ullis Numae legibus persuasisset. Themistocles Atheniensem populum nouas res molientem fabella sitibunde vulpeculae facilius deterruit, quam ullis Academiae placitis deterruisset. Sertorius militem in ordine melius cohibuit duobus equis in

con-

Lib. 2. de
caus. e-
loq.

concionem productis, quam si Catonis militaria præcepta proposuisset: Cato denique recentes fides proponendo facilius populum Romanum ad Carthaginis euersionem prouocauit, quam si minaces Carthaginensium literas attulisset.

De sexta, ad conficiendam orationem aptam ad persuadendū in omni genere, et in omni materia nō tam uerborum congruitas & latinitas, sermonisque ornatus atque dialectica probabilitas requiritur, quam facultas illa quę in omni re persuasibilia uidere, & decorum in dicendo seruare potest: quam nemo habebit vnquam, ni aliquam earum rerum de quibus dicit habuerit notitiam. Totoque errant cælo, qui omnem uim oratoriam in uerborum concinnitate & elegantiā ponunt: quibus hanc grauissimā Crassi sententiam opponeres, Neque infantiam e-
 Lib. 3. o-
 rat.
 ius qui rem nouit, sed eam explicare dicendo non queat; neque inscitiam illius cui res non suppetit uerba non desint esse laudādam: quorum si alterum sit optandum, malim equidem indisertam prudentiam, quam stultitiam loquacem. Stulta igitur loquacitas, non copiosa sapientia illa censenda erit quę cum rerum doctrina non erit coniuncta: unde & uerborum omnis emanat copia atque totus orationis ornatus.

De septima, ad hominem disertum & imperfectum oratorem constituendum satis fortasse erit illa communis & vulgaris doctrina; ad perfectum autem & absolutum formandum, non itidem: qualis
 autem

autem & quāta esse debeat, iam satis exposuimus.
 Cic. lib. Cum ergo caussidicum nescio quem, neque procla-
 de orat. matorem, aut rabulam hoc sermone quæramus, sed
 eum uirum qui primum sit eius artis antistes, cu-
 ius cum natura magnam hominis facultatem daret,
 tamen esse Deus putatur, ut & ipsum quod erat ho-
 minis proprium, non partum per nos, sed diuini tus
 ad nos delatum uideatur, & quæ apud Tullium in
 hanc sententiam disputat Crassus. Sed de hac gra-
 uissima difficultate hucusque.

De magistri discipulique officio. Disp. 7.

D V M de oratoris officio in docendis auditori-
 bus scribo, non ab re fore existimaui, etiam de
 officio Rhetoris, hoc est magistri dicendi, in erudien-
 dis in schola discipulis aliquid adscribere: cum hæc
 disputatio ab eo qui de rhetoricis, agit nullo modo
 aliena sit. Et quoniam hoc argumentum in sola ex-
 plicatione consistit, ideo nonnullas afferam positio-
 nes, quibus ea docebo, quæ accuratus bonusque di-
 cendi magister ad suum munus recte exercendū ser-
 uare debet.

Cicero. Prima positio, rhetoricam docere, est laude &
 in orat. gloria dignum. Hanc positionem ideo hoc loco attu-
 limus, ut huius artis magistros ad eam diligentius do-
 cendam excitemus: & ut quod contra Rhetores a
 quibusdam dictum est, e medio tollamus. Huius
 muneris dignitas ex eo primum intelligi potest, quod
 docet

docet artem omnium fere præstantissimam, de cuius Lib. 2. de
 dignitate a multis multa dicta fuere, & nos aliquan- Caus.
 do pauca quædam diximus: ex qua parte hoc docen- cloq.
 di munus maximam profecto dignitatem capit. Dein
 de, si non esset hoc munus maxime dignum, ex eo uiri
 alias humili loco nati, & ignoti, maximos honores,
 perpetuamque gloriam non fuissent adepti: de illis
 quoque loquor, qui non solum cohortando, aut studia
 communicando docent, sed etiam artis ludum aper-
 uerunt: ne quis Ciceronis nobis opponat distinctio-
 nem, ut Gorgias, Isocrates, Aristoteles, Quintilia-
 nus, Vistorinus, & alij. Denique, si hanc artem di-
 scere est honestum, cum in ea omnes meliores Philo-
 sophi, Theologi, & Cæsares studium collocauerint,
 cur eam docere honestum non erit? Quod si dicen- In Gorg.
 di magistri, uel a Platone, uel a M. Tullio parui fie-
 ri uidentur, hi grauissimi & eloquentissimi uiri, si
 uniuerse loquerentur, pessime de suis præceptoribus
 essent meriti, a quibus eam artem didicerunt, qua
 perpetuam gloriam sibi compararunt: ut Cicero, de
 Molone, de Antiocho, de Demetrio, atque Menippo.
 Damnarunt igitur isti, ineptos dicendi magistros,
 qui cum parum essent eruditi, omnia tamen se scire
 arbitrabantur, & uniuersam dicendi uim in solis
 præceptis positam esse putabant.

Secunda positio, qui in schola rhetoricæ docendo pro
 dignitate uersari uoluerit, is non mediocriter debet
 esset eruditus. Nam, quis hoc munere prudenter
 pleneque perfungetur, nisi ut bonus Dialecticus,

Ethicus, Physicus, Iurisperitus, Poeta, & denique ut bonus Historicus, eloquentiæ, locorum, morum, perturbationum, causarum, numerorum, & cæterarum rerum quæ in hac amplissima arte explicantur, principia, partes, causas, species, effectus, usumque exponere, aut ab alijs exposita intelligere, & suos auditores docere poterit? meo sane iudicio, nemo, qui omnium fere artium aliquam leuem cognitionem non fuerit adeptus. Hinc est, cur Fabius Rhetor admodum bonus in exponenda rhetoricæ natura non omnino feliciter se gessit; ut omittam alios, eo minus eruditos. Et quis Aristolis rhetoricam audeat attingere, nisi illis sit artibus instructus, quas numerauimus.

Tertia positio, quoniam ei qui docere vult non satis est nosse, nisi quæ nouit sciat docere, adhibeat in docendo modum, facilitatem, & perspicuitatem ubique, breuitatem cum est opus, ne auditores præsertim nouos confundat, aut deterreat: captui audientium

Pallad. se se accommodet, cum prima docentis prudentia, ut quidam scripsit, sit eius quem docet considerare personam. Sine ulla inuidia, candido animo quæ nouit

Paraf. c. communicet, quod est sapientiæ proprium: nec ambitiose detineat, ut quæ nouit multo pretiosiora uideantur: eorum quos docet utilitatem, non turpe lucellum propositum habeat: ad quod qui animum abiecit, nihil perfectum, nihil absolutum facit: in summa, eam artem honeste, liberaliter, & ingenue doceat, quæ hominem honestum, liberalem, ingenuumque maxime decet.

Quarta positio, ad boni Rhetoris officium honeste
 exercendum requiritur morum integritas. Esto igitur
 aliquis sine moribus recte docere possit, honeste
 tamen non potest: cum in hoc munere multa sint,
 quæ magnam honestatem desiderant, & multa quæ
 eam facile corrumpere possunt: ut qui in docendo
 sunt uersati optime norunt, his præsertim temporibus
 in tanta iuuenilium monum corruptela. Opus
 est itaque morum candore, ut teneriores annos ab
 iniuria sanctitas docentis, ut ait, Fabius, custodiat,
 & ferociores licentia, grauitas deterreat. Neque enim
 satis est summam præstare abstinentioniam, nisi disciplinæ
 seueritate conuenientium quoque ad se mores
 quoque adstrinxerit. Sumat igitur ante omnia parentis
 erga discipulos suos animum, ac succedere se
 in eorum locum, a quibus sibi liberi traduntur, existimet.
 Ipse nec habeat uitia, nec ferat. Non austeritas
 eius sit tristis, non dissoluta sit comitas: ne inde
 odium, hinc contemptus oriatur. Plurimus ei de honesto
 ac bono sit sermo. Nam quo sepius monuerit,
 hoc rarius castigabit. Minime itaque iracundus, nec
 tamen eorum quæ emendanda erunt dissimulator.
 Simplex in docendo, patiens laboris, assiduus potius,
 quam immodicus. Interrogantibus libenter respondeat,
 non interrogantes percuntetur ultro. In laudandis
 puerorum dictionibus, nec malignus, nec effusus:
 quia res altera tedium laboris, altera securitatem parit.
 In emendando quæ corrigenda erunt, non acerbus
 minimeque contumeliosus. Nam id

Lib. I.

Plut.
opus. de
li. I. educ

quidem multos a proposito studendi fugat, quod quidam sic obiurgant, quasi oderint. Ipse aliquid, immo multa quotidie dicat, quæ secum audita referant. Licet. n. satis exemplorum ex lectione suppeditet, tamē viua illa, ut dicitur, vox alit plenius, præcipueq; præceptoris, quem discipuli, si modo recte sunt instituti, & amant & verentur. Vix autem dici potest, quanto libentius imitemur eos quibus fauimus. Atque hætenus Fabius, apud quem alia quædam, legi poterunt: quæ non minus pie, quam prudenter ab homine profano scripta fuere. Et, ut cum eodem hunc locum concludam, Sit ergo tam eloquentia præditus, quam morib. præstantissimus; qui ad Phœnicis Homericæ exemplum, dicere, ac facere doceat.

Quintæ positio, quoniam eloquentia perfectio ex optima exercitatione pendet, sine qua omnis præceptio est uana, ideo nunquam se suo officio satis fecisse Rhetor putet, ni in suam scholam optimas, antiquorum more, exercitationis introduxerit formas. De hac re lege quæ Fabius, tum in secundo, tum in decimo suarum institutionum libro scripta reliquit: ac etiam ea, si placet, quæ lib. quarto de Causis eloquentiæ, & lib. 6. de Rhetorica diuina scripsimus: hic, huius officij sit meminisse satis. Et quoniam hac in parte plura, accuratiora præcepta tradere nolo, quæ quisque ex se facile uideret; de rhetoris officio, hæc admonuisse sufficiat: additis etiam nonnullis alijs admonitionibus, quas libro primo & ultimo de causis eloquentiæ attulimus. Nunc quoniam bonus in elo-

eloquentię attulimus. Nunc quoniam bonus in eloquentia progressus non solum ex bana docendi, sed et ex recta discendi ratione pendet, etiam de discipuli officio uniuerse dicam, & quidem paucis: quibus addes ea quę libris proxime citatis huc pertinentia inuenies. Cum itaque hoc loco nolim ab incunabulis, vel uniuerse, vel priuatim aliquem discipulum instituire, rem propositam leuiter attingendo, ita statuo.

Boet.
Raban.
Hugo.

Barthol.
Medum.
De offic.
Schol.

Sexta positio, cum nō ex omni legno, ut est in pro uerbio, fiat Mercurius, in rhetoricę candidato bona uel saltem mediocriter apta supponitur natura: quę lis autem esse debeat, quomodo iudicanda, & alenda sit, libro de Causis Eloquentię primo fuse lateq; docuimus. Et quod etiam huc facit, uita optime instituta, cum mens uitij occupata, pulcherrimi operis studio uacare non possit: & si in animam peccato subie etiam non intret sapientia, ut sapiens ait, neque eius comes intrabit eloquētia. Cum itaque omnis malus sit stultus, & omnis stultus iudicio & consilio careat: nunquam qui animo est malo eam perdiscet artem, quę summo iudicio atque consilio nititur. Quare, ut ceterarum artium, ita eloquentię fundamentum est sapientia, cuius initium est timor Domini, ut diuinę literę doceat. Ideo legimus eos maximos in bonis studijs fecisse progressus, qui ad quotidianos labores pietatem adhibuerunt, sapientięque a Deo omnium bonorum largitore, ut diuus Iacobus monet, petierunt.

Par. c. 10
& 11.

Sap. i.
Psalm. 11.

Iacob.

Septima positio, ubi bonus piusque discipulus erga Deum primum magistrum suo functus erit officio, pie quoque erga humanum præceptorem se gerat, eñque tanquam alterum parentem honoret & colat.

Li. 2. c. 9. Discipulos, inquit Fabius, id unum interim moneo, ut præceptores suos non minus quam ipsa studia ament: & parentes esse, non quidem corporum, sed mentium credant. Multum hæc pietas confert studio. Nam ita & libenter audient, & dictis credet, & esse similes concupiscent: in ipsos denique cætus scholarum læti & alacres conuenient: emendati nō irascentur, laudati gaudebunt: ut sint carissimi studio merebuntur. Nam, ut illorum officium est docere, sic horum præbere se dociles: alioqui neutrum sine altero sufficiet. Et sicut hominis ortus ex utroque gignentium confertur, et frustra sparseris semina, nisi illa præmolitus fuerit sulcus: ita eloquentia coalescere nequit, nisi sociata tradentis accipientisque

Quin. concordia. Hæc Fabius. Quo loco, si longus esse
Mend. li. uellem, multis exemplis ostenderem, quam malos
de ingr. exitus habuerint illi, qui in suos præceptores minus grati & pii fuere. Hoc unum dixerim, eos discipulos, qui se erga suos magistros ingratos exhibent, pessimæ indolis specimen haud obscurum præbere. Est. n. uerissimus ille Publiani uersiculus, Dixeris maledicta cuncta, cum ingratum hominem dixeris. Contra uero qui grati in suos præceptores existunt, n̄ sane placida indole se ornatos esse demonstrant: ut fuit Cæsar Augustus in Sardonem: M. Antonius

in Frontinum & Apollonium; quorum etiam in suo Larario, honoris causa, statuas habebat: Octavianus in Sphærum pædagogum & libertum suum. Hos itaque & horum similes animo & genere nobiles bonus imitetur discipulus: ut turpissimam illam ingrati animi notam fugiat. Fugiet autem, si huius pulcherrimi, quod quidam Rabbinus discipulo dabat, meminert præcepti, Iehi mora rabbecha, camora, sciamim, hoc est, sit timor præceptoris tui sicut timor timor cœli, siue Dei.

Rab.
Elcaz.

Octava positio, ut bonus discipulus suo fungatur officio, erga sua studia optime affectus esse debet: erit autem, si discendi studio flagrabit, si unam diligentiam, in qua totam vim acquirendæ eloquentiæ Cicero positam esse dixit, sibi adhibenda statuet: statuet autem, si intelliget nullam esse artem, quæ maiorem curam operam, atque industriam requirat, quàm quæ est omnium præstantissima, & ex omnibus conficitur artibus; præsertim ex illis, quæ in eo desiderantur, qui ad eloquentiam comparandam accedit; ut est non mediocris linguæ latinæ notitia, historiarum cognitio, ac Dialecticæ doctrina. Quid autem dicendo, legendoque facere debeat, alibi docuimus. Nunc summam dixerim, eum in eloquentia & omni bonarum artium genere facile progressurum, qui auscultationem, lectionem, cogitationem, scriptionem, repetitionem, præcationemque accurate adhibuerit: his. n. fere rebus continentur omnia, quibus in literarum curriculo maximi processus fiunt.

Li. 1. or.

Lib. 4.
de Caus. eloq.

Nona positio, ubi artis præcepta nouerit, atque etiam dum ea ediscit, illud omnino sibi faciendum putet, ni tempus operam, & sumptus uult perdere, ut quæ didicit artis documenta ad usum optimum dicendi artificem ac magistrum traducat: sine quo nihil prorsus audiuisset, & alia in re tempus posuisse, prestitisset. Id, ut est omnibus exploratum, ita facile ab omnibus fere, non sine stultitiæ significatione, contemnitur. Atque hæc de discipuli officio potius indicasse, quam docuisse in præsentia uolui: cætera, ut dixi, ex alijs repetantur locis. Et quoniam de primo Oratoris officio satis abunde scripsimus, ad secundæ explicationem transitum faciamus.

Libri Primi finis.

DE OFFICIO ORATORIS LIBER II.

*In quo de officio delectandi agitur, & absoluta de
ridiculis, iocisque habetur disputatio.*

*An delectare sit proprium oratoris offi-
cium. Disputatio I.*

EXPLICATIS ijs quæ de primo ora-
toris officio nobis dicenda erant; nunc
de altero, quod positum est in delectan-
do, secundo loco iuxta ea quæ supra
docuimus, nobis agendum est; de quo hac methodo
disputaturi sumus. Primum, huius muneris uim ex-
planabimus; deinde priuatim de iocis quibus audi-
torum animi recreantur, atque capiuntur agemus.
Quod ad primum attinet, hæc mihi occurrunt dubitan-
di rationes.

Primum, delectatio tota uidetur esse Poetarum, Cic. li. i.
cum ars poetica præcipue ad delectandum sit com- de leg.
parata: ideo Flaccus aliquando dixit, In poet.
Aut prodesse uolunt, aut delectare poeta.

Non

Non erit igitur oratoris, qui omnia serio agit, quicquam dicere, quod ad delectationem pertineat. Adde etiam quod loci & facietie, quæ ad delectandum adhibentur, ut leues ad mimos pertinere videntur.

Deinde, ea ad oratoris munera & officia spectant, quæ maxime conferunt ad persuadendum; cum, ut sæpe dictum est, tota officij ratio a fine sumenda sit: at is qui delectat, non persuadet, nec quicquam præstat, quod proxime ad persuadendum conferat; immo potius, dum solum auditores letitia perfundit, eos a re & a causâ distrat: qui suauitate, quasi syrenarum cantu, deliniti, quid ratio, quid æquitas requirat non animaduertunt: igitur.

In Brut. Postea, ex M. Tullio, duæ sunt summæ in oratore laudes, una subtiliter disputandi ad docendum, altera grauius dicendi ad animos audientium permouendos: reijcienda igitur tertia, qua suauiter ad delectandum dicitur.

Ad hæc, delectatio est motus & affectus quidam, ut est omnino per se manifestum: quare hoc munus, quod est in delectando positum, non uidetur esse a tertio diuersum. Quo etiam loco dubitari potest, an animorum conciliatio sit quid ab eorundem delectatione distinctum.

Quod ad opiniones attinet, nihil mihi dicendum occurrit, præter ea quæ supra scripsi: nam, qui unicuique dicendi munus oratori tribuunt, eidem hoc secundum negant, & quasi accessorium putant: Quod

etiam Aristoteles significasse uidetur, cum præter
 unam fidem, reliqua omnia προσβήκην, id est addita-
 menta appellauit: qui tamen postea diligentissime
 de affectibus disputauit: & quod attinet ad ridicula,
 in fine rhetoricæ oratorem ad ea quæ in poetica
 scripserat remittit.

Li. i. rhe.
 c. i.
 Lib. 2.

Ad huius dubitationis elucidationem hoc unum
 adnotauerim, duo esse motuum genera, alterum lene,
 remissum æquabile, quo auditorum animi leniter
 tractantur & afficiuntur: alterum uero graue, con-
 citatum, atque inflammatum; quo, qui audiunt, uehe-
 mentius permouentur, & concitantur. Quando ora-
 tor hoc secundo fungitur officio, primū genus adhibe-
 re conatur, dum eam animi partem quæ concupisci-
 mus orationis suauitate tractat, & dicēdi genere ani-
 mos capit, & captos detinet: alterum uero genus,
 cum tertio munere perfungitur, ut postea planius
 dicetur. Ad quæ duo munera obeunda uarijs utitur
 præsidijs, ut ex utrorumque explicatione patebit.
 Quare, licet in utriusque muneris functione, aliquis
 animorum motus intercedat: tamen non parum in-
 ter se isti motus distant; ut ex ijs quæ dicemus, omni-
 no perspicuum fiet. Hac itaque distinctione posita,
 quid de hoc secundo officio sentiendum sit, quibusdā
 positionibus doceamus.

Prima positio, delectatio est quædam animi per-
 motio ex re præsentī nata, quæ affecti & capti in re
 quam agimus, aut percipimus libenter conquiesci-
 mus, & sine fastidio detinemur. Cum itaque orator

ita dicit, ut suauitate quadam perfundat, & quasi le-
nocinio audientis animum alliciat, erigat, exhilaret,
atque audiendi desiderio incendat, delectare, ac con-
ciliare dicitur.

Secunda positio, quamuis inter conciliationem
& delectationem aliquid possit assignari discrimi-
nis, quod illa animum auersum, aut parum beneuo-
lum sibi gratum reddat; hæc uero, quodam allec-
tamento, & quasi blanditijs capiat, & detineat: tamē
hoc loco pro eodem sumuntur; cum utraque in qua-
dam leni animorum tractatione consistat. Hinc est
quod Antonius, hoc secundum munus expositurus,
de animorum conciliatione egit: cui ob affinitatem,
de affectuum commotione tractationem subiecit; &
postea de iocis, quibus potissimum gignitur delecta-
tio, disputauit. Cum ergo quæ conciliant, delectent,
& quæ delectant concilient, iure optimo hæc duo si-
mul tractantur, & pro eodem sumuntur.

Li. 2. or.

Tertia positio, delectare & conciliare ad officiū
pertinent oratoris. Primum patet hæc positio ex
communi Rhetorum doctrina, & speciatim ex M.
Tullio, locis superius citatis; ad quæ adde hunc aliū.
Necesse tamen est oratori, quem quærimus, contro-
uersias explicare forenses dicendi genere apto ad
docendum, ad delectandum, ad permouendum. Dein-
de ex auditorum natura; qui, cum ut plurimum sint
populares, non audiunt libenter, nisi dicendi suauita-
te detineantur. Delectatur enim audiens multitu-
do, & ducitur oratione, & quasi uoluptate quadam
per-

perfunditur. Quid enim est tamen incundum cogni- De opt.
tu, atque auditu, quam sapientissimis sententijs gra- gen. ora
uissimisque uerbis ornata oratio, & perpolita? Et Ar. li. 3.
hinc est, ut auditor eum oratorem probet, a quo se c. 21.
delectari sentit, etiam si fuerit mediocris: tenet. n. Quin. li.
aures, inquit Tullius, uel mediocris orator, modo sit 6. c. 4.
aliquid in eo. Postremo, quoniam, qui delectatione In Brut:
est affectus, facile quo uolueris ducitur, ac persuade- Au. li. 8.
tur: quo fit, ut delectatio ad finem consequendum de doct.
maxime conferat; ac proinde necessario ad oratoris Chri.
munus pertineat. Non solum itaque docendus
est auditor, sed etiam orationis suauitate & elegan-
tia delectandus: qua, & libentius audit, & facilius
capitur, & quo impellis ducitur. Nemo enim ad a-
gendum flectitur, si grauate, si moleste audiat. Faci-
lius ergo percipimus, cognoscimusque quod animum
delectat: quia suauitas illa non modo excitat atten-
tionem & diligentiam, sed etiam fallit onus & labo-
rem. Argumento sit musicae uoluptas, quam natu-
ra inquit Fabius, uidetur ad tollendos facilius labo-
res uelut muneri nobis dedisse. Siquidem & remigē
cantus hortatur: nec solum in ijs operibus, in qui-
bus plurimum conatus, praeiunte aliqua incunda
uoce, conspirat; sed etiam singulorum fatigatio, quā-
libet se rudi modulatione solatur. Huc facit quod
Homerus Concionatores bonis cicadis similes fecit,
quæ uocem delectabilem emittunt: quamuis simi-
litudinis ista, ut nonnullæ aliæ eiusdem auctoris, sit pa-
rurganis.

Quarta positio, animorum conciliatio, & delectatio partim uerbis & ipso dicendi genere, partim rebus & sententijs, partim uero genere ipso actionis & pronuntiationis continetur. Verbis inquam apposite translatis, concinne collocatis, & numerose fluentibus: quibusdam sententiarum figuris, ut sunt omnes illæ quæ in uerborum similitudine, immutatione, & repetitione consiſcunt, & quæ ad rem aliquam describendam, & ob oculos ponendam conferunt. Sententijs acutis, de rebus incundis, gratis, nouis, inauditis, delectat enim quidquid est admirabile: & denique quæ amabilium morum significationem præbent. Valet igitur, inquit Antonius, multum ad uincendum, probari mores, instituta, & facta, & uitam eorum qui causas agunt, & eorum pro quibus; & quæ apud ipsum de animis conciliandis sequuntur. Horum igitur, concludens ait, exprimere mores oratione, iustos, integros, religiosos, timidos, perferentes iniuriarum, mirum quiddam ualet. De pronuntiatione, & actione, Sed, idem Antonius loquitur, hæc adiuant in oratione, lenitas uocis, uultus, pudoris significatio, uerborum comitas. Hanc nostram positionem, idem his uerbis tradidit. Genere enim quodam sententiarum, & genere uerborum, adhibita etiam actione leni facultateque significandi, efficitur, ut probi, ut bene morati, ut boni uiri esse uideamur. Et ut cum Tullio concludam, Tenet aures mediocris orator, sit modo aliquid in eo: nec res ulla plus apud animos hominum, quam ordo et ornatus orationis ualet.

Quinta positio, delectatio in omnibus orationis partibus, quasi sanguis & color in toto corpore debet esse fusa, sed maxime in exordio & narratione. In exordio quidem, quia animi auditorum conciliandi sunt: qua autem ratione concilientur, libro de dispositione docuimus. In narratione uero, quoniam nullus sermo est ingrator, quam is quo sine suauitate narramus; ac proinde hæc pars potissimum suauitate debet esse aspersa. Quo autem modo suavis fiat narratio, citato docuimus libro. His ita probatis, restat ut ad argumenta respondeamus.

Ci. in pa.

Ad primū, quamuis Poetæ magis quam oratores delectare debeant: tamē hoc etiam munus ad oratores pertinet; cū eos apud quos dicunt beneuolos habere & detinere debeant. Nec mirū uideri debet, si hi duo artifices in hoc munere cōueniāt; cum sint inter se maxime cognati: quāuis longe diuersa ratione ab utroque præstetur. Mimorum uero ioci & facetiæ sunt maxime diuersæ ab oratorijs, ut postea dicetur.

Ad secundum, negamus delectationem non conferre ad persuadendum, cum delectatio oratorem gratum beneuolumque reddat, & auditorem detineat: & sæpe etiam ad argumenta dissoluenda conferat. Nec animum auertit, sed potius excitat & acuit: et ipsa animi auersio, suis locis adhibita, ut cum aduersariorum argumenta dissoluenda sunt, non est inutilis.

Ad tertium, qui iocis apte utitur, subtiliter disputat, ac proinde commendandus est.

Ad

Ad quartum, hoc argumentum assumit falsum quia motus delectationis est longe diuersus ab eo, quo ad aliquid agendū, aut ad assentiendum auditores traducimus: idque, vel ex eo patet, quod multi delectant, sed non mouent: Et tamen motus grati omnis ab Oratore sumitur disputatio, sed de hac re hucusque: de qua in opere de oratore diuino non nihil diximus. Qua autem ratione orator delectare, & hoc officio fungi debeat, postea, cum de Iocorum usu agetur, plane explicabo: de quibus nunc disputare aggrediar.

An Ioci possint arte tradi. disp. 2.

Quoniam ioci & facetiæ priuatam uim ad delectandum habent; idcirco delectandi munere uniuersæ exposito Ciceronis uestigia sequentes, de iocis aliquid nobis scribendum duximus. De quibus, etsi homines eruditi hætenus multa scripserint: tamen cum eandem rem longe diuersa ratione explicaturi simus, hic fortasse a nobis, non frustra suscipietur labor.

Primum itaque docebimus an aliqua ars de ridiculis tradi possit, & ad quem artificem eorum explicatio pertineat: Deinde, quæ sit ridiculorum natura, quæ causæ naturales: Postea de ijs quæ ad risum commouendum uim habent: Præterea, varias ridiculorum diuisiones, & species siue modos in medium afferemus: Iam uero locos ac sedes indicabimus, unde

de ridicula priuatim eruantur : Ad hæc de iocandi necessitate, & virtute : Postremo, de honesta iocandi ratione, siue de recto iocorum usu. Quod igitur ad primum caput attinet, iocos nulla arte tractari posse, his argumentis demonstro.

Primum, si hæc de iocis doctrina esset artis capax, eam profecto Græci tradidissent ; cum ab ipsis, Diog.
Lacr. ut aliqui arbitrantur, omnes dimanarint, aut certe perfecta fuerint artes : at hi de salibus insulse scripserunt : certum igitur indicium habemus arte tradi non posse. Quod sumptum fuit, Cæsaris auctoritate confirmare licet : qui, cum Græcorum libros se uidisse, seque ex illis de hac re aliquid discere posse in spem venisse, dixisset, hæc adiecit verba, Sed qui eius rei rationem quandam conati sunt, artemque tradere, sic insulsi extiterunt, ut nihil aliud eorum, nisi ipsa insulitas rideatur. Lib. 2. orat. Ad hanc rationem confirmandam accedat etiam Antonij, aut potius ipsius Ciceronis auctoritas, qui ridicula arte tradi non posse existimauit. His etiam subscripsisse uidetur Fabius, qui cum dixisset, eorum aliquam obseruationem esse posse, hæc verba adiecit, Ita plane affirmo, precipue positum esse in natura, & occasione : ubi quid utrumque possit, explanat. Lib. 6. c. 3.

Deinde, de eo quod a natura tribuitur, nulla potest esse, nec necessaria est ars ; ut de edendo, de spectando : atqui, ut idem Cæsar disputat, natura fingit homines & creat imitatores, & narratores face-

tos, & vultu adiuante, & uoce, & ipso genere sermonis: igitur.

Præterea, si ridiculorum vlla potest esse artificiosa præceptio, maxime ratione locorum ex quibus ad ad risum ciendum ridicula sumuntur: atqui isti loci sunt incerti & inefficaces; ut ex ijs cognoscere licet, quæ de eis Tullius, Fabius, & alij scripserunt: igitur.

Postremo, hanc disputationem ad Rhetorem non pertinere hac ratione demonstro: de risu cum sit effectus quidam naturalis, & causas habeat naturales differere debet Physiologus, qui rerum quæ natura existunt, causas inquirat: de facetijs & urbanitatibus, ut sunt honestatis & turpitudinis capaces, is qui mores tractat, ut Aristoteles in Ethicis fecit: de iisdem, ut risum commouent, potius Poeta, aut Historio, quam Rhetor agere debet: aliena igitur a Rhetorica scriptione hæc disputatio censenda erit. In hac difficultate, quod attinet ad scriptorum opiniones, hi possunt notari dicendi modi.

Primus eorum, qui affirmant nullam certam artem doctrinamque de ridiculis fieri posse, ob eam potissimum rationem quam secundo loco attulimus. Hinc est, quod aliqui de ridiculis agentes, potius historiam quandam, multa ridicula hinc inde colligentes, quam artem confecerunt, & nulla præcepta de ridiculorum natura, usu ve tradiderunt.

Secundus aliorum, qui existimarunt ridiculorum

non

Lib. 4.

Macr.

non esse artem, sed solum observationem quandam. Ita Cæsar, & Antonius apud Ciceronem, Fabius, & alij nonnulli.

Tertius aliorum qui putarunt aliquam esse posse facetiarum artem. In hac sententia Aristotelem fuisse ex eius scriptis colligere licet: eandem uarijs in locis tenuit Pontanus, ac etiam Madius.

Ad hanc difficultatem explicandam, nonnulla ponemus fundamenta, si prius aliquot auctores, qui de iocis scripsere indicauerimus. Scripsit de iocis quædam Herennianus auctor, M. Tullius in secundo de oratore sermone, Fabius libro sexto suarum institutionum, & horum auctorum expositores. Robertellius, sed satis ieiunne; multo melius Madius:

Ioannes Ionianus Pontanus libro tertio & quarto de Sermone fuisse, & confuisse, Macrobius antiquorum ridiculorum multa exempla coaceruauit. Melchior Iunius de præceptis dicendi: Scripsit etiam Aristoteles in poetica; sed hæc pars temporum iniuria ad nos non peruenit, ut etiam ea quæ eadem de re eius discipulus scripsit Theophrastus.

Philel. l.
6.
Cap. 13.

Primum fundamentum, in quo quasdam explicabo uoces quibus in hac tractatione auctores passim utuntur: quæ & si uim habent diuersam; interdum tamen promiscue usurpantur: sunt autem sequentes.

Ridiculum, uocabulum ductum a uerbo Rideo, quod proprie risum edere significat: at si cum accusandi casu iungatur, idem ualet, quod deridere, & ir-

ridere, hoc est, deludere, & cum risu contemnere : Translate, letum esse significat : unde, ridibundus, hoc est, admodum letus, hilaris, & abunde ridens. Arridere, est applaudere, animi lætitiā ridendo ostendere, & placere : & Qbrideo, ac subrideo, hoc est, parum, sine latenter rideo. Ridiculum ergo designat rem, gestum ue, & sermonem risum excitantē aut animum aliqua oblectatione commouentem : & adiectiue, Ridicularium, quod idem ualet, ac ridiculum, quod risum mouere potest, & interdum studium excitandi risum significat. Hinc etiam Ridiculus, hoc est is qui alijs derisui est, & is de quo alij rident : & aliquando is qui alios ridere facit : ut cum dicitur, Ridiculi, id est Ioculares nihil fiunt. Hinc denique, Ridicule, id est facete, per iocum.

Iocus, & in numero multitudinis, Ioci, & Iocæ, a verbo Iocari, quod est facete & uenuste loqui, & cauillari : quod per literarum mutationem a verbo Iuuo, aliqui ductum putant : idem ualet, quod risus, ludus, facetiæ, lepores, & cauilli. Inter iocum & ludum illud discriminis quidam ponunt, ut ludus sit in factis, iocus in uerbis. Hinc Ioculus, diminutiuum, Iocosum, quod ad iocum pertinet ; cui contrarium est. Serium : Iocularium, quod Ioco dicitur, uel quod est ioco dignum : & Ioculatorius, atque Iocularē, quod per iocum fit : & denique ioco, iocose, & ioculariter, hoc est festiue, & per iocum.

Sal salis, & sales per metaphoram a condituris cibariis, ridiculum, iocum, urbanitatemque, & ali-

aliquid sapide iocoseque dictum significat: Huc pertinere videtur Catullianum illud,

Nulla in tam magno corpore mica salis.

Cotul.

hoc est, nihil facetum, nihil argutum, atque uentustum; uel, ut Fabius ait, nihil in eius corpore est ridiculum. Et, salsum, de qua uoce hæc scribit citatus auctor, salsum igitur erit, quod non est insulsum, uelut quoddam simplex orationis condimentum, quod sentitur latente iudicio, uelut palato, excitatque, & a tædio defendit orationem. Sane tamen, ut ille in cibus paullo liberalius aspersus, si tamen non sit immodicus, affert aliquid proprie uoluptatis, ita hî quoque in dicendo habent quiddam, quod nobis faciat audiendi sitim. Salse, idem est quod facete, & cum sapore aliquid dicere. At uero, cum sale, aut salibus aliquid efferre, & sale aspergere, idem est quod mordere, & paullo liberius aliquem carpere. Unde græce, sales σάλαι, id est conuicia, quasi τάλαι τάλαιον autem idem est quod τρωπτεον, id est cauillari, & salens fundere.

Eusth.
Iliad. 3.

Facetiæ a fando, uel agestibus faciendis sic dictæ, sunt Ioci, sales, & delitiæ quædam sermonis, & urbana dicta sine scurrilitate; quæ tum in factis, tum in dictis esse possunt. Ideo aliquando Cicero dixit, quod facete dicitur, id alias in re, alias in uerbo facetias habet. Facetiæ igitur sunt ioci, qui cum lepore sine offensione, aut cum aliqua offensiuncula, gratia & lepore condita, eduntur: qui potius con-

Cic. 2. or

mendationem, atque approbationem, quam risum ingerunt. Verum hoc uocabulum priuatim designat narationem sermonemque perpetuum, quo aliqua fabella salibus aspersa cum lepore & gratia explicatur. Sales latius patent, quam facetiæ, ut ex M. Tullio colligere licet, cum ait, Huic generi orationis aspergentur etiam sales: quorum duo sunt genera, unum facetiarum, alterum dicacitatis. Hinc facetus, id est salsus, urbanus, argutus, sermone festiuus, & dulcis: qui iocis citra scurrilitatem abundat: & Facetosus, quod idem significat: atque facetæ, hoc est, false, ridicule, concinne, atque venuste. Idem. n. ualet interdum facetus, quod concinnus, uenustus, decorus, excultus, & elegans. In ridiculis autem nihil dicitur facetum, nisi sit liberale, & decorum: unde non omnia ridicula sunt faceta.

Urbanitas, de qua hæc scribit Fabius, Nam & Urbanitas dicitur, qua quidem significari uideo sermonem præ se ferentem in uerbis, & sono, & usu proprium quendam gustum urbis, & sumptam ex conuersatione doctorum tacitam eruditionem, denique, cui contraria sit rusticitas. Ea itaque est urbanitas, in qua nihil absonum, nihil agreste, nihil inconditum, nihil peregrinum ullo sensu potest deprehendi. Cæterum, hoc loco speciatiim eum iocum designat, qui cum uirtute sit, ad animum cum honestate exhilarandum, ab homine liberaliter & urbane edocato: cui contraria est Inurbanitas, rusticitas, atque

atque scurrilitas: quæ duouitia a mediocritate, quæ uirtus continetur, recedunt. Sed de Urbanitate infra paullo accuratius agetur. Hinc, Urbanus; hoc est, facetus, cultus, non rusticus, & peregrinus, & urbane, id est facete, modeste, & eleganter.

Dictum & dicta, quæ, & si de omni sermone dicantur: tamen speciatim pro iocis & salibus sumuntur, quæ ob salem aspericra sunt. Breuiter & acute dicta, græce scommata, quæ & dicteria uocantur. Dicacitas est sermo cum risu alios incesbens; & dicax, id est paullo nimium facetus, qui malignis salibus maledicit: a qua dicacitate, cum alienus fuerit Demosthenes, urbanus quidem dictus est, sed non dicax. Quare dicta, ut plurimum, continent conuicia & contumeliarum aculeos. Vniuerse tamen, Dictum, est breue & acutum iocantis acumen, quod aliquando in uerbo, aliquando in sententia cernitur: sed si sit nimium mordax, scurrilis dicacitas uocatur. Est autem scurrilitas procax atque petulans dicacitas: Scurra uero qui risum ab auditoribus captat; non seruata dignitate personæ, qui cacchinnos lacescit, & effringit ora, sed & ipse ridetur.

Mimi, sunt poemata lasciuia sine reuerentia imitantia, facta ridicula: & mimicus, quod ad mimum pertinet. Dicuntur etiam mimi, effictores, qui gesticulationibus aliorum dicta, facta, & mores imitantur. Est itaque mimus, dictorum, uel factorum impudens, lasciuæque imitatio: & homo mimus, qui

leuiculus homines in hilaritatem resoluit, sed citra dignitatem, sunt & mimi poetæ, qui mimos faciunt.

Mimorum similes sunt Sanniones, qui soluto risu & contortis totius corporis partibus quempiam irident, moresque aliorum ita inepto gestu exprimunt, ut cum alios irrideant, ipsi sint ridiculi. Quid enim, ait Tullius, potest esse tam ridiculus, quam Sannio? qui ore, uultu, imitandis moribus, uoce denique corpore ridetur ipso. Sic dicti a Sanna, hoc est ab irrisione, quæ distorto ore & labris contractis, anteriorum dentium ostentatione fit. Hinc, Desanno, subsanno, & sannatores.

Lepor & lepos, græce calliepia, carientismus, idem est quod festiuitas, iucunditas, & urbanitas, gratia, & uoluptatis cuiusque amoenitas. Dicitur de gustu, forma, & sermone, quasi sit quædam sermonis lautitia: in oratione, lepor est concinnitas, & elegantia, ornatusque scitus. Hinc lepidus, leporis, plenus, quod de homine, de oratione, deque rebus alijs dicitur; ut lepidus homo, lepida oratio, lepidus dies: & lepide, id est eleganter, cum gratia, & uenustate.

Festiuitas, lætitiā & iucunditatem designat, quam uultu & uerbis quispiam præ se fert; hilaritatem nimirum quandam liberalem; & festiue, hoc est belle, & cum grata hilaritate.

Comitas, quæ magis in moribus, quam in iocis spectatur, & facilitatem, humanitatem, morumque suauitatem designat: cui contraria est seueritas, & quædam

quædam grauitas acerba. Hinc comis, id est benignus, facilis, suauis, tractabilis: & comiter, id est benigne, mansuete, suauiter, non grauate. Atque hæ sunt uoces illæ, quarum explicationem pro hac tractatione necessariam existimauimus.

Cic. pro
Cor.Ba.

Secundum fundamentum, eiusdem rei uaria ratione considerata explicationem ad uarios artifices pertinere posse, omnes uiri docti docent, & re ipsa demonstrant. Id, si quidam minus eruditi animaduertent, non damnarent eos, qui nonnulla in arte dicendi exponunt, quæ etiam in aliqua alia facultate traduntur; ut sunt loci topici, humane perturbationes, questionum uarietas, & id genus alia; in quibus etiam iocos reponeres: quorum tractatio ad diuersos artifices pertinere potest; ut planius in positionibus docebo; quas, his notatis nunc subiicio.

Ari. li. 2.
phys.

Prima positio, Tractatio de ridiculis ad uarios artifices pertinet, nimirum ad Physiologum, & Ethicæ doctorem, ad Poetam, & ad Rhetorem: diuersa tamen, ut ante dicebam, ratione. Nature speculator naturales causas inquirat: Morum magister eorum honestatem, turpitudinem, usumque in communi uita demonstrat: Poeta & Rhetor quo pacto dicendo ridicula excitari possint, & qui sit eorum in dicendo usus; & ut ad animos oblectandos conferunt. Quamuis, neque hi duo artifices eadem prorsus ratione de ridiculis agant, neque illis eodem utantur modo: quæ de re hic subtilius disserere nolo.

Secunda positio, de ridiculis, siue iocis, ut sunt effectus

fectus quidam naturales potest esse certa doctrina
 & scientia. Hæc positio est manifesta; quia sub hac
 consideratione suas habet causas; quas qui nouerit,
 I. 1. 1. ph. iuxta doctrinam sepe ab Aristotele traditam, certâ
 et 2. phy. eorum habebit notitiam.

Tertia positio, de ridiculis, ut sunt actus humani
 honestatis & turpitudinis capaces, certa doctrina
 tradi potest: Quoniam Urbanitas est quedam uir-
 tus, quæ in mediocritate consistit, ut postea planius
 docebo: at de uirtutibus certa haberi potest co-
 gnitio; ut ex Ethicis Aristotelis patet: igitur. Habent
 enim uirtutes sua principia, suas causas, suasque pro-
 prietates, & affectus.

Quarta positio, de ridiculis, ut habent uim dele-
 ctandi ars aliqua esse potest. Primum, probant aliqui
 I. 1. 3. c. x. hanc ueritatem ex hoc Aristotelis loco, qui in Rhe-
 toricis habetur, Nam posse facete dicere, aut inge-
 niosi est, aut exercitati: docere autem doctrinæ hu-
 ius, id est, artis dicendi. Cæterum hic locus non de
 iocis, sed de urbana, hoc est de emendata eloquutione
 quam nos Latinam appellamus intelligendus est: qui
 tamen ad id quod docemus confirmandum aliquam
 uim habet. Et sane, non est credendum Aristotelem
 & Theophrastum sine arte de ridiculis egisse: quo-
 rum scripta si Cæsar uidisset, aliter fortasse de Græ-
 tis sensisset. Deinde, risus est quidam naturalis effe-
 ctus, qui excitatur a ridulis, ex certis locis sumptis,
 & aliqua redditur ratio cur ridicula apta delectent;
 & ineptia non sint ad delectandum accommodata; et

cur magis aliqui sint ad iocos facti, quam alij: at qui
causam alicuius rei tenet, is artem habet: igitur de
ridiculis ars esse poterit aliqua. Præterea, cum de
ornate loquendo quædam detur ars, quod aduersarij
fatentur, quamuis reperiatur eloquentia quædam
naturalis; cur non etiam esse poterit ars quædam io-
candi; licet iocus quandam dexteritatem a natura
tributam requirat? Et ut inuenti sunt loci artificiosi,
unde argumenta ad aliquid probandum sumuntur;
ita etiam sedes quædam in quibus ridicula latent, ob-
seruatz fuisse. Quare, si incultæ naturæ iocandi ar-
tem inferas, bona fient diætæ: non secus ac si arbo-
ribus siluestribus domesticos per culturâ surculos
infereres. Postremo, res ipsa idem confirmat, cum ui-
deamus quosdam hac de re certa dedisse præcepta,
quæ si quis teneat, prompte, & apte iocari, & eorū
quæ ad delectandum adducit, cur delectent, rationē
reddere poterit: qua doctrina, quæ ex se non sunt ri-
dicularia, faciet ut risum moueant, grauiā ad festiui-
tatem adducet, & humilia attollet.

Quincta positio, de ridiculis, quod attinet ad pri-
uatos modos quibus excitantur, & ad apium eorum
usum, certa doctrina tradi non potest. Hanc positio-
nem probat tertia ratio superius allata: & hoc Cice-
ronem & Fabium, & qui iocorum artem negarunt,
affirmare uoluisse existimo: cum re uera singulares
iocorum loci, & priuatus usus certa ratione non faci-
le doceri queat, sed solum exercitatione quadam, &
prudentiā aliquo pacto cognosci possunt: quod etiā
de

Ari. li. j.
Met. c. 6.

Lib. ora.

lib. ora.
lib. ora.
lib. ora.

de tota dicendi ratione affirmares, & Crassus apud Ciceronem affirmat. Et huc pertinet quod Aristoteles ait, sales edere, seu urbane loqui, esse τοῦ εὐφροῦντος, ἢ τοῦ ἰσοκράτους, id est ingeniosi, siue exercitati. Sed iam ad argumenta respondeamus.

Ad primum, non omnes artes inuenerunt aut per fecerunt Græci: qui quas coluerunt disciplinas, ut antiquitatis periti tradunt, eas omnes ab alijs acceperunt. Et ut paullo ante dicebam, existimandum est Aristotelem & Theophrastum hanc disputationem ad artem reuocasse. Vt omitam, quod aliqui recte fortasse scripserunt, quos Cæsar non uidit. Qua autem ratione Cæsar, & alij qui aliter quam nos de hac re sentiunt, intelligendi sint, supra docuimus: ni eos minus probabili sententia relinquare uelis.

Ad secundum, fingit quidem natura quosdam ad iocos idoneos, ut etiam ad eloquentiam, sed eos non perficit; quod efficere est artis proprium.

Ad tertium, hoc argumentum id solum probat: quod in ultima positione docuimus: concedatur igitur.

Ad quartum, soluitur hoc argumentum ex doctrina allata in secundo fundamento & in positionibus.

Theod.
Christ.
Ale. Di,
sic,

Quæ sit risus natura, siue de risus definitione.

Disput. 3.

Quoniam ergo demonstratū est, de ridiculis arte fieri posse, & eorum tractationem ad Rhetorē aliquo pacto pertinere; sequitur ut ad rē ipsam propius accedamus, et quid sit risus doceamus, cū de uarijs eius appellationibus supra scriptum fuerit.

Sed hic nobis obijceret quispiā grauissimam Casaris auctoritatē, qui de iocis acturus, hanc quæstionē ad Democritū reiecit, uel quia multa hic philosophus, ut Laertius ait, de natura scripsit, uel quia perpetuo hominum stultitiam ridebat; quam ob rem *χαλκίῳ* hoc est, risuius fuit nominatus: Ceterum, ista quæstio non est omnino a rē in qua uersamur aliena. Vt autē rem propositam plane explicemus, hæc statuo fundamenta.

Primum fundamētum, ad intelligendum quid sit risus, supponimus hoc loco, id quod postea accurate explanabitur, risum ortū habere ab aliqua turpitudine cognita, quæ secum aliquā nouitatem, ac proinde admirationem & uoluptatem affert. Est autem risus duplex; alter fictus, cū quis se ridere fingit, ut cum alterius risum imitatur: alter uerus, qui ex ueris et naturalibus causis nascitur: cuius duo sūt genera, alterū, quod tactu excitatur; ut leni genuū tractatione: alterum, quod per aspectū, uel auditum commouetur: nos de uero risu, & de eo qui potissimū ex auditu oritur

acturi

Lib. 2.
Orat.

acturi sumus. Cū ita itaque homo, qui est animal rationis cōpos aliquid subturpe, nouum, et aliqua admiratione dignū percipit, excitatur in animo motus quidam præter electionē. Hic motus uitales spiritus & sanguinē excitat, unde sequitur caloris effusio: & cordis dilatatio, præcordiorūque commotio, atque diaphragmatis, siue septi transuersi, & muscutorū, qui sunt ad oris latera cōstrictio. Spiritus ergo cōmoti, qui sunt p̄cipua motus instrumēta, latera, uenas, uulnum, os, & oris partes quatunt, unde risus, siue cachinnus erūpit. Quo fit, ut interior risus cōsistat, in illa animi cōmotione ex re turpi, & aliqua admiratione digna exorta: qui postea in organis corporeis apparet, et a sensibus per motū & sonum percipitur.

Secūdum fundamentum, in quo de instrumētis corporeis quibus risus efficitur, & in quibus tanquā in subiecto reperitur agēdū est: qua in re non omnes scriptores cōsentiūt. Quidam igitur risum in liene sedem habere existimarunt, qđ tamē alij non approbarunt. Quoniā lien, solum remote ad risum eliciendum confert, prout atram bilē, siue melancholiam allicit, & sanguinem purgat; qui quo purior est, eo cōmouetur facilius, & ob calorem dilatatur; qđ ad risum ciedū est necessariū. Ideo alij ex Plinij auctoritate hilaritatis sedē faciunt præcordia: sic enim ille scribit, Huic certe refertur accepta subilitas mētis: ideo nulla est ei caro, sed neruosa exilitas. In eadē præcipua hilaritatis sedes, quod titillatu maxime intelligitur alarum ad quas subit, nō alibi tenuiore cute humana: ideo scabendi

bēdi dulcedo ibi proxima. Ob hoc in praelijs gladiatorumque spectaculis mortem cū risu traiecta praeordia attulerunt. Alij uero priuatim in corde, ut in pri
mo corporis organo consistere arbitrantur: illudq; argu-
mento esse dicunt, qđ cum duo sint organa, quae pre-
ter uoluntatis imperiū mouentur, cor & pudenda, et
risus in potestate nostra nō sit, a cordis motu pendere
fatendum erit: ad cuius cōmotionem mouetur etiam
diaphragma, a quo tota superior hominis pars cietur.
Quod autem ob motū cordis prae-ter eius naturam ca-
lor diffundatur, ex eo patet, quod ob nimiam caloris
dilatationē spiritus resoluuntur, et uires debilitantur;
ut illis accidit, qui risu permouentur. Eā uero cordis
dilatationē quā excitatur risus ex rei turpis cognitio-
ne fieri, ex eo colligitur, qđ tandiu risus durat, quan-
diu res illa permanet, & talis apparet: qualis a prin-
cipio concepta fuit, delectabilis nimirum ob allatam
causam; unde sequitur animi dilatatio, & spirituum
ac partiū iam dictarum prae-ter naturam, siue uolun-
tatem commotio. Ex quibus intelligi licet, cur prae-
latitia interdū gestiamus & exultemus: Quia ob rei
bonae consequutionem, maxime si prae-ter expectatio-
nem contingat, animus commouetur & dilatatur: un-
de magna in corporis partibus sequitur commotio.

Tertium fundamentū, in quo ad risus naturā me-
lius intelligendā, quasdam naturales quæstiones ad ri-
sum pertinētes breuiter explicabo. Prima q̄stio hæc
est, cur risus interdū cōtineri non queat? An quia in
illis corporis partib. sedem habet, quarum motus hu-
manæ

Arist. li.
de mot.
anim.

manę uoluntati & electioni non sunt subiectę? præsertim cum ultra naturalem modum concitantur.

Secunda, cur qui risu cōtinere nituntur in cachinnum, hoc est in profusorem risum prorumpunt? An quia spūs uitales compressi uehementius eas partes, quarum adminiculo risus editur, commouent? non secus ac compressa flamma quę uehementius erumpit.

Tertia, quid causę est, ut per risum uires debilitentur? An quia spūs & sanguis dissipantur? ex quorum copia & unione uires sunt maiores.

Quarta, cur unus magis, quā alius ridet, estque addendum promptior? An quia unus magis, quam alius spiritibus & sanguine abundat? unde melancholici sunt minus ad ridendū apti. An ēt, quia unus melius, quā alius ridendi causam, occasione re percipit?

Postrema, cur in risu sæpē lacrimę funduntur? cum id sit proprium eius qui tristitia afficitur, & plorat: Huic quęstioni hunc in modum satisfaceres. Lacrymę ex cerebri compressione nascuntur, per quam eius humiditas erumpit. Hęc autem compressio, uel fit ob merorem qui uim contrahendi habet; ob quam causam męstitia affecti lacrymas effundunt: uel ob dilatationem cerebri: nam cerebro dilatato, ob cranei durtiem fit compressio, & humiditatis resolutio: quam ob rem ridentes interdum lacrymas emittunt.

Solueres etiam ex dictis eas omnes quęstiones, quas sibi prætermittendas esse existimauit Tullius, quid sit risus, quo pacto concitetur, ubi sit, quo modo existat, atque ita repēte erumpat, ut teneri nequeat, & quo

Lege A-
lex. par.
12. prob.
29.

Lib. 2.
orat.

Et quo modo simul latera, os, uenas, uultum, Et oculos occupet. Atque his notatis, quasdam subijcio positiones.

Prima positio, risus hunc in modum describi solet, Risus est admiratio in homine rerum turpium citra dolorem a ratiocinio ad animum relaxandum: quam descriptionem si quis uellet, ut non satis accommodatam, reijceret; sed hac in parte immorari nolo. Alij hoc pacto descripserunt, Risus est motus animi rationalis præter electionem, caloris effusionem, cordisque dilatationem, ultra id quod sua natura fert insequens: ad quem motum, sequitur diaphragmatis constrictio, Et musculorum, qui sunt ad oris latera, contractio: qui cordis motus interuentu speciei nouæ rei turpis, citra dolorem excitatur; hominibus ad animum relaxandum a natura tributus. Alij hoc modo, Streb. Risus est motus animi in hilaritatem, latera, os, uenas, oculos concutiens. Posset aliquis adhuc magis absolutam risus definitionem conficere, ex eius causis, quas nunc plane subijciemus.

Secunda positio, causa efficiens interioris risus, hoc est illius motus affectionisque gratæ in animo existentis, est species rei subturpis præter expectationem aduenientis, cognita: subiectum, siue materia, est animus ipse, qui ad rei incundæ præsentiam permouetur ac dilatatur: finis est naturæ instauratio animique relaxatio. Exterioris uero risus proxima causa est illa animi permotio Et dilatatio, aqua spirituum

& caloris nascitur concitatio: ex quorum agitatione partium corporis, & maxime oris sequitur commotio. Subiectum, est cor, & præcordia. Omnia igitur, siue dicta, siue facta, cum quadam nouitate & admiratione ex re subturpi nata, quæ humanæ rationi se se obijciunt, ad risum, delectationemque excitandam uim habent; ut planius in sequenti disputatione patebit.

Quo loco illud admonuerim, oratorem in iocorum usu nō habere eum finem, ut corporis risum excitet, sed eum potissimum, ut animum oblectet, & quadam delectatione detineat, afficiatque risum uidelicet internum non externum.

Tertia positio, tractatio de ridiculis non est ridicula, hoc est non leuis, non facilis, sed grauis & ardua: cuius difficultatem hæc potissimum demonstrant. Primus difficilis est hæc tractatio ratione causarum efficientium risum, quas non facile est inuenire & explicare. Deinde, non potest non esse explicatu difficile id quod est omnino uarium & incertum, ut est aptum & inodum ridiculum; quod, ut, ait Fabius, non tam ratione aliqua, quam motu quodam nescio an inenarrabili indicatur. Præterea, in eo etiam est difficultas non parua, ut rectus doceatur ridiculorum usus, in quo etiam Ciceroni non malo ridiculorum scriptori defuit modus. Ideoque anceps est huius rei ratio, quod a risu, non abest derisus. Denique, ne plures difficultatis causas percenseam, ideo hæc tractatio

tio difficilis exstimaanda est; quia quod sciam, non facile aliquem inueniens, qui hanc artem plane pleneque tradiderit.

Quid sit ridiculum. Disp. 4.

VT non facile fuit explicare quid sit risus, ita non facile, ne dicam multo difficilius est, exponere quid sit ridiculum: quod ex ijs dubitationibus quas asseram cognoscere licebit.

Primum, omnes fatentur ridicula excitari ex aliqua turpitudine cognita: locus, ait Cæsar, & regio quasi ridiculi, turpitudine & deformitate quadam continetur: hæc enim videntur sola, uel maxime, quæ notant, & designant turpitudinem aliquam, non turpiter: at, quæ turpia sunt, siue in animo, siue in corpore sint, potius miserendi, si a natura sint, si uero ex electione potius irascendi, aut indignandi occasionem præbere debente ijs qui recta utuntur ratione: male igitur assignatur hæc ridendi causa.

Deinde, multi sunt qui dicunt, risum magis excitari a simulata, quam a uera turpitudine: quod uidetur falsum, cum maiorem uim habeat id, quod est uerum, quàm quod est simulatum: exempli gratia, magis sensum mouent ueriflores, quam simulati, & auri uera species, quam fucata.

Præterea, risus non potest fieri sine rei nouitate & admiratione, ex quibus, ut diximus, animi nascitur commotio: quæ si uera sunt, reprehendendus es-

set Cicero, & Fabius, & quidam alij, qui de his nihil meminerunt, dum de ridiculis late scribebant.

Ad hæc, turpitudine illa, quæ est futura causa risus, aliena esse debet a dolore, ut ex Aristotele discitur: neque enim quæ cum dolore in aliquo est turpitudine, honeste ridendi occasionem viro prudenti præbere debet: atqui sæpe ridemus turpia, quæ sunt cum dolore coniuncta; ut cum uidemus quempiam cecidisse humi, uel cum deformem faciem ob acceptum vulnus intuemur: Falsa igitur esse uidetur doctrina ista de turpitudine citra dolorem: quam ex eo etiam refelleres, quod Cicero nunquam meminit de ista doloris remotione: at si necessaria foret, profecto ignorantia, vel negligentia nomine damnandus esset.

Quod attinet ad auctorum opiniones circa ridiculi naturam, omnes in eam inere sententiam, ad ridiculum requiri aliquam turpitudinem, sed quæ, & qualis esse debeat, non eodem modo ab omnibus explicatur. Nam alij solius turpitudinis mentionem faciunt: alij addunt, debere esse alienam a dolore.

Rursus, in eo etiam est diuersus loquendi modus, an præter turpitudinem aliquid aliud requiratur, ut quidam uolunt: ac proinde Ciceronem reprehendunt, quod non omnia attigerit, quæ ad risum conficiendum sunt necessaria. Dicunt itaque fuisse diminutum quod nihil de doloris absentia, nihil de admiratione, nihil de nouitate quam sequitur admiratio dixerit, quæ omnia ad risum commouendum necessaria esse uidentur. Ut hanc disputationem plane explicemus nonnulla

nonnulla ponenda sunt fundamenta.

Primum fundamentum, in quo turpitudinis natura explicanda est: quæ quoniam non facile intelligi potest, nisi intelligatur quid sit pulchritudo, ideo de ea priore loco aliquid dicemus. Pulchritudo, si de corporea loquamur, nihil aliud est, quam quædam partium symmetria, atque conuenientia, per quam partes omnes inter se consentiunt, & ad unum quid conficiendum congrue conspirant, superaddita quadam colorum suauitate: ut pulchrum id dici possit, quod nihil in se deforme, nihil inconcinnum habet. Ex hac corporis forma per quandam analogiam ac similitudinem, aliquo pacto explicare licet, animi pulchritudinem, quæ, si oculis cerneretur, mirabiles sui amores in nobis excitaret. Animi itaque pulchritudo in eo sita esse uidetur, ut intelligendi uis ipsa sit ornata habitibus, quibus ea omnia plene cognoscat, quæ cuique cognoscenda sunt: & appetendi facultas ipsa exulta uirtutibus, quæ ad honeste agendum sunt necessariae; quibus ita sit affecta, ut nihil uelit, nihil efficiat, quod non sit cum recta ratione consentaneum. Qui igitur, quod ad hasce animi uires attinet, totus sibi erit consentiens, atque consentaneus, ut nulla in re deficiat, aut excedat, sed penitus teres atque rotundus fuerit, is animo pulcher nominari poterit. Est & alia tertia quædam pulchritudo, quæ in illis spectatur rebus, quæ cum quadam concinnitate atque elegantia ad corpus adhaerescunt; & uniuerse in omnibus, quæ aliquo pacto ad nos referuntur. At-

Ioa. Bap.
Picen. o-
rat. 17

Plat.
Cic.

que ex his facile intelligere licebit, quid sit turpitudod, quæ, uniuersæ loquendo, nihil aliud est, quam quædam partium, aut plurium rerum male coherentium copulatio. Ibi igitur agnoscenda est turpitudod, siue animi, siue corporis, ubi aliqua est deformitas et prauitas: quæ quid sit longe manifestius fiet ex ijs, quæ in secundo fundamento docebimus, in quo uaria eius genera explicabimus.

Secundum fundamentum, facile dictu fuit, Ridicula sedem habere in turpitudine, at quænam sit ista turpitudod explicare, non esse facile, id argumēto sit, quod omnes fere qui de iocis scripsere, eam non explicarunt, quod nos hoc fundamento uarias turpitudinis species afferendo, facere nitentur. Turpitudod, quam Aristoteles peccatum appellat, ut ex dictis colligere licet, nihil aliud est, quam recessus quidam ab eo, quod naturæ conuenit, uel deformitas ex eorum discordia, quæ cognata esse deberent exorta.

Quæ primum tres in partes diuidi potest: in turpitudinem animi, corporis, & earum rerum quæ extrinsecus accedunt, atque contingunt. Quid sit animi turpitudod, quæ nostros sensus effugit, & solum dictis factisue aliquo pacto percipitur, uere ac sapienter docuit Plato, cum, eam plurimam & uariam ignorantiam esse, dixit: quæ adeo horrida censenda est, ut quidam eam Infernum appellare non dubitauerit. Et quod de ignoratione dictum est, idem de peruersa appetitione, qua ab honesto, & decoro, sicuti per ignorantiam a uero, receditur, dicendum est.

Hinc

Plat. in

Soph.

In poet.

In soph.

Iamb.

Hinc fit, cur in diuinis literis aīa, quę ex ignoratione, Tren. 4.
 uel praua appetitione labitur, turpis atque deformis
 nominetur. Cū ergo in hoīs animo duę sint partes, in-
 telligēdi nimirū, & appetēdi facultates, oīs eius tur-
 pitudo aut in cognitione, aut in appetitione consistet.
 Est aut ignorātia duplex, altera negationis, cū omni Arist. 1.
post tex.
28.
 no aliquid ignoratur; quę uitio dari non solet, nisi cū
 ignorantur ea, quę scire sumus obligati, & discere
 potuimus: altera prauę dispositionis, cum aliquid
 peruerse scimus, ut si quis falsa Grammatica præ-
 cepta didicisset. Rursus turpitudo tripliciter contin-
 gere potest; aut re, ut si quis a natura esset gibbus,
 uel labeo: aut fictione & imitatione; ut si quis clau-
 dum, uel gibbosum & labeonem imitaretur: aut for-
 tuna & casu; ut si quis casu laberetur, in quo quedā
 partium corporis cernitur turpitudo, & a congruen-
 ti statu recessus. Quę triplex turpitudinis ratio, non
 modo in corpore, ut ex allatis patet exemplis, sed
 etiam in animo spectari potest. Re, turpitudo in
 animo esse dicitur, cum quis uere ignorat, aut per-
 uerse appetit: fictione, cū se ignorare fingit: est enim
 scientis apte fingere ignorantiam, ex qua turpitudi-
 ne sapientes potissimum risum mouent: casu, cum ob
 imprudentiam, dicto, uel facto animi errorē aliquis
 demonstrat: Cum nemo sit ita cautus ac circūspectus,
 ut præter uoluntatem alicuius prauitatis significa-
 tionem aliquando non præbeat. Atque idem dicas,
 de tertio turpitudinis genere, quod in rebus quę ex-
 trinsecus accedunt positum esse docuimus. Et autem

quæ dixi planiora reddantur, nonnulla ridiculorum
ab his turpitudinibus desumpta subiiciam exempla.
Et primum a turpitudine corporis uera, si quis ri-
deret, quod hominem gibbosum spectare, qualis erat
ille, qui seipsum describendo facete dixit,

Io. And.
ab An-
guil.

E porto un mappamondo su le spalle.

A ficta, si quis in risum prorumpat, quod quispiam
apte aliquem claudicantem imitetur. Ab ea quæ est
a casu; si risus excitetur, ex alicuius in terram lap-
sum. *A turpitudine animi uera*; si quis, postquam
arca quam humeris ferebat, quempiam percussisset,
ei diceret, caue. *A ficta*, si ille qui percussus fuit, ab
eo qui post percussione dicit, caue, peteret, *An*
quicquam aliud præter arcam ferret: ex qua ficta
ignoratione, illius ueram ignorantiam morderet.

A casu, quidam meus discipulus qui corpore mul-
tum crasso utebatur, cum suis condiscipulis de cor-
poris habitu loquendo, non fecte, sed per impruden-
tiam ab eis petiuit, *An* crasso esset corpore, ad cu-
ius interrogatione multum fuit arrisum. De tertio
genere hoc unum subijcio exemplum, Caius Lelius,
cum ei quidam malo genere natus diceret, eum suis
maioribus non respondere, false respondit, *Ut tu tuis.*
Huc referres illud cuiusdam, qui cum per iocum ei
a quopiam dictum fuisset, O asini fili, statim ille eum
amplexando dixit, O mi pater. Atque hi sunt fon-
tes, ex quibus omnia haurire licet ridicula. Sed quo-
niam, non sola, neq; omnis turpitudine risu m ciet, qua
lis ista turpitudine, & quibus cum rebus coniuncta es

se debeat, sequenti fundamento explicabitur.

In poet.

Tertium fundamentum, ea turpitudine, quæ cum ratione risum sit excitatura, debet esse citra corruptionem & dolorem, præsertim maiorem, eius in quo cernitur turpitudine; id quod expresse docuit Aristoteles, qui cum ridiculum a turpi proficisci, affirmasset, quasi ipsum definiendo, dixit, Ridiculū. n. aliquo pacto peccatum est, & turpitudine ἀσώδους, hoc est sine dolore; Neque enim ridenda est turpitudine illa quæ potius commiseratione, quam risu digna est: ut si quis ob lapsum frangeretur cruribus. Neque Ciceronem, ut aliqui arbitrantur hoc prætermisisse putandum est: quod, haud obscure significavit, cum dixit, Ea mouere risum quæ designant turpitudinem aliquam non turpiter: tunc autem risus moueretur turpiter, si quis ob rem turpem, quæ indignatione, aut misericordia esset digna, rideret: is enim turpiter, hoc est illiberaliter et rustice risum ederet. Idem etiam significasse uidetur, cum dixit, Risum locum habere in rebus turpiculis, & in turpitudine & deformitate quadam; non itaque in quacunque; Et adhuc expressius, cum scripsit, Itaque ea facillime luduntur, quæ neque odio, neque misericordia magna digna sunt. Præter turpitudinem necessariam esse admirationem, prudens negaret nemo, quod tanquā certissimum Ciceronem supposuisse arbitror; quamvis ex eius scriptis id facile colligi possit: præsertim ex illis verbis, quibus dixit, A viris seueris maiores excitari risum; ea nimirum de causa, quod rari



Lib. 1.
rhet.

In The-
at.

Lib. 3.
c. 10.

rius ridiculis utantur ac proinde ob rei nouitatem maiorem admirationem afferunt: noua autem, ut experientia docet, & Aristoteles scribit placet, ac delectant; quod etiam Plato affirmasse uidetur, cum dixit, Nam in praesentia, amice, mira quaedam & ridenda facile dicere cogimur. Et multo quidem expressius cum scripsit, Sed ex his omnibus nihil magis ridetur, quam quod est praeter expectationem: & premeditata minus ridetur: & rursus cum dixit, vel quod admirantur omnes acumen uno sepe in uerbo positum. Potest autem admiratio duobus modis contingere, uno modo cum res est noua: altero, cum modus est nouus; ut patet in ridiculo Neroniano apud Tullium, cum de furace seruo dixit, solum esse, cui domi nihil sit, nec obsignatum, nec clausum: quod si dixisset, se habere seruum furacem, cum sit tritus loquendi modus, nullam habuisset nouitatem, nec ridiculirationem. Vbi illud adnotauerim, ridicula explicari posse uerbis, tum proprijs, tum translatis, & haec maiorem secum afferunt delectationem, si apte transferantur, ut Aristoteles de urbana oratione agendo docuit. Erit itaque necessaria etiam nouitas quaedam in ridiculo, ex qua nascitur admiratio. Adderem etiam, ridiculum requirere leporem quendam & gratiam in gestu, & pronuntiatione eius, qui ridiculum edit; ut quod ipse non rideat, & ut certa quadam ratione, oculos, os manus, corpusq; moueat. Hoc etiam fortasse significare uoluit Tullius, cum dixit, Ridetur ea, quae turpitudinem

desi-

designant, non turpiter, hoc est, non insulse, non inuenuste: & hoc præsertim, cum ridiculum in imitatione consistit. Sed his alij verbis multo expressius, Itaque imbuendus est is, qui iocose uult dicere, quasi natura quadam apta ad hæc genera, & moribus; ut ad cuiusque modi genus ridiculi uultus etiam accommodetur: qui quidem quo seuerior est, & tristior, ut in te Crasse, hoc illa quæ dicuntur falsiora uideri solent. Atque ex his colligere licet, quæ in omni ridiculo animaduertenda sint: sunt autem ista, Aliqua turpitudine citra dolorem, nouitas aliqua, admiratio, & quidam agendi ac pronuntianti lepos. De quibus omnibus in positionibus ea quæ dicta sunt breuiter colligendo, planius dicetur.

Prima positio, si de risu uniuersæ loquamur, ut dicit quandam animi oblectationem & motum ex letitia natum, non est necesse ut ex alicuius rei turpis specie oriatur. Hanc doctrinam prudens negaret nemo; cum multa sint incunda, grata, & honesta, & noua, quæ sine ulla turpitudinis forma animum oblectant. Et hoc significasse uidetur Tullius cū dixit, Hec enim ridentur, uel sola, uel maxime, quæ notant & designant turpitudinem aliquam non turpiter: si non sola, aliquid igitur aliud.

Secunda positio, ad risum maiorem, qui exterius prorumpat, ciendum, aliqua turpitudinis species necessaria esse uidetur. Hanc doctrinam confirmat communis eorum, qui de ridiculis scripserunt auctoritas: ita Aristoteles M. Tullius, Fabius, Ma
dius

dius, Robortellius, Pontanus, & alij: quam, ea corroborares ratione, quod quæ turpitudinem continet, ob rei nouitatem, & illam præter naturam constitutionem, maiorem admirationem faciunt, ac animam commouent, ex cuius commotione, etiam corporis organa cientur, risusque exterior exoritur, ut supra docuimus.

Tertia positio, turpitude quæ honestum & cum ratione coniunctum risum excitatura est, debet esse extra dolorem: non omnia itaque turpia & obscena ijs qui uerecundiam amant, placent, & potius eos offendunt, quam delectent: idem de tristibus, & aduersis dicas: quæ minus apta ad ridendum sunt. Hæc positio patet ex ijs, quæ in fundamentis docuimus; & ex ijs quæ de rediculorum usu dicemus: adhuc multo manifestior fiet.

Quarta positio, ut rei turpis species risum moueat, necessaria est aliqua nouitas, uel in re, uel in modo, quam admiratio sequitur, sine qua risus esse non potest. Doctrina est manifesta, quam hæc confirmat ratio; quia si ridiculum alias salsum atque facet sepius audiatur, molestiam potius, quam delectationem creat; quia nouitas, & admiratio cessant, licet turpitude perseueret. Hæc non obscure significauit Horatius cum dixit,

Fit Cherillus ille,

Quem bis, terque bonum cum risu miror.

Ex admiratione itaque ridebat, ob raram bonitatē, quam significauit, illis uerbis, Bis terque: rara autem

In poet.

tem noua sunt. Vbi illud adnotauerim, admirationē Arist. i.
posse esse sine risu, ut est illa quæ ex rerum abdita- Met. c.i.
rum cognitione nascitur, ob quam primi rerum inue-
stigatores philosophari cœpere; & hanc non sequitur
risus: ut illam, quæ ex aliqua noua turpitudine pro-
ficiscitur & semper cum risu est.

Ex quibus colligere licet, tria potissimum in omni Mad. lo.
ridiculo animaduertenda esse; Turpitudinem, noui- cit.
tatem, & admirationem: id quod uno uel altero de-
monstrabo exemplo.

Primum sumo illud Crassi, quod est apud Ciceronē
ex deprauata imitatione sumptum, cum in quendam
dixit, Per tuam nobilitatem, per uestram familiam:
in que, ut Tullius ait, quid aliud fuit, ut concio ride-
ret, nisi illa uultus et uocis imitatio? Per tuas Sta-
tuas uero cum dixit, & extento brachio, paulum
etiam de gestu addidit, uehementius auditores rise-
runt. Hic caussa, ridendi, est ficta Crassi corporis
turpitudine, quæ prauam aduersarii actionem refere-
bat. Admiratio fuit in nouitate, quia ut ficta noua
erat: quam nouitatem sequitur admiratio, ut umbra
corpus. Sed huiusmodi imitationes, quia paruam
animi pulchritudinem ostendunt, rarius grauiores
homines usurpabunt: habent enim minus acuminis,
præsertim si maior sit imitatio, quæ mimorum &
ethologorum est, sicuti obscenitas.

Deinde sumo illud Appij in C. Sextium, qui uno care-
bat oculo, Cænabo, inquit, apud te: uni enim locum
esse uideo: quod dictum fuit scurrile, & sine caussa
la-

laceffuit: & id dixit, quod in omnes conueniret, & meditaturn uideri potuit: At egregium fuit Sextij responfum; Manus laua, & cœna. Remordet hoc dictum: uel q̃a illi fortasse una manus deerat; uel quia uncinatis utebatur manibus, & fur erat; aut certe satis spurcus & immundus. Est hic turpitudine corporis, uel animi, nouo modo & ex tempore explicata: quia non dixit, uel altera manu cares, aut fur, seu immundus es; sed manus laua: quibus uerbis per tropum turpitudinem pinxit, & ob oculos posuit.

Denique, affero illud Porcij Nasicæ in Catonem Censorium, qui grandæuus puellam in uxorem duxerat; Ex animi tui sententia uxorem habes? inquit ille: at Cato, Non Hercule ex animi tui sententia. Hic est animi turpitudine ficta in Catone, qui se non intellexisse finxit. Est etiam noua responsio, quia fuit præter expectationem; ac proinde cum admiratione cōiuncta. Plura exempla qui uolet, Madium Legat.

Quintæ positio, ad risum eliciendum, non parum confert lepida quædam & apta pronuntiatio, & actio: ita ut ex his solis, aut maxime interdum eliciatur risus, ut postea dicetur. Illud autem hac in parte maxime requiritur, ne qui ridiculum profert, ipse rideat: & ita quo seueriore uoce, & uultu dicet, eo maiorem risum excutiet. Nec me præterit, inquit Madius, actionem etiam adhibendam esse talem, qualem ridiculi natura exposcit. Summo autem studio, ait Pontannus, id uidendum, qui dictis ipsius uultus, accedat, & (qua opus est) gestus quoque sit accom-

datus

modatus, ac perquam concinnus. Alias enim dictoria gratiam non retinerent, & quæ sua natura sunt lepida, ac bella, insuauia & frigida euaderent: atque is qui dicit, ni ridiculus, saltem minus gratus fieret. Et hæc fortasse fuit causa, cur tantum in hac re excelluerit Crassus, quod esset homo grauis, atque seuerus, & ἀγλαῖος, id est, sine risu; cum semel tantum risisse feratur. Non negauerim tamen dicta ipsius dicentis risu, uultuque aliquando exhilaranda esse. Et licet, quæ seuerè dicuntur, risum non moueant: Macro. laudantur tamen, modo belle dicantur: contra uero, quæ cum risu esunduntur, sepe iridentur ac spernuntur; siue quis prior, siue posterior dixerit. Quare, uultus ille seuerus rei accommodatus, rideri uix potest: risus autem, & potest, & solet: quia cum suapte natura turpitudinem quandam contineat, expositus est derisui.

Sexta positio, ea ridicula erunt magis ad risum ciendum accommodata, quæ turpitudinem habebunt ad risum magis idoneam, quæ plures habebunt turpitudines: & magis illa: quæ animi, quam quæ corporis indicant deformitatem: & magis quæ fictam turpitudinem, quam quæ ueram; eam ob causam, quod ficta turpitudine sit ueluti pictura, & similitudo ueræ, per quam aliquid cognoscimus, id quod est delectabile: & quæ sunt magis præter expectationem, & minus meditata, ut quæ maiorem nouitatem, & admirationem continent; aut etiam expectationi contraria, quasi similia fabularum peripetij, quæ miram

Arist. 1.

3. Rhet.

ca. 10.

In poet.

ram delectationem afferunt: quæ denique seuerius, & maiore cum gratia pronuntiantur. Atque hæc fere sunt ea ex quibus intelligi potest quanam dicta sunt magis bella, pulchra, & salsa.

Septima positio, quod homines ob belle dicta magis aut minus rideant, potius ex ridiculi ui, quam ex hominū natura accidit. Nanque, ipsum dictū est causa effectrix risus, ex cuius ui effectus præcedendus est. quod si dicas, cur igitur nō oēs equaliter ob eundem cum rident ratio est in promptu; quia ex corporis constitutione magis aliqui facti sunt ad risum quam alij; ut sunt qui plus sanguine abundant, quorum præcordia facilius dilatantur: uel ob aliquā extrinsecam causam, ut patet in bene potis. Atq; ex his quæ hætenus disputata sunt, quid sit ridiculum, cognosci licet.

Octaua positio, Ridiculum est peccatum, & turpitudine ac deformitas quædam sine dolore, & corruptione. Ita Aristoteles in poetica, in qua ea pars desideratur, ubi se de ridiculis egisse aliquando dixit. τὸ γὰρ γελοῖον ἐστὶν ἀμαρτία τι, καὶ αἰσχρὸν. id est, Ridiculum est peccatum quoddam & turpe. Posset etiam aliquis per omnes causas aliter risum describere, quas ex allatis fundamentis & positionibus obseruare facile quisque posset. Qui igitur aliter finire uoluerit, faciat: nos ad argumentorum solutionem accedemus.

Ad primum, iam docuimus in quarum rerum turpitudine sedem iocus habeat: non in omnibus, sed

sed in subturpibus, quæ non sint uel misericordia, uel pœna digna.

Ad secundum, rationem assignauimus, cur magis, quæ uidentur & non sunt turpia risum moueant, cum quæ scite simulantur maiorem nouitatem & admirationem pariant. Non itaque errarunt, qui in turpitudine ficta maiorem uim ad risum ciendum positam esse dixerunt.

Ad tertium, quid de Ciceronis doctrina in assignanda ridiculi natura sentiendum sit, plane exposuimus, quem aliqui male damnarunt: licet. re uera planius hanc rem exponere potuisset.

Ad quartum, qui de turpitudine, quæ secum aliquem maiorem dolorem affert, rident, hi inepte rident, & ita tanquam inepti ridendi, & a communi hominum liberalium commercio reijciendi sunt.

De ridiculorum diuisione. Disp. 5.



*Q*UAMVIS variæ afferuntur, & sine methodo afferri solent iocorum diuisiones: nos tamen ad quædam certa capita eorum partes magis cognitione dignas quibusdam positionibus referemus.

Prima positio, ridicula ex parte causæ efficientis, siue materiæ unde sumuntur, hoc est, ex parte turpitudinis, alia ex animi turpitudine, alia ex corporis, uel ex utriusque prauitate promuntur: alia denique ex deformitate extrinsecus adueniente; ut ex

H genere

genere, ex ortu, ex habitu, ex affinitate, ex amicorum consuetudine, & denique ex ijs rebus, quæ nos aliquo pacto attingunt. Hanc diuisionem his uerbis insinuauit Fabius, Risus igitur oriuntur, aut ex corpore eius in quem dicimus: aut ex animo, qui ex factis ab eo dictisque colligitur; aut ex his quæ sunt extra posita. Rursus, alia quæ ex re uera, alia quæ ex re ficta, alia quæ ex inconsiderata turpitudine et ex imprudentia proficiscuntur; ut patet in exemplis supra allatis.

Secunda positio, ex parte subiecti, siue instrumenti, quo ridiculū editur, aliud consistit in dicto, aliud in facto, siue in re; ut si quis aliquo gestu sine uoce risum moueat, aliud in utroque. Exempla non subijcio, cum hæ diuisiones sint per se satis manifestæ.

Tertia positio, ridicula ex parte personarum a quibus eduntur, in tria possunt partiri genera; ut alia sint seruilia, alia rusticana, alia urbana. Seruilia uoco ea, quæ talem continent iocum, qui dignus sit homine seruili & sordido: quæ sæpenumero frigida & lenia sunt: quorum exempla in comædijs passim occurrunt. Horum quattuor genera fecit M. Tullius: unum quod sanniones edunt, morosum, suspiciosum, stultum: alterum imitatione maxime ridiculum: tertium oris deprauatione: quartum obscœnitate: quæ omnia genera sunt indigna foro; quamuis secundum genus furtim interdum & cursim usurpari possit. Rustica quæ, rusticitatem olent, quæ personam rusticam decent, quæ uerbis & gestibus quibusdam rusticis

rusticis, & certarum rerum appellatione fiunt. Urbana, in quibus liberalitas & suauitas illa, quæ est honestæ iucunditatis comes, elucet: quæ tantum sūt a seruili conditione aliena, quantum ab ingenuitate & libertate distat seruitus: & tantum a rusticitate remota, quantum a rusticanis moribus urbani mores absunt. quæ nihil dicacitatis, nihil scurrilitatis, nihil insulsiutis, nihil denique fatuitatis habent; quale fuit illud Catonis in Albium, qui cum omnia comedisset, & tandem domum, quæ ei reliqua erat, incendio perdidisset, dixit, Albinus Proteruiam fecit, hoc est, quod comesse non potuit, combussit. Erat autem Proteruia sacrificium apud ueteres, quo, si quid ex epulis superfuisset, igne consumebatur.

Macr.

Quarta positio, ex parte personarum in quas ridicula iaciuntur, ridiculorum alia in alios, siue lacesendo, siue reperiendo dicuntur, alia in se: sed, ut inquit Fabius, in se dicere, non est fere nisi scurrarum, & in Oratore minime probabile.

Quineta positio, ex parte artium, quæ salibus utuntur, alij sunt poetici, siue comici, alij oratorii, alij politici. Eos uoco politicos, quibus in humana societate, in congressibus, & in circulis ad animum relaxandum personæ etiam graues utuntur: ad quos fabellarum facetiarumque narrationes reuocares; qui ab omni dicacitate & insulsiute, ne offendant, aut tedio afficiant, abesse debent; ut postea planius dicatur. Oratiorios, eos quibus in dicendo utitur Orator: hi quales esse debeant, inferius docebo Poeticos,

eos appello, qui poeticum sermonem decent: quos pro poematum et comædiarum diuersitate uarios esse oportet: quare, alios satyricus, alios epigrammaticus, alios comoediarum scriptor asperget sales. Satisfissimus fuit Plautus, ac etiam Martialis, de cuius salibus, si placet, lege quæ adnotauit Pontanus.

Sexta positio, ex qualitate uaria omnino ridiculorum genera afferri possent; nos quædam magis cognitu digna capita attingemus. Ridiculorum igitur alia sunt bona, alia mala: bona ea censentur, quæ eas habent partes, quas probata ridicula requirunt: quæ in mediocritate consistendo extrema uitant; quæ personis, temporibus, locis, & occasionibus sunt accommodata; quæ ob nimiam insulsiatatem, aut multum salem gustui non displicent, nec stomacho sunt ingrata: quæ denique animum reficiunt, & non afficiunt: his contraria, mala censenda erunt; quorum omnium uaria possent notari genera. Rursus, ridiculorum, alia sunt plane bona & grata: alia manifeste mala & ingrata: alia dubia, de quibus suspicari possis, an sint risu, an de risu, odio ue digna. Item, alia sunt lepida, facetosa, & suauia, ut omnia quæ non possunt non probari, quæ sola ridiculi nomen & laudem merentur: alia insulsa, inepta, atque triuialia; quæ potius derisu, quam risu digna censerentur. Insulsa, siue incondita sale carent, ac proinde risum non mouent; & si quem mouent, is in dicentem redundat. Inepta, quæ fortasse placere, & probari potuissent, ni inconcinne, atque intempestine, & non

Quint.

Et non suo loco pronuntiata fuissent; ut sunt quæ, tardius quam oportuisset, retorquentur. Etenim, quod alias bonum erat, mutatis circumstantiis, in malorum ordinem migrat. Huc pertinet Horatiorum illud,

Sed nunc non erat hic locus.

Trivialia, sunt dicta quædam peruulgata, ac etiam sordida, et frigida: cuiusmodi sunt, quæ etiam in ore sordidorum hominum, et uetularum uersantur; et uel in rusticitatem, uel in scurrilitatem degenerant. Alia denique sunt mordacia, quæ uellicant, et arroduct: cuiusmodi sunt eorum dicta, qui cum omnino risum excitare uelint, nullam modestiæ, nullam modi, et mensuræ rationem habent: et ut risum moueant, nihil curant si alios laceessant, et sugillent: quorum dicta, siue facta scurrilia uocantur; ut uitium ipsum quo peccant scurrilitas.

Sunt autem uarij scurrilitatis modi, siue scurrarum Species. Nam, alij ideo in iocando excedunt modum ut uideantur faceti. Alij ut magis uellicent, et mordeant, uel ut ulciscantur, uel maledicant, uel molestiam ingenerent, uel denique ut timeantur, qui Dicaces, ut eorum uitium dicacitas, uocari possunt. Alij, ut dum delectant, et placent, aliquem inde fructum referant: quos Arrisores, et uitium arrisionem uocares. Alij, ut aliquibus displiceant, alijs placeant, alijs gratificentur, alios derident, qui Derisores, et habitus quo sunt affecti, Derisio uocatur. Alij sunt, qui uerbis et factis obscenis utuntur, quæ si-

Pont.

ne uerecundia & oculorum demissione audiri non possunt: quorum dicta magnam impudentiam præ se ferunt: qualia sunt illa, quibus Campaniæ populi, etiam his temporibus, uindemiarum tempore, ut ipse aliquando audiui, utuntur: quod uitium ut aliqui scribunt, ab Oscis, præmanasse putatur: quod si uerum, est oscenus, & oscenitas scribendum esset, & hi obsceni dicuntur, & uitium quo sunt infecti obscenitas. Alij obscenitati addunt impuritatem, & spurcitiam, dum fæda, & spurca dicta pronuntiant, aut factis exprimunt: quos spurcos, & eorum uitium spurcitiam uocamus. Denique, alij sunt natura & habitu ipso ad maledicendum facti, & confirmati: qui suis dicacitatibus non modo pungunt, sed etiam mordent, rodunt, urunt, quasi felle & ueneno aspergunt: Quorum alij sunt Petulantes, qui magis ad obscenitatem atque intemperantiam declinant; alij Ampullosi, qui potius ad maleuolentiam, & detractionem defleunt. Atque hæc fere sunt scurrarum species: quorum illi sunt deformissimi, qui in Principum aulis abdominis gratia scurrilitatem exercent, quos Parasitos, & Sycophantas uocant.

Septima positio, ex parte quantitatis iocus diuidi solet in longum & breuem: ille eas facetias continet quæ sunt æquabiliter in omni sermone fusæ; ut in tota lepida narratione; hic facetias peracutas, & breues, quas sales appellares: ut si interroganti, an latræres, respondendo diceret, Furem te uidere: uerum

Cicero

Cicero primum genus cauillationem, secundum dicacitatem uocat; in quæ duo genera facetias diuidit: In orat. alio tamen loco, sales statuit genus, & in facetias, & dicacitatem diuisit. In primo genere res spectatur fusa, in secundo breue acumen. In perpetuo facetiarum genere exprimendo, utendum est ea figura, quæ Euidencia, & subiectio sub oculos nominatur, græce, Hypotyposis, quæ sic facta demonstrat, sic mores eius de quo est narratio, sic sermones, & uultus omnes exprimit, ut ijs qui audiunt, tunc geri illa, fierique uideantur. Atque hæc diuisio conuenit solum illis ridiculis, quæ in sermone consistunt. Facetiarum. siue fabellarum aliqui duo faciunt genera: unum, quod sumitur a mutis animalibus, quales fere sunt Aesopica fabellæ, & earum similes; aut a rebus sensu carentibus; ut ab herbis, ab arboribus, & a lapillis: Alterum quod, siue fictum, siue uerum sit, uel ut uetus refertur, uel ut nouum fingitur in hominum uita. Huc aliqui referunt aniles fabellas & cantilenas, quæ ad cunas & focos narrantur, ac etiam carmina amatoria, quæ ad fides cantantur, et historiarum narrationem, quæ tamen a facetudine abest. Verum ille potissimum facetiæ ad iocos pertinent, quæ cum gratia & lepore expositæ risum mouent: quod nugæ leues, futiles, & inanes non faciunt; cum nugaces, falsi esse non possint.

Octaua positio, ex parte modi, ridiculorum alia sunt sine imitatione & fictione: alia uero cum imitatione & fictione, quæ potest esse in uoce, & in resu,

habitu ue atque hæc magis placent, quam illa: quale fuit illud Crassi, quod superius recensuimus: in quo solus gestus & pronunciandi ratio ansam ridendi præbuit: quæ, ut diximus, minus grauitatis, & lepiditatis habent. Rursus, alia sunt, quæ sua sponte ex tempore profluunt: alia quæ tanquam prouocata, atque excitata extrinsecus in responsione consistunt; quæ gratiam amittunt, ni statim edantur. Huc pertinet aculeatum illud responsum cuiusdam provincialis, qui quoniam erat Augusto Cæsari simillimus, ab eo interrogatus fuit, Aneius mater aliquando Romæ fuisset, Negauit ille: nec sola negatione contentus, adiecit, sed pater meus sæpe. Huc etiam referres illud pueri cuiusdam, qui in iocando mirifice excellibat, Is cum ab illustri uiro accitus fuisset, ut ipsum iocantem audiret, post nonnulla false acuteque dicta, cum eum a quo accersitus fuerat, ad aures cuiusdam aulici hunc in modum loquentem audiuiisset, Qui in ætate puerili ingenio ita perspicaci, atque acuto utitur, cum adoleuerint, hebetes euadunt, statim ad eum conuersus inquit, Tu igitur cum puer eras, ingenio uuido atque celeri uti debebas: non adiecit, es enim crasso ingenio. Quæ respondent, aut diluunt tantum, aut acriter mordent, aut certe tanquam mista utrumque præstant.

Nona positio, ex parte effectus, siue finis, alia delectationem & risum cient animunque exhilarant, ut sunt ioca facetosa, lepida, & belle condita: alia, molestiam & stomachum mordent; ut insulsa, frigida

Macr. li.
2. sat. c. 4

Apud
Pont.

frigida, & decantata: alia quæ odium & rixas, ut aculeata & fellis plena, & omnino amara.

Decima positio, denique diuidi possunt penes locos unde desumuntur, quorum tamen incerta est ratio & numerus, ut ex ijs quæ insequenti disputatione scribam perspicuum fiet. Hæc igitur de ridiculorum diuisione dicta sufficiant.

De ridiculorum locis. Disp. 6.

VT qui dicendo aliquid confirmare, aut auditorum animos commouere uolunt, ad id efficiendum quosdam communes locos obseruarunt, ex quibus argumenta ad probandum, & amplificationes ad commouendum sumerent; ita qui delectare student, sedes quasdam notarunt, in quibus, quæ ad delectandum ualent, resident: quas hac disputatione indicare conabimur. Et quemadmodum argumenta ex uarijs locis sumpta, non eandem uim ad probandum habent; ita nec ridicula ex diuersis capitibus deprompta eandem ad risum ciendum facultatem continent: non secus ac diuersæ terræ partes uarios fructus, magis & minus saluos, agrestes, suavesq; efferunt.

Quod igitur ad rem propositam attinet, primum dicerem, ridicula sumi posse ex omnibus fere locis, unde argumenta petuntur; modo illa contineant, quæ ad ridiculum necessaria esse supra docuimus; ut ab etymologia, a definitione, a contrarijs, a simili
Fab,
bus,

bus, a translatione, a sententijs, siue ab auctoritate, a coniugatis, & denique a circumstantijs, & a personarum attributionibus.

Deinde, uniuerse dixerim, iocos sumi ab omnibus fere schematis siue figuris, tum uerborum, tum sententiarum; ut sunt tropi, metaphora, allegoria, ironia, paranomasia, parabola, amphibolia, exclamationes, descriptiones, allusiones, & id genus aliae.

In summa, omnia ridicula, aut ex uerbis, aut ex rebus petuntur: illa, uerbis mutatis, mutantur, haec non ita: illa rursus, aut in uno uerbo, aut in pluribus, siue in integra sententia consistunt. Sed, ut aliquid priuate dicamus, locos quosdam ex uarijs auctoribus collectos, breuiter subiiciemus: & primum eos qui in uerbo spectantur: sunt autem fere isti, quos nunc recensebo.

Primus, uerbi translatio: quia translatum uerbum efficit ut aliquid de nouo facile dicamus. Quare uerba communia, uulgata, peregrina, & propria, vel quia sunt obscura, vel quia sunt nota, non faciunt orationem urbanam. Huc pertinet dictum illud Catonis in Albidium, de quo supra meminimus, qui sua bona comederat, & domum quae remanserat, incendio perdidit, de quo Proteruiam fecisse dicebat.

Secundus, paragramma & paranomasia, hoc est alliteratio; ut si quempiam non Oratorem, sed aratorem appellares: & facie esse ridiculum, non facetijs affirmares: & si de aliquo diceres, Non est me nobilior, sed mobilior: & ut Diuus Bernardus de

parum bonis animarum curatoribus dicebat, Accipiunt curas, ut uiuant sine curis.

Tertius, qui fit Ambiguitate, & amphibolia; sunt enim ambigua acuta, & dicentis acumen ostendunt. Quæ uel sunt simplicia, & hæc potius, admirationem faciunt, vel cum alio genere admixta, & tunc maiores risus mouent; ut cum aliquid τὸ ἀπροσδοκόν, id est inexpectatum, cum ambiguitate continent; ut illud Augusti in Galbam hominem gibbosum, apud eum caussam agentem, ac sæpe dicentem, corrige in me, si quid reprehendis, Ego inquit, te monere possum, corrigere non possum. Simplicis exemplum est tale, Philippus Catulo obstrepenti, quid, inquit, latras? at Catulus, ludens ambiguo uerbo, Furem, inquit, video. Inexpectati tale, quidam ex lege duodecim tabularum creditori addictus in seruitutem ducebatur, interrogatus a quodam non inurbano, quanti addictus esset, existimans eum uelle pro se pecuniam numerare, aut satisfacere, respondit, Pretio mille sestertium numum: at hic ludendo ait, Nihil addo, ducas licet. Tale fuit illud Annibalis in Antiochum profugum, qui exercitum contra Romanos parauerat, ab ipso petentem, Putas ne satis esse hæc omnia Romanis? Satis, inquit Annibal, esse credo Romanis, etsi sint auarissimi. Ambiguus sæpe ludit Plautus.

Quartus, etymologia, hoc est uocabuli explicatio; ut si quis dicat, Urbanum, non esse urbanum: huc pertinet illud Ciceronis, Verrem subito ex homine

mine factum fuisse verrem.

Quintus, parodia, cum versus interponuntur, vel toti, ut sunt, vel eorum partes, vel etiam paululum immutati: docent enim cum auctoritate, & simul etiam uoluptatem pariunt; ut si in hominem rudē et ingenio obtusum, illud Virgilij detorqueas, Cuius pecus: aut in ineptos alicuius scriptoris imitatores illud Horatij,

O imitatores seruum pecus.

Et si quis audita alicuius auari hominis morte, hūc Publani mimum usurparet,

Auarus nisi cum moritur, nihil recte facit.

Sextus, prouerbia, & apophtegmata, breuiter acuteq; dicta; grauius enim & breuiter docent, & aliud verbis dicunt, aliud subintelligi uolunt; ut si in hominem qui extrema sectatur, dicas, dimidium plus toto; uel uolenti uxorem pulchram sed non bonam ducere, oculis non esse nubendum.

Septimus, responsio ad unum uerbum, non ad totam sententiam, quia natura nos noster delectat error, & cum quasi decepti simus expectatione, ridemus: exemplum est tale, cum quidam Crassum interrogasset, Num tibi molestus sum futurus, si ad te bene ante lucem venero? Molestus, inquit, non eris. Tum ille, Iubebis igitur te uel a me, uel a tuis suscitari. Hic Crassus, ac si non uniuersam rem animo concepisset, sed tantum hæc uerba audiisset, Num tibi molestus sum futurus, Tu certe, inquit, negaras te molestum futurum, bene ante, multo ante.

Duxerat

Duxerat Cato Censorius grandævus puellam in uxorem, infra ætatem & dignitatem; unde multis videndi materiam dedit: qui a Nasica, cui tale coniugium minime placebat, interrogatus, An ex animi sui sententia uxorem duxisset, ei non directo, sic respondit, Non hercule ex animi tui sententia. Huiusmodi dicta frigida sunt, ni expectationem fallant.

Octavius, Allegoria, quæ est perpetua metaphora: exemplum est tale, Si quis ei qui melius obijciat crimen, quam defendat, diceret, eum habere bonam dextram, sed malam sinistram, Item, si ei qui de te peteret, an tibi displiceret, si te accusaret, diceret, ut sementem feceris, ita metes. Scipio interrogatus a Corinthijs, qui eius statuam cum alijs in foro ponere volebant, an ei plateret. Turmales statuas sibi displicere dixit.

Nonus, inuersio, siue aduersaria uocabulorum interpretatio; ut si deformis homo, pulchellus, & statura magnus, humulus uocaretur: uel hoc modo, Cui quidam mihi per iocum dicunt, Carbo, uel tingit, uel urit; ego ita inuerto, Carus & bonus est, nocet nemini.

Decimus, uerba contrarie relata; ut ecce, Libo quidam Galbæ dixit, Quando de triclinio tuo exhibis? gastrimargiam ei obiecit; At Galba, Cum tu de cubiculo alieno: sunt hic relata contrarie, Tuum triclinium, & cubiculum alienum.

Undecimus, Aenigma; quod cum iugenij & doctrinæ tacitam significationem habeat, & aliud dicat

cat, aliud significet, festiuitatem ac iucunditatem continet; ut in hoc apud Virgilium patet exemplo. Nam cum Dametas per Aenigma a Menalca petiuisset,

Dic mihi quibus in terris (& eris mihi magnus Apollo)

Treis pateat cœli spatium non amplius ulnas, Menalcas perbelle respondendo alio, non sine ioco, usus est Aenigmate, quo propositum soluit (cuius solutionem, quam multi non intelligunt, nos alibi exposuimus, dicendo,

Virgi. Dic mihi quibus in terris inscripti nomina regum
Eclog-3. Nascantur flores: & Phillida solus habeto.
Sequuntur modo sententiarum loci, ex quibus ioci sumi solent.

Primus, illa sententia iucunda & urbana esse cœsetur, quæ non est nimis vulgaris, nec nimis obscura, & aliquam nouitatem habet; ut hæc apud Publium.

Anus cum ludit morti delicias facit.

Atque etiã hæc lepidissima Andreæ ab Anguillara:

Se fe Gione un castron, e Baccho un becco,

E gir con l'altre bestie alla pastura.

quam, cum ego cogito, a risu abstinere non queo. Notua itaque placent, uulgata & obscura minime, cum per hæc nihil ediscamus.

Secundus, Narrationes lepide & facete, quæ reuerisimilem continent, & uarios atque inexpectatos exitus habent; modo ita narrentur, ut quodam

modo

modo ob oculos ponantur; cuiusmodi sunt Aesopi fabulae & Apologi.

Tertius, parabola & collatio, similitudoque & imago. Quidam Magius innumerabilem pecuniam per corruptelam accepisse dicebatur, quod uerisimile non esse Scaurus aiebat, cum pauper esset, quam defensionem per parabolam Gallus hunc in modum sustulit, Erras, inquit, Scaure in hac tua refutatione, Ego enim Magium non conseruasse pecuniam dico, sed tanquam nudus nuces legeret, in uentrem abstulisse. Vt enim qui nudus nuces colligit non potest eas in sinum, uel in manicas aufere, sed in uentrem mittit, ita Magius compotando omnem acceptam pecuniam absumpsit. Hoc itaque ridiculum a collatione, qua unum cum alio simpliciter confertur, sumptum est. Sequens uero ab imagine, quae non solum confert, sed etiam quandam rei formam oculis subiicit, Caesar Testio, qui loquendo mentum intorquebat, non secus ac qui nuces frangunt, Dic, inquit, si quid uelis, postquam nucem fregeris.

Quartus, hyperbole, & superlatio, quae rem nimis auget, uel incredibiliter minuit. De Memmio homine corpore praelongo & multum sibi arroganti, dixit Crassus, ad fornicem hoc est ad arcum triumphalem Fabij caput dimittere. Scipio de quattuor C. Metelli filiis, quorum unus fuit alio longe obtusior, dixit, quid si mater quintum pareret, asinum fuisse parituram. Hoc loco saepe ludit Plautus, non raro Martialis.

Quintus, arguta significatio, & emphasis, quæ pauciora dicit, plura significat, & res obscuras illustrat: Cornelius Rufinus homo maxime auarus, bonus tamen Imperator, opera Fabrii inimici creatus est consul, Pyrrho contra Romanos in Italia pugnante: cui gratias agenti, dixit Fabritius, Nihil est, quod mihi gratias agas. si malui compilari, quam uenire, per emphasim dixit, Compilari, ab homine scilicet rapacissimo expoliari, diripi potius, quam captus ab hoste sub hasta uendi.

Sextus, dissimulatio, & ironia in tota sententia, qua seueritatem præ se ferendo, aliquis ludit, ut Cicerone in Ligariano exordio fecit. Quo genere loquendi qui utuntur, Irones dicuntur, qualis Socrates fuit. Septumelio Anagnino, qui præmium ex lege acceperat, quod Gracchi seditiosi hominis caput obtruncasset, Scæuola, cum de se peteret, ut eum in Asiam præfectum duceret, dixit, Quid tibi vis insane? tanta malorum est multitudo ciuium, ut tibi hoc confirmem, si Romæ manseris, te paucis annis ad maximas pecunias esse venturum.

Septimus, dissimulata appellatio, cum verbo honesto res turpis, aut vitiosa nominatur; ut si fatuum, bonum ac simplicem appelles, aut bene potum, hilarem esse dicas. Scipio Africanus, militi, qui ideo se prælio non adfuisse aiebat, quod ad sarcinas custodiendas remansisset, diligentiam in ignam uertens, dixit, Non amo nimium diligentes.

Octauus, inuersio alienæ sententiæ, cum ex aliquius

cuius oratione aliud excipitur, quam ille uelit. Medicus quidam hominem ætate grauem interrogauit, quo pacto tam factus senex esset, respondit iste, quia eius opera, siue arte non fuisset usus: responsio contra uoluntatem fuit. Huc pertinet, quod Q. Fabius Liuius Salinatori dicenti, Mea opera Q. Fabi Tarentum recepiſti, respondit, Nisi amiſiſſes, nunquam recepiſſem: Amiserat enim Salinator oppidum, & in arcem se receperat, quam conseruauit.

Nonus, subabsurda sententia, aliena ab auribus, a loco, & ab occasione, ætota, quasi stulte dicta: huc pertinet, quod mimicus poeta dixit de quodam, qui ex paupere factus diues, mortuus est, Homo fatuus, postquam rem habere cepit, mortuus est.

Decimus, stultitia, non vera, sed apparens; cum stultum quid cum sale funditur. Huc facit illud Glaucia in Antonium, in alienis causis agendis solum uersatū, cum de ambitu fuisset postulatus, Aliquando tibi tuum negocium agere licebit: quod uidetur stulte dictum, quia etiam antea suum negotium agere ei licebat; nunc uero non solum licebat, sed etiam necesse erat. Simile uidetur dictum Pontidij, qui interrogatus, Qualis sibi uideretur quidam, qui in adulterio comprehensus fuerat, respondit, Tardus.

Vndecimus, reiectio, cum quod dicitur in dicentem retorquetur. Q. Opimius Aegilio homini festino, & muliebri mollitia effeminato dixit,

Quid tu Aegilia mea?

Quando ad me venies, cum tua colu & lana?
Cui Aegilius hunc in modum, per reiectionem, re-
spondit,

Non Pol audeo:

Nam me ad famosas mater uetat accedere.
Quem, tanquam sceminam impudicam tractauit.
Hic modus delectat ob ingenij acumen & celerita-
tem. Huc facit responsio Demosthenis in Demadē,
qui admonitionem egre ferens dixit, Sus Minervam
docet, at ille, Ista Minerva non ita dudum in adulte-
rio est deprehensa.

Duodecimus, cum dictum ridiculi suspensionem
absconditam habet: ut illud cuiusdam Siculi uxorem
non multum amantis, qui amico mesto animo refe-
renti acerbum vxoris casum, quod de ficu se suspen-
disset, dixit, Amabo te, da mihi ex ista arbore, quos
seram surculos: quo dicto, se vxoris interitum desi-
derasse latenter significauit. Huius ordinis est quod
Catulus in oratorem sui amantem, qui an in oratio-
nis epilogo misericordiam mouisset de eo interroga-
uit, pronuntiauit, At magnam quidem: Neminem
enim puto tam durum, cui non oratio tua miseran-
da visa sit.

Decimustertius, morosum dicendi genus ab alio
pronuntiatum, ut est illud apud Nenum poetam.
Quid ploras pater? Mirum ni cantem, condemna-
tus sum.

Que responsio cum stomacho uidetur data: cum ta-
li interrogatione fuisse offensus.

Decimusquartus, patienter data responsio, eundem, modus superiori contrarius, cum quis modestiam & lentitudinem quandam præ se fert. Tale fuit illud Socratis, qui cum eius uxor post multa maledicta, & conuicia eum etiam aquam suffudisset, facete dixit, Notum mihi erat, post tot tonitrua, tandem pluuiam sequuturam. Et illud Catonis, qui cum percussus fuisset ab eo qui arcam ferebat, cum hic dixisset, Caue, non excanduit, sed patienti, & lento animo petiuit, Nunquid aliud ferret: quasi dicat, quid caueam, cum nihil aliud feras.

Decimosquintus, incunda & salsa reprehensio, cum alterius stultitia recte ridetur. Præter Scipio, cui-dam Siculo patronum quidem nobilem, sed stultum dabat, cui Siculo, quæso, inquit, aduersario meo da istum patronum, deinde mihi neminem dederis.

Decimussextus, facete, acute, & urbana interpretationes eorum, quæ in probabili sunt coniectura posite, non certa. Huius modi exemplum tale est apud Ciceronem, Mouent etiam, inquit, quæ coniectura explanantur longe aliter atque sunt, sed acute atque concinne, ut cum Scaurus, & quæ sequuntur, quod ideo non adscribo totum, quia est admodum longum. Decimusseptimus, cum sententia continet pugnantia, et discrepantia. Quo modo quidam hominem pauperem & nequam hac sententia lusit, siue lacesit, Quid huic abest, nisi res & uirtus? discrepant, nihil abesse, & rem ac uirtutem deesse: Huc referres hunc Publicani mimum, quo peracute lepideque mu-

Lib. 3.
orat.

lierum naturam expressit;

Aperte mala cum est mulier, tum demum est bona.

Decimus octauus, reprehensio non seuera, quæ accusatoria, sed bella, non turpiter errantis: similiter admonitio familiaris in dando consilio. Quidam Ineptus patronus rabularum more clamitando, uocem amiserat, cui Granius dixit, *Mulsum frigidum bibe, quæ tamen potio uocem adimit, at ille, Perdā, inquit, uocem, si id fecero; Hic Granius, Melius est uocem, quam reum perdere.*

Decimus nonus, dictum consentaneum cuiusque moribus, quod leuiter arguit. Ad hunc locum pertinere uidetur hic luculentus Publiani mimus, quo luxuriosi & auari hominis habitum exprimit:

Luxuriæ desunt multa, auaritiæ omnia.

Vigesimus, concessio, & confessio eius quod aduersarius nobis detrahit. Cuiusmodi fuit iocus Lelij, supra relatus: is cum a quodam improbo homine fuisset uituperatus, quod suis maioribus non responderet, *At tu tuis dignus: concessit aduersario, quod obiecerat, ut ex malo coruo malum ouum nasci diceret.*

Vigesimus primus, Adinaton, hoc est impossibile, cum quæ fieri non possunt optantur; ut illud M. Lepidi, qui cum alijs in campo corpus exercentibus, in herba recubuiisset, *Vellem, inquit, hoc esse laborare: fieri non potest, ut quies sit labor: quod si esse posset, sine molestia corpus exerceretur.*

Huc referres illud Virg.

Qui Bauium non odit, amet tua carmina Meni:

Atq; idem iungat uulpes, & mulgeat hircos.
Denique, ne plures modos percenseam, cum eorum
certa ratio & numerus assignari nequeat, duci po-
test iocus a comparatione; qualis fuit iocus Augu-
sti Cæsaris in Herodem, cum Iudæorum filios intra
bimatum iussit interfici, ac etiam suum, Melius
est Herodis porcum esse, quam filium. Eodem mo-
do in Turcorum regem dicere liceret, Melius esse
canem, quam, primo excepto, illius filium: Cum,
ut fertur, Turci canes non occidunt, inimo in eos
misericordia utuntur: at uero Imperatoris demor-
tui filios trucidant, salvo primo, qui in imperio
succedit.

De iocandi necessitate & uirtute. Disput. 7.



VENIAM MODUM ridiculorum uim at-
que naturam patefacere omnino diffi-
cilem fuit; ita & eorum usum expone-
re non facile existimari debet: id quod
post hac nobis faciendum proponimus. Et ut maio-
re cum facilitate id præstare possimus, prius ridi-
culorum necessitatem, atque uirtutem eam qua ho-
neste & laudabiliter ludimus, explicare nitemur.
Quod autem nulla sit in ridendo uirtus, nullaque ri-
dendi necessitas, his rationibus demonstrares.

Primum auctoritate Sapientis, qui risum pro

Eccles. 2
ad eph.

errore se habuisse dicebat. Accedat etiam apertissima Divi Pauli sententia, qui Eutrapeliā in uitijs numeravit. Et Fabius scriptum reliquit, Non bonæ indolis dare speciem, qui in hoc studium ponunt, ut rideantur.

Deinde, non ridere in maximis uirtutibus reponitur: & de Christo Recuperatore dicitur, nunquam risisse: qui tamen omni uirtutum genere erat excultus: risus igitur in uitijs ponendus, si non ridere est virtus.

Matt. 5. Denique in diuinis literis beati uocantur qui lugent: infelices igitur qui rident: si contrarijs contraria licet dare attributa, ut Dialectici docent. Atque has paucas dubitandi rationes attulisse sufficiat.

In hac difficultate cum multa ex philosophia morum repetere nolim, breuiter multis omissis, quæ duo proposui explicanda, quibusdam positionibus docebo.

Iob. Prima positio, ridendi usus in humana uita est necessarius. Hanc doctrinam, quæ per se est satis certa, hac ratione primum demonstro. Cum homo, ut sacræ literæ docent, natus sit ad laborem, ut auis ad uolandum, eiusque uita tota in motu & agitatione corporis & animi posita sit, (neque enim eos homines appellarem, qui otio marcescunt: qui cum nihil agant, mortui sunt) & ob naturæ conditionē, & corpore & animo defatigetur; propterea, si conseruari debet, aliqua requies, & relaxatio ei necessaria

saria est. Quare¹, ut natura ad corpus, refocillandum, & ad vires debilitatas instaurandas somnum instituit; ita etiam eadem natura, atque recta ratio dictat, ut ad animum reficiendum aliqua queratur aberratio: quæ potissimum ex ijs rebus sumitur, quæ oblectandi animi vim habent; ut sunt symphonia, cantus, & honesti verborum ioci, qui maxime naturam rationis participem attingunt, eique consentanei sunt: qui in suavi & grata quadam ratiocinatione consistunt. Siquidem in iocando, animi vires recreantur, & rationis vis suauiter delectabiliterque exercetur. Quo fit, ut qui honestis salibus utuntur, inde medicamentum petant; unde facta sunt vulnera. Non secus ac ij qui a scorpione icti, ab eiusdem oleo remedium sumunt. Necessarij itaque sunt in humana uita ioci, quibus animus instauratus, rursus ad sua munera diligentius & uehementius exercenda redit. Huc pertinet hoc cuiusdam Græci dictū, *Εἰς ἀνεόρτατος, ὁδὸς ἀναπαυτέχτος*, id est uita sine festiuitatibus, uia sine diuersorio. Et Seneca libro de animi tranquillitate, sicut fertiles agros cito exhauriret nunquam intermissa fecunditas; ita animorum impetus assiduus labor frangit, nisi vires recipiant paulum, resoluti & remissi. Ideoque legum latores festos instituerunt dies, ut ad hilaritatem homines publice congregentur. Propterea honesti homines in rebus agendis, & in bonis studijs occupati, ad circulos, congressusque interdum conueniunt; ut una cum alijs confabulando, honeste lu-

Cic.

Jul.

Gral.
Odon. in
4. eth. q.
43.apud
Stob.Mact.
Esp.

dant, animumque recreent. Accedant deinde ad rationem grauiſſimorum hominum exempla, qui iocis delectati ſunt: quibus non modo uſus facetiarum, et neceſſitas, ſed etiam honeſtas demonſtratur. Facetus fuit Cæſar, ob quam cauſam in ſermone de iocis ei primas partes tribuit M. Tullius: facetus Annibal, facetus Iugurta, Myſthridates, Auguſtus, Alphoſus Neapolitanorum Rex; facetus So crates, quo alias nemo ſeuerior: facetus Demoſthenes, qui licet in ſuis orationibus parce iocos adhibuerit: tamen extra forum & ſenatum iocari ſolebat: cuius hæc circumferuntur ridicula. Repreheſus aliquando quod turpiſſime e prælio auſuſſet, falſiſſime reſpondit o pheugon palin macheſetae, id eſt fugiens rursus pugnabit. Idem, cum audiuiſſet Philippum Macedonum regem laudari, quod eſſet Bibax, uenueſtus corpore, & diſertus, has laudes in uitium uertendo, dixit, Primum eſſe ſpongiæ, ſecundum ſemina, tertium Sophiſtarum. Salſe etiam Pyntheam, qui eius enthymemata lucernam ſapere dixerat, redarguit, dicens, οὐ ταυτὰ σοὶ, καὶ μοὶ οἰοῖται οὐ λόγος, ideſt non eodem modo mihi & tibi ſapit lucerna. Et ad petitionem magni pretij quod ab eo Laides petiuerat, Non tanti emerem unum penitere, falſiſſime reſpondit. Denique M. Tullius adeo ridiculis delectatus eſt, ut ex eius iocis integri facti ſint libri: qui tamen in iocando non habuit modum, ut poſtea dicetur: nec mirum, quoniam modus, cum in omni re, tum in iocando non facile

Plut.

Macr.
Fab.

cile inuenitur: ac proinde opus est quadam uirtute,
 quæ modum in iocando docet, de qua statim dicam,
 si prius quadam Aristotelis uerba huc pertinentia
 adscripsero, Cum autem, inquit, in uita requies etiã lib. 4.
eth. c. 8.
 quædam sit in qua homines ioco utuntur: uidetur
 etiam hic esse congressio quædam moderata, & di-
 cendi ea quæ oportet, & ut oportet, & audiendi.
 Differentia quoque in eo erit, ut & inter tales quos-
 dam dicamus, & tales, audiamus: Circa quæ ex-
 cessum esse mediij, & defectum perspicuum est. In
 quem locum hæc eleganter scripta reliquit Eustra- Eustr.
 tius. Cum enim probus uir in assidua seriarum re-
 rum tractatione occupatam mentem habeat, re-
 quie aliqua atque recreatione interdum indiget
 ne diuturna defatigatione oppressum ingenij sui acu-
 men obtundatur; more arcuum, qui semper inten-
 ti relinquuntur, durum illud suum robur amittunt,
 laxique inutiles euadunt. Ideo ociosa quædam me-
 diocritas extitit, quæ amicos ingenua urbanitate
 aliquantulum relaxaret: atque ita alacriores ad res
 serias obeundas remitteret: quæ facetudo, seu ut
 uerbum uerbo exprimamus, apta uersatio, id est
 eutrapelia appellatur: eo quod faceti dicendo iocis
 & salibus faciunt eam rem, & representant, quam
 imitantur. Atque id nõ rustice, sed urbane & apte;
 ut oratio ipsorum quasi motio quædam animi nume-
 rosa, & gestus quidam concinnus, atque eutropos
 id est aduersionem aptus, esse videatur. Sicut enim
 ex motione, & gestu aptitudo corporis dignosci con-
 suevit,

suevit, agile ne sit, an lentum, sanum an egrum, ualidum an infirmum: ita ex factis iocis, quasi ex aptis motionibus quibusdam, ac gestibus animi elegantia & concinnitas agnoscitur. Vnde hæc mediocritas quia apte & accommodate ad unamquamque rem uertitur, non solum eutrapelia, id est apta uersatio & agilitas a Græcis nominata est, sed quandoque etiam epidexotes, hoc est dexteritas, & urbanitas dicitur. Debet enim qui apte iocari uult, dextere & urbane id facere, id est, id studere, ut non solum alium non offendat, & eum in quem cauillis & salibus utitur, non pungat, uerum etiam ut oblectet, uoluptateque afficiat. Atque hæcenus Eustratius, cuius uerba optime declarant, quod secunda positione dicturi sumus.

alber. in
4. ethic.
tracta. 3.
cap. 4.
Buridan.
q. 19. in
ethic.

Secunda positio, ad rectum iocorum usum, siue ad honeste ingenueque iocandum necessaria est aliqua uirtus, per quam modus in hac re seruetur. Sicut enim ad cæteras actiones humanas, quæ a recta electione pendent recte exercendas, præter naturalem uim opus est aliquo bono habitu, quo prompte aliquid efficiamus, ut ad dandum cuique suum, iustitia; ita ad liberaliter iocandum opus est aliqua uirtute, cuius beneficio in iocis, nec deficiamus, nec excedamus, sed modum quendam seruemus; quam uirtutem Græci Eutrapeliam, Latini urbanitatem appellarunt. Verum, cum urbanitas potius quandam iocorum speciem, uiuendique rationem designet, aliqui hanc uirtutem, communi uocabulo. Facetudinem,

dinem, facetiem, facecitatemque appellare maluerunt: sicuti Latini, eos qui hac sunt virtute ornatī, Pontan.

facetos, & iocos ipsos facetias a iocis faciendis nominarunt: ad eum modum, quo qui copiose loquuntur, Facundos, & ipsam virtutem Facundiam nuncuparunt. Est itaque facetudo uirtus quædam per quam in sermonibus, congressibusq; iocando mediocritatem inuenimus, ac retinemus; nec in extrema dilabimur, unde uituperatio exoritur, ac proinde laudem meremur. Qui itaque omnes iocandi partes, quæ sicuti & aliarum uirtutum plures sunt, cum mediocritate fuerit consequutus, eum facetum appellabimus; sicuti auarum, qui omnem auaritiam fuerit complexus; quamuis iocosos, sicuti & auaros etiam eos vocemus, qui aliquam facetudinis & auaritiæ partem acquisierint. Ratio igitur aliqua necessaria fuit, qua in dictis & factis, quibus delectationem quærimus, mediocritas inueniri, & cõseruari posset, quæ *Urbanitas*, siue Facetudo appellatur, & in uirtutibus ab omnibus Philosophis moralibus, & a Sacris Theologis iure optimo ponitur, ut ex dictis colligere licet, & multis auctoritatibus confirmare possem, si hac in parte nimius esse uellẽ; de cuius extremis sequentibus positionibus disputabo.

Tertia positio, Faceto, non opponitur mutus: cū mutus fari nequeat: neque facetiei infantia, nec etiā loquacitas; quia latius patet, quæ non in iocando, sed uniuerse in loquendo labitur. Neque etiam rusticitas, quæ potius *Urbanitati*, quæ est facetudinis

pars

D. Tho.
2.2.

pars opponitur. Nec pariter illepiditas, quæ potius cum lepore, qui est dictorum & facietiarum comes pugnat. Et multo minus insuauitas, quæ non modo in risu, sed etiam in tactu spectatur. Quare, cum proprie loquendo, urbani, comes, lepidi, blandi, & festiui, non sint omnino ydem, qui faceti, faceto opponatur, infacetus, & facetudini infacetudo, si nomina, docendi gratia, fingere licet. Qui a facetudine deficiunt, Rustici, & ipse defectus Rusticitas uocari solet: quæ, ut diximus, quandam uitiij partem designat: ideo aliqui potius Agrestitatem, & Agrestitudinem appellare maluerunt, ut rem ipsam & græ ei uerbi agrias, uini magis exprimerent; & eum qui tali uitio est affectus Agrestem. Et quod Agrestitudo latius pateat, quam rusticitas, & his Horatij uerbis colligere licet:

Rusticitas agrestis, & inconcinna grauisque. Vbi rusticitati addidit, agrestem, inconcinnam, & grauem: cū re uera uir agrestis, quasi in agris, quos feræ frequentant, nutritus, rigidus, inconcinuus, & grauis sit: cuius propriū est abhorrere facetias & iocos; ita ut nec dicere, nec audire, eos uelit: ac proinde eius consuetudo est grauis, molesta, acerbæ, atque morosa: qui nec sibi, nec alijs indulget, dum honestam & necessariam animi relaxationem fugit: et, si quando iocū edit, rustice, illepide, & incondite ludit, aut dicaciter, & conuiciose laceffit, ac mordet. Ad rusticos reuocares Fatuos, Insulsos, Inconditos, Ineptos, & eos qui triniualibus utuntur ridiculis, de quibus

supra nonnihil diximus. Triviale dictum cenferi potest hoc, quo pueri & idiotæ sepe utuntur; si quis hos, uel asinus uocatus, respondeat, Alius mihi dixit. Sed de hoc extremo bucusque: nunc de altero dicamus. Alterum extremum quo peccatur excedendo modum, appellatur scurrilitas, & qui hac ratione peccant, Scurræ, græce Bomolochi, de cuius uocis significatione, uide quæ Eustratius scribit. Scurræ igitur dicuntur, qui modum in iocando non habent, & eo iocando spectant, ut quacunque ratione, risum mouendo, pro facietis habeantur: quorū uariæ sunt species, quas supra recensuimus: quare de scurrilitate & scurris nihil aliud dicendum occurrit. Sed peteret hoc loco quispiam, an agrestes, an uero scurræ magis a mediocritate, siue a facetudine recedant; cui satisfacerem dicendo, Agrestem magis a mediocritate abesse, quam Scurram: quod huic desit modus, ac mensura, ad quam si reuocetur, facetus fiet: at uero agrestis, ita a mediocritate abest, ut ad eam non possit, aut uix possit adduci, cum iocum fugiat. Is igitur qui in uita humana hæc duo extrema uitat, & in hominum congressibus, atque coronis cum mediocritate dexteritate, que iocatur, merito facetus dicitur. Atque ex his eam uirtutem quæ in iocis laudem promeretur, ac etiam extrema, in quæ qui labitur vituperari solet, satis manifesta esse arbitror. Et cum ea quæ proposuimus plane explicata sint, huic disputationi finem faciā, si prius argumēta in cōtrariū allata dissoluero.

Ad

Lib. 4.
Ech.

Eccl. 4.

Ad primum, idem Sapiens aliquando dixit, Tempus esse ridendi, sicuti & flendi. Ille autem risus censendus est error, qui modum non tenent, qui annexam habet culpam, & ab honesto abducitur. Quod attinet ad Pauli auctoritatem, eutrapelia eo in loco, non pro ipsa urbanitatis virtute, sed pro scurrilitate usurpatur: unde & noster interpret, scurrilitatem traduxit. Quod uero Fabius ait, facile concedimus; cum inepti hominis sit, ab alijs rideri uelle.

Ad secundum, non ridere pertinet ad quandam perfectionem: ad quam qui ridendo non aspirat, non peccat; licet minus perfecte se gerat: nec decuit tantam Christi filij Dei maiestatem ridere, cum ad reuocandum homines ad pœnitentiam uenisset.

Ad tertium, beati uocantur qui non rident, quod genus vitæ magis perfectum ineant; uel qui non sine modo rident, quem qui ridendo seruant, infelices dici non debent.

De honesta iocandi ratione, siue de recto iocorum usu. Disput. 8.



*Q*UONIAM prudentia quæ est omnium rerum bene gerendarum ratio, ex omnium circumstantiarum observatione pendet: propterea, ut facile bonum ludendi usum demonstramus; omnes eius circumstantiæ nobis explicandæ sunt; ut nostri ioci liberales, ingeniosi, eruditi, & apti sint, non rustici atque in-

insulsi. Ad quod faciendum has statuo positiones.

Primapositio, bonus iocandi usus spectari potest tum ex parte eius qui risum iocando mouet, tum eius qui ob iocum risum edit: Vtrique enim ut ex Aristotele discimus, moderatio quedam hac in parte seruanda est, si peccatum vitare volunt.

Secunda positio, seruare modum, tum in iocando, tum in ridendo, non est omnino facile. Non in iocando, quia arduum est in omni re attingere medium, a quo infinitis modis aliquis recedere potest, non secus atque sagittarius a scopo. In ridendo uero, quoniam cum ridiculum idonee factum, aut pronuntiatum, sua ui, ut supra diximus, animum commoueat; certa cum ratione ridere, non est omnino in nostra potestate situm. Sed longe difficilius est moderationem in ridiculis dicendis seruare, quam in ridendo, in quo qui excedit, dum de non ridendis ridet, aut plus iusto ridet, stultitię & leuitatis significationem præbet, qui deficit, stupiditatis. Quod autem illud sit difficilius, cum per se notum est, tum etiam hec Enniana confirmat sententia, Flammam a sapiente facilius ore inardente opprimi, quam bona dicta teneat; ea scilicet bona dicta, quę salsa sunt, ac si dixisset, si quis in ore flammam & dictum bonum haberet, illam, si non continere, saltem extinguere, hoc uero nec retinere, nec extinguere posset.

Tertia positio, rectus facetiarum usus est omnino varius, pro personarum, rerum, temporum, locorum que ratione. Nam in conuiujs, & congressibus, &

Legge
Plu.apo
pht,

Arist. li.
3. Eth.

in certis temporibus ridiculis uti licebit: et aliquando
 liberius, aliquando remissius; alias non licebit. Cū, ut
 Sapiens ait, tempus sit ridendi, & tempus flendi.
 Alij ioci decent hominem servilis conditionis, ali
 uilicum, alij urbanum, alij senem, alij puerum: alijs
 vtuntur Comici, alijs Oratores, alijs denique Princi
 pes. Nulla itaque certa hac in re potest prescribi
 ratio: sed cuique sua prudentia modum inuerit et
 seruabit.

Quarta positio, qui boneſte, & apte iocari uolue
 rit, is debet eſſe ornatus ingenio uerſatili, bene cul
 to, atque ſubacſo; ore præterea, & uoce, vultuque
 & geſtu leſido, & eleganti; & denique ipſa face
 tudinis uirtute. Quare, non modo ipſa natura ſuis
 muneribus quempiam ad iocandum idoneum facit,
 ſed etiam ars, uirtusque (quidquid aliqui dicant)
 multum poteſt, præſertim ſi uſu fuerit confirmata:
 Quare, ut Ariſtoteles ſcriptum reliquit, non eſt cu
 iusque iuue^νω^ς αὐκμη^{τις}, hoc eſt apte & artiſcioſe
 iocari: ſed hic ingenij acumen, iudicium exquisitum,
 ars denique et doctrina minime uulgaris, ut dicebam
 requiritur. Ex quibus facile intelligeres, cur aliqui
 homines, & populi etiam magis quam alij iocis de
 lectentur, & ſalſius, atque lepidius iocentur. Byzan
 tii, Rhodij, Siculi, Attici præ ceteris urbani, & fe
 ſtiui cenſentur: cuius rei ea redditur cauſſa, quod cle
 mentiore & puriore utantur cælo. Thebani non itē,
 ob aeris craſſitiem: in quibus cum habetiores ſint,
 nihil leporis, nihil feſtiuitatis reperitur. Hinc ada
 gium

gium illud, Boetum crasso iurares aere natum: Romani, si Ciceroni credis, alijs omnibus fuere falsiores: quod uerum an sit, facile cognosceres, si eorum sales cum aliorum facetijs conferres. Quamuis Greci ob linguæ naturam maiorem habeant in iocando facilitatem: qui tamen sepe frigide, & humiliter iocantur; quos Romana grauitas longe superauit; cum magis succulentos & sapidos risus ediderit. Apud Italos Perusinis, Senensibus, & Florentinis festiui- Pont.
tatis laudem quidam tribuunt. Hispanorum dictata, ut aliqui scribunt, in eo peccant, quod sint ampullosa, acida, & nimio sale aspersa, & magis in subsannationes, & inuectiuas propendant, quam in delitias, & lusum. sed de ludente hætenus.

Quintæ positio, ridicula etiamsi alias bona sint, non sunt dicenda in calamitosos, & aliqua miseria oppressos; ut sunt egeni, ægroti, exules, & corpore deformes: quia id ingenium inhumanum, petulans, & superbum indicat. Hinc est, quod apud veteres Christianos, qui hominem aliqua ratione corpore Can.
deprauatum irridebat, a communione reiciebatur. Apost.
Vnde prudenter hunc mimum inter alios Publilianus fecit.

In calamitosos etiam risus iniuria est. Ac si dixisset, miseri etiam risu offenduntur. Et quibus res sunt minus secundæ, eos ad suspicandum rapiunt etiam, casu dicta. Vnde etiam Catonianus auctor, recte, monuit cum dixit, Miserum ne irriseris: quia calamitas potius misericordiam, quam nasum

meretur. Neq; in scelestos homines, præsertim cum aliquid minus honeste faciunt; quia non risu excipiendi, sed pena afficiendi sunt, & non tam contemptu, quam indignationem merentur. Neque etiam in Maiores & in Magistratum, quem honore excipere & colere debemus: quoniam risus contemptus speciem præ se fert, & iram grauem interdum parit: quamuis nemo fere sit, in quo leuior saltem turpitudine, quæ ridendi occasionem præbeat, non reperiatur. Denique, nec plures simul, neque integræ nationes, & ordines irridendi sunt: quia id sine periculo fieri non potest.

Fab.

Sexta positio, quod attinet ad ridiculorum qualitatem, is qui apte & honeste iocari uult, dicta falsa, uerecunda, & honesta proferat, ex tempore facta, non præmeditata, aut domo allata; quia hæc malitiam olent, & Stupiditatem sapiunt: insulsa, fatua, frigida, & triuialia vitet, quæ potius mestitiam, quam delectationem creant: nimis mordacia, & aculeata fugiat, quæ magis odium, quam risum cient. Sint igitur ioci non dentati, sed edentuli, non obsceni, sed nitidi, grauiq; gestu proferantur; ita ut risus quasi serio agendo excitetur. Quo fit, ut non omnia ridicula sint faceta; sed quæ ingenij acumen, & dexteritatem cum honestate demonstrant. Ab extremis itaque recedendo, si ad medium, quantum fieri potest, accedetur, bonum fiet ridiculum.

Septima positio, quod attinet ad res, in rebus grauius & magnis, ut sunt illæ, quæ ad religionem per-

pertinent, quia ingenij ostenditur petulantia, & parua pietatis indicium datur; qua in re nonnulli peccant, dum sententijs ex diuinis litteris suptis ludunt, id quod sacris decretis est prohibitum, non est iocandum; similiter, nec in rebus calamitosiss & miseris; quia hoc est imprudentiae signum, sicuti nec in facinorosis, & improbis, atque ualde turpibus. Quare cauendum est, ne quempiam nimis turpia obijciendo offendamus; cum maior turpitudine secum dolorem & indignationem afferat. Ideo Virgilianus Menalcas, cum se nimis lacescitum ob furti culpam a Dameta sentiret, se uere eum increpando dixit, Cōc. tri.

Parcius ista uiris, tamen obijcienda memento, ac etiam grauiora obiecit.

Octaua positio, cauendum est, ne in ludo sit quid nimis, quare iocus non debet esse immodicus, & frequens; quia mimicum, & scurrile est. Huc pertinet haec Catoniani auctoris sententia:

Inter conuiuas, sis sermone modestus,

Ne dicare loquax, dum vis urbanus haberi.

Orator igitur, ut de eo speciatim loquamur, suam retineat grauitatem & auctoritatem, uideat quatenus ludendum sit. Qua in re Ciceronem peccasse aliqui memoriae prodiderunt; quod plus aequo, & in cō Macr. Quint. uictu, & in foro facetij usus sit: & aliquando dicere non dubitauerit, & male quidem, Maluisse interdum amicum, quam bonum dictum perdere. Propterea aliquando in Pompeium amicissimum pariter

honeste dixit, *Quem fugiam habeo, quem sequar nō habeo. Item in eundem, cum externum hominem ciuitate donasset, O bellum hominem, ciuitatem promittit alienam, qui nobis nostram non potest redde-
re. Quare merito aliquando Pompeius dixit, Cupio ut ad hostes Cicero transeat, ut nos timeat. Cum ita-
que hilari quodam & festiui uteretur ingenio, ut ipse de se aliquando scripsit, non modo in sermonibus, sed etiam in orationibus sales & dicacitatem adhibuit: & ita, multa in Verrem, in M. Antonium, in Pisonem, in Clodium mordaciter pronuntiavit, & sepe in Græcos: quod a suo patre hereditarium habuit. Nanque Cicero pater aliquando dixit, Quem admodum, ut quisque Syrorum venalium optime græce scit, ita nequissimus est: sic, ut quisque Romanorum optime nouit linguam artesque Græcorum, ita certe solet esse pessimus.*

Nona positio, ad recte iocandum habenda est ratio loci. Quare, non in senatu, non in ecclesia, non in loco omnino honesto, sed in circulis, in congressibus amicorum, & in quotidiana consuetudine facetijs utendum est.

Decima positio, qui honeste ludere uolunt, temporis rationem habere debent. Quare, cauendum est, ne ridiculum intempestiue fundatur: cum omnia tempus habeant. Et ut sapienter scripsit Isocrates, *τὸν ἀκαίρον λυπηρόν*, id est, omne intempestiuū triste. Et sane, quis accusatorem in atroci causa, aut Patronum in miserabili iocantem ferat?

Vnde-

Tusc. 5.

Isocr.
orat. ad
Demon.

Vndecima positio, ut risus omni uitio careat, spectandus est finis, & ita eo referendus est, quo sua natura referri debet, aut recta ratio dicat; ad honestam nimirum animi relaxationem. Orator autem in causis agendis ad eum finem iocum referat, quem propositum habet, hoc est ad iudicem, & auditorem conciliandum, ad delectandum, & tandem ad persuadendum. Ea igitur ridicula excogitabit, & adhibebit, quæ ad propositum finem obtinendum sunt accommodata: quæ de re, quæ luculenter scripsit Fabius ea adscribere non pigebit. In hac quidem pugna forensi, inquit, malim mihi lenibus interdiceret: quamquam, & contumeliose, & aspere dicere in aduersarios permixtum est: cum accusare etiam palam, & caput alterius petere concessum sit. Sed hic quoque tamen inhumana uideri solet fortunæ in sectatio: uel quia culpa caret, uel quia recidere etiam in ipsos qui obiecerunt potest.

Primum itaque considerandum est, & quis, & in qua causa, & apud quem, & in quem dicat. Oratori minime conuenit distortus uultus, gestusque quæ in mimis uideri solent. Dicacitas etiam scurrilis, & scenica huic personæ alienissima est. Obscenitas uero non a uerbis tantum abesse debet, sed etiam a significatione: Nam si quando obijci potest, non in omni loco exprobranda est. Oratorem præterea, ut dicere urbane uolo, ita uideri affectare id, quod plane nolo. Quapropter, ne dicet quidem false quoties poterit, & dictum potius aliquando perdet,

quam minuet auctoritatem. Nec accusatorem aut atroci in causa, nec patronum in miserabili iocantem feret quispiam. Sunt etiam iudices quidam tristiores, quam ut risum libenter patiantur. Solet interim accidere, ut id, quod in aduersarium dicimus, aut in iudicem conueniat, aut nostrum quoque litigatorem: quanquam aliqui reperiuntur, qui ne id quidem, quod in ipsos recidere possit, euitent. Et Cæsar apud Ciceronem, exponens quæstionem illam risus, Quatenus, his pene diuinis uerbis, omnia fere quæ hætenus docuimus exposuit. Nam nec insignis improbitas & scelere iuncta, nec rursus miseria insignis agitata ridetur. Facinorosos maiore quadam ui, quam ridiculi uulnerari uolunt: miseros illudi nolunt, nisi si se forte iactent. Parcendum autem est maxime caritati hominum; ne temere in eos dicas, qui diliguntur. Hæc igitur adhibenda est primum in iocando moderatio. Itaque ea facillime luduntur, quæ neque odio magno, nec misericordia maxima digna sunt. Quamobrem materies omnis ridiculorum est in istis uitæ quæ sunt in uita hominū carorum, neque calamitosorum, neque eorum, qui ob facinus ad supplicium rapiendi uidentur: eaque belle agitata uidentur. Est etiam deformitas corporis uitiorum satis bella materies ad iocandum. Sed quærimus idem quod in ceteris rebus maxime querendum est, Quatenus. In quo, non modo illud præcipitur, ne quid insulse; sed etiam si quid perridicule possis, uitandum est oratori utrunque; ne, aut

scur-

scurrilis iocus sit, aut mimicus. H. Etenus Cæsar.
 Et *Aristoteles*, cum docuisset in humana uita opus
 esse iocis, & eorum bonum usum in mediocritate
 consistere, hæc adiecit uerba, *Quædam sunt, quæ*
& ioco dicere, & audire talem hominem decet: &
ingenui hominis iocus a seruis, & item eruditi ab
inerudito distat. Id quod ex comædijs ueteribus &
nouis licet unicuique perspicere. Illis enim uerbo-
rum obscenitas, his obscenitatis suspicio tantum ri-
sum faciebat: hæc autem in honestate non paruum
habent differentiam. Ex quibus facile intelligeres,
a comædijs obscenauerba prorsus explodenda esse:
et risum solum ex eorum suspitione esse captandum:
qua in re paucos ex nostris inuenies, qui contra ar-
tem, contra uirtutem, & contra religionem non
peccent, cum minus pudice, quam olim uera Dei
notitia & cultu destituti alienigenæ, comædias scri-
bant: quorum comædiæ, seu potius spurcitia, non
lectione, sed combustione sunt dignissima.

Duodecima positio, rectus iocorum usus, tum in
 omni uita, tum in arte dicendi magnas secum utili-
 tates affert. Primum, si a uirtute profisciscatur, ali-
 quid, etiam apud Deum, promereri potest. Deinde,
 uirtutis significationem præbet, ac proinde laudē
 promeretur: quæ sane laus non debet esse leuis, cum
 a uirtute non parum difficili profisciscatur; a qua vi-
 ri grauissimi eam sibi petendam putarunt. Præte-
 rea, ingenij atque acuminis maximum argumen-
 tum præbet is qui apte, & eleganter iocatur. Ad hæc,

honestus iocus, gratiam sibi conciliat, amicitiam
 conseruat, tristitia affectos ad hilaritatem reuocat,
 sepe iram frangit, & infligendam pœnam, aut auer-
 tit, aut mitigat. Huius effectus tale affertur exem-
 plum, Tarentini multa de Pyrrho rege securius in-
 ter cœnam loquuti fuerant, cum rationem facti re-
 poscerentur, & res nec negari, neque defendi pos-
 set, risu & opportuno ioco sunt elapsi. Nãq; ex eis,
 Immo, inquit, nisi lagena defecisset, occidissimus te-
 valet autem speciatim ad animos tristes & acer-
 bos ad lœtitiã & lenitatem traducendos, præser-
 tim in acclamatione aduersa populi, ut Cicero his
 verbis docet, Nullo autẽ loco plus facetiæ profunt,
 & celeritas, & breue aliquod dictum, nec sine di-
 gnitate, & cum lepore. Nihil enim tam facile;
 quam multitudo a tristitia, & sepe ab acerbitate,
 commode ac breuiter, & acute, & hilare dicto de-
 ducitur.

Decimatertia positio, malus ridiculorum vsus
 est valde perniciosus. Procreat enim effectus con-
 trarios iis, quos aptæ facetiæ gignunt: & sepe in
 iugulum redit. Quare, si Cicero eam doctrinam ad
 vsum traduxisset, quam de recto iocorum usu dede-
 rat, multorum in se indignationem non irritasset: &
 St. atonius Atheniensis, si bene facetus fuisset, Ni-
 coclem Cypriorum regem ad ipsius necem non inci-
 tasset: atque etiam Aristoxenus si Dionysium Sici-
 liæ regem non illussisset, in latomijs inclusus vitam
 non finiussisset. Et sane, quid potest excogitari absur-
 dius

Lib. 2.
 orat.

Athen.
 lib. 7.
 Lege
 Plut. li.
 educ.
 Idẽ li. 1.

dius atque imprudentius, dicam, & stultius, quam inde sibi odium constare, aut necem adscire, unde gratia & uenia comparanda esset, ac eos uelle uerbis pungere, qui strictos gladios gestant? & ad rixas meroremq; conuertere, quod ad beneuolentiam, & ad deletionem conciliandam est institutum? Et si sales animi causa probantur, non ideo probantur, quod alijs obsint, quod alios ad odium inflamment, & mæstitia compleant; quod nec ingenui hominis, nec viri boni est: cum facetus esse non possit, qui itidem non sit vir bonus. Sit itaque is, qui facetudinis laudem promereri cupit, multa comitate aspersus; quæ est huius virtutis necessarium condimentum. Atque de ridiculis hætenus: de quibus ideo paullo longius nobis disputare licuit, quod eo tempore, quo magis bacchanalia feruent, de eis scribere contigerit: quorum scriptio, intra domesticos parietes, spectacula, ioci, comediarum, saltationes, & symphoniarum gratissimæ nobis fuerunt. Et cum nihil aliud de hoc secundo Oratoris officio nobis scribendum restet, hic esto huius libri finis.

Libri secundi Finis.

DE OFFICIO ORATORIS LIBER III.

In quo de officio mouendi agitur.

An agere de animi affectibus a Rhetorem pertineat. Disp. I.

CVM non ignorem quosdam fuisse Rhetores, qui hanc de affectibus tractationem ad artem dicendi nullo modo pertinere existimarunt; propterea tertium oratoris officium de affectibus permonendis explicaturus, eorum sententiam, ut quid hac in parte tenendum sit demonstrarem, priore loco examinandam esse iudicaui. Et ut quod in dubium reuocatum est, difficultate non carere ostendam, hæc quæ subijciam, ad illorum opinionem confirmandam, excogitaui argumenta.

Primum, earum rerum tractatio ad Rhetorem pertinet, quarum notitia ad finem consequendum, hoc est ad persuadendum est necessaria, id quod prudens negaret nemo: affectuum uero cognitionem non esse huiusmodi, grauissima Aristotelis auctoritate confirmare licet: qui sui temporis dicendi Magistros redarguit, quod de affectibus, quasi de additamentis quibusdam, & de ijs quæ ad artem non pertinerent, scri-

scriberent, & de enthymematis, quæ sunt orationis nervi, nihil dicerent: igitur.

Deinde, affectuum explicatio, ut sunt quædam animi motus & operationes, pertinet ad Philosophum naturalem; qui dum agit de animo, eius facultates actusque explicat: at vero ut honestatis & turpitudinis sunt capaces, explicantur a Philosopho civili, qui de moribus & actionibus humanis disputat: eorum igitur tractatio ab arte dicendi erit prorsus aliena; cum de eis alia ratione disputari nequeat.

Præterea, si Rhetori aliquo pacto affectuum explicationem suscipere licet; maxime quia affectus ad persuadendum conferunt, quod non uno in loco affirmasse videtur Aristoteles; dum dixit, tria esse quæ fidem faciunt, Entymemata, dicentis mores, & Iudicis affectiones: at si ista causa urgeret, dicerem etiam eloquutionis doctrinam fidem facere, & valere ad persuadendum; id quod idem Aristoteles affirmavit: qui ideo de eloquutione sibi agendum esse dixit, quod ad opinionem & persuasionem faciendam conferat. Quæ in re sibi contrarius esse videtur; quia aliquando sola entymemata persuadere dixit: alibi mores præcipuam vim habere ad fidem faciendam affirmavit: alibi iudicis permotionem fidem non facere. Quare Aristoteles non sibi constat; cum modo pauciora, modo plura ad fidem faciendam valere docuerit.

Ad hæc, contra istam de affectibus doctrinam, his verbis disputat Antonius, Quis enim unquam ora-

Arist. in
lib. de
ani.

Li. i. rhe.
c. 2.

Li. 3. c. 1.

Li. i. rhe.

ior magnus, cum iratum aduersario iudicem facere uellet, hesitauit ob eam causam, quod nesciret, quid esset iracundia, feruor uementis; an cupiditas puniendi doloris? & quæ ibi sequuntur: ex quibus sane verbis intelligitur, istam affectuum cognitionem non esse necessariam.

Li. 1. or.

Postremo, Orator solo verborum genere motus efficit, quod præstare potest sine ulla affectuum notitia: igitur nihil est necesse, ut Rhetor, qui artem dicendi exponit, aliquid de affectibus scribat. Atque e multis quas afferre potuissem, has paucas rationes attulisse sufficiat.

In hac disputatione duo potissimum nobis explicanda sunt; primum an hæc tractatio ad Rhetorem pertineat, alterum, quæ & quot sint ea quæ ad persuadendum conferunt.

Lib. 3. in
fine.

De primo, fuit quorundam opinio, qui existimarunt, hanc disputationem de affectibus nullo modo ad Rhetorem pertinere, & nihil opus esse, ut orator affectuum naturam noscat. Ita olim senserunt quidam dicendi magistri, ut ex Platone discimus, a quorum sententia non uidetur alienus Trapezuntius, qui errare dixit eos, qui curiosius effectus numerant, cum ut ab Oratore tractantur, sint pene innumeri; ac proinde nihil de eis scripsit. Concedit tamen, ad Oratorem pertinere affectuum tractationem, idque orationis genere diuerso, pro eorum diuersitate; & eos non ad inuentionem, sed ad eloquutionem pertinere ait. At vero alij contra existima-

runt,

sunt, & ideo in suis de arte dicendi libris, nonnihil de affectibus scripserunt, Ita Aristoteles, Marcus Tullius, Quintilianus, & ceteri fere omnes dicendi artifices, ac etiam Plato, qui scriptum reliquit, eos non scripsisse ex arte, qui de animi affectionibus nihil scripserunt. De altero, uariae Aristoteles scripsit; nam aliquando solas rationes persuadere docuit, & reliqua omnia, Additamenta appellauit; ut sunt morum significatio, affectuum commotio, atque uerborum eloquutio: quam ab auditorum prauitatem necessariam esse non uno in loco affirmavit; & in summa aliquando unum, aliquando duo, aliquando tria, ac etiam quattuor ad fidem faciendam conferre scripsit; Cuius doctrinam multi sequuti sunt. Qua in parte, illud potissimum discutiendum est, an ea persuasio, quae a moribus & ab affectibus sumitur, sit omnino huic arti extrinseca, quod multi affirmare uidentur, quorum sententiae nos non facile subscriberemus. Ut autem propositas difficultates plane explicemus, nonnulla fundamenta nobis ponenda sunt.

Primum fundamentum, nomine affectus hoc loco intelligimus omnes animi commotiones, siue maiores, siue minores sint, quibus, cum sumus affecti, uel aliter iudicamus, agimusque, aut remissius, uehemētius ue quicquam uolumus, aut efficimus; per quos etiam morum significationem damus: qui, quid, & quot sint, postea docebimus. At uero morum nomine intelligimus significationes quasdam uirtutum,

siue

In Phœ.
Claud.
min. Syn
t. 17.

siue ad probitatem, siue ad cognitionem pertineant: quare hoc nomine, & designantur uirtutes, quibus homines proprie boni nuncupantur. Sunt autem mores in duplici genere, alij qui proprie mores nominantur, ut sunt illi qui a uirtutibus & uitijs proficiuntur: alij improprii, ut sunt illi qui hominum etates sequuntur. Similiter, aliqua oratio dicitur morata, uel quia ueros mores, ut clementiam, iustitiam, patientiam, & alias uirtutes, aut etiam uitia ostendit, uel quia pathos & affectus continet; qui cum mores indicent, moratam faciunt orationem, & ad persuadendum conferunt. Rursus, mores spectari possunt, uel in dicente, uel in auditore, uel in eo pro quo dicitur; sed hoc loco de moribus dicentis est dubitatio: quorum duæ sunt considerationes: altera, ut sunt cogniti ab auditoribus etiam extra ipsam orationem: altera ut in ipsa oratione & actione cernuntur, & elucent. Et quidem dubitari potest, an altero modo debeant esse cogniti, ut fidem faciant.

Secundum fundamentum, quando queritur, an tria ad fidem faciendam ualeant, enthymemata siue demonstrationes, mores, & affectus, id dupliciter intelligi potest: primum ex se suaque natura, & ratione rei quæ demonstranda suscipitur, deinde ex accidenti, & extra rei naturam, ut ex auditorum habitu. Et quoniam certum est demonstrationes sua uersuasionem gignere, tota dubitatio est de moribus, & de affectibus, qui cum ex se fidem non faciant, sed

sed ex quadam auditorum prauitate, qui cum rationes nō percipiant, aut illis se permoueri non sinant, affectibus trahendi sunt, ab arte alieni esse uidentur & eorum cognitio non necessaria. Ex quibus colligere, persuasionis nomen dupliciter usurpari posse; uno modo propriissime, pro ea quæ sola ratione, & argumentis fit; altero pro ea, quæ quacunque ratione, uel morum significatione, uel affectuum commotione, aut etiam ornata oratione & eloquentia gignitur: inter quæ uaria fieri potest comparatio, querendo, quid ex his magis fidem faciat, & magis proprie ut in ipsis positionibus dicemus; ad quas, his positis fundamentis, accedo.

Prima positio, tria sunt quæ proxime persuasionem fidem ue faciunt, enthymema siue demonstratio ratioque, mores, & affectus. Doctrinam est Aristotelis, quam multi, & iure quidem optimo, sunt amplexi. Hoc præter alia loca docuit, cum libro primo ita scripsit, Harum igitur quæ ratione parantur persuasionum genera sunt tria. Nam alia sunt in moribus eius qui dicit: alia in auditore modo quodam afficiendo: alia in ratione ipsa cum demonstramus, aut demonstrare uideamur. Quod attinet ad demonstrationes res est manifesta; de moribus & affectibus patebit ex sequentibus.

Secunda positio, sola enthymemata sua uel fidem, persuasionemque gignunt. Hoc docuisse uidetur Aristoteles, cum quæ præter enthymemata ad persuadendum adducuntur, additamenta uocauit: quoniam, si

Cap. 2.
lib. 2. c. 2

Lib. 1.
rhet. c. 1.

Aegid.

dicentis mores & affectus cum re ipsa quæ demonstranda est, & cum argumentis conferantur, addita menta sane uocari possunt. Quam doctrinam vir grauissimus Aegidius, hunc locum tractando, pulcherrime exponit, atque confirmat. Sunt enim quæ ad permouendo animos asseruntur extra rem ipsam, & solum auditores spectant. Quare, qui relictis rationibus, ea tantum prosequuntur quæ ad animos commouendos ualent, ij minus accommodate ad rem dicunt, & minus docent: Et non secus errant, atque erraret ille, qui de corporis natura disputaret, & nihil de eius substantia, sed solum de accidentibus diceret.

Tertia positio, mores, ratione auditorum, magnam uim habent ad persuadendum. Hanc doctrinam tradidit Aristoteles cum dixit, Propter mores igitur credunt, cum sic dicitur oratio, ut fide dignus qui dicit nideatur. Nam probis, & magis, & facilius de omnibus simpliciter credimus. Ad Aristotelis auctoritatem accedit etiam communis hominum sensus, & experientia. Quisque enim facile existimat, eos decipere non posse, qui sint bonis moribus ornati. Adde etiam, quod cum in rebus probabilibus & in dubijs uersamur, præiudicata de moribus dicentis opinio, aut eorundem significatio, cum dicit, multum ad permouendum cōfert. Huc facit illud Quintilianii dictum, Qui dum dicit malus uidetur, utique male dicit. Idem itaque facit probitas in dicente, quod experiētia in senibus.

Lib. 6.
cap. 2.
Lib. 6.
eth.

Quod

Quod si hoc loco peteres, cur Aristoteles libro secundo Rhetorices dixerit, prudentiam & benevolentiam fidem facere, responderem, ea de causa, quoniam hec duo requiruntur in eo qui fide sit dignus, maxime in genere deliberatiuo; cum imprudentes non bene consulant, & eos, qui in nos sunt male affecti nobis non consulturos esse existimemus.

Quarta positio, non tam mores præiudicati & cogniti, quam qui orationis vi demonstrantur ad orationem moratam conficiendam ex parte dicentis conferunt. Quoniam accidit, ut is qui dicit habeatur pro bono ab omnibus auditoribus antequam dicat. Quare probitas vi orationis apparere oportet; & de hac probitate Rhetor præcepta dare debet; cuius significatio omnibus dicentibus est utilis, etiamsi quis non sit vere bonus: & de ea, quæ potest arte præparari, & in dicentis potestate est sita. Quæ autem ad orationem moratam efficiendam ualeant, Libro tertio de eloquentia oratoria docuimus. Quando dicimus moratam orationem vim habere ad persuadendum, intelligimus de ea quæ significationem præbet, tam uirtutum cognitionis, ut sunt scientiæ & artes, quam actionis, ut sunt iustitia, prudentia, & alia.

Quinta positio, affectus ratione auditorum proxime conferunt ad fidem faciendam. Primum, quoniam, ut Aristoteles ait, non eadem iudiciis videntur cum diligunt, & cum oderint; nec iratis et quietis: Sed uel omnia diuersa, uel magnitudine di-

uersa. Quare, ut experientia docet, homines affecti aliquid iudicant, & credunt, quod alias non iudicarent, nec crederent: & aliter, atque aliter affecti, aliter atque aliter iudicant. Deinde contingere potest ut demonstratione destituamur, vel ut auditor non attendat: ac proinde in affectus permouendus sit, & tunc facile fidem habebit, cum ij, gratia exempli, facile credant, qui amant. Adde etiam, quod auditores & iudices sæpe non percipiunt rationum momenta, nec ueritatem ipsam intuentur: sed potius affectibus ducuntur, atque ex affectibus magis, quam ex ratione iudicant.

Ant. lib. Sexta positio, mores magis persuasionis nomen
4. Euer. merentur, quam affectus, uel quod idem est, magis
Sect. 6. ad fidem faciendam conferunt. Primum, quoniam
Lib. 1. nunquam Aristoteles de affectibus dixit, quod de
Rhet. oratione morata pronuntiauit, habere uim precipuam ad fidem faciendam. Et propterea, ni fallor, aliquando de affectibus loquendo, affirmauit, Iudicis motionem non facere fidem, comparata nimirum ad mores dicentis, qui magis fidem faciunt, quam affectus. Deinde, quia affectus magis uidentur animum præparare ad assentiendum, quam ipsam assensionem gignere: quã tamen aliquo pacto procreant, dum id faciunt credere, quod alias non crederetur: at vero mores fidem ipsam attingunt. Adde etiam, quod Iudicis affectio per dicentis mores excitatur, & commouetur.

Septima positio, eloquentio non facit per se fidem,
ad

ad persuadendum tamen aliquo pacto iuvat. Quod ex se fidem non faciat, patet ex Aristotele, qui eloquentiam nunquam in persuasionibus numeravit: ornata enim oratio solum detinet auditorem, atque delectatione quadam afficit, & nihil proxime credere facit, ut illa tria superius numerata. Quod autem aliqua ratione iuuet, ex Aristotele colligere licet, qui cum initio libri tertij dixisset, tria esse quibus fides fit, adiecit, Non satis esse habere quæ dicenda sunt; sed necessarium esse ea, ut oportet dicere: quod plurimum confert, ut oratio qualis quædam, hoc est aliquo modo affecta, & moribus informata videatur. Et paullo infra, Verum, inquit eloquentia ipsa habet parum quid in dicendo semper necessarium: refert enim ad significandum, sic, aut sic dicere, quamvis non tantum. Iuvat itaque eloquentia ad persuadendum, quia facit ut libenter audiatur, quod alias non audiretur: non secus atque mel ad absinthium sumendum. Ex quibus colligere licet, non esse quattuor persuasionum genera, cum eloquentia, sua vi assensionem non procreet; sed solum est causa cur iudex audiat, uel attentius audiat.

Octava positio, tractatio de affectibus non est aliena ab arte dicendi, ita ut Rhetor omnino de affectibus disputare, & eorum vim ad suum finem accomodate considerare debeat. Primum, patet hæc positio auctoritate gravissimorum Rhetorum, qui hanc partem non prætermiserunt: ita Aristoteles, M. Tullius, Fabius, & Plato, qui primus omnium antiquos

Cap. I.

artifices redarguit, quod de affectibus non scripserint. Aliqui affectuum naturam explicarunt quidem sed de modo quo permouendi sunt, nihil dixerunt: alij uero contra. Neque Aristoteles reprehendit antiquos dicendi Magistros, quod de affectibus differerent, quia ipse quoque reprehendendus esset, cum de illis diligenter scripserit; sed quod de enthymematibus quæ sunt orationis nervi nihil dicerent; cum quibus si comparentur affectus, additamenta uocari possunt. Deinde, quoniam Rhetorica est facultas videndi quidquid ad persuadendum confert, quod arte tractari possit: at huiusmodi sunt affectus: igitur. Quod sumptum fuit, manifestum est ex definitione Rhetoricæ: subsumptio patet ex ijs, quæ supra scripsimus: Quod etiam confirmares ex eo, quia sæpe contingere potest, ut auditor sciat & credat, & tamen nolit quod nouit efficere; ad quod per motuum tractationem incitandus erit: ut accidit in concionibus, quas habent Christiani Oratores, qui ut plurimum de ijs rebus dicunt, quas auditores norunt & credunt; sed cum non faciant, sola affectuum commotione est opus. Ac proinde dicere solemus, eos esse bonos Concionatores, qui mouent; cum re uera in dicendo dominetur motus, quem qui facere nequeunt, a contione abstineant.

Quod si dicas, motus necessarius est ob auditorum prauitatem, ac proinde esse quid ab arte alienum; & ideo Aristotelem aliquando dixisse, æquum esse rationibus certare; responderem, negando consequentiam;

nem; quia oratio cuius conficienda Rhetor præcepta tradit, debet esse accommodata ad omnia auditorum genera, et ad popularem sensum. Quare, non solum enthymemata, quæ eruditos persuadent sed etiam affectus quibus populares moventur, considerare debet.

Neque obstat, quod alij artifices de affectibus disputent, quoniam Rhetor alia ratione, et ad alium finem de eis agit. Physiologus eorum causas naturales inquirat: Qui mores tractat Philosophus, docet qua ratione in officio contineri possint, & ut honestatis & turpitudinis sunt capaces: Rhetor, ut commoveri se darique possint; et id alicuius rei persuadendæ gratia; quod sane facere nequit, nisi aliquo pacto eorum naturam habeat exploratam.

Nona positio, eloquutionis disputatio, non est ab arte dicendi aliena, ita ut verum non sit quod aliqui docent, pertinere ad artem histrionicam. Hanc veritatem, alibi late demonstravimus: hoc autem loco ideo eam ponimus, ut doceamus, quosdam ex eo Aristotelis loco, ubi quæ ab antiquis de arte tractabantur, additamenta vocat, etiam eloquutionem fuisse ab arte exclusam satis inepte colligere.

Quod autem ex isto loco id non colligatur, ex eo intelligitur, quod Aristoteles non confert pîstes, hoc est argumenta cum eloquutione, sed cum alijs rebus quibus orator nititur, hoc est cum moribus et perturbationibus: & de solis rationibus sive enthymematis docet esse orationis corpus, & per se ad orationem pertinere. Eloquutio autem ita se habet, ut in

Niph.
Ant. Ber

Lib. I.
rhet. c. I

omnibus sit necessaria, cum ab oratore omnia ornate copioseque dicenda sint. Quo fit, ut eloquentio sit maxime arti infixata, cum argumenta, quæ sunt orationis corpus, sine eloquentione in arte dicendi non consistant.

Qui contra sentiunt, in eo sunt fortasse decepti, quod inter eloquentionem & motum animorum non distinxerunt, cur autem ita existimare potuerint, nihil uideo. Sed de his satis, restat ut ad argumenta respondeamus.

Ad primum, falsum est, quod animorum permotione, qua efficacissime, quod alias credi potuisset persuaderetur, homines ad efficiendum non traducantur: sine qua, ut experientia docet, pauci sunt qui persuadeant; cum homines, uniuersè loquendo, non tam ratione, quam affectu ducantur. Aristoteles autem, ideo redarguebat antiquos, quod quæ erant ad persuadendum ubique & apud omnes sua uiaque natura necessaria, omitterent.

Ad secundum, ideo Rhetori aliqua affectuum habenda est notitia, quia uim ad persuadendum habent maximam: quam uim is qui ad hunc finem ea adhibere uoluerit, habere debet omnino perspectam. Nec, ut alijs in locis scripsimus, absurdum est, ut eadem de re diuersæ disputent disciplinæ.

Ad tertium, concedimus ob eam rem Rhetorem de affectibus scribere, quia ad persuasionem gignendam conferunt; negamus tamen rationem esse cum eloquentione parem; ut ex ijs quæ adnotauimus facile

cile intelligi potest. Nec Aristoteles est sibi contrarius quia, aliter considerauit eloquutionem & affectus, cum eos in additamentis collocauit, quam cum ad persuadendum confere dixit. Licet ergo sua ui atque natura sola enthymemata fidem faciant: tamen, si oratio ad animorum motionem, & ad popularem sensum debet esse accommodata, eam & affectus, & mores continere necesse est.

Ad quartum, quid ad hoc argumentum respondendum sit, patet ex dictis. Nec mirum est quod Antonius ita disputauerit: quia eorum agebat partes, qui oratori rerum quas tractat notitiam non esse necessariam putabant.

Ad vltimum, falsum est oratorem solo uerborum genere animos permouere: cum, ut diximus, eloquutio sit a motuum permotione diuersa: motus autem nemo faciet, qui aliquam eorum cognitionem non habuerit; hoc est, qui eorum causas, effectus, uarietatemque aliqua parte non nouerit.

An dicendo animos affectibus permouere liceat. Disp. 2.

NI aliqui extitissent, qui omnes humanos affectus & perturbationes malas esse existimarunt; ut hanc disputationem hoc loco tractaremus, nihil opus fuisset. Ne igitur aliquis hoc tertium oratoris munus penitus euertat, dicendo, non licere aliquo modo af-

fectus commouere, antequā ad eorum explicationem accedo, demonstrandum est, omnino a uero aberrare eos, qui omnes humanos affectiones inuitijs ponunt. Et ut rem propositam dubitationem aliquam habere demonstrem, has subiicio dubitandi rationes.

Prima, quæ a definitione sumitur, Perturbatio, quam Græci pathos uocant, est auersa a recta ratione contra naturam animi commotio: Sic enim Zeno Stoicorum princeps eam finiuit: atqui, quod a recta ratione auertit necessario malum est, cum sit peccatum; peccare enim nihil aliud est, quam transilire lineam, hoc est a recta ratione recedere: omnis igitur perturbatio mala.

Sesunda ratio, sumpta ex ijs quæ Aristoteles in rhetoricis scripsit; ubi reprehendes antiquos dicendi magistros, qui de moribus faciendis præceptu dabant, non secus eos errasse dixit, atque illi errarēt, qui rectam regulam, qua aliquid dirigere uellent, prius inflecterent: quæ inflexa inutilis et inepta omnino ad dirigendum est. Non enim ait Aristoteles, oportet in iram, aut in inuidiam, aut in misericordiam impellendo a recto iudicem deflectere: ne similes ei simus, qui eam qua usus sit regulam prius inflectit.

Tertia, is qui est aliqua perturbatione affectus, est minus idoneus ad uerum inspiciendum, non secus ac is ad uidendum, ob cuius oculos obuersarentur nubes, quæ solis aspectum impedirent sunt enim perturbationes ueluti quedam animi nubes, ac proinde

Cicero,

Tus. 4.

Cic. in
parad.

L. I. c. I.

Cirero, cum aliquando perturbationum uel iudices in suam sententiam pertraxisset, se iudicum mentibus tenebras offudisse gloriabatur. Quare, ne rectum auditorum impediatur iudicium, nunquam affectus commouere licebit.

Quarta, aut affectus sunt boni, aut mali: si boni, nunquam erunt coercendi, & frenandi; quod tamen falsum est: si mali penitus resecandi, quod etiam a ueritate abhorret.

Postremo, bene constitutæ ciuitates affectuum commotionem prohibuerunt, & speciatim Iudices Arcopagitæ, ut Aristoteles testatur, apud quos hæc uigebat consuetudo, ut Præco præmoneret eum, qui dicturus accedebat, dicendo, μή προοιμιᾶζου, μή δὲ ἐπιλεγε, hoc est, nec proemio, nec epilogo uteris: quæ hæc duæ partes potissimum ad motum faciendum sint comparatæ. Cur autem id prohibuerint, nulla alia potest assignari ratio, quam quod commotio non sit honesta, nec utilis: reiicienda igitur. Vnde sapienter Cæsar apud Sallustium hunc in modum loquitur, omnes homines P. C. qui de rebus magnis consultat: ab odio, amicitia, ira, atque misericordia uacuos esse decet.

De hac re, quam examinandam proposuimus, longam conficerem disputationem, si omnia quæ possem, in medium proferre uelẽ: ea itaque solũ dicam, quæ ad rem proxime faciunt: plura qui uolet eos consulat, quos nunc citabo auctores. Legendus est Aristoteles in ethicis, libro sexto, et ibidem eius expositores: Cicero in Tusculana quarta: Lactantius Firmianus lib. sexto

Lib. 1.
rhet. c. 1

Cap. 14.
15. 16.
& 19.

suarum

suarum institutionum, capite decimoquarto, & sequentibus, & in Epitomis; Augustinus in nono, et decimoquarto libro de Ciuitate, vt diuum Thomam in prima secunda partis, & alios Theologos, philosophosque omittam. Quod ad opiniones attinet, hæc fuerunt in re proposita sententiæ.

Prima Stoicorum, quam apud citatos auctores explicatam et confutatam inuenies; qui affirmarunt, omnes animi perturbationes, quas $\pi\alpha\theta\eta$, hoc est, $\sigma\epsilon$ uerbum uerbo reddere uelles, morbos, ut Cicero ait, appellabant, esse malas, & idcirco omnino tollendas, atque ex animo euellendas esse existimabant; easque in hominem sapientem atque perfectum cadere minime posse dicebant. Affectus omnes, inquit Lactantius, quorum impulsu animus commouetur, ex homine tollunt, cupiditatem, letitiam, &c. & infra. Eodem modo, hæc quattuor morbos, ut dixi, uocant; non tam natura insitos, quam praua opinione susceptos. Et idcirco eos censent extirpari posse radicitus, si bonorum, malorumque opinio falsa tollatur. Verum, cum isti uiderent hos affectus, etiam in sapiente penitus resecari non posse, eos quasi in aliam naturam essent conuersi, alijs appellabant nominibus: & ita pro cupiditate, voluntatem, pro letitia, gaudium, pro metu, cautionem, dicebant; pro quarto, immutandi nominis ratio defecit; unde pro eo nihil reposuerunt: non res itaque, sed uerbum defuit, Ex quibus colligeres, cur aliqui Stoicos in bonam sententiam trahant, & cum Peripateticis con-

Macr. li.
1. sat. c. 8

Lact. ca.
15.

D. Tho.
2. 2. q. 24
ar. 2.
Bart.
Med.

concilient: quod solum eas perturbationes malas esse dixerint, quæ cum sint maiores, rationis terminos transgrediuntur. Nec defuerunt insani quidam homines, ut Clemens Alexandrinus refert, qui existimarunt humanos affectus esse quosdam demones hominum mentibus ingenitos, ut capilli innati sunt capiti. Extiterunt etiam alij, qui omnes animæ sentientis appetitiones motusque malos esse male existimarunt.

Secunda sententia Peripateticorum & Theologorum omnium, asserentium humanos affectus, si fuerint moderati, & recta cum ratione consenserint, non esse malos, contra vero, si ab ea recesserint. Dicunt præterea Peripatetici, ideo a Deo, uel a natura nobis datos esse, ut eis ad bonum consequendum, & ad malum fugiendum, quasi quibusdam præsijs utamur: quam doctrinam quidam parum eruditi homines, male impugnare conantur.

Ad huius disputationis explicationem, cum longius philosophari ac theologari nolim, nulla fundamenta ponam, ac proinde ad ipsas positiones accedo, quibus quid in re proposita tenendum sit, perspicue docebo.

Prima positio, affectus in genere naturæ, hoc est, ut res quædam sunt, non sunt mali. Quoniam affectus insiti & ingenerati sunt admirabili Dei providentia, ut ait Firmianus: at a Deo auctore optimo nihil potest proficisci mali; cum in diuinis literis legamus, vidit Deus cuncta quæ fecerat, & erant

S. Diad.
Basil. or.
contra
irascen.
Amb. li.
2. de fide
cap. 3.

Philel.

Cic. pro
muræ.
Lact. ca.
15.

Sec. I.

valde

valde bona, optima igitur: Quod si ex citato auctore peteres, cur nostræ naturæ insiti sint, diceret, virtutis ergo, quæ sine affectibus, aut nulla erit, aut in usu esse non poterit, si desint ea, per quæ vis eius aut apparet, aut constat. Et Augustinus, quandiu hanc vitam mortalem uiuimus, si non habemus animi passionem, non recte uiuimus. Datus est itaque dolor, ut turpitudinem detestemur: metus, ut malum fugiamus, desiderium, ut bonum expetamus: & uoluptas, ut in eo conquiescamus. Ideo præclare de viro bono dixit Horatius,

Sperat infestis, metuit secundis
Alteram sortem bene præparatum
Pectus.

Ac etiam sapienter Homerus aiebat, Virtutem, iram erigendam esse, uirtutique immittendum esse furorē tunc nimirum cum aliquid ex deliberatione agendū esse cognitum fuerit: tunc enim excitantur affectus, ut ad bene agendum commoueant. Et ut cum Platone concludam, Sunt humanæ affectiones veluti nerui, & muscoli ad contrarias actiones trahentes & retrahentes. Ut enim sunt nerui quidam in brachio ad eius dilatationem, & alij ad eius contractionem; ita in anima nostra sunt uariæ affectiones, aliæ ad has, aliæ ad alias operationes institutæ: & omnes si modum seruent, suo tempore & loco, sunt utiles: & ita non sunt totaliter extirpandæ, sed ad mediocritatem reuocandæ.

Secunda positio, affectus in genere moris, ex se, non sunt

Lib. 2.
de io.

Arist. li.
3. Eth. c.
8.

Lib. 1.
de leg.

sunt nec boni, nec mali. Doctrina est certissima omnium meliorum philosophorum; quam communis Theologorum confirmat auctoritas. Quare, si cupiditas uel sua feratur in bonum, et timor refugiat malum, nullum committitur peccatum; sed tunc, cum praeter rationis imperium homo sciens et uolens aliquid propter affectum prosequitur, aut refugit. Tunc itaque humani affectus rationem uirtutis, aut uitij suscipiunt, cum rationem sequuntur, aut ei reluctantur. Quare, tunc peccamus, cum ei consentimus appetitioni, qua praeter rationis imperium aliquid efficimus: quod fit, ut ipsa appetitio, ex se, non sit nec bona, nec mala in genere morum. Lege quae hac de re in suis epitomis disputat Lactantius. Errant igitur grauiter, qui omnes appetitiones malas, & quasi quosdam daemones esse docent:

Cap. 4.

Tertia positio, affectus in genere moris possunt esse boni & mali. Boni erunt, si cum ratione suscipiantur, aut ponantur; mali si a ratione dissentient. Hinc est quod in diuinis oraculis, ira ut mala aliquando dantur, aliquando minime; ut cum dicitur, Irascimini, & nolite peccare: et quod de uno dicitur affectu, de alijs intelligendum est. Quarta positio, probabile est, Stoicos eos solum affectus morbos uocasse, et euellendos esse putasse, qui cum sint maiores, rationem perturbant, & a sua sede dimouent, atque a recto auocant. Primum, quia ita uiri eruditi eorum sententiam intelligendam esse tradunt: & non est credibile viros alias doctos, Stoicos intelligi, omnem hominum sensum ab hominibus auferre uoluisse. Deinde, idem confirmari potest ex ea definitione, qua animi morbos descripserunt, quam supra

Psal. 5.

Galen.
tract. de
corat. af-
fect.Aug.
D. Tho.

Lib. 2.
offic.

attulimus, & ex Cicerone qui hac in parte Stoicis non aduersatur, cum ait, Perturbationes, id est motus animi rationi non obtemperantes. Verum, siue ita senserint, siue non, certum est in modo loquendi eos multum dissidere.

Quinta positio, si Stoici omnes animi affectus malos esse, & eradicandos esse existimarunt, longissime a veritate recesserunt. Stoici ergo furiosi, inquit Lactantius, qui ea non temperant, sed abscindunt, rebusque a natura insitis castrare hominem quodam modo volunt. Quod tale est, quale si uelint aut metum detrudere cervis, aut uenenum anguibus, aut iram feris, aut placiditatem pecudibus. Namque singula mutis animalibus data sunt, ea uero uersa homini. Quod si, ut medici dicunt, letitiae affectus in splene est, irae in felle, libidinis in iecore: timoris in corde; facilius est interficere animal ipsum, quam ex corpore aliquid euellere; quod est animantis naturam uelle mutare. Abijciatur igitur opinio ista, quae hominem sentientem sensu spoliare, & stimulem facere uult: cum qui nullo commouentur affectu, potius omnem humanitatem amisisse, quam tranquillitatem possidere uideantur.

Sexta positio, errant qui Peripateticos reprehendunt, quod dicant, perturbationes esse temperandas, & nobis datas esse quasi incitamenta quaedam ad operationes exercendas. Quod huiusmodi affectiones sint ueluti stimuli, ut ira ad coercendam audaciam, & cupiditas ad prosequenda quae sunt
uite

Arist. li.
3. eth. c.
8.

vita necessaria, disertis uerbis in suis epitomis docet Firmianus. Quod autem sint cohibendi, ne rationis fines transfiliant, neue rationem a recto itinere abducant, prudens negare nemo.

Cap. 4.

Septima positio, desiderandum esset, ut homines magis ratione, quam affectibus ad aliquid agendum mouerentur. Quoniam, cum quis sola ratione ducitur, minus est aptus ad errandum, quam cum affectus commotos habet; quorum uim non est facile cohibere, aut certum in eis modum retinere: & magis laudabile est id, quod sua sponte, & rationis consilio quispiam facit, quam quod extrinsecus excitatus, & perturbatione aliqua pulsus efficit.

Octaua positio, animos auditorum affectibus ad bonum amplectendum, & ad malum uitandum commouere, nullo modo est vituperandum, aut, uniuerse loquendo, damnandum. Id affirmauerim contra quosdam de quibus his uerbis meminit in primo sermone de Oratore Antonius. Qui partim omnino motus negant in animis ullos esse debere; quique eos qui in mentibus indicum concitent, scelus eos aiunt nefarium facere. Primum hanc doctrinam confirmare licet communi Rhetorum sententia, ut omittam multa eorum loca, quæ priuatim asserre possem. Et quod Rhetores facere licere docent, Oratores re ipsa in suis orationibus præstant. Quod non solum intelligi uolo de profanis, sed etiam de sacris, ut de Gregorio theologo, de Chrysostomo, de Cypriano, & aliis sexcentis, ac etiam de diuinis, ut de Isaia, Ezechiele,

Aug. li.
4. de do
ctr. c. 11
Lud.
Gran.
Aug. Va
ler. lib. 2

Ezechiele, Paulo, & multis alijs, qui grauissimis amplificationibus, non modo ad ipsos affectus ciendos, sed etiam ad viscera commouenda utuntur: & qui de Concionatore Christiano scribunt, hoc unum priuate in eo efflagitant, & ad hoc præstandum multis præceptis instituunt, ut nos etiam libro quarto de Oratore diuino fecimus: immo eum qui amplificare nescit, ad hoc munus ineptum putant: at amplificatio tota ad affectus ciendos est comparata: igitur. Deinde, animi commotiones, ut demonstrauimus, non sunt ex se malæ, & si in honestum flectantur, aut a turpitudine reuocentur, fiunt bonæ: eas igitur dicendo excitare, aut sedare licebit. Quare, sicuti perniciosum atque turpe est contra ueritatem & iustitiam motus facere, ita utile atque honestum erit ad honestum iudicium ferendum auditores per affectuum tractationem commouere. Præterea certum est, idque experientia demonstrat, quemque ut affectus est, ita de rebus iudicare, & ut plurimum suos affectus tanquam iudices ad agendum adhibere, atque id optimum existimare, quod uehementius amat; id uero perniciosum, quod odit; cum tamen plerunque aliter sit iudicandum: quandoquidem cum affectibus sepe temeritas & ignorantia sunt coniuncta: & ita uoluptuarius homo uoluptatem, ambitiosus honorem, auarus diuitias, & iracundus uindictam approbat: quo fit, ut plura affectibus, ut amore, odio, cupiditate, iracundia, dolore, lætitia, alijsque animi permotionibus, quam ratione, aut legum præscripto homi-

homines iudicent: Ideoque Aristoteles in politi- Lib. 3.
cis scriptum reliquit, Eum qui vult legem præesse, cap. 12.
Deum, idest rationem, præesse vult; qui uero ho-
minem adiungit, bestiam, adiungere; quod homi-
nes, bestiarum more, interdum perturbationibus
moueantur, & ex illis iudicent. Quare has ani-
mi commotiones, quibus mentis acies perstringi-
tur, sedare, & concitare licebit; quod fieri non po-
test, nisi per affectuum tractationem, qua, aut con-
citati motus sedentur, aut in contrarium affectum
conuertantur. Et ut congruum est inflexam regu-
lam dirigere; ita etiam par erit animos in suum
statum reuocare, & in bonum affectum traduce-
re: & ut linguam, quæ cum sit mala affecta dul-
cia iudicat amara, & amara dulcia, purgare li-
cet; ita male affectos animos, ut recte iudicent,
purgare licebit. Denique, ne rem manifestam
pluribus confirmem, si hoc officium Oratori de-
traxeris, eum facultate amplificandi priuabis;
cum, ut dicebam, in hunc finem amplificatio sit
comparata: qua si priuetur Orator, siccus,
& ieiunus, sine succo, & sanguine remanebit.

Nona positio, non modo Oratori affectus mo-
uere licet, sed etiam id omnino efficere debet,
si suas partes velit explere: ita ut perfectus Ora-
tor numerari non debeat, qui dicendo, cum opus
est, animos commouere nequit. Doctrina est
manifesta; quia, ut supra demonstraui, hoc
est vnum e tribus Oratoris muneribus, & fortasse

magis proprium, atque præcipuum. Ideo M. Tullius, de claris oratoribus agens, cum M. Calidum mirifice commendasset, quod duo summe tenuerit, ut & rem illustraret disserendo, & animos eorum qui audirent deuinciret uoluptate; addidit, *Aberat tertia illa laus, qua permoueret atque incitaret animos, quam plurimum pollere diximus: Cui assentiendo Brutus, hæc dixit, Quis enim non fateatur, cum ex omnibus Oratoris laudibus longe ista sit maxima inflammare animos audientium, & quocumque res postulat, flectere; qui hac uirtute caruerit, id ei, quod maximum fuerit, defuisse? Ideo, inquit Augustinus rhetor insignis, uistorie est flectere, quia fieri potest ut doceatur, & delectetur, et non assentiatur.*

Quid autem illa duo proderunt, si desit hoc tertium? Non satis itaque est Oratori docere, ut instruat, & delectare, ut teneat, sed etiam necesse est flectere, ut uincat. Et ut cum eodem concludam. Incumbat Orator, hoc opus eius, hic labor est: sine quo cætera nuda, ieiuna, infirma, ingrata sunt: adeo ueluti spiritus operis huius atque animus est in affectibus.

Qui uero, inquit Fabius, iudicem rapere, & in quem uellet habitum animi posset perducere, quo pacto flectendum & irascendum esset, rarus fuit. Atque hoc est quod dominatur in iudicijs: hæc eloquentiam regunt. Nanque argumenta plerumque nascuntur ex causa, & pro meliore parte plura sunt semper: ut qui per hæc uicit, tantum non sibi defuisse aduocatum sciat. Vbi uero animis iudicum uis afferenda est,

Lib. 4.
de doct.
Chr. ca.
12.
Cap. 13.

L. 6. c. 2.

est, & ab ipsa ueri contemplatione abducenda mens, ibi proprium Oratoris opus est. Argumenta in contrariam partem allata ita solueres.

Ad primum, illa definitio, ut ab homine Stoico tradita, est mala: ac proinde inepta ad aliquid recte concludendum: aliam bonam nos statim asseremus: Quam tamen approbare liceret, si eos solum uocabat affectus, qui a recta ratione nos auocant.

Ad secundum, damnauit Aristoteles antiquos dicendi Magistros, non quod de affectibus mouendis scripserint, cum idem ipse fecerint, aut eos permouendos putauerint, sed quod nihil de entymemati- bus docuerint, & quod facultate permouendorum animorum abuterentur, permouendo affectus, & rei ueritatem rationibus non demonstrarent.

Ad tertium, quando animi motus est rectus & ad iustitiam seruandam inflexus, mens est magis idonea ad honestatem, aut uidendam, aut statuendam. Tunc itaque perturbationes iudicium corrumpunt, cum rectæ rationis usum impediunt, & cum malæ sunt: quas bonus Orator excitare non debet, ne sua facultate ad communem utilitatem inuenta abutatur: de quo non bene gloriatus est Tullius.

Ad quartum, hoc argumentum facile ex allata soluitur doctrina: ex se enim, nec bonæ, nec malæ sunt; sed bonæ erunt, si temperatæ & rationi consentaneæ fuerint.

Ad postremum, quod aliqui eciuitates affectuum permotionem prohibuerint, non est mirum; cum ma-

li Oratores, hoc suæ artis abuterentur munere: quam ob causam etiam ars ipsa aliquando reiecta fuit. Et in Areopago, ideo non licebat extra causam dicere, aut rem ad animos permouendos amplificare, quod ibi apud viros doctos & de rebus ad genus deliberatiuum pertinentibus ageretur: ubi minus animorum permotione opus est: quare apud sapientes argumentis potissimum decertandum est.

Sed hic objiceret quispiam homo qui est rationis capax, sola ratione ad aliquid agendum perducendus est; cum agere ex affectu & perturbatione sit brutorum proprium: quare contra hominis naturam facere videntur, qui eum, tanquam animal rationis expers, per solos affectus ad assentiendum, agendum ne trahunt. Hanc obiectionem hunc in modum dilueres. Primum, adhibentur affectus ut magis commoveatur ratio, & ut re ipsa homines velint, quod alias tanquam bonum approbarent, sed non amplecterentur: Ideo aliquando Ovidius dixit,

Video meliora proboque,

Deteriora sequor.

Deinde, cum Orator apud rudem populum agat, qui non tam rationum momenta percipit, quam motus, facilius per motum eum ad honestum utilitatemque perducit, quam si sola uteretur ratione. Denique, negamus non conuenire homini agere ex affectu a ratione pendente.

Quid

Quid & quotuplex sit affectus, & quod affectuum cognitio Oratori sit necessaria . Disput. 3.



N secundo de Inuentione libro late de natura, caussis, effectibus numeroque humanorum affectuum differuimus; quæ omnia cognoscenda sunt ei, qui

apte & efficaciter eos commouere uoluerit . In præsentia igitur solum breuiter affectus uniuerse, & quosdam maiores priuate numerabimus, ac describemus, ut qua ratione concitandi sint, quod nunc agimus, doceamus . Vt autem ea quam allaturus sum motus descriptio melius intelligatur, animaduertendum est, in nobis duas esse partes quibus ad aliquid agendum mouemur; unam rationis competentem, quæ omnia consilio & rationum momētis quasi trutina & statera perpendit: alteram rationis expertem, quæ affectibus trahitur: illa est nobis propria, hæc est cum brutis communis: illa est animæ intelligentis uis quædam diuina, & immortalis, hæc vero animæ sentientis facultas, quæ in corpore corruptioni obnoxio residet. Et quidem perturbationes in hac parte proprie esse cēsentur: quæ pars diuiditur in duas, quarū una cōcupiscimus, altera irascimur: illa ferimur in bonum sine difficultate propositū, hac uero in bonum arduum . Quo fit, ut omnis perturbatio sit in parte sentiente, uel in ea qua concupiscimus, uel in ea, qua irascimur. Hæc ergo pars quæ

Arist. 1.
eth. c. vi.

ratione caret & varijs affectibus obnoxia: quam ex
 solenus varijs uirtutibus armare, ut contra perturba-
 tiones simus muniti. Affectus, aliorum missis defi-
 nitionibus, ad hunc modum describi potest, Affectus
 est appetitus sentiētis animæ immutatio, ex alicuius
 rei bonæ, uel malæ specie procreata. Efficitur itaque
 affectus omnis a specie obiecta rei bonæ, uel malæ,
 uel præsentis, uel future, acquisitu facilis, uel diffi-
 lis: & quidem tribus modis; uel cum in eam propen-
 dimus, uel cum prosequimur, uel cum iam adepti su-
 mus. Ex quibus colligere licet, affectuum, qui undeci-
 cim numero esse dicuntur, sex esse in parte qua con-
 cupiscimus, reliquos in ea qua irascimur. In illa
 circa bonum cognitum per propensionem, est amor:
 per prosequutionem in bonum absens, est desiderium
 per consequutionem in bonum presens, delectatio.
 In eadem parte circa malum sunt tres contrarij affe-
 ctus, odium, fuga, tristitia. In hac, circa bonum co-
 gnitum quod acquiri possit, est spes, si acquiri ne-
 queat, desperatio: circa malum imminens, quod
 vires excedit, est timor; circa idem, si vires non ex-
 cedat, audacia. Ratione boni adepti, in hac parte
 nulla est affectio, cum non adsit difficultas: at uero
 circa malum quod adest, est ira. Tullius autem,
 quem omnes fere Rhetores hac in parte sequuntur,
 his uerbis perturbationes diuisit. Partes autem
 perturbationum ex duobus opinatis bonis & malis
 nasci volunt, & ideo esse quattuor: Ex bonis, libi-
 dinem & letitiam, ut letitia sit presentium bono-
 rum,

Tus. 3.
 & 4. & in
 Part.

rum, libido futurorum: Ex malis metum, & aegritudinem nasci censent: metum, ex futuris, aegritudinem ex presentibus. Atque hæc plures complectuntur partes; ut lætitia, delectationem, iactationem, malevolentiam quæ ex alieno malo lætatur, et si quæ sunt harum similes. Libido iram, excandescentiam, odium, inimicitiam, desiderium, discordiam, & alias huiusmodi: Metus, pigritiam, pudorem, terrorem, timorem, pauorem, exanimationem, formidinem.

Aegritudo, invidentiam, æmulationem, obtrectationem, misericordiam, angorem, luctum, mærorem, ærumnam, dolorem, lamentationem, sollicitudinem, molestiam, afflictionem, desperationem, & eiusdem generis alias, si quæ sunt. Et quoniam nimis longum facerem, si vellem singulas desumere, & earum discrimina assignare satis erit, si nonnullas, maiores nimirum & frequentiores, breuiter describere. Amor, ut finiunt Stoici, est conatus amicitie faciendæ ex pulchritudinis specie. Vel, est propensio eius qui appetit in rem tanquam bonam & sibi conuenientem cognitam. Odium, a quibusdam hoc pacto describitur, Odium est irainueterata: uel dicas; Odium est auersio a re quæ ut nature repugnans & dissentanea est percepta. In eo differt odium ab ira, quod odium potest esse in uiuersos, ira uero est in singulos. Cupiditas, siue libido, ex Tullio, est opinio uenturi boni, quod sit ex usu iam præsens esse, atque adesse: uel est, rei iucunda appetitus; uel appetitus animæ sentientis ex amore boni, ut delectabi

Cic. Tus
4.

Cic. Tus
3.

Idē eod.
loco.

Tus. 4.

Lib. x.
eth.Lib. de
Inu.

lis cogniti enata permotio. Voluptas, siue delectatio & letitia, Est opinio recens boni praesentis, in quo efferrī rectum esse uidetur: sed melius cū Aristotele dicerēs, Delectatio est motus quidam animi, & affectio tota simul, & sensibiliter in naturam proficiscens: hoc est, & sentientis rei motus, siue affectio, tota simul, hoc est perfecta, quae non in fieri, sed in facto esse, ut loquuntur Philosophi, consistit, qua rei sentientis natura recreatur ac perficitur. Dolor, siue tristitia et aegritudo, Est opinio recens praesentis mali, in quo demitti, contrahi que animum rectum esse uideatur: uel, est perperessio nata ex praesentia rei cognitae ut malae. Spes, ut Tullius finiuit, est expectatio boni: uel, Est appetitus irascentis affectio, ex opinione boni futuri ardui, quod acquiri possit procreata. Metus vero ex eodem, est opinio, siue dissidentia expectati & impendentis mali, quod intollerabile uidetur: uel cum Aristotele, Est aegritudo quaedam ex opinione futuri mali, quod interitum, aut dolorem afferre possit; uel, est motus irascentis appetitus ex mali futuri difficilis opinione natus. Audacia, siue fiducia, est firma fiducia breui assequendi aliquid salutare, ijs quae terrorem faciunt remotis, aut longe existentibus: uel est appetitus irascentis affectus, qui ob spem uincendi aggreditur malum ob uictoriam supra ipsum. Ira ex Aristotele, est cupiditas quaedam cum dolore coniuncta, eius puniendi de quo pena sumi posse uideatur, propterea quod

uisus

visus est contempsisse, in ijs, quæ in nos, aut in nostrorum aliquem, contra ac decet, admisit: vel, ira est perturbatio nata ex opinione vindictæ possibilis in eum qui iniuria affecit, aut malum intulit: vel cum Cicerone, Est libido puniendi eum qui videtur læsisse iniuria: vel brevis, vlciscendi libido, aut puniendi doloris. Cui contraria est clementia, siue lenitas, quæ est moderatio concitati animi, & sedatio iræ. Pudor, seu uerecundia est quedam ægritudo, perturbatioque animi ex eis malis, quæ ignominiam ac dedecus asferre videntur; cum aut sunt, aut fuerunt, aut futura sunt, metus nimirum quidam dedecoris & infamiae. Misericordia, est dolor quidam ortus ex malo conspicuo alicuius indigne patientis, quod interitum, vel dolorem affert; dum is qui misereretur, se quoque, aut aliquem ex suis perpeti posse, quia propinquum videtur, existimat. Vel cum Tullio dicas, Misericordia, est ægritudo ex miseria alterius iniuria laborantis. Indignatio, est ægritudo, siue affectio, quæ oritur ex eo, quod quis uideat indignos rebus secundis potiri. Inuidia, siue inuidencia est ægritudo ex alterius rebus secundis: Inuidentiam, ait Tullius, esse dicunt ægritudinem susceptam propter alterius res secundas, quæ nihil noceant inuidenti. Hi duo affectus oriuntur ex rebus secundis, quibus alij potiuntur, etiamsi affecto nihil noceant: sed qui indignatur, ideo afficitur, quod indignis bona contingant; qui gauderet, si digni

Tuf. 4.

3.
Orat. 4.

Tuf. 4.

Tuf. 4.

ea consequerentur. At uero inuidus ideo tristatur, quod pares et similes sui ea adipiscantur, qui letaretur si mala eis contingerent. Denique, ne plures affectiones, hoc loco describam, Aemulatio, est ægritudo siue dolor quiddam ex laudatis bonis, quæ in nobis paribus & similibus sunt, quibus nos quoque potiri possumus, quod nobis desint, susceptus. Ex bono itaque alieno oritur emulatio; quæ qui afficitur, talis fieri studet, ut possit ea bona consequi, quæ in suis similibus esse uidet. Quo fit, ut æmulatio sit bonus bonorum hominum affectus, ut inuidia, malus malorum: de qua ita scribit Cicero, Aemulatio autem dupliciter illa quidem dicitur, ut & in laude, & in uitio nomen hoc sit. Nam, & imitatio uirtutis æmulatio dicitur; sed ea nihil hoc loco utimur; est enim laudis. Et æmulatio est ægritudo, si eo quod quis concupierit, alius potiatur, ipse careat. Atque has affectiones quæ sunt maiores & usu frequentiores descripsisse sufficiat, quarundam aliarum finitiones, qui uoluerit, Tullium legat. Rursus, ab omnibus dicendi Magistris omnes animi affectiones in duas distribuitur partes; in affectus leniores, et maiores, quam diuisionem late sequenti disputatione explanabimus. Denique, ut hanc etiam distinctionem, quæ ad rem nostram facit, asseramus, affectus duplex est, alter primus; ut est illa prima perturbatio, quæ hominum animi uel inuiti mouentur, atque hic primus motus a uoluntate non pendet, & idcirco eum facile ciens Orator; cum non moueri, in nostra non sit potestate.

Tus. 4.

Lul. lib.
I. de ora.

te. Nam, ut Flaccus ait,

In poet.

*Ut ridentibus arrident, ita flentibus adsunt
Humani vultus.*

Alter dicitur secundus, qui a uoluntate & iudicio pendet; quo fit, ut animus cum uoluntatis & iudicii assensus est perturbatus, impotens euadat, & nõ quia oportet commoueatur, sed ratione relicta, sola appetitione ducatur: uerum hic motus, ut a uoluntate pendet, ita ab eadem remoueri potest. Quare, ut non est in nostra potestate non commoueri omnino; ita in nobis est, ut commotionem iam excitatam deponere possimus: quam qui non reijciunt, ita afficiuntur, ut alij esse uideantur; ut merito Terentianus Parmeno de amore loquens, exclamauerit,

Dij boni, quid hoc morbi est, adeo n' homines immutarier

Ex amore, ut non cognoscas eundem esse? hoc nemo fuit,

Minus ineptus, magis seuerus quisque nec magis continens.

His, quæ de perturbationum natura, numero, & diuisione diximus, quasdam abijcio positiones.

Prima positio, dicendi Magistro necessaria est aliqua motuum animi notitia. Quoniam ad ipsum pertinet explicare hoc tertium Oratoris munus, & rationem permouendorum affectuum manifestare: quod certe is facere non poterit, qui hanc cognitionem

Plat. in
Phæd.

tionem non habuerit. Hanc positionem confirmant ea, quæ disputatione prima hoc libro docuimus.

Secunda positio, Oratori, & ei qui in causis agendis versari uoluerit, necessaria est affectuum cognitio. Primum, quia sine ea nunquam poterit apte, & idonee animos commouere, & hoc sibi maxime proprium munus sine errore exercere, si causas, si vim, si effectus singularum perturbationum ignoret. Deinde, quoniam auditorum affectus cognoscere debet, vel an sint affecti, & quibus perturbationibus facilius commoueantur: quod sine hac doctrina præstare potest nemo. Postremo, quia varias personas suscipere debet; ut supplicem, imperiosam, timentem, inuidam, beneuolam, aut aliqua alia ratione affectam. In summa, quia postulamus, cohortamur, consolamur, obiurgamus, imprecamur, deprecamur, admiramur, miseremur, irridemus, miramur, gratulamur, concedimus, exprobramus, indignamur, optamus, exultamus, conquerimur, lamentamur, iuramus, dubitamus, denique interrogamus, atque exultamus.

Tertia positio, de affectibus hæc potissimum ab Oratore cognoscenda sunt: quæ sit eorum natura, saltem rudi quadam ratione: quæ eorum causæ, hoc est, quibus rebus efficiantur, & tollantur: qui eorundem effectus: qui illis afficiantur, & quas obres, & erga quos: qui numerus, & denique quæ diuisiones. Quæ si quis cognoscere uoluerit, librum

brum secundum de Oratoria inuentione legat: nec non etiam quæ libro de Dispositione oratoria scripsimus.

De lenioribus animi affectibus.

Disp. 4.



QUONIAM vero illam affectuum diuisionem in leniores & concitiores, Rhetor explicare, & Orator ad usum accommodare omnino debet; propterea de ea priuatim nobis agendum esse existimauimus. Græci itaque dicendi magistri, quos Latini sequuti sunt, humanos affectus in ἡδὴ, & πᾶν, diuiserunt, de qua diuisione hæc scribit Fabius, Horum autem, sicut antiquitus traditum accepi-mus, duæ sunt species: alteram Græci pathos vocant, quam nos uertentes recte ac proprie, affectum, dicimus: alteram ἰθος, cuius nomine, ut ego quidem sentio, caret sermo Romanus: atque inde pars quoque illa philosophiæ ἠθικὴ, idest moralis est dicta. Sed ipsam rei naturam spectanti mihi, non tam mores significari uidentur, quam morum quedam proprietas: nam ipsis quidem omnes habitus mentis continentur. Idem, de horum affectuum differentia aliorum sententiam referendo, hæc subiecit, Affectus igitur hos

Cic.li.2.
offic.

Lib. 6.
c. 2.

Arist. 11.
2. eth.

hos concitatos, illos mites, atque compositos esse dixerunt; in altero uehementer commotos, in altero lenes: denique hos imperare, illos persuadere, hos ad beneuolentiā praeualere uerbū illud, *πείθεσθαι*, quod Tusc. 4. Fabius proprie affectum dici posse existimauit, Cicerō, perturbationes uertit. Sic enim aliquando scripsit, quæ Græci pati uocant, nobis perturbationes appellari magis placet, quam morbos. Alij hanc eandem diuisionem hoc modo exponunt: Affectum alij lenes & mites, & hi uocantur mores; alij uehementes & concitati, & hi uocantur pathi, & perturbationes. Nos primum de mitioribus, tum de uehementioribus agemus: & quæ tradenda sunt ad quasdam positiones reuocabimus.

Prima positio, affectus optime distinguuntur, ac distinguendi sunt, in mores & perturbationes, siue in leniores, & concitatiores. Quoniam, ut communem omitiam doctrinam, sunt inter se ualde diuersi, & de eis diuersa tradenda est doctrina, cum eorum omnino diuersus sit usus: igitur congruenter distinguuntur, ac etiam seorsim explicantur, ut Cicerō, Fabius, & alij facere.

Secunda positio, mores non sunt idem quod perturbationes. Patet hæc positio ex illis uerbis paullo ante ex Fabio citatis: quam nunc planius explicabimus & confirmabimus, docendo quid nomine morum intelligendum sit. Morum nomine continetur, indoles & ingenium, tanquam hominum proprietates, quæ sequenda probent, & fugienda damnent; uel

uel ut alij uolunt, mores sunt affectiones & qualitates illius partis animi, quæ est rationis experta: quæ ita animum informant, ut nec ratione turbidus motus extinguatur: quæ a moribus promanant, & actiones antecedunt: quæ intelligentiæ, uoluntatis, sensusque significationem præbent, ut quæ certum ambiguumque animum designant: quæ nostra, uel aliorum studia, ingeniumque, sine maiori perturbatione, demonstrant: quæ naturæ constitutionem, consuetudinem, habitus bonos, uel malos indicant; ut quæ simplicem, arrogantem, placidum, blandum, humanum, rusticum, auarum, timidum, & inconstantem aliquem esse ostendunt: Instituta uero, facta, & uita non sunt proprie mores, ex illis tamen apparet, quales sint hominum mores. Cum itaque perferimus, ignoscimus, monemus, ueniam petimus aliaque præstamus, quibus animi sensusque sine maiore perturbatione significationem præbent, mores, hoc est affectiones illas quas descripsimus mitiores indicamus. Quarum significatio potest esse cum maiore & minore contentione, pro ratione personarum, quæ mores exprimunt, ut adnotauit Fabius; & ita pathos, cuius est concitare, in ethos, cuius est mitigare, transire potest; ut si uehemens reprehensio in placidam desineret cohortationem. Atque ex his, quid morum nomine designetur, satis intelligi posse arbitror; quid uero nomine perturbationis, postea docebo.

Tertia positio, morum alij boni, alij mali: alij naturam,

zuram, alij consuetudinem, habitumue sequuntur: item alij sunt etatum, ut puerorum, iuuenum, virorum, senum: alij sexuum, ut hominum, & foeminarum: alij conditionum, sine statuum, ut pauperum, diuitum, principum & subitorum: alij studiorum & artium; ut Philosophorum, Grammaticorum, militum, nautarum, & agricolarum: alij denique gentium, & locorum; ut Hispanorum, Germanorum, Italarum, Romanorum, & Atheniensium: qui vel in nobis, vel in alijs spectantur.

Quarta positio, Morum (quorum appellatione omnes affectus intelligo) indicandorum duplex est ratio: altera, quæ sola expositione & quasi relatione sensus, habitusque animi nostri, vel alieni fit: altera quæ orationis contentione, perturbatione, sensuque vehementi, & fere cum aliqua perturbatione erumpit, & sepe sola pronuntiatione, quæ elatio, seu alloentio dicitur. Rursus, prima duplex, altera quæ relatione, & quasi testimonio dicentis fit; ut cum referimus dolorem, misericordiam, spem, & alios animi motus, aut sententiam & opinionem, uel nostram, quæ proprie adiudicatio dicitur, græce, Epicrisis; ut si diceres, Ita existimabam; uel alienam; ut si diceres, Ita visum est senatui: & ut ille aiebat, Nos abiisse rati; & hæc est semper sermonis confirmatio: quos modos aliqui communi nomine, Designationes, græce chresteriasmos vocant. Continent ergo designationes affectus, siue passiones & adiudicationes: quæ, uel
dubie

dubie confirmant, ut ni fallor, mihi uidetur, uel certe; ut, ita est, ita dixit, et ego credo: quæ si causam facti reddant, dicuntur Considerationes, græce logismi; si solum confirment, approbationes uocantur; ut ita ferunt, ita sentit Aristoteles. Altera uero dicitur designatio, & notatio, græce, Ethologia, qua personæ annexa, qualitates apertæ atq; notæ describuntur; cum moratas personas facimus, ut Regem, patrem, militem, seruum; quibus harum personarum proprietates tribuimus. Notantur autem mores patria, genere, ætate, fortuna, studiis, & relationibus quibusdam; ut seruitute, coniugio, & alijs, & interdum unico tantum uerbo; ut, Puer, Fœmina, Græcus. Et quidem sæpissime designatio cum notatione coniuncta est; ut cum dicitur, Obstupuit, steteruntque comæ, & uox faucibus hæsit: in primo uerbo est designatio, in reliquis notatio. Elatio uero, siue allocutio, quam aliqui, pragmaticam notationem vocant, quod rei gerendæ causa inducatur; ut, Vade uoca Zephyros, consistit contentiosa, atque elata sententia, qua mores non fictæ designantur. In summa, mores indicantur, uel contentione, uel sermone: contentionis nomine intelligo orationem excitam & affectam, quæ non sine laterum, uocis, animiq; longa atque continua intentione habetur: at uero sermonis appellatione, oratione quietam remissam, qua qui docent uti consueuerunt: quare, si contentio remittatur, & relaxetur, loquendo, interrogando, & respondendo, sermo fieret.

Empor,

N Qui,

Qui, vel est theoreticus, quo sola rei veritas quaeritur: vel practicus, qui aliquid fieri, aut non fieri decernit.

Cic,

Quincta positio, leniores affectus tribus maxime rebus conciliantur; dignitate hominis, rebus gestis, existimatione uitæ. Natura nanque efficit, ut ijs beneuoli simus, qui veræ dignitatis honorem merito sunt consequuti, qui res præclaras, & alijs vtilis gessere, quique recte & honeste viuere existimantur. Quæ, si sint in eo cui beneuolentiam conciliamus, ornanda sunt oratione: si non fuerint, fingere, & aliqua veri similitudine colorare licebit: quod ut est difficile, ita non omnino ingenuum. Dignitatis exemplum habes in Syllana, Maxime vellem, indices, &c. Rerum gestarum, in oratione ad populum, antequam iret in exilium: Existimationis in Diuinatione in Verrem. In epistolis etiam sæpissime obseruare licet morum leniorum significationem, & per eos comparatam conciliationem; ut in nona epistola libri primi, in secunda libri quinti, & alijs multis in locis; ut in exordio Archiano, & in oratione pro Murena, Me saucium recreauit, me præda donauit, &c. Rursus, sunt quedam alia quæ per morum significationem ad beneuolentiam conciliandam conferunt. Vocis lenitas quedam, qualem in Aeschine fuisse, in oratione pro Ctesiphonte testatur Demosthenes: Vultus index animi modesti non elatus, non impudens, & audax. Pudoris significatio, & in vultu, & in oratione;

ut in Rosciana: Huc accedit summus timor, quem ProSext.
 mihi natura, &c. Verborum comitas, & humana Ros.
 quædam suauitas; ut in Cæliana, Sed ego Atraci-
 no humanissimo, atque optimo adolescenti meo ne-
 cessario ignosco, &c. Et in decima Antoniana, Sed
 mihi P. C. necessitatem attulit plura dicendi, &c.
 Signa facilitatis, liberalitatis, mansuetudinis, pie-
 tatis, grati animi, non appetentis, non auidi; ut
 pro Murena, Ego autem has parteis lenitatis, &
 misericordiæ, quas me natura ipsa docuit, &c.
 Et in Miloniana, Nunc me vna Consolatio susten-
 tat, quod tibi T. Anni, nullum a me amoris, &c.
 Contrarij mores beneuolentiam abalienant audito-
 rum: quibus in inuidiam Neuium Erucium, & Al-
 butium traxit Orator.

Sexta positio, genus orationis, siue dicendi for-
 ma atque idea, in tractandis moribus, debet esse sua-
 uis, ita ut animi sensum afficiat. Suauitas autem
 spectatur in quodam genere sententiarum, in actio-
 ne leni, & in facilitate significandi. Sententiæ, Streb.
 res sunt probabiles, pulchræ, plausibiles, quales
 de se quisque dici vellet; ut virtutis elogium: ut,
 Omne meum tempus amicorum temporibus trans-
 mittendum putavi. Genus verborum debet esse
 plenum splendoris, signicans, emphaticum, venu-
 stum, auditu incundum; quali in exornationibus
 uti solemus; in quo nulla arrogantia, nulla insolentia,
 nulla superbiæ suspicio, nulla significatio eius
 amoris,

Fab. lib.
6. cap. 2.

amoris, qui philantia nominatur; ut in Diuinatione, Fortasse dices, quid? Ergo hæc in te sunt omnia? Utinam quidem essent. Verumtamen, ut esse possent, magno studio mihi a pueritia est elaboratum. Huiusmodi verba actione leni pronuntianda sunt, actione videlicet demissa, modesta, suauis, quæ rebus & verbis respondeat, & moderatione vocis animos leniat. Accedat his significandi facilitas, id est dictio facilis, volubilis, & quodammodo currens; qua significetur humanitas, facilitasque dicendi.

Septima posicio, quod attinet ad causas in quibus mores significandi sunt, in omnibus causis plus minusue, hos vel illos mores significare oportet: & speciatim in illis, in quibus non agitur de re aliqua atroci, ubi maiores motus concitandi sunt: ut est causa hereditatis, tutela, seruitutis prædiorum, defensionis criminis, cum opus est sedare incitatos animos: quo pacto per leniores affectus Tullius Cæsaris animum in oratione pro Deiotaro lenire conatus est: & denique in causis, in quibus minus potest, & debet inflammari auditoris animus; cum non ubique sint excitanda tragædia. Et, ut cum Fabio, de his affectibus mitioribus loquente concludam, In causis etiam pluribus, immo secundum quendam intellectum in omnibus. Quo fit, ut non in sola commendatione & excusatione sint positi, ut aliqui uoluerunt.

Octava positio, mitiores affectus locum habent in exordijs in re narranda, & in caussa peroranda. Nam, cum duæ sint partes orationis ad movendum comparatæ, exordium, & peroratio; in exordio sæpius conciliatur benevolentia, in peroratione consumitur affectus: narratio vero, quia non solum docere, sed etiam afficere vult, & mereri fidem, interdum leniores affectus intercipit. Exemplum narrationis habes in oratione pro Sexto Roscio. Verum, etsi hi tres sint potissimi loci in quibus leniores ostenduntur affectus: tamen nulla est orationis pars, in qua hac dicendi lenitate uti non liceat. Atque ex dictis colligeres, ad quid conferant mores: valent ergo ad commendandum, ad conciliandum, ad vincendum, & ad bene dicendum.

Nam, ut ait Fabius, qui dum dicit, malus videtur, utique male dicit, non uide-

Lib. 6.

cap. 2.

tur iusta dicere. Sed de leniori-

bus affectibus hucusque:

sequitur ut de ma-

ioribus di-

camus.



De maioribus animi affectionibus.

Disput. 5.



QUONIAM leniores affectus, vel ipsam naturam, vel habitus iam acquisitos, & in naturam quodammodo mutatos sequuntur, ideo facile est eos excitare: at uero maiores perturbationes ciere uelle, aut omnino fieri non potest, aut non sine periculo tentatur: ita ut melius sit ab earum commotione abstinere.

Lib. 2.
orat.

Quod sit difficile, ex eo patet, quia non sunt in nostra potestate, siue de alienis, siue de nostris loquamur: at uelle id tentare quod in nostra manu situm non est, omnino a ratione alienum esse uidetur. Huc facit, quod Antonius apud Ciceronem ait, Non enim sicut argumentum, simulatque positum est, arripitur, alterumque, & tertium poscitur; ita misericordiam, aut inuidiam, aut iracundiam simul atque intuleris, possis commouere.

Deinde, ista maior perturbatio est violenta; quia extrinsecus cietur, non secus atque lapis sursum versus mouetur: ac, proinde, cum sit præter naturam, non erit idonea ad naturam commouendam: Est etiam ficta, cum in eo qui alienam causam agit, aut audit, non possit verus esse dolor.

Quod sit periculosum uelle dicendo tragædias excitare, patet; quoniam, cum pauci sint qui moueant, & moueantur, frustra laboratur; & cum

non

non id efficiatur, quod magna contentione efficiendum suscipitur, magna sit existimationis iactura, & multum causse nocetur.

His tamen non obstantibus rationibus, affectus maiores commoueri posse, idque expedire, & interdum necessarium esse demonstrabimus; si prius eorum naturam explicauerimus, & quid a lenioribus differant, docuerimus.

Prima positio, affectus qui perturbatio nominatur, est longe diuersus ab eo, qui mos dicitur. Quid morum nomine intelligendum sit, supra plane explicauimus: & licet ex his quæ diximus, quid sit pathos intelligi possit; tamen nunc planius exponam. Perturbationis igitur appellatione intelliguntur maiores quædam affectiones, quibus mens tota commouetur, sensusque omnis perturbatur, & eius, qui afficitur natura a sua quodammodo sede deicitur. Perturbatio itaque non solum nature constitutionem habitumue indicat; sed in contrarium affectum trahit, & mitem iracundum, humanum atrocem, miserentem crudelem facit; & in summa, non solum innatos affectus manifestat, sed novos ingerit, aut iam insertos incendit, vel in contrariam partem rapit. At vero lenis oratio efficit ut probi, ut morati, ut boni viri esse videamur. Huic, autem ait Cicero, est illa dispar adiuncta ratio orationis, quæ aliquo genere mentes iudicium permouet, impellit; ut, aut oderint, aut diligant, aut inuideant, aut saluum velint, aut metuant, aut sperent, aut cu-

In orat.

piant, aut abhorreant, aut letentur, aut mereant;
 aut misereantur, aut punire velint; aut ad eos mo-
 tus adducantur, qui sibi finitimi sunt, & propin-
 qui his ac talibus animi perturbationibus. Et alio
 loco, distinguens genus moratum a pathetico, ita
 scripsit, Duo sunt quæ bene tractata ab Oratore,
 admirabilem eloquentiam faciant. Quorum alte-
 rum Græci *ἠθικὸν* uocant, ad naturas, & ad mores,
 & ad omnem vitæ consuetudinem accommodatum:
 alterum, quod idem *παθητικὸν* nominant, quo per-
 turbantur animi, & concitantur, in quo vno re-
 gnat oratio. Illud superius, come, incundum, ad be-
 neuolentiam conciliandam paratum: hoc uehemens,
 incensum, incitatum, quo causæ eripiuntur: quod cū
 rapide fertur, sustineri non potest. Denique, ut una
 cum Fabio breuiter utriusque differentiam designē,
 illud comediæ, hoc est tragediæ simile.

Secunda posuitio, maiorum affectuum permotio
 non est omnino impossibilis, & orationis vi, genere-
 que ipso dicendi fieri potest. Primum experientia ip-
 sa hoc docet; & in alijs, quos ui orationis omnino
 permoueri uidemus, & in nobis ipsis, cum aliquam
 patheticam orationem audimus, aut legimus. Et ut
 illud de me dicam, nunquam lego aut pronuntio
 Eclog. 1. hæc Virgiliani Melibei verba, quin commouear:
 Impius hæc tam culta noualia miles habebit?
 Barbarus has segetes? En quo discordia ciues
 Perduxit miseros? En queis consenuimus agros:
 Insere nunc Melibæe pyros, pone ordine vites:

Ite

Itē meæ quondam felix pecus, ite capellæ:
Non ego vos posthac viridi proiectus in antro,
Dumosa de rupe procul pendere uidebo:
Carmina nulla canam: non me pascente capellæ
Florentem cythisum & salices carpetis amaras.
Tanta est ergo orationis vis, ut non modo inclinante
erigere, slantem inclinare, sed etiam aduersantē
& repugnantem tanquam imperator bonus ac fortis
capere possit: ac proinde merito ab Ennio bono
poeta, dicta est Flexanima, rerumq; omnium regina,
& ab Euripide, tyrannus.

Præterea, si musicæ modi & numeri, qui nullam
sententiam in animos inducunt, qui quasi mortui nul
lam significationem habent, & nihil aut atrox, aut
iucundum ob oculos proponunt, sed solum sensum af
ficiunt, quo affecto, etiam animus afficitur, miris mo
dis nostras mentes commouent, cur non idē, & qui
dem multo magis, modulata, uiua, sapiensq; efficiet
oratio? Denique, si tragedia mouet histrionem, ita
ut interdum eius oculi ardere uideantur: quanto ma
gis caussa tristis Oratorem commouere poterit: cum
caussa sit uera, tragedia autem ficta: Confer caus
sas, cum fabularum argumentis, iudicia cum ludis
scenicis, amicorum pericula cum fortunis ignoto
rum, concursus hominum sollicitorum cum soluto cō
uentu, forum cum scena, existimationē magni uiri,
hoc est Oratoris, cum existimatione histrionis leuissi
mi; eiusdem fidem, officium, diligentiam cum mer
cenaria pactione et ministerio quæstuario, et uidebis

Lib. 2.
orat.

an Orator dicendo longe facilius, quam histrio audientium affectus commouere possit. Quare, si histrio lugubria, sine dolore referre non potest, nec poeta triste carmen leni, & remisso animo scribere; quanto magis Orator in causa non ficta, sed vera? Sed, ait Antonius, ut dixi, ne hoc in nobis mirum esse videatur, quid potest esse tam fictum, quam versus, quam scena, quam fabula? tamen in hoc genere saepe ipse vidi, cum ex persona mihi ardere oculi hominis histrionis viderentur, spondalia illa dicentis,

Segregare abste ausus, aut sine illo Salamina ingredi,

Neque paternum aspectum es veritus? Nunquam illum aspectum dicebat, quin mihi Telamone iratus furere luctu videretur.

Tertia positio, quamuis animorum perturbationes vi orationis fieri possint: tamen non est omnino facile. Primum experientia ipsa hoc docet, cum pauci reperiantur, qui facile maiores affectus commoveant: nec mirum, cum in hoc vno, ut Cicero ait, regnet oratio, & eo nihil maius, auctore Fabio, vis orandi afferre possit. Nam caetera forsitan tenuis quoque & angusta ingenij vena, si modo vel doctrina, vel usu sit adiuta, generare atque ad frugem aliquam perducere queat. Certe sunt, semperque fuerunt non parum multi, qui satis perite, quae essent probationibus utilia, reperirent: quos equidem non contemno, sed haecenus utiles credo, ne quid per

per eos iudici sit ignotum : atque , vt dicam quod sentio, dignos, a quibus causas disertis docerentur.

Qui vero iudicem rapere , & in quem vellet habitum animi posset perducere , quo dicto flendum & irascendum esset , rarius fuit . Atque hoc est quod dominatur in iudicijs , hæc eloquentiam regunt .

Nanque argumenta plerunque nascuntur ex causa , & pro meliore parte plura sunt semper : vt qui per hæc vicit , tantum non defuisse sibi aduocatum sciat , & quæ apud Fabium in hanc sententiam sequuntur .

Quarta positio , difficilior est in alijs , quam in seipso affectus maiores concitare . Ipsa enim, ait Antonius, natura orationis eius quæ suscipitur ad aliorum animos permouendos , oratorem ipsum magis etiam , quam quemquam eorum , qui audiunt , permouet . Suscipit enim diligens acuratusque orator eam quam agit causam tanquam suam , ac proinde , quasi rem suam agens , facile commouetur .

Lib. 2.
orat.

Quinta positio , ratio permouendi affectus in alijs , aliquando est facilior , alias vero difficilior . Tunc est facilior , cum auditor ex se aliquo pacto est affectus , ita vt in eo , non tam ingenerandus , quam augendus sit motus . Atque illud optandum est , Oratori, ait Antonius , vt aliquam permotionem animorum sua sponte ipsi afferant ad causam Iudices , ad id , quod utilitas oratoris feret accommodatam . Facilius est enim currentem , vt aiunt , incitare , quam commouere languentem . Et paullo infra , si

Lib. 2.
orat.

se dant, & ut ante dixi, sua sponte, quo impellimus inclinant atque propellunt; accipio quod datur, & ad id unde aliquis flatus ostenditur, uela do. Sin est integer, quietusque iudex, plus est operis: sunt enim omnia excitanda, nihil adiuvante natura.

Sexta positio, ad maiores motus excitandos hac conferre possunt. Primum cognitio propensionum naturæque iudicum & auditorum. Sic equidem, ait Antonius, cum aggredior ancipitem causam, & gravem ad animos iudicum pertractandos, omni mente in ea cogitatione curaque uersor, ut odorero quam sagacissime possum, quid sentiant, quid existiment, quid expectent, quid uelint, quo deduci oratione facile posse uideantur. Deinde, qui nult alios mouere, prius moueatur ipse. Neque enim fieri potest, ut doleat is qui audit, ut oderit, ut inuideat, ut pertimescat aliquid, ut ad fletum misericordiamque deducatur, nisi omnes ij motus, quos Orator adhibere uolet iudici, in ipso oratore impressi esse, atque iniusti uidebuntur. Neque enim facile est perficere, ut irascatur cui tu uelis iudex, si tu ipse id lente ferre uideare. neque ut oderit eum, quem tu uelis, nisi te ipsum flagrantem odio ante uiderit: neque ad misericordiam adducetur, nisi ei tu signa doloris tui uerbis, sententijs, uoce, uultu, collacrymatione denique ostenderis. Et enim nulla materies tam facilis ad exardescendum est, quæ nisi ad moto igni, ignem concipere possit: sic nulla mens est tam ad comprehendendum uim Oratoris parata, quæ possit incendi, nisi inflammatus ipse

Lib. 2.
orat.

Lib. 2.
orat.

se ad eam & ardens accesseris, ut egregie disputat Antonius. An ille dolebit, inquit Fabius, qui audiet me, cum hoc dicam non dolentem? Irascetur, si nihil ipse, qui in iram concitat, idque exigit, si male patietur. Siccis agenti oculis lacrymas dabit? fieri non potest. Nec incendit nisi ignis, nec madesimus, nisi humore: nec res ulla dat alteri colore, quem ipsa non habet. Summa itaque, ut idem ait, circa mouendos affectus in hoc sita est, ut moueamur ipsi. Nam, & luctus, & ira, & indignationis aliquando ridicula fuerit imitatio, si uerba uultumque tantum, non etiam animum accommodauerimus. Quid enim aliud est causæ, ut lugentes utique in recenti dolore differtissime quædam exclamare uideantur, & ira nonnunquam indoctis quoque eloquentiam faciat; quam quod illis inest nis mentis, & ueritas ipsa morum? Quare in ijs uerisimilia esse uolumus, simus ipsi similes eorum qui uere patiuntur, affectibus: & a tali animo proficiscatur oratio, qualem facere iudicem uolet, ait Fabius. Præterea, ut ex ijs quæ diximus colligere licet, ad internum animi motum, qui intus latet, accedere debet orationis genus concitatum, exaggeratur, ardens, & dinosis illa, quæ rebus indignis, asperis, inuidiosis uim addit: qua uirtute præter alios plurimum ualuit Demosthenes: & quod huc facit, quoddam actionis genus non remissum, non frigidum, sed contentiosum & inflammatum: tale, inquam, quod animi

Lib. 6.
c. 2.Fab. loc.
cit.

di. I

Fab.



mi sensum intus latentem in lucem valeat proferre.

At dicet aliquis, quomodo fiet, ut afficiamur? Neque enim motus sunt in nostra potestate. Huic dubitationi ex Fabij doctrina breuiter satisfacere conabor. In eo qui apte, qui idonee, qui efficaciter maiores motus sit facturus, requiritur natura quædam non stupida, non bebes, sed quæ sentiat, quæ facile res quæ tractantur cogitatione comprehendat, & per phantasiam præsentis faciat, quasi eas oculis cerneret; quæ inquam earum magnitudinem atrocitatem, indignitatem, turpitudinemque videat: hæc qui bene perceperit, is erit in affectibus potentissimus. Hunc, ait Fabius, quidam dicunt euphantasioton, qui sibi res, voces, actus, secundum verum optime finget: quod quidem nobis volentibus facile continget. Nam, ut inter ocia animorum, & spes inanes, & velut somnia quædam vigilantium, ita nos hæc de quibus loquimur imagines prosequuntur; ut peregrinari, nauigare, præliari, populos alloqui, diuitiarum quas non habemus usum videamur disponere: nec cogitare, sed facere: hoc animi vitium ad utilitatem non transferemus? Ex multis exemplis, quæ in medium afferre possem, si longum facere vellem, vnum subijcio ex Cicerone sumptum, in Verrem. Constituitur in foro Laodiceæ spectaculum acerbum, & miserum, & graue toti Asiae provinciae: grandis natu parens, adductus ad supplicium: ex altera parte filius: ille, quod

pudi-

Lib. 6.
c. 2.

Lib. I

puḋicitiam liberorum : hic , quod vitam patris , & quæ ſequentur.

Conferet etiam ad commouendum ipſum oratorem , ſi non ſolum rei ſpeciem ſibi ob oculos proponet , ac ſi præſentem cerneret , ſed etiam , ſi ſuam exiſtimationem , officium , eius quem defendit fidem , aut auditorum vtilitatem penitus peruidebit. Denique , is poterit , uel ipſas ſeras mouere , qui in amplificando excellēt ; quæ ui , qui caret , ab affectibus mouendis abſtineat , aut dicendi munus deponat.

Verum , cum hoc unum officium Oratorem faciat admirabilem , cum in hoc uno regnet oratio , huc , ut Fabius ait , incumbat Orator , hoc opus eius , hic labor eſt : ſine quo cætera nuda , ie iuna , infirma , ingrata ſunt ; adeo ueluti ſpiritus operis , huius atq; animus eſt in affectibus : qui quo pacto , & ubi , & quando permouendi ſint , ſequenti diſputatione docebo .

Ad obiectiones initio factas nihil reſpondeo : ſiquidem ſoluuntur ex dictis .

Qua ratione maiores affectus commouendi ſint.

Diſput. 6.

INTER alia quæ affectuum maiorum commotionem difficilem reddunt , eſt modus ; quem hac in parte ſeruare , ut in omni alia re gerenda , eſt difficile : propterea de ratione , quæ Orator hoc munere fungi debeat , aliquid priuatim ſcribendum duxi : quæ autem

tem de re proposita dicenda occurrunt, sequentibus
 potionibus perstringam.

Cic. li. 2
 orat.

In orat.

Prima positio, qui maiores affectus (cum res ipsa, locus, tempusque postulat) non excitant, & satis se præstitisse putant, si docuerint, uehementer in dicendo errant. Quoniam non sunt omnia in argumentis, et magis interdum affectibus iudicium animus, quàm doctis rationib. capitur. Probationes, aut Fabius, efficiunt sane, ut causam nostram meliorem esse iudices putent: affectus præstant, ut etiam uelint: sed quia uolunt, credunt quoque. Erit igitur eloquens (hunc enim ut Cicero ait, auctore Antonio, quærimus) is, qui in foro causisque civilibus ita dicet, ut probet, ut delectet, ut flectat: probare necessitatis est, delectare suauitatis, flectere uictoriæ. Nam id unum ex omnibus ad obtinendas causas potest plurimum. Magnam itaque laudem amittunt, qui motum omittunt, aut non congruenter ad mouendum dicunt.

Secunda positio, qui cum mouere, & pathetico dicendi uti genere debent, non faciunt, uehementer causæ no. ent. Hoc, quod maxime notari uelim, illustri probare licet exemplo ex Cicerone sumpto. Tullius ergo libro de claris oratoribus, cum uehementer M. Calidij eloquentiam commendasset, hæc de eodem subiecit, Duo summe tenuit, ut & rem illustraret differendo, & animos eorum, qui audirent, deuinceret uoluptate: altera tertia illa laus, qua per-moueret, & incitaret animos, quam plurimum pol-
 lere

lere diximus : nec erat vlla vis atque contentio . Et paullo infra . Quin etiam memini , cum in accusatione sua Q. Gallio crimini dedisset , sibi cum venenum parauisse , idque a se esse deprehensum , seseque chirographa , testificationes indicia , quæstiones , manifesta rem deferre diceret ; deque eo crimine accurate & exquisitè disputauisset ; me in reprehendendo cum esse argumētatus quantū res ferebat , hoc ipsum etiā posuisse pro argumento , quod ille cū pestē capitis sui , cum indicia mortis se manifesto & manu tenere diceret , tam solute egisset , tam leniter , tam oscitāter . Tu istuc M. Calidi , nisi fingeres , sic ageres ? etc.

Placet etiam hoc loco ad eandem rem demonstrādam illud referre , quod his annis accidit . Sermonē habebant de uera religione duo , quorum alter Catholicus , alter hæreticus erat . Is inter alia quæ pro sua hæresi confirmanda attulit ; hoc etiam usus est signo . Vis , inquit , videre an nostra religio , atque doctrina uera sit , animaduerte quanto studio , quanta contentione , quantoque ardore eam nos defendamus , & augere , atque amplificare conemur : uos autem uestram negligenter tractatis , & nullo cum ardore defenditis . Quod uir Catholicus non negauit : Sed tamē uere sapienterque subiecit , Nec id mirum videri debet , quandoquidem ista uestra doctrina , noua est , a uobis initium habuit , uestra est filia : nostra uero est antiqua , per traditionem ab Apostolis , & a Christo accepta , non ab hominibus inuenta , sed a Deo instituta . Atqui parentes

Arist. in
eth.

magis suos filios amant, quam filij parentes, & idcirco vos vestram, ut a vobis genitam ardentius defenditis: Illud etiam memoriæ proditum est de quodam, qui cum causam quandam ad Demosthenem detulisset, eamque frigide narrasset, nec in narrando ullo modo commotus fuisset, ut res postulabat, Orator, quod ille narrasset, sibi non probari, nec se adduci posse ut verum esse crederet, dixit. Quo audit, sic ille repente accensus est, & uoce, uultu, totiusque corporis gestu, ea signa doloris dedit, atque se affectum esse ostendit, ut tum primum Demosthenes plane rem ita habere sibi persuasum esse dixerit. Et sane, quis non fateatur eum ad dicendum esse ineptum, qui causam atrocissimam, ut Christi recuperatoris mortem, sine ullo sensu, sine ullo dolore, siccis oculis, solute, leniter, & oscitanter tractaret? Ego sæpe meis discipulis dicere solitus sum, eos adite præceptores qui cum affectu docent, & concionatores, qui cum motu dicunt, atque confessorios, qui non sine animi commotione uobiscum agunt. Sed de his alibi.

Ideo optimus orator Antonius, cum late quo patet in causa Norbani agenda se gessisset, explicaret, inter alia hæc dixit, Non fuit hæc sine meis lacrymis, non sine dolore magno miseratio, omniumque deorum, & hominum, & ciuium, & sociorum imploratio: quibus omnibus verbis, quæ a me tum sunt habita, si dolor abfuisset meus, non modo non miserabilis, sed etiam irridenda fuisset oratio mea.

mea. Quamobrem hoc uos doceo Sulpici, bonus ego uidelicet atque eruditus **magister**, ut in dicendo irasci, ut dolere, ut flere possitis. Legenda est tota hac de re Antonij disputatio.

Tertia positio, in omni affectu concitando hæc tria cauenda sunt. Primum ne aliena asseramus; hoc est, quæ minime ualent ad illum motum ciendū, quem ciere uolumus: deinde ne cōtrarium affectum incitemus: postremo, ne, cum incitare uolumus, sedemus. Ex quib. intelligi facile potest, an qui in dicēdi facultate uersantur, aliquam affectuum notitiā habere debeant: qua, si carebunt, profecto in illa tria vitia, aut saltem in aliquod ex illis incident, cum motus facere uoluerint. Cognoscendi itaque sunt affectus, eorum causæ nō ignorandæ, nec etiam qui illis permoueantur.

Quarta positio, uehementiores affectus illæ causæ admittunt, quæ sunt grauiorē: in quibus de uita, de dignitate, de religione, & de libertate agitur, & harum similes. Huc pertinet hæc Antonij doctrina, Et quidem primū cōsiderare soleo, quid postulet necausa: nam neq; in paruis rebus adhibendæ sunt hæ dicendi faces: neque ita animatis hominibus, ut nihil ad eorum mentes oratione flectendas proficere possimus; ne aut irrisione, aut odio digni putemur, si aut tragedias agamus in nugis, aut cōuellere adoriāmur ea, quæ non possunt commoueri. Duo itaq; sunt tempora cum motus excitare non debemus, cū in re minoris momenti uersamur, & cum apud eos

O 2

agimus,

agimus, qui animati, hoc est, obstinati sunt; apud eos nimirum qui ita animum obfirmarunt, ut a sua opinione dimoueri nequeant.

Streb.

Quinta positio, in re difficili, periculosa, & nondum perspecta, non est auspicandum ab aliqua maiore commotione. Laudatur itaque principium summissum, medium paullo securius, finis prope audax. Hanc doctrinam ex Cicerone in oratore perfecto colligere licet, ubi de oratione Demosthenis pro Ctesiphonte loquendo, ita scribit. Itaque quem prestitisse diximus ceteris, in illa pro Ctesiphonte oratione longe optima, summissius a primo: deinde, dum de legibus disputat, pressius: post sensim intedens, iudices ut uidit ardentes, in reliquis exultauit audacius. Et Crassus apud eundem, Mibi uero quique optime dicunt, quique id facillime atque ornatiissime facere possunt: tamen nisi timide ad dicendum accedunt, & in exordienda oratione perturbantur, pene impudentes uidentur. Item apud eundem Antonius, In utroque autem genere dicendi, et illo, in quouis atque contentio quaeritur, & hoc quod ad uitam, & mores accommodatur, & principia tarda sunt, et exitus tamen spissi, & producti esse debent. Huc pertinet tota illa laudatio Sulpicii, qua Antonij exordium, quo usus est in causa Norbani, quam apud Ciceronem legere poteris, quae sic incipit, Quod tuum principium, dii immortales, fuit? qui timor? & quae ibi sequuntur.

Lib. 1.
orat.

Lib. 2.
orat.

Lib. 2.
orat.

Sexta positio, si causa grauis & atrox esset penitus

ritus nota & manifesta, ita ut iudices, seu auditores non essent docendi, orationis initium posset esse patheticum; Cuiusmodi est illud Ciceronis in Catilinam, Quousque tandem Catilina abutere, &c.
E illud Corydonis apud Virgilium,

Ecl. 2.

O crudelis Alexi, nihil mea carmina curas:

Nil nostri misereris, &c.

Et apud regium uatem, Miserere mei Deus secundum magnam misericordiam tuam. Item, quid gloriaris in malitia, qui potens es in iniquitate?

Psal. 50.

Item, quam dilecta tabernacula tua Domine?

51. 84. 86

Item, ecce quam bonum & quam iucundum habitare fratres in unum.

132.

Septima positio, non solum initia possunt esse pathetica, sed etiam tota oratio. Adijciunt, inquit Fabius, quidam peritorum, pathos temporale esse. Quod ut accidere frequentius fateor, ita non nullas credo esse materias, quæ continuum desiderant affectum. Hæc ille. Quam doctrinam confirmare licet exemplis, cum sæpe, præsertim apud poetas, orationes totas patheticas legamus: quæ tamen solent esse breuiores. Qualis est illa Didonis in Aeneam.

Diffimulare etiam sperasti perfide tantum
Posse nefas? tacitusq; mea decedere terra?
Nec te noster amor, &c.

Virg. li. 4
Aen.

Octaua positio, maiores affectus, vniuersè loquendo, in duabus orationis partibus excitantur, in cōfir-

matione, cum aliquam grauiorem rationem exag-
 geramus & amplificamus; & in peroratione: qui-
 bus etiam in locis amplificare licet. Ad hanc do-
 ctrinam confirmandam hic facit Ciceronis locus,
 In orat. Augendis vero rebus, & contra, abijciendis, ni-
 hil est quod non perficere possit oratio: quod & in-
 ter media argumenta faciendum est; quotiescun-
 que dabitur, uel amplificandi, uel minuendi locus,
 & pene infinite in perorando. Sed tamen magis
 in peroratione, quam alibi. Ideo paullo infra de
 se loquendo, ait, Quid ego de miserationibus loquar?
 quibus eo sum usus pluribus, quod etiam si plu-
 res dicebamus, perorationem tamen omnes mihi
 relinquebant. In quo, ut uiderer excellere, non
 ingenio, sed dolore assequebar, & quæ apud ipsum
 sequuntur. Quare, non semper, non ubique, nec
 præter rem erit exclamandum, aut admirandum,
 ut pueri & inepti facere consueuere, in eum fi-
 nem, ut aliquid dicere videantur.

Nona positio, ex duobus dicendi generibus, le-
 ni, & concitato quoddam tertium ac temperatum
 faciendum est, ita ut aliquid unius influat in aliud.
 Lib. 2. Sed est quædam, ait Antonius, in his duobus ge-
 orat. neribus, quorum alterum lene, alterum uehemens
 esse uolumus, difficilis ad distinguendum similitu-
 do. Nam ex illa lenitate qua conciliamur ijs, qui
 audiunt, ad hanc uim acerrimam, qua eosdem ex-
 citamus, influat oportet aliquid; & ex hac ui non-
 nunquam animi aliquid influendum est illi lenitati:
 neque

neque est ulla temperatior oratio, quam illa in qua asperitas contentionis Oratoris ipsius humanitate conditur: remissio autem lenitatis quadam gravitate & contentione firmatur. Id in causa Norbani se fecisse ait Antonius, Tunc admiscere huic generi orationis vehementi, atque atroci, genus illud alterum, &c.

Decima positio, oratio illa, qua permouendi sunt affectus, uniuerse loquendo, debet esse aliquanto spissior atque productior: ita ut, ei qui in hanc rationem ingressus fuerit, non sit celeriter discedendum. Non enim, ut idem disputat Antonius, sicut argumentum simul, atque positum est, arripitur, alterumque & tertium poscitur, ita misericordiam, aut inuidiam, aut iracundiam, simul atque intuleris, possis commouere.

Vndecima positio, omnes affectus, siue lenes, siue concitati sint, contrarijs conditionibus auferuntur; ut odium, beneuolentia; inuidia, miseratione, & sic de alijs: in quo affectus differt ab argumento, quod non semper a contrario refellitur.

Lib. 2.
orat.

Quæ ad permouendos affectus ualeant, & quæ ratione quidam priuati affectus permoueri queant. Disput. 7.



QUA ratione maiores affectus incitandi sint, proxima disputatione uniuersè docuimus: nunc quosdam communes locos indicabimus, ex quorum tractatione auditorum animos concitare licebit: quibus adijciemus aliquid de modo, quo quidam priuati affectus inflammandi sunt. Duo itaq; nobis in hac disputatione explicanda proponimus: atq; de primo ita statuo.

Prima positio, omnes affectus præsertim maiores ex locis expetendorum & fugiendorum oriuntur: ex honesto nimirum & turpi, ex utili & inutili, & Io. Merc. ex iucundo & iniucundo. Honestas, utilitas, & iucunda merentur amorem, turpia uero abhorrentia a natura, iniusta damnoſa, & iniucunda oderunt homines. Quare horum bonorum & malorum genera & partes cognitæ ac pſpectas habeat, qui affectus commouere uoluerit: ut eas demonstrare possit in re subiecta.

Secunda positio, affectuum commotio, priuatim petenda est a circumſtantiarum tractatione. Nam, ut quæ ad rei naturam pertinent, eam esse probant, ita circumſtantiæ eius magnitudinem, aut tenuitatem demonstrant, unde eius amplificatio, uel extenuatio exoritur, quæ ad permouendos animos maxime conferunt. Cum ergo nulla sit circumſtantia, quæ alicui rei addita, non eam, uel amplificet, uel extenuet, hoc est, non demon-

ſtret

stret qualis & quanta sit, an ualde honesta, turpis, utilis, & dānosa, profecto hic locus permouere uolenti cognoscendus, diligenterq; tractandus erit.

Tertia positio, quamuis circumstantiarū diligens tractatio priuatim ad amplificandum, ac proinde ad affectus permouendos valeat: tamen, alij quoq; loci qui probationi inseruiunt, ad amplificandū, et ad mouendum conferunt; modo diuersa ratione tractētur, quā cum simpliciter ad probandū afferuntur; nimirū genere dicendi amplo, cōcitato, atq; incenso. Et licet omnes loci conglobati ac frequētati amplificādi uim habeant: tamen hi speciatim: Definitionū cōglobationes, causarū et effectōrū frequētationes, contrariōrū similiū & dissimiliū consuetudines, adiūctorū assumptiones, exemplorū enumerationes, et deniq; omnia, ex quib. rerū copia, de qua alibi late scripsimus, sumi potest; ut sunt partitiones, adiūcta, quæ, uel antecedunt, uel comitantur, uel sequuntur; causæ effecta, rerum & personarum attributiones earundemque descriptiones, incrementa, gradationes, cōparationes, ratiocinationes, sermocinationes, cōgeries, et alia alibi enumerata, exposita, et exemplis illustrata.

Quarta positio, ad permouendos affectus cōferūt locorū cōmuniū tractationes: in quibus, q̄ erit ualde exercitatus, qui ad causas eas apte accommodauerit, is profecto ad affectus quoscunq; cōmouēdos erit maxime idoneus. Hoc fecit Cic. pro S. Roscio, cū egit de parricidio, & multis alijs in locis: qua in re mirifice excelluere diuinorū oraculorū scriptores, ut lib. 4. de

Lib. 4. de
cloq.
Et li. de
ora. diu.

rhetorica

rhetorica diuinalate docuimus: qui locus est omnino legendus ab eo, qui affectuum commouendorum usum plane cognoscere uult.

Quinta positio, ad affectus commouendos confert quarundam figurarum usus & frequentatio. Huiusmodi sunt, exclamationes, apostrophes, praesertim ad res sensu carentes, hyperboles, obsecrationes, interrogationes, repetitiones, adiurationes, optationes, imprecationes, admirationes, congeries, commotiones, ad summam, quae aliquem maiorem exprimunt affectum, energiamque continent: de quibus libro primo de Eloquentia late scripsimus, & quae docuimus, exemplis illustrauimus: ac etiam omnes illae, quae uim amplificationis habent. Insequitur, ait Fabius, Energia, quae a Cicerone illustratio & euidencia nominatur; quae non tam dicere uideatur, quam ostendere: & affectus non aliter, quam si rebus ipsis intersimus, insequuntur.

Sed peteret hoc loco quispiam, cum iisdem loci ualeant ad probandum & ad amplificandum; quid amplificatio a probatione, seu ab argumentatione differat. In argumentatione, an res sit, quid sit, & qualis sit ostenditur; in amplificatione de eius magnitudine, & amplitudine agitur; ut cum rem aliquam in suo genere calamitosam, miserabilem, optabilem, detestabilem esse ostendimus; & ita rem ad certam quaestionem constringit. Rursus, argumentatio aliqua ratiocinationis forma concluditur breuiterq; tractatur: at uero amplificatio per modum ex-

posi-

positionis & enumerationis latius, atque uberius. Denique argumentationis est fidem facere, & intelligendi vim ad assensum rationum momentis perducere: at uero amplificatio, non modo mentis assensionem procreat, & ut res in suo genere magna uideatur efficit, sed etiam uoluntatem ad amandum, uel detestandum trahit, in alium uel affectum inducit. Iuuat etiam ad affectus commouendos aliquarum rerum ostensio, quæ ad id quod agitur aliquo pacto pertinent; ut deserti pupilli, laceræ & cruore infectæ uestes, accepta uulnera, & id genus alia. Unde Cicero de miseratione loquendo dixit, *Qua nos ita dolenter uti solemus, ut puerum infantem in manibus perorantes tenuerimus, ut alia causa, excitato reo nobili, sublato etiam filio paruo, plangore, & lamentatione compleremus forum. Hac eadem arte usus est M. Antonius, in oratione quam habuit in Cæsaris funere, quæ apud Dionem extat; ubi rem ipsam his uocibus exaggerauit, Heu crines canos sanguine concretos: Heu uestem laceram, quam, ut apparet, non in alium finem sumpisti, quam ut in ea trucidareris. Et quoniam, ut Cicero monet, commotis animis, in conuestione morari non oportet, orationem abruptit, & auditores, quos commotos, & indignatione inflammatos uidit, in medio dolore reliquit. Atque de eo quod primo loco explicandum proposuimus, hucusque: nunc de altero dicamus.*

In orat.

Lib. 44.

Quod igitur attinet ad doctrinam de singulis affecti-

fectibus permouendis, integrum conficere uolui-
 men, si per singulos percurrere uellem, demonst-
 rando singulorum locos, ac etiam exemplis locos illu-
 strando; ideo, ut breuitati studeam, satis erit, si de
 nonnullis breuiter scripsero, ea in medium afferen-
 do, quæ de re proposita apud Ciceronem disputat
 Antonius: cum quæ iam dicta sunt, sufficere pos-
 sint: plura qui uolet, nostros de Rhetorica diuina
 libros legat.

Sexta positio, amor ex Tullij doctrina his locis
 conciliari poterit. Sentimus, ait, amorem conciliari,
 si id uelle uidere, quod sit utile ipsis, apud
 quos agas, defendere: si aut pro bonis uiris, aut certe
 pro ijs, qui illis boni atq; utiles sint, laborare. Nan-
 que hæc res amorem magis conciliat, illa uirtutis
 defensio caritatem: plusque proficit, si proponitur,
 spes utilitatis futuræ, quam præteriti beneficij com-
 memoratio. Enitendum est, ut ostendas in ea re, quæ
 defendas, aut dignitatem inesse, aut utilitatem, cum
 que, cui concilies hunc amorem, significes nihil ad
 utilitatem suam retulisse, ac nihil omnino fecisse
 sua causa. Inuidetur enim commodis hominum ip-
 sorum: studijs autem eorum cæteris commodandis
 fauetur. Videndumque hoc loco est, ne quos ob be-
 nefacta diligere volumus, eorum laudem atq; gloriam
 cui maxime, inuideri solet, nimis efferre videat.

Septima positio, odium ijsdem ex locis in alios
 struere licet, & a nobis, atque a nostris dimouere,
 eademque hæc genera tractanda sunt in tracundia,
 uel

uel excitanda, uel sedanda. Nam, si quod ipsis qui audiunt perniciosum, aut inutile sit, id factum augeas, odium creatur: sin quod, aut in bonos viros, aut in eos, quos quisq; minime debuerit, aut in remp. tum excitatur, si non tam acerbum odium, tamen, aut inuidiæ, aut odij non dissimilis offensio.

Octaua positio, timor incutitur, aut ex ipsorum periculis, aut ex communibus. Interior est ille proprius, sed hic quoque communis ad eandem similitudinem est perducendus. Par quoque una ratio est spei, lætitiæ, molestiæ.

Nona positio, ad inuidiæ affectum commouendum (si tamen hunc affectum commouere licet) uidendum est, quibus homines inuideant, ut paribus, inferioribus, cum se relictos sentiunt, illos autem dolent euolasse: sed etiam superioribus inuidetur, sæpe uehementer, & eo magis, si intollerantius se iactant, & æqualitatem communis iuris, præstantia dignitatis, aut fortunæ suæ transeunt. Quæ si inflammanda sunt, maxime dicendum est, non esse virtute parata: deinde etiam vitijs, atque peccatis: tum, si erunt honestiora, atque grauiora; tamen non esse tanti vlla merita, quanta insolentia hominis, quantunque fastidium. Ad sedandum autem, magno illa labore, magnis periculis esse parata, nec ad suum commodum, sed ad aliorum esse collata, seseq; si quam gloriam peperisse uideatur, tametsi ea non sit iniqua merces periculi, tamen ea non delectari, totamq; abijcere, atq; deponere: omninoq; perficien-

ficiendum est, (quoniam plerique sunt inuidi, maximeque hoc commune uitium, & peruagatum; inuidetur autem præstanti florentique fortuna) ut hæc opinio minuatur, & illa excellens opinio fortuna cum laboribus, & miseris permixta esse uideatur.

Decima positio, misericordia mouetur, si is qui audit, adduci potest, ut illa quæ de altero deplorentur, ad suas res reuocet, quas aut tulerit acerbas, aut timeat; ut intuens alium crebro, ad seipsum reuertatur. Ita cum singuli casus humanarum miseriarum grauitè accipiuntur, si dicuntur dolenter, tum afflicta & prostrata uirtus maxime luctuosa est. Nam, si quis improbus, aut iniustus laboret, prematurque, non tamen misericordiam illius mouemur, quia dignus illis malis habetur: at contra uiri boni, & innocentis quouis incommodo laborantis miseret nos. Is autem facilius ad misericordiam excitabit, qui quibus rebus hi affectus permoneantur, nouerit: atque idem de alijs affectibus dicas: de quibus omnibus lege quæ libro secundo de Inuentione diximus. Quare, si quis iræ affectum commouere uellet, is noscat oportet qui facile ira incenduntur, & contra quos, & quibus de causis. Itaque hæc tria uidenda sunt ei, qui auditorem ad iram, gratia exempli, uelit incitare. Nam si teneas qui sint ad iram proclines, & quibus irasci sint soliti, & ignores ob quas res irascantur auditores, etiamsi illi facile commoueri possint; tu tamen hunc

hunc animi motum excitare non poteris: similiter, si duo posteriora teneas, & primum ignores, nihil efficies. Et ut hunc locum concludam, qui facilius omnes affectus commouere uolet, is locos bonorum auctorum in quibus affectus commouentur notatos habeat, eosque dicendo imitetur, ut tertio de Causis eloquentiæ libro docuimus.

Atque hucusque de tribus oratoris officijs satis superque fortasse diximus. Sed quoniam aliquis dubitaret, an ad hæc munera recte obeunda necessarium sit, ut Orator sit uir bonus, ideo consequenti disputatione hanc difficultatē diligenter discutiemus.

An Orator, ut suo optime fungatur officio, debeat esse uir bonus. Disput. 8.



NI Fabius bonus dicendi artifex, bono quodam animo, in suis institutionibus, ita suum Oratorem instituisse; ut eundem non modo eloquentem, sed etiam uirum bonum esse uoluisset, ut nemo Orator uere dici possit, nisi ille qui fuerit uirtute ornatus; ut in re alias satis perspicua explicanda laboraremus, nihil esset. Sed quoniam uir de oratoria facultate multum benemeritus, nobis negotium facit, & uarijs rationibus pro falsitate contra ueritatem pugnat; ideo proposita dubitatio diligenter a nobis discutienda est. Et primum quidem rationes quibus suam sententiam Fabius tueri ac persuadere conatur,

Et quasdam alias in medium afferam.

Lib. 12.

Lib. 3.
orat.

Lib. 3.
orat.

Lib. 1.
orat.

Primum, pro Quinctiliani sententia gravissima Catonis Censoris facit auctoritas; qui Oratorem definiens dixit, Esse virum bonum dicendi peritum: quæ sane descriptio multorum Rhetorū animos turbavit: quam Fabius exponens, ait, id quod in hac definitione prius positum est, ipsa natura esse potius et maius. Ad hanc auctoritatem accedit etiam non parvis facienda Ciceronis doctrina, ex quo non vno in loco discimus, Oratorem debere esse virum sapientem; Et olim, ut idem sæpe testatus est, iidem erant sapientes Et eloquentes: Et iidem recte facienti et bene dicendi magistri: at sapiens nemo erit unquam nisi sit vir bonus; cum is non sapiat, qui sibi non sapit, ut omnes mali: igitur. Ideo aliquando de Epicureorum philosophia loquendo, Et qualis debeat esse Orator docendo dixit, Ex illis autem, quæ remanent, ea philosophia quæ suscepit patrocinium voluptatis, etsi cui vera videtur, procul tamen abest ab eo viro, quem quærimus, Et quem auctorem publici consilij, Et regendæ civitatis ducem, Et sententiæ, atque eloquentiæ principem in senatu, in populo, in causis publicis esse volumus. Et apud eundem Crassus, Caput, inquit, esse arbitrabatur, Oratoris, ut Et ipsis apud quos ageret, talis, qualem se ipse optaret, videretur: id fieri vitæ dignitate, de qua nihil isti rhetorici doctores in præceptis suis reliquissent.

Deinde, prudens diceret nemo probitatem non
con-

conferre multum ad persuadendum, & ad perfectiorem Oratorem constituendum; cum melior sit is, qui pluribus rebus ad finem suum consequendum sit instructus: summus itaq; Orator, & ille quem animo saltem cernimus, bonus esse debebit. Quæ enim Lib. 1.
orat. ut ait Antonius, singularum rerum artifices singula si mediocriter adepti sunt, probantur; ea nisi omnia summa sunt in Oratore, probari non possunt; at quo modo erunt omnia summa, si ei deerit quod est summum? Quomodo optimus is, cui deest id quod est optimum? & cum optimum sit id quod omnes laudes habet, ut Tullius ait, quas sane vir malus non habet, malus non poterit esse optimus: & denique, cum Oratori nihil cōdonetur, ut cæteris artificibus, auctore Antonio, cur ei condonatur malitia?

Præterea, si Orator potest is dici, qui est vir malus, qui de arte dicendi scriberet, male de rebus humanis mereretur, non militi, sed latroni fabricando, ac tribuendo arma: immo ipsa natura, quæ magnam vim tribuit ad dicendum, non parens, sed nouerca dicenda esset, & scelerum socia, aduersaria innocentiae, & ueritatis atque hostis.

Postea, cum Orator iustissimas causas defendere debeat, & in omni genere dicendi, finis sit honestas, vel dignitas; qui fieri potest, ut malitiosus optima, & iniustus iusta, & turpis honesta defendat? Quomodo in eodem animo iusta & iniusta possunt esse simul? quodnam est rei turpis

& honestæ consortium?

Ad hæc, qui honestatem negligit, & turpitudinem amplectitur, & qui mauult doloribus animi cruciari, quam honestas leges seruare, atq; honeste viuere omnium iudicio, pro stulto habendus est, cū turpia anteponat honestis: atqui hominem stultum in Oratorum numero ponere, quis stultissimum esse non videat? cum nullus sit artifex qui maiore indigeat prudentia, quam Orator: prudentiæ autem nihil est magis inimicum, quam stultitia.

Iam vero, si malus sit Orator, & alio modo dicat, atque sentit, non tam Orator, quam simulator, & dum arte abutitur, non artifex, sed artis corruptor dicendus erit: neque enim eum scriptorem appellaremus, qui peruerse vteretur calamo. Insuper, eloquentia est ex numero eorum habituum qui indifferentes vocantur: si indifferens; igitur Orator qui ab ea nomen accipit, nec bonus, nec malus dicendus erit.

Denique, eloquentia est virtus quædam, vt non uno in loco scriptum reliquit Tullius, a qua suum nomen capit Orator, qui dicitur vir eloquens: Studiosus igitur. Atque hæc fere sunt rationes, quibus

Li. 12. *Fabiana confirmari potest opinio.*

lib. 2. c.

15. & 17.

Arist.

Prut. li. 1

c. 5.

Maiores

In hac itaque disputatione Quintilianus mordicus defendit, Oratorem non posse esse eum qui non sit vir bonus: cuius sententiam nonnulli alij sequuntur: quibus communem bonorum Rhetorum opposueres auctoritatem, quæ contra, & verissime quidē, sen-

sentiunt: quod qui non sentiunt, se parum in ethicis & dialecticis uersatos esse omnino demonstrant, ut ex fundamentis quæ ponā facile erit cognoscere.

Primum fundamentum, cum de homine, siue de artifice quopiam dicimus, esse, aut esse debere bonū, id duobus modis intelligi potest: primo quidem proprie & simpliciter in genere moris; ita ut is bonus dicatur, qui uirtutibus morum, quæ solæ uere sunt uirtutes, solæque hominem uere bonum faciunt, est ornatus: altero improprie & ex parte, ratione alicuius artis, uel habitus, quo aliquid cognoscit, aut efficit; quo modo dicimus bonum Citharedum, bonū Sculptorem, & Architectum bonum: qui in hoc genere dicitur bonus, si bene artem quam tractat nescit, & ex ea aliquid efficit. Est ergo difficultas, an primum bonitatis genus necessarium sit ad faciendum bonum Oratorem, ut Fabius contendit; an tantum secundum sufficiat, bona nimirum & absoluta dicendi doctrina, atque facultas, ut alij uolunt. Rursus, duplici ratione quempiam appellamus bonum, uel quadam communi loquendi consuetudine, cum nullo insigni probro est notatus, nullaque sordet infamia, sed rebus suis consulendo urbane uiuit, Quo modo antiqui Romani, ut est apud Catonem in libris de re rustica, cum quempiā ciuem laudare uolebant, dicebant, Bonus vir, bonusque colonus: Quod laudis genus amplissimum putabatur: vel, ut Philosophi qui mores tractant, loqui consueuerunt; a quibus is homo bonus vocatur, qui uirtuti-

bus morum sit ornatus, qui neminem lædat, qui suū cuique tribuat, qui honeste, naturæq; congruenter viuat. Denique, quod attinet ad oratorem, bonum oratorem appellare possumus, vel eum qui sit utilis & salutaris reip. qualis re vera desiderandus est; vel eum, in quo omnia reperiuntur, quæ sunt sua natura necessaria, ut tale mereatur atque retineat nomen, talem nimirum, quale descripsit apud Ciceronem Crassus, qui quæcunque res inciderit, quæ sit dictione explicanda, prudenter, copiose, ornate, & memoriter, cum quadam actionis dignitate dicat.

Lib. 1.
orat.

Secundum fundamentum, in quo explicabitur, quæ sit illa prudentia, quæ in oratore requiritur.

Lib. 2.
de Inu.

Prudentia, quam alibi definimus & late explicuimus, duplex est: una quæ est omnium virtutem regina, & moderatrix, quæ in omni vita bene instituenda versatur; de qua Aristoteles in Ethicis libro sexto disputat, & Diuus Thomas in altera parte secundæ: altera, quæ est propria cuiusque artis, quo modo prudentem nautam, agricolam, medicum, & militem vocamus prudentem: quæ efficit ut singularum artium præcepta ad tempora, ad loca, ad personas, & ad singulos euentus accommodentur: qua potissimum egent omnes artes, quæ sunt in coniectura posita, ut alio loco placuimus.

Lib. 1.
de art.
dic. disp.

Illa omnes homines debent esse præditi, cum nemo possit honeste viuere, nisi fuerit tali prudentia ornatus: hac solum ij qui artes tractant: illa in singulis rebus humanis versatur, hæc in hoc, uel illo genere:

illa

illa non potest esse sine virtutibus morum, hæc vero maxime. Est enim illa, recta eorum quæ aguntur ratio, dum insitas a natura notiones rebus singulis accommodat; quod sine errore facere non potest, nisi per virtutes morum animi perturbationes fuerint sedata. Itaque nemo erit prudens, qui bonus non fuerit, nec bonus qui prudentia caruerit. At vero potest esse prudens nauta in regenda naui, sed imprudens in vita gubernanda. Quare, prior prudentia reddit homines simpliciter prudentes: altera vero tantum in certo genere: & ideo, qui bene vitam regit, absolute prudens nominatur: qui vero caute nauem gubernat, prudens nauta. Ex quibus inferre licet, duplicem esse stultitiam: vnā contrariam priori prudentiæ, alteram posteriori: fierique posse aliquem esse stultum in vitæ moderatione; in aliquo tamen artificio prudentem, & contra. Vt ergo aliarum artium est prudentia quædam, ita etiā artificij oratorij, & quidem maxima, vt alibi docuimus, cum de vnaquaque re in omni loco & tempore se apte atque idonee dicere posse profiteatur. Huc faciunt hæc Bruti apud Ciceronem verba, Etenim dicere bene nemo potest, nisi qui prudenter intelligit. Quare, qui eloquentiæ verum dat operam, dat prudentiæ: qua ne maximis quidem in bellis æquo animo carere quisquam potest. Et hæc est illa prudentia, quam in oratore, eum describendo, requirebat Crassus, non illam, quæ est honeste vitæ dux atque magistra.

Arist. li.
6. eth.

D. Tho.
2. 2. q.
54. ar. 4.

Lib. 2.
de arte
dicen.
In Brut.

Arist. in
eth.

cic. orat.
pro M.
Cælio.

Tertium fundamentum, magna olim fuit controuersia inter Stoicos & Peripateticos Philosophos, an virtutes essent scientiæ: illi affirmarunt, hi negarunt; & iure quidem optimo, quod nunc tanquam certissimum suppono, cum aliud sit cognoscere, aliud recte agere. Vnde Lupus apud Aesopum, Alia dicunt, alia faciunt: ac proinde alij erunt bene cognoscendi, alij bene agendi habitus. Et quamuis virtutum & artium habitus sint diuersi: tamen non sunt inter se contrarij: quo fit, ut simul in eodem pectore esse possint. Et quoniam nemo ita flagitiorum & scelerum curis distinetur, ut nihil temporis in literarum studia possit impendere, quamuis corporis uoluptates eis plurimum obsint, ideo quisque, etiam improbus, in bonis artibus poterit proficere; ad quarum consequitionem multa sunt quæ conferunt; ut bona fortunæ, gloriæ cupiditas, quædam animi fortitudo, & in laboribus perferendis patientia, quæ interdum in improbis est maxima, sed vitiosa: qualis referente Sallustio, in Catilina fuit; & denique utilitatis, atque emolumentis spes. Poterunt itaque mali artem aliquam consequi, atque etiam ea abuti, & ut ea abutantur, sine se corrumpi; cum non sit artificis, puta Oratoris, proprium, ut se corrumpi non sinat, sed hominis constantis & religiosi, & perfectæ virtute præditi. Nec ideo Oratoris nomen amittet, sicuti nec Medicus, qui pecunia corruptus, dum sanare deberet, perderet. Cum ergo improbi rerum cognitionem ac-

qui-

quirere possint, de rebus bonis, iustis, & honestis dis-
serere poterunt, quamuis ipsi, nec honesti, nec iu-
sti, nec boni sint: Cum non is dicatur iustus & ho-
nestus, qui iusta & honesta cognoscit, sed is qui iu-
sta facit; cum virtus non in cognitione, sed in electio-
ne & in actione consistat, unde omnis eius petitur
laus. Non erit itaque necesse, ut Orator si iustus,
ad hoc, ut de iustis disputet; & ut sit bonus, ut uti-
liter consulat. Verum tamen est, quod si Orator re-
cte, siue honeste & laudabiliter dicendi facultate
usus sit, id eum efficere minime posse, ni iustus bo-
nusque fuerit: ita ut, non modo honesta & iusta co-
gnoscat, sed etiam eadem velit & efficiat: quod si sa-
tis esset Fabio, nulla cum eo nobis esset controuer-
sia. Nec propterea melior dicetur Orator, si cum
facundia dicendi coniunctam habebit probitatem.
Quare, si duo darentur Oratores, quorum alter bo-
nus, alter malus esset, ille non diceretur melior Ora-
tor, si ambo essent in arte dicendi pares, & aequae
ad persuadendum idonei. Ut si duo essent Medici,
omnibus alijs rebus pares, sed alter tristi & tacita
natura: alter mirifico lepore, & festiuitate condi-
tus; quamuis hic facilius agrotum sanaret, quod
eum facilius exhilarare possit: tamen non proinde
melior Medicus est iudicandus, cum propria artis
praesidia sint in utroque paria; cum res ex proprijs,
non ex ijs quae extrinsecus accedunt, iudicandae sint.
Atque haec sunt quae adnotare uolui: si quae restant,
in positionib. & responsionib. ad argumeta dicetur.

Lib. 1.
de arte
dicendi.

Prima positio, facultas oratoria, siue ars dicendi non est virtus. Doctrina est manifesta, quam alibi late probauimus: ac proinde, ne acta agamus, nihil nunc repetemus. Virtus enim est affectio animi constans conueniensq; laudabiles efficiens eos in quibus est, & ipsa per se sua sponte, separata etiam vtilitate, laudabilis: ex ea proficiscuntur honeste uoluntates, sententię, actiones, omnisque recta ratio: Quę sane Ciceroniana virtutis descriptio, eloquentię non conuenit.

D. Aug.

Secunda positio, potest aliquis dicendi facultate abuti. Hęc etiam positio est certissima, cum una sit virtus, qua nemo abuti potest, ut alibi docuimus: cum ergo eloquentia non sit virtus ea, ut Cicero plane docuit, orator abuti poterit; ut ipse aliquando fecit, & se fecisse confessus est.

Lib. 1.
de Inu.

Tertia positio, ad bonum oratorem constitutum, morum bonitas, ex se, non est necessaria. Est hęc positio contra Fabij opinionem, quam his rationibus impugno. Primum, auctoritate M. Tulij, qui definiens oratorem varijs in locis, nunquam

Lib. 1. de
opt. gen.
orat.

meminit bonitatis; & de optimo oratore loquens, dixit, Optimus est enim orator, qui dicendo animos audientium, & docet, & delectat, & permouet. Deinde arguo a pari de alijs artificibus, qui possunt esse optimi, & in sua arte excellere, etiamsi mali sint, quod experientia ipsa rerum omnium magistra expresse docet: Boni reperiuntur nautę, boni agricolę, boni milites, boni medici, qui tamen non sunt ui-

vi boni: cur igitur de oratore non idem dicamus ?
 Ideo M. Tullius aliquando scripsit, Critiam & Alcibiadem ciues Athenienses, non bonos illos quidē, Lib. 3.
 sed tamen eloquentes fuisse: non itaq; ob prauitatē, orat.
 nomen amiserunt. Et alio loco, Tiberium Graccum, Eod. lib.
 Caiūq; Carbonem, Ciues perniciosos fuisse arssumat;
 quos tamen summos oratores uocat. At, quid de
 Demosthene, & Cicerone dicemus? quos, aut
 ob optimorum Oratorum numero excludemus,
 aut contra fide dignos scriptores, qui de eorum
 vita meminerunt, bonos fuisse, falso affirmare
 cogemur.

Denique, ne multa quæ contra falsam sententiā
 disputari possent, in medium asseram, hoc unum ar-
 gumentum Fabium iugulat, quo ipse suam sententiā
 destruit, dum isti suo bono oratori concedit ut men-
 dacio utatur, & ut iniustam causam suscipiat: at,
 bone vir, cur bono oratori quæ non sunt bona con-
 cedis? non ne cernis quantum ista inter se pugnent,
 oratorem summum non posse esse, nisi sit vir bo-
 nus, & ei concedere vsum mendacij, quod est intrin-
 sece malum, atque etiam causarum iniustarum de-
 fensionem, cum vir bonus debeat solum iustas caus-
 sas defendere.

Quarta positio, si orator sit futurus reip. uti-
 lis, si eloquentia non sit abusus, necessario debet Plat. in
 esse vir bonus. Patet hæc doctrina ex ijs quæ in Gorg.
 ultimo diximus fundamento; honestus. n. omnium ar-
 tium vsum pædet a bono fine, ad cuius appetitionē oēs
 vir-

virtutes, excepta prudentia, uoluntatem inclinant; & ab omnibus circumstantiis, atque destinatis, quæ ad finis consequutionem conferunt, in quibus a prudentia dirigimur. Nemo igitur, cui hæc virtutes deerunt, honeste sua utetur arte.

Quincta positio, bonitatis opinio, siue morata oratio non nihil iuuat ad facilius persuadendum. Id præter ipsam experientiam, & hominum communem sensum, in rhetoricis docet Aristoteles, ubi hac de re loquendo dixit, magnam vim esse in moribus, & orationem moratam, *ἡμετέραν πείθειν*, idest præcipuam fidem habere, quod fide dignum reddat eum, qui dicit. Et ne quis existimaret, vim oratoriam præcipue in moribus positam esse, subiecit, Persuasionem faciendam esse non vita, sed genere ipso orationis. Concedit ergo vitæ dignitatem magnum præbere adiumentum, si adsit, sed negat pertinere ad artificium orationis. Quæ doctrina valet ad confirmandum id, quod quarta positione docuimus: quam his verbis apud Tullium confirmat Antonius, Valet igitur multum ad vincendum probari mores, instituta, & acta, & uitam eorum qui agent causas, & eorum pro quibus. Et alio loco scriptum reliquit, In homine uirtutis opinio valet plurimum. Opinio autem est, non modo eos uirtutem habere, qui habeant, sed etiam eos qui habere videantur. In Brut. Virtutem hanc fidei faciendæ a persona sua fuisse in M. Scauro, idem Cicero scribit, non quidem a doctrina, sed a natura: fatetur tamen etiam de hac re præcepta

Li. 1. c. 2

Lib. 2.
orat.

In Top.

In Brut.

præcepta dari, ut quis probus vir appareat. In Scavri, inquit, oratione sapientis hominis & recti gravitas summa, & naturalis quædam inerat auctoritas: non ut causam, sed ut testimonium dicere putares, cum pro reo diceret. Hoc dicendi genus ad patrocinia mediocriter aptum videbatur: ad senatoriam vero sententiam, cuius erat ille princeps, vel maxime. significabat enim non prudentiam solum; sed, quod rem maxime continebat, fidem. Habebat hoc a natura ipsa, quod a doctrina non facile posset: quamquam huius quoque ipsius rei, quemadmodum scis, præcepta sunt. Concludere igitur cum Aristotele licet, cur Oratores digni fide censeantur, præter argumenta esse tria, Prudentiam, virtutem, & benevolentiam: tot enim sunt ea, quibus ad credendum inducimur. Nam prudentes non errant: boni non mentiuntur: amici vero non minus solliciti, quam nos de rebus nostris sunt.

Sexta positio, qui Oratorem dicendi præceptis informaret, etiamsi virum bonum eum non efficeret, nihil de rep. male mereretur. Quoniam honestæ vitæ rationes explicare, non est Rhetoris munus, sed eius qui mores tractat. Adde etiam, quod supra probatum fuit, Oratorem bonum esse posse, etiamsi non fuerit vir bonus. Licet ergo sit hominis pii pietate suos discipulos informare, idque ut supra diximus, in bono desideretur magistro: tamen ni faciat, non propterea ut perniciosus artifex rejiciendus est.

Septima positio, omnino optandum esset, ut orator sit vir bonus, atque in id opera poni deberet. Nam, ut præclare apud Tullium ait Crassus quo maior est eloquentiæ vis, hoc magis cum probitate coniungenda est. Ut recte aliquando Cicero existimauerit, sapientiam sine eloquentia parum prodesse ciuitatibus, eloquentiam sine sapientia nimium obesse plerunque, prodesse nunquam. Quare, si quis, omissis rectissimis atque honestissimis studiis rationis & officij, consumit omnem operam in exercitatione dicendi, is inutilis sibi, perniciosus patriæ ciuis alitur: qui uero se armat eloquentia, ut non oppugnare commoda patriæ, sed pro his propugnare possit, is mihi & suis, & publicis rationibus utilissimus atque amicissimus ciuis fore videtur.

Octaua positio, etsi Christianus orator, siue conuersionator aliquis esse possit, sine maiore vitæ probitate: nunquam tamen erit perfectus, nisi cum dicendi facultate pietatem coniunxerit, ita ut nec a doctrina, nec a moribus ei quicquam desit. Nam, alia quedam est nostrorum, atq; antiquorum oratorum ratio; cum nostri non solum recte sentiendi, sed etiâ recte agendi se magistros præbeant, idque habeant propositum, ut alios bonos faciant; & ad honeste et pie uiuendum impellant, id quod illis propositum non erat. Atqui id nunquam absolute is efficiet, qui uirtutis uim non sentit, qui uitiorum maculas non abhorret, qui quod ore docet, moribus destruit, cum magis ad honestam uitam moueant exempla, quam

uerba:

uerba: neq; enim ut præclare scripsit Aristoteles, indocta plebs, uulgusq; distinguit: sed hac de re alibi fusius lib. 1. de Oratore diuino disseruimus: qui plura uolet, hunc locum consulat. sed iam allatis in contrarium rationibus respondeamus; ex quarum solutione nostra sententia adhuc magis confirmabitur.

De prima, quod attinet ad illā Catonis definitionē; nī in grauissimū Censorem cēsura uti uelles, diceres, eum docere uoluissē, qualis debeat esse orator, ut sit reip. utilis ac salutaris, cuiusmodi nō erit, nisi sit uir bonus, ut docuimus: Vel dicas, intelligendum esse eo modo, quo illi antiqui bonum agricolā, bonūq; colonum appellabant, ut in primo diximus fundamento. Cicero uero dū suum oratorem sapientem facit, uult eum maximarum rerum cognitione esse peritum: atque sapientia longe a uirtute distat, nec sunt ista duo necessario consociata. Ideo apud eundem Crassus, virtutis exempla a Romanis, doctrinæ uero a Græcis Lib. 3. petenda esse ait. Et qui olim erant dicendi & agendi orat. magistri, non necessario ijdem erant uirtute ornati; cum aliud sit uim naturamq; uirtutis cognoscere, & aliud studiose uiuere. Philosophabantur itaque uerbis, sed non re, ut fere Græci omnes, auctore nō uno in loco Tullio; ac proinde sibiipsis non sapiebāt, id est non erant sibi utiles, sed alijs quos instituebant. Et quid mirū, si Epicureum oratorem respuat Cicero, dū de eo loquitur oratore, quē uult esse publici consilij auctorem, & regendæ ciuitatis ducē, & sententiæ atque eloquentiæ principem, in Senatu, & populo, in

Orat. p
M. Cæl.

in causis publicis de eo nimirum, qui sit futurus utilis. Huc etiam pertinent verba, quæ ex Crasso citantur.

De secunda, hæc ratio id probat, quod in quarta positione docuimus: & quomodo accipienda sit, satis ex ultimo fundamento constat. Cum vero Antonius omnia summa in oratore requirit, ea intelligit quæ, ex se, ad Oratorem constituendum sunt necessaria, non omnia simpliciter: illa si habebit, optimus erit Orator, & omnes habebit eloquentiæ laudes; nec ut aliquid ei condonetur necesse erit.

Quare, licet auctoritas Senatoria, vel aliquis alius honoris gradus, corporis quædam dignitas, & gratia Oratori desint: tamen ista ad propriam eius perfectionem non pertinent: alias qui non esset pulcher, qui nullo in gradu esset constitutus, Orator perfectus esse non posset; quod est omnino falsum. Et, si quid ista Fabij ratiocinatio concluderet, ex ea colligere liceret, nihil in suo genere esse perfectum, si ei absint quæ sunt in alijs generibus perfectiones: non formica, non bos, non homo, non celum, non Angeli, nulla denique creata natura.

De tertia, commendemus hoc loco Quintilianum licet, qui noluerit nauim perforari in qua ipse nauigabat, quod obesse reip. nolit: ceterum, nihil peccabimus, dum Oratorem instituimus, qui eloquentia aliquando abusus sit: sicuti nec natura, vel Deus naturalem eloquentiam hominibus tribuendo, quicquam peccauit. Non itaque natura, aut qui natura-

turalem eloquentiam docendo perfecit culpandus est, sed deprauata hominis uoluntas, quæ quod a natura ad hominum salutem, & conseruationem, ut Tullius ait, datum fuit, in pestem perniciemque conuertit. Quare, ut tu Fabi recte disputas contra eos qui damnant eloquentiam, ob eam causam, quod nonnulli ea abutantur; eadem ratione quispiam contra te disputaret, dum damnandos esse affirmas, qui institueret Oratorem, quæ non faceret virum bonum.

Lib. 2.
offic.

Lib. 2.
c. 16.

De quarta, quid ad hanc rationem respondendum sit, satis ex doctrina in tertio fundamento allata manifestum esse puto. Potest itaque honesti doctrina, bonique cognitio in homine turpi & parum bono reperiri: qui si dicendi facultate sit præditus, illa eadem suadere poterit: sapientissimus omnium hominum Salomon: & tamen aliquando non bonus. Cum ergo vir improbus, doctrinam aliquam capeſcere possit, in uno & eodem homine rerum præclarissimarum notitia, & inhonesta vita poterunt reperiri: cum illa in animo, hæc in uoluntate sita sit, ut Philosophi docent. Cum ergo certissime constet, multos homines fuisse improbos & simul multarum rerum notitia præditos; ista duo non adeo inter se pugnant, ut simul esse non queant.

Quod quinto loco obijcitur, ex his soluitur, quæ de duplici prudentiæ & stultitiæ genere diximus. Stultus itaque is proprie dicitur, ut Tullius ait, qui inconstans est, & sanitate mentis uacat: improprie vero per translationem, is etiam stultus vocatur, qui

Cic. in
tul. quæ
stio. l. 3.

qui honestatem negligit, & magis conscientiae stimulis uult cruciari, quam ex legibus uiuere. Et licet improbo oratori desit prudentia morum, non tamen est expers prudentiae artis.

De sexta ratione, orator qui ex arte recte appositaeque dicit, non est simulator, sed verus orator: neque artem corrumpit, qui eam apte exercet; quamuis ex animi prauitate ea abutatur; cum donum a natura in utilitatem tributum, in perniciem conuertat.

Immo bene erit, quod ad simulationem attinet, si malitiam suam & corruptelam tegere poterit, ne causae noceat. Prodest enim, ut Fabius recte ait, plurimum caussis, qui ex bonitate sua facit fidem. Nam qui dum dicit malus habetur, utique male dicit.

Lib. 2.
offic.

De septima, quamuis eloquentia, suapte natura, nec bona, nec mala sit: tamen, si finem in quem a natura nobis tributa fuit spectemus, dicemus esse bonam. Huc facit haec luculenta M. Tullij sententia, Nam quid tam inhumanum, quam eloquentiam a natura ad salutem hominum, & ad conseruationem datam ad bonorum pestem perniciemque conuvertere? Non tamen probanda sunt ea, quae idem auctor huic sententiae adiecit, cum dixit, Licere interdum impium, nefariumque defendere. Longe itaque melius hac in parte Fabius, cum dixit, Mutos nasci, & egere omni ratione satius fuisset, quam prouidentiae munera in mutuam perniciem conuvertere.

Lib. 3.
orat.

De ultima, falsus est Quintilianus Stoicorum sententia, existimando eloquentiam esse uirtutem:

de

de quibus Tullius loquendo, dixit, eos affirmare eloquentiam unam esse ex summis uirtutibus, quod omnes uirtutes in sola ratione posuerint. Est quidem eloquentia uirtus, si hoc nomen pro quacunque animi perfectione sumatur; non tamen propria, ut tu contendis: est etiam orator bonus, sed artis, non morum bonitate. Requirit Tullius in oratore bonitatem, ut prodesse hominibus possit, ut sit reip. utilis: sed non talem, qualem tu Fabi requiris; aut etiam tantam, quantam tu poscis, cum sine bonitate esse nullo modo posse contendas. Quod si uerum esset, quem mihi bonum summumque oratorem dares? Demosthenem? M. Tullium? qui non fuerunt omnino boni, aut saltem perfecti in uitae officijs. Et, ut te cum tabulis obsignatis agam, cur huic tuo bono oratori, ut supra dicebam, hanc facultatem tribuis, ut mentiri, falsa tueri, pro sceleratis dicere possit, si absque morum probitate nequit consistere? cum tamen quæ ei concedis, cum uitæ honestate pugnent: ut & illud, cum ais, Vbi uero animis iudicium uis asserenda est, et ab ipsa ueri contemplatione abducenda mens, ibi proprium oratoris opus est. Vide Fabi, ut plane asseris oratoris esse proprium iudicem a ueri contemplatione abducere, quod non oratoris, sed hominis improbi & mendacis esse, etiam stultissimus quisque diceret. Quare, non secus erras, cum oratorem uirum bonum, et dicendi peritum esse definis, ac si Grammaticum loquendi & canendi, seu Geometram metiendi & medendi peritum esse diceres.

Lib. 6.
c. 2.

Lib. 3.
orat.

In summa, cum in cæteris facultatibus non requiratur bonitas; nec etiam in oratore constituendo requirenda erit: sed potius optanda, ut apud Ciceronem Crassus facit. Quæ, inquit, (eloquentiam intelligit) quo maior est, hoc magis probitate iungenda est, atque prudentia: quarum rerum expertibus, si dicendi copiam tradiderimus; non eos quidē oratores effecerimus, sed furentibus arma quædam dederimus: Ac si dixisset, nisi orator probitate, & prudentia sit ornatus, non erit reip. utilis: & id eo alibi, cum enumeravit omnia quæ vel a natura, vel ab arte in oratore perfectio desiderantur, de bonitate dixit nihil. Sed de his satis superque dictum puto.

Lib. 1.
orat.

De oratoris officio in causis suscipiendis atque tractandis. Disp. 9.



Q UONIAM vero in tradendis discendisq; eloquentiæ præceptis, omnis frustra suscipiur labor, nisi quæ docentur atque discuntur per causarum suscipiendam ad usum lucemque publicam, ut alibi diximus, traducantur; propterea, dum de Oratoris officio scribimus, quid in causis suscipiendis & tractandis eum facere oporteat, præmonendum duximus, cum id maxime officij rationem attingat, et proxime ad nostrum institutum pertineat. Quæ autem hac in parte nobis dicenda sunt, ea fere omnia ab opti-

optimo oratoris institutore Fabio sumemus, & quæ ipse non omnino plane dixit, nos breuiter, perspicueque ad quædam capita reuocando, quibusdam positionibus perstringemus.

Prima positio, quod attinet ad tempus in quo causæ suscipiendæ sunt, non debet esse nimis acerbum, aut maturum. Tenendus itaque est, ut ait Fabius, quidam modus, ut neque præpropere distringatur matura frons, & quidquid est illud adhuc acerbum proferatur. Nam inde, & contemptus operis innascitur, & fundamenta iaciuntur impudentiæ, & quod est ubique perniciosissimum, præuenit vires fiducia. Nec rursus differendum est tirocinium in senectam. Nam quotidie metus crescit, maiusque fit, quod semper ausuri sumus: & dum deliberamus quando incipiendum sit, incipere iam serum est. Quare fructum studiorum viridem & adhuc dulcem promi decet, dum & venia, & spes est, & paratus fauor, & audire non dedecet, & si quid desit operi supplet ætas, & si quæ dicta sunt iuueniliter, pro indole accipiuntur, & quæ apud Fabium sequuntur: ubi, quid faciendum in hac re sit M. Tullij confirmat exemplo.

Secunda positio, quod attinet ad causas suscipiendas, causæ malæ defendendæ non sunt. Doctrina est Fabij, quam, utinam nostris temporibus Aduocati, qui non modo homines, sed & Christianos homines se esse profitentur, animaduertent, & obseruarent. Et certe, inquit ipse, non conuenit ei,

quem oratorem esse uolumus, iniusta tueri scientem. Verum, non me fugit, hunc dicendi magistrum hac in parte secum pugnare. Quare non placet, ut etiam supra admonui, quod libro secundo de officiis docuit M. Tullius: qui cū dixisset, inhumanū esse eloquentia abuti, hæc adiecit verba. Nec tamē ut hoc fugiendum est, ita habendum est religioni contrariū, nocentem aliquando, & nefarium impiūq; defendere. Vult hoc multitudo, patitur consuetudo, fert etiam humanitas. Sed fortasse hæc sententia in meliōrē sensū, ex iis quę subiicit, trahi posset. Iudicis est semper in causis uerū sequi, patroni nonnunquā uerisimile, etiam si minus sit verum, defendere.

D. Tho.
2.2.9.
Sot. li. 5.
de iust.
& iur. q.
5. art. 3.

Tertia positio, dubia causa suscipi potest; sed eius iniquitate detecta, abijcienda est. Neq; uero, ait Fabius, pudor obstat, quo minus susceptam, cum melior uidetur, litem, cognita inter dicendum iniquitate, dimittat, cum prius litigatori dixerit uerum. Nam, & in hoc maximum, si equi iudices sumus, beneficium est, ut non fallamus uana spe litigantem. Neque est dignus opera patroni, qui non utitur consilio. Et certe non conuenit ei, quem oratorem esse uolumus iniusta tueri scientem. Huc pertinet hoc Catoniani auctoris distichon,

Quod nosti haud recte factum, nolite tacere,

Ne uideare malos imitari uelle tacendo.

Quarta positio, etsi melius ac tutius sit defensionē quā accusationem suscipere: tamen accusationes etiā suscipiendę sunt. In quibus (de causis suscipiendis lo-
qui-

quitur Fabius) defendere quidem reos profecto, quā facere, uir bonus malet: non tamen ita nomen ipsum accusatoris horrebit, ut nullo neq; publico, neq; priuato duci possit officio, ut aliquē ad reddēdā rationē vitæ uocet. Nā, & legis ipse nihil ualeāt, nisi actoris idonea uoce munit;: et si pēnas scelerū expetere fas nō est, prope est, ut scelera ipsa permissa sint: & licētia malis dari, certe cōtra bonos est. Quare, neq; sociorū querelas, nec amici, uel propinqui necē, nec erupturas in rēp. conspirationes inultas patietur orator: non pēnē nocentiū cupidus, sed emēdandi uitia, corrigēdiq; mores. Nāq; rōne traduci ad meliora nō possūt, solo metu cōtinētur, et q̄ apud Fabiū sequitur.

Quinta positio, bonus orator non dedignabitur minores etiā causas suscipere; nec ita se eloquentiorem putet, quam ut causas agat. Nec illo fastidio, ait Fabius, laborabit orator, nō agendi causas minores, tāquā infra eū sint, aut detractura sit opinioni minus liberalis materia. Nā et suscipiēdi ratio iustissima est officium, & optandum etiam, ut amici quā minimas lites habeant: & abunde dixit bene, qui rei satisfecit. At quidā etiam si forte susceperunt negocia paulo ad dicendum tenuiora, extrinsecus adductis ea rebus circumliniunt: ac si defecerint, alia cōuicijs implent uacua causarum: si contigit ueris; si minus, fictis, modo sit materia ingenij, mereaturque clamorem, dum dicitur. Sexta positio, bonus orator neminem a sua tutela excludat, sed sue eloquentie portum omnibus, quantum fieri per eum poterit,

Prou. 24

Cic. pro
Deiot.

aperiat, præsertim amicis, & ijs quos iudex commendabit, ut Fabius monet: qui & hoc etiam addit, ne quid ambitiose, vel pro potentibus contra veritatem, vel pro humilibus contra dignitatem faciamus. Hoc itaque officium in omnes adhibendum est, præsertim erga quos aliena vis opprimit, aut inopia tenet. Huc pertinet illa Sapientis admonitio, Erue eos qui ducuntur ad mortem: & qui trahuntur ad interitum, liberare ne cesses: atque etiam hæc pulcherrima summi oratoris sententia, Nihil est tam populare, quam bonitas: nulla de uir-
tutibus, nec gravior, nec admirabilior misericordia: homines enim ad Deos nulla re propius accedunt, quam salutem hominibus dando. Et Catonianus auctor,

Si potes ignotis etiam prodesse memento:

Utilius regno meritis acquirere amicos

Non solum itaque in amicos oportet esse beneficium, verum etiam ignotis consulendum est, ut nobis amicos & beneuolos comparemus, qui firmiores sunt, quam qui regno subiiciuntur.

Septima positio, cum in forum, siue in lucem publicam venit, auspicandum est a causis facili-
bus & minus grauib. Id ratio ipsa suadet, & hæc Fabiana sententia monet, Ceterum, illum quem inuenem, tenerisq; adhuc viribus nitentem, in forum deduximus, & incipere a quam maxime facili ac fauorabili causa uelim, ut catuli ferarum molliore præda saginantur: & non utique ab hoc initio

continuare operam : & ingenio adhuc alendo cal-
lum inducere , sed iam scientem quid sit pugna , &
in quam rem studendum sit, refici atque renouari.
Sic & tirocinij metum, dum facilius est audere,
transierit, nec audiendi facilitatem usque ad con-
temptum operis adduxerit. *Vsus est hac ratione*
M. Tullius, &c.

Octaua positio, qui suo officio satis facere uolue-
rit. Orator, non plures causas suscipiet, quam tue-
ri potest. Id, & ratio ipsa docet, & Fabius admo-
net; et ut admonitio est in promptu, ita facile a mul-
tis, non sine clientum detrimento, negligitur; ut alibi In lib. de
legib.
de aduocatorum officio agentes, docuimus.

Nona positio, quod ad finē attinet, in causis agen-
dis duo potissimum fines hoc præstantissimum mu-
nus fœdare ac corrumpere solent, lucrum, & am-
bitio, siue laudis parandæ cupido, quos fines omni-
no vitare debet, qui honeste hanc præclarissimam
artem exercere uoluerit. Quod ad lucrum attinet,
ideo lucri cupiditas uitanda est, quia, ut ait Cice-
ro, Nihil est tam sanctum quod non inuiolari,
nihil tam munitum, quod non expugnari pecunia
possit; de qua re ita speciatim statuit, Fab. Quincti-
lianus, Nam quis ignorat, quin id longe sit hone-
stissimum, ac liberalibus disciplinis, & illo quem
exigimus animo dignissimum, non uendere o; e am,
nec eleuari tanti beneficij auctoritatem? cum plera-
que hoc ipso possint uideri uilia, quod premium ha-
bent. Cæcis hoc, ut aiunt, satis clarum est: nec quis-

quam qui sufficientia sibi (modica autem hæc sunt) possidebit, hunc quæstum sine crimine sordidum fecerit. At, si re familiaris amplius aliquid ad usus necessarios exiget, secundum omnium sapientium leges, patietur sibi gratiam refferri: cum & Socrati collatum sit ad victum, & Zeno, Cleanthes, Chrysippus mercedes a discipulis acceptauerint. Neque enim uideo, quæ iustior acquirendi ratio, quam ex honestissimo labore, & ab ijs de quibus optime meruerint, quique sibi nihil inuicem præstent, indigni fuerint defensione. Quod quidem non iustum modo, sed necessarium etiam est, cum hæc ipsa opera, tempusque omne alienis negotijs datum, facultatem aliter acquirendi recidant. Sed tum quoque tenendus est modus; ac plurimum refert, a quo accipiat, & quantum, & quousque. Paciscendi quidem ille piraticus mos, & impotentium periculis precia, prorsus abominanda negociatio, etiam a mediocriter improbis aberit: cum præsertim bonos homines, bonasque causas tuenti non sit metuendus ingratus; qui si futurus, malo tamen illo peccet. Nihil ergo adquirere uolet orator ultra quam satis erit: ac ne pauper quidem tanquam mercedem accipiet, sed mutua beneuolentia utetur, cum sciet se tanto plus præstitisse, quia nec uenire hoc beneficium oportet, nec perire. Denique, ut gratus sit, ad eum magis pertinet, qui debet. Hæc Fabius: qui de ambitione, siue de inanis gloriæ cupiditate uitanda, hæc quæ su-

bii.

bijciam monuit: Ante omnia, ne quod plerisque accidit, ab utilitate eum causse, presentis cupido laudis abducatur; & quę apud ipsum sequuntur: ubi eos reprehendit, qui laudis aucupandę gratia, illud dicendi genus sequuntur, quod aures demulcet, non quod est causse accommodatum; & ex M. Antonij sententia artem dissimulandam docet; & concludendo, ait, Finem tamen hunc prestabit orator, ut uideatur optimam causam optime egisse. Illud certum erit, neminem peius agere, quam qui displicente causa placet: necesse est enim extra causam sit, quod placeat. Verum, ut leuitatis est inanem aucupari rumorem, et omnes umbras etiam falsę glorię consectari; sic levis est animi, ut Cicero ait, lucem, splendoremque fugientis, iustam gloriam, qui est fructus uerę uirtutis honestissimus, repudiare. Quoniam, ut idem scribit, Ex omnibus premijs uirtutis, si est habenda ratio premiorum, amplissimum est premium gloria: est hęc una, quę breuitatem uitę, posteritatis memoria consolatur: quę efficit, ut absentes adsimus, mortui uiuamus: hęc denique est cuius gradibus homines in celum uidentur ascendere. Et sane, qui honesta gloria non alitur animus, is nunquam aliquid preclarum aget, sed omnia frigide et remisse. Bonus itaque patronus, ut hunc locum concludam, lucri cupiditate, popularisque aurę captandę studio posthabito, ueram solidamque gloriam ex diligenti accurataque causarum tractatione natam, sibi proponat, sibi que cum aduersario, vel emulo honeste certandum putet,

In Pic.

Pro Mil.

ut Tullius cum Hortensio fecit. Qui, quanta cum contentione causæ a bono patrono agenda sint, & suo exemplo docuit, & aliquando his verbis exposuit, Si a uobis, indices deferar, tamen animo non deficiam, in Rosc. & id quod suscepi, quod potero perferam: quod si perferre non potero, opprimi me onere officij malo, quam id quod mihi cum fide impositum est, aut propter perfidiam abicere, aut propter infirmitatem animi deponere.

Decima positio, quod attinet ad modum susceptæ causæ tractandæ, hæc ex Fabij doctrina seruanda sunt. Primum, causa diligenter cognoscenda est, quod ut ipse ait, est orationis fundamentum. Contra hoc præceptum faciunt negligentes, quorum nihil refert, ubi litium cardo versetur: qui paullo ante quædicant, sibi causam cognitam fuisse ambitione quadam gloriari uolunt, quorum inanitatem perbelle describit Fabius: qui suos amicos, doceri iubent: qui solis libellis sunt contenti, & potius ab aduersarijs, quam ex clientibus discunt. Liberum igitur, ait citatus auctor, demus ante omnia ijs quorum negotium erit, tempus ac locum, exhortemurque ultro, ut omnia quamlibet uerbose, & unde uolent repetito tempore exponant. Non enim tam obest audire superuacua, quam ignorare necessaria. Nec tam sit actui memoria fiducia, ut scribere audita pigeat; nec semel audisse sit satis: cogendus eadem iterum ac saepius dicere litigator: non solum quia effugere aliqua prima expositione potuerunt, præsertim homi-

minem, quod sepe euenit, imperitum, sed etiam ut sciamus, an eadem dicat. Plurimum enim mentiuntur, & tanquam non doceant causam, sed agant, non ut cum patrono, sed ut cum iudice loquuntur. Quapropter nunquam satis credendum est, sed agitando omnibus modis, & turbando, & eundem. Nam, ut medicis non apparentia modo uitia curanda sunt, sed etiam inuenienda quæ latent, sepe eas ipsi qui sanandi sunt, occultantibus; ita aduocatus plura, quam ostenduntur, aspiciat. Nam, cum satis in audiendo patientiæ impenderit, in aliam rursus ei personam transeundum est, agendusq; aduersarius: proponendum quicquid omnino excogitari contra potest, quicquid recipit in eiusmodi disceptatione natura. Interrogandus quam manifestissime, ac promittendus. Nam dum omnia quærimus, aliquando ad uerum, ubi minime expectauimus, peruenimus. In summa, optimus est in dicendo patronus incredulus. Promittit enim litigator omnia, testem populum, paratissimas consignationes, ipsum denique aduersarium quædam non negaturum. Ideo necesse est uidere omne litis instrumentum: quod uidere non est satis; perlegendum erit. Nam frequentissime, aut non sunt omnino quæ promittebantur, aut minus continent: aut cum alio aliquo nocitura permista sunt: aut nimis sunt, & fidem hoc ipso detractura, quod non habent modum, & quæ apud Fabium sequuntur. Vbi tandem concludit, patrono, etiam iudicis personam induendam esse, ita ut fingat apud se causam

sam agi, & quod ipsum mouisset de eadem re pronunciaturum, id potissimum apud quemcunque agatur, existimet: & sic eum raro faller euentus; aut culpa iudicis erit. Deinde, ubi causa diligenter cognita fuerit, quæ dicturus est, non modo cogitata, sed etiam scripta habeat. Dicet, inquit Fabius, scripta quam res patietur plurima, & ut Demosthenes ait, si continget, & sculpta. Sed quoniam in causis agendis interdum subito respondendum est, per exercitationem paranda est facultas ad subito dicendum. Et cum in propositione & refutatione causa consistat, quæ nostræ partis sunt, scripta esse possunt; quæ etiam responsurum aduersarium certum est (est enim aliquando certum) pari cura refelluntur. Ad alia, vnum paratum asserere possumus, ut causam bene nouerimus: alterum ibi sumere, ut dicentem aduersarium diligenter audiamus. Postremo, omnia cum modestia dicat, & a maledicentia, quantum fieri potest, abstineat. Quare nihil extra rem obijciat, nisi id causa requiratur. Ea est enim prorsus canina, ut ait Apicius, eloquentia, censuram maledicendi subire: quod facientibus, etiam male audiendi præsumenda patientia est. Nam, & in ipsos fit impetus frequenter, qui egerunt, & certe patroni petulantiam litigator luit. Turpis uoluptas, & inhumana, & nulli audientium bono grata:

ta : a litigatoribus quidem frequenter exigitur, qui ultionem malunt, quam defensionem. Sed ne aia multa ad arbitrium eorum facienda sunt. Hoc quidem quis hominum liberi modo sanguinis sustineat, petulans esse ad alterius arbitrium. At qui etiam in aduocatos partis aduersæ libenter nonnulli inuehuntur : quod, nisi forte meruerunt, & inhumanum est respectu communium officiorum, & cum ipsi qui dicit inutile (nam idem iuris responsuris datur) tum causæ contrarium, quia plane & aduersarij fiunt, & inimici: & quantulumcunque his uirium est, contumelia augetur. Super omnia perit illa quæ plurimum oratori & auctoritatis & fidei affert, modestia, si a uiro bono in rabulam, latronemque conuertitur, compositus, non ad animum iudicis, sed ad stomachum litigatoris. Frequenter etiam species libertatis deducere ad temeritatem solet, non caussis modo, sed ipsis quoque qui dixerunt, periculosam. Nec immerito Pericles solebat optare, ne quod sibi uerbum in mentem veniret, quod populus offenderet. Sed quod ille de populo, id ego, ait Fabius, de omnibus sentio, qui tantundem possunt nocere. Nam, quæ fortia dum dicuntur, uidebantur, stulta cum læserunt, uocantur.

Vndecima positio, quoniam Orator non solum scientia constat, quæ augetur annis, sed & uoce, & laterum firmitate, quibus fractis,

aut imminutis ætate, seu ualetudine, cauendum est, ne quid in oratore summo desideretur, ne interstiat defatigatus, ne quæ dicet, parum audiri sentiat, ne se, ut Fabius loquitur, quærat prior em, ideo, ubi cum suo officio optime in senatu, in concione, foro ue functus fuerit, finem faciet, non quia prodesse unquam satis sit, sed quia decet hoc etiam prospicere, ne quid peius quam fecerit, faciat. Probat hoc, citatus auctor, exemplo Domitij Afri, qui cum prius regnasset in foro, factus senes, quotidie aliquid ex ea quam meruerat auctoritate perdebat, ita ut alij eum riderent, alij erubescerent: quæ occasio illis fuit dicendi, Male eum deficere, quam desinere. Neque erant illa qualiacunque mala, sed minora. Quare antequam in has ætatis ueniat insidias, receptui canet, & in portum integra naue perueniat.

Duodecima positio, orator dicendi munere posito, ne inutilis uiuat, aut posteris rerum monumenta tradet, aut eloquentiæ artem componet, aut pulcherrimis vitæ præceptis dignum os dabit, ut monet Fabius. Frequentabant uero eius domum optimi iuuenes, more ueterum, & ueram dicendi uiam, ueluti ex oraculo petent. Hos ille formabit quasi eloquentiæ parens, & ut uetus gubernator, litora & portus, & quæ tempestatum signa, quid secundis flatibus, quid aduersis ratis poseat, docebit: non humanitatis solum communi ductus offi-

Lib. 12.
c. 11.

officio, sed amore quædam operis: Nemo enim minui velit id, in quo maximus fuit. Quid porro est honestius, quam docere quod optime scias? Sic ad se Cælium deductum a patre Cicero proficitur: sic Pansam, Hirtium, Dolabellam in morem præceptoris exercuit, quotidie dicens, audiensque.

Atque hæc sunt, quæ in hac disputatione breuiter colligenda potius, quam scribenda duxi; cum longe plura, & fortasse meliora, aut accuratius explicata afferre potuissem, si hac in parte longior esse uoluissim; cum non me lateat, quot quantaque de oratoris, siue aduocati officio scribi potuissent. Et cum hætenus de tribus primis, ac priuatis oratoris muneribus satis abunde scripserim, huic operi finem facere possem, faceremque, nisi ad omnia, quæ hætenus de rhetoricis scripsimus absoluenda, duo alia oratoris officia, quæ sunt meminisse & agere, mihi explicanda restarent: de quibus, cum nolim duo integra opera seorsim consicere, ideo huic de oratoris officio opusculo, quæ de memoria & actione scribenda esse iudicavi, adijcere uolui.

Quare, cum, ut quidam scribunt, quinque sint oratoris munera, inuenire, disponere, eloqui, meminisse, et agere, quorum primum confert ad docendum, secundum ad delectandum, tertium ad mouendum, de quibus tribus primis libris, & in alijs operibus abunde scripsimus, restat ut de memoria, & pronuntiatione,

ne aliquid dicamus, quod duobus consequentibus
libris faciemus. Et primum quidem de actio-
ne, eam ob causam, quod magis ad
eloquentiæ naturam ac finem per-
tinere videatur. Ut igitur
quod restat, absolu-
mus, sit huic li-
bro finis.

Libri Tertij finis.



DE OFFICIO ORATORIS LIBER III.

In quo de actione agitur.

Quanta sit actionis utilitas atque necessitas.
Disp. 1.



TS I in altero de Arte dicendi libro
ea de pronuntiatione scripsi, quæ ad
eius naturam ac vim cognoscendam
necessaria esse videntur: tamen, cum
tanta sit huiusce eloquentiæ partis necessitas, ma-
gna cum difficultate coniuncta; ut a quibusdam ob
necessitatem prima bene dicendi pars existimata,
& ob difficultatem a multis, vel silentio præteri-
ta, uel leuiter tacta fuerit; integrum librum, paul-
lo subtilius atque fusius de ea agendo, mihi conficien-
dum esse existimaui.

Verum, in eo huius operis confectio mihi erit ex-
peditior, quod nihil hac in parte sit necesse ulla du-
bitandi rationes in medium asferre; cum nullæ, aut
paucæ, & minoris momenti in hac tractatione oc-
currant dubitationes, auctorumq; variæ sententiæ:
uerum, si quæ difficultates, opiniones ue incident,
eas obiter breuiterq; attingemus.

Quod igitur nobis faciendum uidetur, illud est,

R. vt

Lib. de
arte di-
cen.

ut rem paullo obscuriorem, & implicatiorem plane distincteq; exponamus. Id autem fiet, si de nostro more, quæ dicenda sunt, ad disputationes, capitaque, & positiones reuocabimus. Supponimus autem hoc loco, quod alibi docuimus, agere de Actione munus esse Rhetoris, eamque esse unam e quinque Rhetoricæ partibus. Et quamuis loco citato de Pronuntiationis natura & partibus scripserim: tamen hic etiam nonnulla, præsertim de actionis partibus, quas priuatim exponam, mihi dicenda sunt. Rem igitur aggrediendo, quæ hac prima disputatione dicenda occurrunt, sequentibus positionibus complectar.

Auct.
Her.

Prima positio, pronuntiationis, siue actionis explicatio non est facilis. Hanc positionem in eum finem statuo, ut Lectores me excusatum habeant, ni omnino perspicue, quæ de suscepta materia dicenda sunt, explicauero. Rem esse explicatu difficilem, illud in primis demonstrat, quod artificiosè pronuntiandi ratio, Aristotelis temporibus, nondum fuerat tractata. Deinde, quoniam pauci exi-
titerunt, uel certe extant, qui de ea accuratius scripserint; & qui scripserunt, uel pauca, uel non satis distincte huius artis præcepta tradiderunt. Scripsit pauca quædam ad finem tertij sermonis de oratore M. Tullius: totidem fere, sed parum bene, auctor

Lib. 3.
rhet. c. 1.

Lib. 1.
cap. 11.
lib. 11.
cap. 3.

Herennianus: his paullo accuratius, & copiosius, sed non omnino perspicue, Quintilianus: a quo quædam posteriores dixere, omnia fere acceperunt. Postremo,

mo, quoniam nemo, ut arbitror, diceret, varias vocis, uultus, gestusque formas scriptura facile explicari posse.

Concludam itaque, & cum Hereniano auctore dicam, Non sum nescius, quantum susceperim negotij, qui motus corporis exprimere verbis, & imitari scriptura conatus sim uoces. Verum nec hoc confisus sum posse fieri, ut de his rebus satis commode scribi posset: nec, si id fieri non posset, hoc, quod feci, fore inutile putabam: propterea quod hic admonere uoluimus, quod oporteret, reliqua trademus exercitationi. Hoc tamen scire oportet, pronuntiationem bonam id perficere, ut res ex animo geri videatur. Item, Quare, quia nemo de eare diligenter scripsit (nam omnes vix posse putarunt de uoce, uultu, gestu dilucide scribi, cum hæ res ad sensus nostros pertinerent) & quia magnopere ea pars a nobis ad dicendum comparanda est, non negligenter uidetur tota res consideranda. Et M. Tullius cum difficultatem artis dicendi demonstraret, de actione ita scripsit, Nam quid ego de actione ipsa plura dicam? quæ motu corporis, quæ gestu, quæ uultu, quæ uocis conformatione, ac uarietate moderanda est. Quæ sola per se ipsa quanta sit, histionum leuis ars, & scena declarat. In qua cum omnes in oris, & uocis, & motus moderatione laborant, quis ignorat, quam pauci sint, fuerintque, quos animo æquo spectare possimus.

Secunda positio, recta pronuntiandi ratio est

Oratori maxime utilis, & necessaria; ita ut in Oratorum numerum uenire minime possit, qui hac eloquentiæ parte non fuerit excultus. Hoc affirmauerim contra quosdam, qui, vel naturalem pronuntiationem rationem sufficere, uel artificiosam non magni faciendam esse existimarunt.

Lib. 3.

Hanc positionem primum quibusdam auctoritatibus confirmabo: Herennianus auctor, cum hac de re uerba faceret, hæc scripta nobis reliquit, Nos, quid unum de quinque rebus plurimum prosit, non facile dixerimus: nec egregie magnam esse utilitatē in pronuntiatione sola audacter confirmauerimus. Nā commodæ inuentiones, & concinna uerborum eloquutiones, et partiū causæ artificiosæ dispositiones, & horum omnium diligens memoria sine pronuntiatione, non plus, quam sine his rebus pronuntiatione sola ualere poterit.

Lib. 3.

M. Tullius, cum de eo quod decet disputasset, hæc uerba subiecit, sed hac ipsa omnia perinde sunt, ut aguntur. Actio inquam una in agendo dominatur. Sine hac sumus orator esse in numero nullo potest, medioeris hac instructus summos sæpe superare. Et alio loco, Neque enim refert, inquit, uidere, quid dicendum sit, nisi id queas solute & suauiter dicere: ne id quidem satis est, nisi id quod dicitur, sit uoce, vultu, motuq; conditum.

Cic. in
Brut. &
3. orat.

Accedat grauissima summi oratoris sententia, Demosthenis inquam, qui interrogatus, quid esset in dicendo primum? actionem: quid secundum?

idem,

Idem, & idem tertium respondit. Huic itaque primas, huic secundas, huic uni parti tertijs summus dedit Orator. Is quantum in agendo potuerit, eius amulus confessus est Aeschines. Nam, cum apud Rhodios Demosthenis orationem, quam contra Ctesiphontem dixerat, suauissima & maxima voce legisset, admirantibus omnibus, Quantum, inquit, magis admiraremini, si audissetis ipsum?

Cic. li. 3.
orat.

Equidem, inquit Fabius, vel mediocre orationem commendatam viribus actionis, affirmauerim plus habituram esse momenti, quam optimam eadem illa destitutam. Nec piget hoc in loco pulcherrimam huc pertinentem Diui Bernardi adscribere sententiam, qui quodam in loco, ita scribit, Sollet acceptior esse sermo uiuus, quam scriptus, & efficacior lingua, quam litera: nec tam officium ex primit scribens digitus, quam uultus. Non tam enim quid dicas, aut quibus uerbis dicas, quam quo vultu & actione dicas, attendere homines solent. Est enim pronuntiatio velut externa orationis forma, quæ tales in auditorum animis motus & affectus ingenerat, quales dicentis vox uultus, et gestus præ se ferunt. Deinde, eandem positionem confirmare licet, ex nonnullis utilitatibus quas recta pronuntiatio secum affert.

Epist. 66

Prima, actio, uultus, gestusque ad animi sensa exprimenda conferunt: ut patet in ijs, qui cum uoce destituuntur, nutibus pro uoce utuntur. Immo quædam sunt, quæ sine gestu exprimi non pos-

sunt; ut ironia, sarcasmi, & affectus fere omnes; ita ut qui sine gestu loquitur, aliter sentire, quam dicit saepe videatur: Ut, si quis de homine malo, cuius malitia esset ignota, sine gestu diceret, Bonus ille vir. Laudat M. Tullius mirifice M. Calidij eloquentiam, qui non fuit orator vnus e multis, sed potius inter multos prope singularis; cui tamen cum sine motu, sine gestu causam suam, leniter egisset, dictum fuit, Tu istuc M. Calidi, nisi fingeres, sic ageres? praesertim cum ista eloquentia alienorum hominum pericula defendere acerrime soleas, tuum negligeres? Vides ut actionis ratio veritatem tollit? Quam non solum demonstrat, sed mirum in modum amplificat. Valet itaque ad explicandum, & ad fidem faciendam mirum in modum bona pronuntiandi ratio: ut cum Fabio concludere liceat, Quare, neque probatio ulla qua modo uenit ab oratore, tam firma est, ut non perdat vires suas, nisi adiungetur assuetudine dicentis.

Secunda, confert mirum in modum ad delectandum, quod, nisi inurbanus, rusticus, & agrestis negaret nemo: cum duos praestantissimos sensus, aures & oculos, suavis elegans & decora afficiat pronuntiatio: non secus ac lumen & harmonia eosdem afficere solent: cum, ut Tullius aliquando scripsit, in pronuntiatione cantus quidam lateat, et actio sit ueluti quoddam eloquentiae lumen.

Tertia, confert priuata quadam ratione ad mouendum, cum sine motu pronuntiata oratio mouere nullo

In Brut.

In orat.

De orat.
per.

nullo modo possit. *Affectus omnes, inquit Fabius, languescant necesse est, nisi voce, vultu, totius prope habitu corporis inardescant. Et Cicero, Aetio* Lib. 3.
quæ præ se motum animi fert, omnes mouet: is- orat.
dem enim omnium animi motibus concitantur, & eos iisdem notis, & in alijs agnoscunt, & in se ipsi indicant. Neque enim tam referi qualia sint quæ intra nosmetipsos composuimus, quam quo modo efferrantur: nam ita quisque ut audit, mouetur. Fab.

Præterea, enuntiata sine pronuntiationis modo oratio, est ueluti imago quædam immobilis, tenebris circumdata: accedente actionis lumine & spiritu, undique collucet, & quasi in vitam renocata, seipsam & alios mouet, resque quarum uicem gerit, in lucem profert, oculisque subiicit.

Oratio sine actione, est lucerna sine luce, corpus sine animo, rudis pictura sine coloribus, cibus sine sale, nuntius sine spiritu & motu: quæ fidem non facit, sed abrogat: non delectat, sed tristitia afficit: non mouet, non inflammat, sed somnum & torporem adducit: Vt melior sit infantia cum gestu, quam Cic. in
eloquentia, etiam maxima, sine actionis uita. orat.
doquidem & infantes, actionis dignitate, eloquentiæ fructum sæpe tulerunt: & disertis deformitate agendi multi infantes putati sunt. Quare, si eloquentia nulla sine hac, hæc autem sine eloquentia tanta est, certe plurimum in dicendo poterit.

Iam vero, ex oratione, seu ex verbis rebus uocibus significatis, & ex ipsa pronuntiandi forma

fieri debet veluti quoddam perfectum corpus; quare ista inter se coherere oportet: quod sine certa actionis doctrina & forma nullo modo fieri poterit. Et hercle, ait Fabius, cum ualeant multum uerba per se, & uox propriam uim adijciat rebus, & gestus, motusque significant aliquid; profecto perfectum quiddam fieri, cum omnia coierint, necesse est. Contra uero, si ista inter se dissentient, monstrum portentosum fieri necesse est: quod quale sit ob oculos ut potero, tibi proponam.

Res sit grauis, sed actio rustica; illa leta, hæc tristis: illa uelox, hæc tarda: illa aspera, hæc lenis: illa humilis, hæc elata: attollat oculos, qui deprimere, contrahat brachia, qui extendere, moueat se is, qui stare, clamat qui summisse loqui, indignetur qui suppliciter petere debet, & denique Orator, quasi esset in scena, Comædum agat. Quis aures? quis oculos ita patientes habeat, ut sine nausea tale monstrum audiat, & uideat? Hominem, inquam, ore auerso, collo obtorto, humeris imparibus, brachijs fluentibus, manibus contractis, tibijs inæqualibus, toto denique corpore nutantem, uestemque humeris delapsam trahentem.

Contra uero quid iucundius exaudiri potest, quam humana uox uarie commutata, uarijsque flexibus corrugata? quæ una cum iucundissimo sono graues in aures infert sententias: & quid iucundius spectari, quam elegans oris, uultus, totiusque corporis gestu in uarias quasi formas & aspectus scitissimos com-

mutatus? Placeat alijs ingratisſima cuculli monotonia, nobis vero iucundiſſimus luſcinia cantus: placeat alijs ranarum clamor, nobis uero cygnea quædam uox: placeant alijs alicuius ridiculoſæ ſiniæ geſticulationes, nobis uero Roſciana quædam actio. Quæ ſi non eſſet in bono oratore neceſſaria, cur Demotheſenes ſe agētem in ſpeculo inſpiciebat? cur calculus in os iniectis pronunciandi difficultatem uincere conabatur? cur ne corpus nimium agitaſſet, in anguſto ſuggeſſu haſta hincinde, imminēte, ut illius offenſione commoneretur, dicebat? cur M. Tullius Hortenſium & Roſcium diligenter obſeruabat, ut ſuam pronuntiationem auget, faceretque meliorē? Cur denique Aefopus & Roſcius hiſtriones geſtus moderationem ab eodem Hortenſio petiuerunt?

Fab. li. m.
c. 3.

Denique, ut hunc locū concludam, an actio plurimū in dicendo ualeat, documēto ſunt, ut ait Fabius, ſcenici actores, qui & optimis poetarū tantum adiuciant grauitatis, ut nos infinite magis eadem illa audita, quam lecta delectent, et uiliſſimis etiā quibuſdā impetrēt aures: ut quibus nullus eſt in bibliothecis locus, ſit etiā frequens in theatris. Quod ſi in rebus quas fictas eſſe ſcimus & inanes, tantū pronuntiatione poteſt, ut iram, lacrymas, ſolicitudinem afferat, quanto plus ualeat neceſſe eſt, ubi et credimus? Equidem, uel mediocrem orationem commendatam uiribus actionis, affirmauerim plus habituram eſſe momenti, quam optima eadem illa deſtituta.

Lib. x.
c. 3.

Hæc ideo a me latius diſputata ſunt, quod multi hæc eloquen-

eloquentiæ partem, quasi sit homine erudito, atq; religioso indigna, negligunt, & potius illam rudem, qualem animi cuiusque impetus tulit, approbant, fortioremque putant. Sed non alij fere, ut cum Fabio loquar, quam qui etiam in dicendo curam, & artem, & nitorem, & quidquid studio paratur, ut affectata & parum naturalia, solent improbare, uel qui uerborum, atque ipsius etiam soni rusticitate, ut L. Cottam dicit Cicero fecisse, imitationem anti-quitatis affectant: uel etiam, ut existimo, illi, qui tum laborem fugiant, hac minus probabili ratione, suam ignauiam tueri uolunt: qui, cum ab his ob doctrinæ copiam, atque orationis eloquentiam in bonis oratoribus haberi possent, actionis dignitate contempta, nec a uulgo quidem libenter audiuntur.

In Brut.

Quanto melius P. Lentulus, qui cæterarum uirtutum dicendi mediocritatem, ut Cicero refert, actione occultauit, in qua excellens fuit. Demonstrata itaque recte agendi utilitate, atque necessitate, quo pacto hic dicendi splendor, hæc uenustas accedat, aperiāmus.

Tertia positio, causæ efficientes pronuntiationis sunt quattuor; natura, ars exercitatio, imitatio.

Natura dat instrumenta uocis & actionis: uocis instrumenta hæc sunt Lingua, quæ labiorum, dentium, palatiq; adminiculo uocem secat & moderatur, directionem efformat: arteria, quæ est uocis uia: pulmo, qui est receptaculum inspirati aeris: fortia denique latera, & totius corporis firmitudo. Actionis

instrua

instrumenta naturalia, sunt caput, uultus, manus, & quædã totius corporis conformatio: de hac causa, ita scribit Fabius, In hoc igitur non contumaciter consentio, primas partes esse naturæ. Nam certe bene pronuntiare non poterit, cui aut in scriptis memoria, aut in ijs quæ subita dicenda sunt facilitas prompta defuerint: nec si inemendabilia oris incommoda obstabunt: corporis etiam potest esse aliqua tanta deformitas, ut nulla arte uincatur. Sed, nec uox quidem nisi liberalis, actionem habere optimam potest. Lib. x:
c. 3.

Ars est præceptionum ipsarum de pronuntiatione collectio, quibus vox & gestus corporis diriguntur, & quod in natura erat boni, perficitur, & si quid erat vitij, emendatur.

Exercitatio, est præceptionum de pronuntiatione ad usum accommodatio: quæ vocem, actionemque priuata, uel publica declamatione auget. Quæ autem ratione exercitatio fieri debeat, postea dicetur.

Imitatio est, qua quos uidemus, uel audimus præclare vocem & actionem moderari, cum studio æmulamur. Hæ igitur sunt pronuntiationis efficientes causæ: materia, voces gestusque: forma, modus, & temperatio quædam vocis, & gestus: finis, ut eo modo loquamur, quem nos ipsa natura optima hac in re magistra docuit. Is itaque est pronuntiationis scopus, ut naturalem pronuntiationem exprimamus, non ut aliquam aliam enuntiandi formam, ut aliqui putant, indagemus; sed ut eam formam

mam assequamur, quæ a naturali & genuina pronuntiatione nihil abhorreat. At diceret hac loco quispiam, si naturalem pronuntiandi rationem sequi debemus, quid opus est pronuntiandi, agendique artificio? facilis est responsio, quam alibi attulimus, ideo nunc omittimus.

Quid sit pronuntiatio, & quæ eius partes.

Disput. 2.

HABET quidem certe recta pronuntiandi agendique ratio fundamentum in natura magnum: sed cum nihil sit in nobis a natura omni ex parte perfectum, aliqua ars atque exercitatio, quæ id, quod natura dedit perficiat, atque expoliat, necessaria est. Quo fit, ut nulla ratione negligendæ sint, quæ de pronuntiatione dantur præcepta, quamvis alias leuia & parvi momenti esse uideantur: cum etiã leuissimus in agendo error, totam sæpe, aliqui bonâ, fædet orationem, totiusq; dictionis fructû interdum auferat. Et quoniam quæ ad recte agendi doctrinam pertinent, plane explicari nequeunt, nisi uariæ actionis partes perspectæ fuerint; ideo in hac disputatione eas exponere conabimur, ut de singulis varias admonitiones tradere possimus. De re igitur proposita ita statuo.

Prima positio, Pronuntiatio est uocis, uultus, & gestus, pro rerum, & affectuum, & coniunctorum sim-

simpliciumq; uerborum natura ac varietate modulatione cum uenustate. Vox ad auditū pertinet, ac proinde pronuntiatio uocatur: gestus uero ad aspectum refertur, ex quo actio nominatur: Cicero aliquando corporis eloquentiam appellauit. Sed cū de actionis definitione plura alibi auxerim, ad diuisionē accedo.

Secunda positio, pronuntiationis uniuerse sumptæ duæ sunt species: una naturalis, altera artificiosa. Naturalis pronuntiatio est facultas quædā a natura tributa, qua animi sensa, affectusq; certo quodam modo efferruntur: Quæ, pro instrumentorum ratione, varia ac diuersa est in diuersis, melior, peiorue: ex cuius notatione nata est agēdi forma artificiosa; quæ quid sit paullo ante docuimus. Artificiosa iterū duplex, altera oratoria, qua oratores utuntur: altera scenica, qua comēdi: quæ qua ratione differant, lib. 2. de arte dicendi late docuimus: qui locus consulendus erit. Nos nihil de scenica, quæ oratori uitanda est, sed de oratoria dicturi sumus.

Atqui obijciat hoc loco quispiā; M. Tullius suā Lib. 1.
actionē pfecit imitando Rosciū: idēq; dixit, In orato orat.
re tragedorū uocē gestusq; pene summorū actorū esse
requirēdos: igitur scenica actio cognoscēda erit. Hæc
obiectionē facile refelleres dicēdo, Cic. ab Roscio ea
sumpsisse, q̄ sunt oratori cum Comēdo cōia: uel illius
actionē, detractis scenicis motibus, ad suam accōmo-
dasse. Quādo ait, requiri gestus pene sūmorū actorū,
id q̄ nos docemus, affirmat. Ideo aliquādo dixit, opus
esse oratori Roscij gestum, & uenustatem; & tamen
neminem

neminem suaserum studiosis dicendi adolescentibus
in gestu discendo histionum more laborare.

In Brut.
Ibid.

Streb.

Tertia positio, partes in quas tota actionis vis
distribuitur, sunt vox, & motus; quibus duabus par-
tibus omnes nostros demonstramus, & aliorum per-
cipimus sensus animiq; motus. Diuisio est manife-
sta, qua omnes qui de actione scribunt, utuntur; ut
præter alios Cicero; qui aliquando tres fecit par-
tes, vocem, vultum, motumque, quibus omnia quæ
dicuntur debent esse condita: alij quattuor, Vocem,
spiritum, gestum, linguæque motum. Nos prius de
uoce agemus, ubi de spiritu, & de linguæ motu, quæ
observatione digna sunt, trademus; postea de actio-
ne disputabimus.

Idem

Quarta positio, in uocis explicatione duo spectā-
da sunt, eius natura, & usus. Quod attinet ad na-
turam, non est nostrum hoc loco subtilius & accu-
ratius docere, quæ sit uocis vis, quæ causæ, sed so-
lum ea attingemus, quæ proxime ad præsens insti-
tutum pertinent: sunt autem duo, quantitas, &
qualitas.

Fab.

Iliad. 5.

Quinta positio, vox ratione quantitatis diuidi-
tur in magnam, parvam, & mediam. Vox magna
est, quæ alte edita longe lateq; exaudiri potest.
Magnam uocem tribuit Tullius Aeschini, & is De-
mostheni, ut Homerus Stentori, cuius tantus fuit
vocis sonitus, quantus aliorum quinquaginta; unde
uox magna alio epitheto, stentoria nominatur.
Huc pertinet illud Eliæ ad Baalis prophetas, Clamare

mate uoce maiore: Deus enim est, & forsitan loqui
 tur, aut dormit, ut excitetur. Vox parua est vox
 summissa, quæ longius, latiusque exaudiri nequit.
 Media uero vox, est inter grandem & paruum mo-
 deratus sonus. Has uocis differentias facile quisq;
 in quouis obseruaret.

Sexta positio, vox ratione qualitatis in uarias
 diuiditur formas: est enim qualitas, ut Fabius ait,
 magis uaria; & eo magis, si eas qualitates specte-
 mus, quæ ex motu linguæ & spiritus oriuntur. Un-
 de alia dicitur uox bona, alia mala: alia clara, alia
 obscura: alia suavis, alia insuavis. Quæ autem
 qualitates ad nostrum institutum pertinent, eas in-
 fra numerabimus, & exponemus.

Septima positio, ratione tonorum qui sunt tres,
 grauis, acutus, & circumflexus, uox in grauem, me-
 diam, & acutam diuiditur: Unde triplex uocis usus,
 grauis, acutus, & medius. Tonus pro diuersitate re-
 rum in quibus reperitur, in quattuor diuiditur par-
 tes; in tonum orationis, dictionis, syllabarum, &
 literarum. Potest etiam diuidi ratione partium
 orationis, quod alius sit exordij, alius narrationis,
 & alius aliarum; de quibus singulis postea suo lo-
 co ageatur.

Octaua positio, uocis uirtutes, ut Fabio placet,
 quattuor numerantur, emendata, dilucida, ornata,
 & apta. Non alia est autem, ratio pronuntiationis,
 ut ipse ait, quam ipsius orationis. Nam, ut illa e-
 mendata, dilucida, ornata, & apta esse debet; ita hæc

quo-

quoque emendata erit, si vitio carebit, si fuerit os facile, planatum, iucundum, urbanum, in quo nulla, neque rusticitas, neque peregrinitas resonet.

Dicetur itaque pronuntiatio emendata, cum omni vitio vacat: si absurda, rudis, immanis, dura, rigida, varia, præpinguis aut tenuis, inanis, acerba, pusilla, mollis, et effæminata non erit: spiritus nec brevis, nec parum durabilis, nec in receptu difficilis: & gestus motusque corporis ab omni vitio aberit; ita ut sine ullo errore omnes moveantur partes.

Erit pronuntiatio dilucida, si clara, si canora, articulata, expressa, non uelox, non tarda: si syllabæ & literæ recte exprimentur, nec dicendo numerabuntur: si distinctionum habebitur ratio: si pro ratione punctorum magis minusque quiescet, & clare terminabitur: si facile & sine labore dicetur: si spiritus suis locis, antequam vox deficiat, sumetur.

Erit ornata, si facilis, si firma, grauis, acuta, temperata, concitata, sedata, & pro rerum uarietate formisque expressa: si suauius, non tamen effæminata & mollis, sed uirilis, & grauis: si non nimis effusa, aut compressa, uel ui expressa: si initia, progressus, & terminos habebit idoneos: si denique quadam grata concinnitate auditorum aures permulcebit, & quasi titillatione afficiet.

Postremo, pronuntiatio erit apta, si pro rerum, sententiarum, uerborumque uarietate fuerit distincta: si se in uarias formas flexusque conuertet, ut motus animi exprimat, & in animos influat: si affe-

ctibus

Etibus consentiet : si non dissipata, sed colligata, & quasi uincta fuerit : si non uno semper tenore, & cursu fluat : si denique grandia acriter mediocria leniter, & humilia remisse dicentur. Atque hæc summam ex longo Fabij sermone de his quattuor uirtutibus colligere uolui : quæ in reliqua tractatione enucleatius explicanda sunt. His adscribere placet, quæ de pronuntiationis diuisione auctor scripsit Herennianus.

Diuiditur, inquit pronuntiatio in uocis figuram, & corporis motum. Figura uocis est, quæ suum quendam possidet habitum, ratione & industria comparatum. Ea diuiditur in tres partes, in magnitudinem, firmitudinem, mollitudinem. Magnitudinem uocis maxime comparat natura : non nihil hanc auget, sed maxime cura conseruat. Firmitudinem uocis maxime natura comparat, nonnihil eam auget & maxime conseruat exercitatio declamationis. Mollitudinem uocis, hoc est, ut eam torquere in dicendo pro nostro commodo possimus, maxime facit exercitatio declamationis : qua propter de magnitudine uocis, & firmitudinis parte, quoniam altera natura, altera cura comparatur, nihil ad nos attinet commonere, nisi ut ab ijs, qui non inscij sunt, eius artificij ratio curandæ uocis petatur. De ea parte firmitudinis quæ conseruatur ratione declamationis, & de mollitudine uocis, quæ maxime necessaria est Oratori, quoniã ea quoq; moderatione declamationis cõparatur, dicendũ uidetur.

Ad uocis itaque firmitudinem conseruandam, & ad suauem pronuntiationem habendam ex eodem auctore, hæc quattuor conferunt: sedata uox in principio: quæ efficit ne ledantur arteriæ, antequam leni uoce permulsæ sint: & quid insuauius, quam clamor in exordio causæ? Interuallorum consuetudo; recreatur enim uox spiritu, & arteriæ reticendo quiescunt: sententiæ concinniores redduntur, & auditori spatium cogitandi relinquunt. Continui clamoris remissio, & ad sermonem transitio: commutationes enim faciunt, ut in omni uoce integri simus: quæ uarietas auditorem delectat, dum sermone animum eius retinet, & clamore exuscitat. Exclamationum acutæ uocis uitatio: ictus enim fit, & uulnerantur arteriæ: & si quis splendor est uocis consumitur clamore uniuersus; unde & auditor leditur: habet enim quid illiberale, & muliebre a virili dignitate alienum uociferatio. Quibus fit, ut in extrema oratione multa uno spiritu continenter dici possint: fauces enim calefiunt, & arteriæ complentur, & uox quæ uariæ tractata est, reducitur in quendam sonum æquabilem atque constantem; ac proinde auditoris animum in totius causæ conclusione uehementissime calefacit. Quare, quod firmitudinem conseruat, nostræ uoci prodest, & auditoris uoluptate ob suauitudinem probatur.

Mollitudinem postea subdiuit in sermonem, qui est oratio remissa, quotidiana loquutioni finitima:

in contentionem, quæ est oratio acris, & ad confirmandum, & confutandum accommodata: & in amplificationem, quæ est oratio, quæ aut ad iracundiam inducit, aut ad misericordiam trahit animum auditoris. Sermonem subdiuidit, in dignitatem quæ est oratio cum aliqua grauitate, & uocis remissione: in demonstrationem, quæ docet remissa uoce, quo modo aliquid fieri potuerit, uel non potuerit: in narrationem, quæ est rerum gestarum expositio: & in iocationem, quæ ex aliquare liberalem risum potest comparare. Contentionem item in continuationem, quæ est orationis pronuntiandæ acceleratio clamorosa: in distributionem, quæ est in contentione oratio frequens, cum variis & breuibus interuallis, acri uociferatione. Amplificationem, in cohortationem, qua aliquod peccatum amplificamus, aut auditorem ad iracundiam adducimus, & conqueſtionem, quæ incommodorum amplificatione animum auditoris ad misericordiam perducit. Docet postea citatus auctor, quonam pacto hæ orationis formæ pronuntiandæ sint: qua de re nos infra agemus.



CVM omnis animi motus, ut sapienter scriptum reliquit Cicero, suum quendam anatura habeat uultum, sonum, & gestum; totumque corpus hominis, ut eius omnis uultus, omnesque uoces, ut nerui in fidibus, ita sonent, ut a motu animi quoque sunt pulsæ; nam uoces, ut chordæ sunt intentæ, quæ ad quemque tractum respondent, acuta, grauis, cita, tarda, magna, & parua; profecto congruenter suauiterque pronuntiare uolenti, quædam uocum genera cognoscenda erunt; quæ varie numerari, & explicari solent. Nos ea attingemus, quæ sunt ad usum magis accommodata.

Prima positio, uocum genera ex eius accidentibus sumpta, & huic tractationi accommodata, sunt fere ista, quæ seorsim numerabo & explicabo.

Vox lenis, quæ molli quodam, & dulci sono cadit in aures, qua hæc sententia efferenda esset,

Huc adsis formosæ puer: tibi lilia plenis

Ecce ferunt Nymphæ calathis: tibi candida Nais

Pallentes violas, &c.

Huic contraria est uox aspera, quæ offendit, sicuti illa delectat: mouet tamen & territat, ut in iracundia, & indignatione contingit: qua in hac sententia efferenda utendum esset,

Non tu in triuijs indocte solebas,

Stridentî

Virg.
æclo. 2.

Virg.
æclo. 3.

Stridenti miserum stipula disperdere carmen?

Continens, quæ continenti spiritu effertur, quæ non interspirat, nec usquam interrumpitur, sed continuo motu fertur: quæ hanc sententiam proferres:

Mille trahens varios aduerso sole colores.

Aen. 4.

Huic contraria est vox intercisa, spiritu intermisso prolata: quæ hanc sententiam pronuntiaret:

Ab Corydon, Corydon, quæ te dementia cepit?

Tarda, quæ singulas non modo dictiones, sed etiam syllabas & literas ponderat; moratur, & non præcipitat: & fortasse est eadem cum illa, quam aliqui fusam uocant: quæ hanc sententiam pronuntiaret,

An Deus immensi venias maris, & tua nautæ

Geor. 1.

Numina sacra colant.

Huic contraria est uelox, celer, siue contracta, qualem in huius sententiæ pronuntiatione adhiberes,

Et fugit ad salices, & se cupit ante uideri.

Vir. ecl. 3

Vox sedata, quæ tranquille pacateq; ingreditur, & nullum præbet affecti animi indicium, qualis in hac sententia efferenda esse deberet,

Vrbs antiqua fuit, Tyrû tenuere coloni

*Virg.
Aen. li. 1*

Carthago: Italiam contra Tyberinaq; longe

Ostia, diues, opum, studijsq; asperrima belli.

Huic contraria est vox vehemens, concitata, affectuum plena, qualem in horum uerborum prolatione animaduertes:

Nec tibi diua parës, generis, nec Dardanus auctor,

Vir. li. 4.

Perfide: sed duris genuit te cantibus horrens

Aen.

Caucasus, Hyrcanq; admorunt ubera tigres,
Nam quid dissimulo? aut quę me ad maiora
reservo?

Num fletui ingemuit nostro? nū lumina flexit?

Vox Clamosa, sonans, quę ex dilatatis, faucibus
pleno spiritu foras exit, quę omnem titubationem,
& timorem tollit: huic contraria est vox fusca:
alię gracile ac turgidum hoc uocis genus uocarent.

Vir. li. i. Plena & turgida uoce hęc verba pronuntiarentur,
Aen.

At ego quę diuum incedo regina, Iouisq;
Et soror, & coniux.

Vox Clara, quę aperte in aures intonat, obscura
contra: illa utuntur qui intelligi uolunt, hac, qui
nolunt.

Vox expressa, seu explanata, quę verba, lite-
rasque suo proprio sono plene ac distincte expri-
mit: quę incipit, & suspendit, & deponit spiri-
tum ubi oportet: cui contraria est non expressa, non
explicata.

Vox mollis, flexibilis, qua sonum pro rerum,
& affectuum, figurarumque natura & qualitate,
aut suo equabili modo & tenore conseruat, aut ue-
hementer extollit, aut suauiter flectit: cui contra-
ria est vox Dura, quę non facile, prout oportet, in-
flectitur.

Vox firma & constans, & in sua dignitate
permanens, quę neque languida, neque rauca esse
uidetur: qualis erit, si ea seruabuntur, quę auctor
Herennianus seruanda docet: si a principio fuerit
seda-

sedata, quæ tamen audiatur: tarda, non præcept: si respiret in colis, &c. Infirma, contra. De graui, media, & acuta supra diximus, quæ ex tonorum uarietate exoritur.

Atque ex his intelligere licet, quæ sit uox apta, quæ inepta: apta ea dicitur, quæ rebus, personis, affectibus, & verbis simplicibus, atque coniunctis est accommodata: inepta contra.

Hæc omnia fere uocum genera enumerauit Tullius in tertio de oratore sermone; ubi cum de acuta, graui, cita, tarda, & magna, inter quæ in omni genere est uox mediocris, mentionem fecisset; hæc subiiecit uerba, Atque etiam illa sunt delapsa pluræ genera, lene, asperum, contractum, diffusum, continenti spiritu intermisso, fractum, scissum flexo sono, attenuatum inflatum. Nullum est enim horum similium generum, quod non arte, ac moderatione tractetur. Hi sunt actori, ut pictori expositi ad uariandum colores. Aliud enim uocis genus iracundia sibi sumat, acutum, incitatum, crebro inuidens. Quorum generum sua subiicit exempla. His hunc in modum de uocum generibus explicatis, sequitur, ut de tribus tonis aliquid dicamus.

Secunda positio, tonus grauis est quo aliquid canora, sedata, & æquabili uoce cum mediocri tarditate pronuntiatur. Quo tono continetur uox canora, sedata, clara, expressa, tarda, spiritu interrupto emissa. Hic tonus, quod ad sonum attinet, respondet, ut aliqui scribunt, duabus notulis, quæ in

musica dicuntur, *Vt*, *Re*, secundum uocem cuiusque naturalem. Grauis, hic sonus eandem uocis æquabilitatem, & eundem quasi tenorem seruat a maiori parte. Habet enim aliqui elationem, & remissionem, licet modicam, ex rerum, & affectuum, & verborum, tum simplicium, tum coniunctorum uarietate.

Tertia positio, tonus medius inter grauem et acutum est interiectus; quo uoce media, leni, & clara suauiter quippiam enunciamus, & dulci quodam modo commouemus affectum. Huic tono conueniunt hæc uoces, media, suavis, lenis, clara, expressa, canora, sed leniter emissa: Qui respondet notulis duabus musicis, *Mi*, *Fa*, & sono, *B*, *Fa*, *B*, *Mi*, quo nullus est in Musica dulcior.

Quarta positio, acutus tonus est quo aliquid magna & acri, aut magnopere luctuosa uoce pronuntiamus: cui uox magna, clara, uehemens, aspera, continens, uelox, aut admodum flebilis & acerba respondet, & in notulis musicis, *Sol*, *La*.

Quinta positio, tonus spectari potest, uel in tota oratione, uel in dictione, uel in syllaba, uel in litera.

Tonus orationis est is quo tota oratio, uel grauius, uel mediocriter, uel acute pronuntianda est: sunt enim tres orationis toni, quos iam exposuimus: quorum primus ualet ad docendum, secundus ad delectandum, tertius ad mouendum.

Tonus dictionis est, quo una dictio, uel plures propter emphasim, & affectum præcipuum quem continent, grauius ponderantur, pro sua naturali significatione.

*Tonus syllabarum est, quo dictionis aliqua syllaba habet elationem, & altera uel cæteræ depri-
muntur.*

*Tonus uero literarum est sonus, qui accidit lite-
ris, natura & oris instrumentis formatus. Est enim
literæ cuiusque proprius sonus, et naturalis, qui ex
varia oris commutatione profisciscitur.*

*Sexta positio, ad rectam pronuntiationem, ha-
benda est ratio spiritus: de quo hæc literis commen-
dauit Fabius. Spiritus quoque, nec crebro receptus
concidat sententiam: nec eo usque trabatur, donec
deficiat. Nam & deformis est consumpti illius so-
nus, et respiratio sub aqua diu pressi similis, et rece-
ptus longior, et non opportunus, ut qui fiat, non ubi
uolumus, sed ubi necesse est. Quare longiorem dictu-
ris periodum, colligendus est spiritus: ita tamen, ut
id neque diu, neque cum sono faciamus, neque omni-
no ut manifestum sit: reliquis partibus optime
inter iuncturas sermonis reuocabitur. Exercendus
autem est, ut sit quam longissimus: quod Demesthe-
nes, ut efficeret, scandens in aduersum continuabat
quam posset plurimos uersus. Idem, quo facilius
uerba ore libero exprimeret, calculos lingua uol-
uens, dicere domi solebat. Est interim, et longus,
et plenus, et clarus satis spiritus, non tamen fir-
mæ intentionis, ideoque tremulus, ut corpora quæ
aspectu integra, nervis parum sustinentur. Hæc
Fabius.*



QUARTAM eloquentiæ partem, in uocem & gestum distributam esse dicebamus: priorem uniuersè explicuimus, sequitur, ut ad posteriorem eadem ratione exponendam accedamus: acturi postea de utriusque usu. De gestu igitur, quem Græci κίνησις, & ὁμιλία uocant, ita uniuersè statuimus.

Prima positio, gestus est totius corporis & partium eius pro rerum animo conceptarum, & eloquutionis, & affectuum varietate moderatio cum venustate.

Secunda positio, gestus, siue motus duplex est: alter naturalis, qui eam exhibet actionem, quam uis animi atque naturæ docet: alter artificiosus, qui conformationem & absolutionem quandam naturali tribuit, dum uitia corrigit & quæ sunt in natura bona meliora reddit. Hic duplex, alter scenicus quo histriones utuntur; qui multus est in imitando, nimis eminet, atque apparet, singula frequenter representando, mores & affectus, cum suos, tum alienos: Alter oratorius parcior, modestior, qui res ipsas modica significatione representat; de quo nos acturi sumus.

Tertia positio, magna est uis gestus in significando. Is, inquit Fabius, quantum habeat in oratore momenti, satis, uel ex eo patet, quod pleraque etiã

citra uerba significant. Quippe, non manus solum, sed nutus etiam declarant nostrā uoluntatem, & in mutis pro sermone sunt: & salutatio frequenter sine uoce intelligitur, atque afficit: & ex ingressu uultuque perspicitur habitus animorum: & animalium quoque sermone carentium, ira, lætitia, adulatio, & oculis, & quibusdam alijs corporis signis deprehenditur. Nec mirum si ista, quæ tamen in aliquo sunt posita motu, tantum in animis ualent, cum pictura tacens opus, & habitus semper eiusdem, sic in intimos penetret affectus, ut ipsam uim dicendi nō nunquā superare uideatur. Contra, si gestus, ac uultus ab oratione dissentiant, tristitia dicamus hilares, affirmamus aliqua renuentes, non auctoritas modo uerbis, sed etiam fides desit.

Quarta positio, motus sine quo nullus est gestus, duplex est: unus partium corporis, alter totius, cuius sex sunt uarietates: sursum, deorsum, ante, retro, à dextris, à sinistris: quorum alij probantur, alij uero minime, ut postea dicetur.

Quinta positio, corporis partes, quarum gestus in actione obseruandus est, sunt fere istæ: caput, uultus, aspectus, oculi, palpebræ, frons, supercilia, nares, labra, os, ceruix, collum, humeri, brachia, manus, digiti, pectus, uenter, & denique pedes: quarum partium aliæ suo motu aliquid significant, aliæ non item: aliæ multum inuuant actionem, aliæ parum. Nunc eas prosequemur, quæ ad aliquid significandum uim habent: quæ autem ratione eas mode-

284 De officio Oratoris

moderari oporteat postea dicetur.

Sexta positio, capitis gestus varias conceptiones, affectionesque declarat. Capite annuentes, cōcedimus: abnuentes, negamus: ad tergo reflectentes, reuocamus: crebro, & celeriter agitantes, oburgamus: capite erecto fiduciā, deiecto humilitatē, inclatus inclinato, lāguorē, demisso verecūdiā, supino arrogantiā præduro ac rigētē barbariē significamus.

Fab.

Cic. lib.
3. orat.

Septima positio, vultus, cum sit veluti quadam animi imago, in quem omnes, tanquam in animā interpretem, & nuntium intuentur, multas animā affectiones declarat: letitiam, dolorem, fiduciam, feneritatem, & alias. Dominatur autem maxime vultus, inquit Fabius, hoc supplices, hoc minaces, hoc blandi, hoc tristes, hoc hilares, hoc erecti, hoc summissi sumus, hoc pendent homines: huc in tuetur spectāt et antequā dicimus: hoc quosdā amamus, hoc odimus, hoc plurima intelligimus: hic est saepe pro omnibus verbis.

Cic. lib.
3. orat.

Octaua positio, oculi in vultu dominantur, suntque multarum affectionum indices. Nam hæc est vna pars corporis, quæ quot animi motus sunt, tot commutationes, & significationes possit efficere: quorum, tum intentione, tum remissione, tum coniectu, tum hilaritate motus animorum significamus apte, cum genere ipso orationis, ut scribit Tullius. Et Fabius, Per quos maxime animus emanat, ut citra motum quoque, & hilaritate enitescant, & tristitia quoddam nubilum ducant. qui etiam la-

cry-

erumpunt his natura mentis indices dedit: quæ aut erumpunt dolore, aut lætitiæ manant. Motu vero in-
tenti, remissi, superbi, torui, mites, asperi fiunt, quæ
ut actus poposcerit, fingentur. Rigidi vero, & ex-
tenti, aut languidi & torpentes, aut stupentes, aut
lasciui, & mobiles, aut natantes, & quadam volu-
ptate suffusi, aut limi, & ut sic dicam, venerei, aut
poscetes aliquid, pollicetesq; nonnumquam esse debebunt.

Palpebræ vero adiuvant oculos: quorum nimia
mobilitas inconstantiam, æquabilitas gravitatem
cum dignitate coniunctam declarat.

Nona positio, Frons exporrecta hilaritatem, cõ-
tracta tristitiam significat: unde hilares frontem expor-
rigere dicuntur: & effrontes vocantur etiam impu-
dentes. Quæ nunc attollitur, nunc contrahitur su-
percilijs: quæ subleuata arrogantiam, aut fiduciam
designant; unde superbi, superciliosi dicuntur: remis-
sa vero, verecundiam. Multum, ait Fabius, & su-
percijs agitur. Nam & oculos formant aliquate-
nus, & fronti imperant. His contrahitur, attollitur,
demittitur: ut una res in ea plus valeat sanguis ille,
qui mentis habitu mouetur, & cum infirmam vere-
cundia cutem accipit, effunditur in ruborem, cum
metu refugit, abit omnis, & pallore frige scit: & tẽ-
peratus medium quoddam serenum efficit.

Decima positio, naribus, & labijs nihil fere quicquam ostendimus; tam etsi, derisus, contemptus, &
fastidium significari solet. Verum nares, ipsam etiam
vocem iuvant, cum per eas, quod superest vocis
egredia-

Fab.

egredietur: idque uel eo patet, quod si quis compressis naribus loquatur, mutilum, & ingratum sonum edit.

Undecima positio, manus tantam uim habent aduarias animi affectiones exprimendas, ut aliqui manibus loqui dicantur. Quod itaque mente concipimus, manibus quodammodo promimus, et cum alijs communicamus: Quarum sermo, post linguarum uarietatem, idem quod omnes remansit: de quibus ita scribit Fabius, Manus uero, sine quib. trunca esset actio, ac debilis, uix dici potest quot motus habeant, cum pene ipsam uerborum copiam persequantur. Nam ceteræ partes loquentem adiuuant, hæ, prope est, ut dicam, ipsæ loquuntur. An non his poscimus? pollicemur? uocamus? dimittimus? minamur? supplicamus? abominamur? timeamus? interrogamus? negamus? gaudium, tristitiam, dubitationem, confessionem, penitentiam, modum, copiam, numerum, tempus, ostendimus? Non eadem concitant? supplicante? inhibente? probant? admirantur? uerecundantur? Non in demonstrandis locis, atque personis uerborum, atque pronominum obtinent uicem? ut in tanta per omnes gentes, nationesque linguæ diuersitate, hic mihi omnium hominum communis sermo uideatur: Hæc Fabius. Sed quanta sit manuum in agendo & significando uis, infra planius demonstrabitur, cum de omnium enumeratarum partium usu agetur. Atque hæc de gestuum significationibus dicere habuimus. Nam aliæ

corporis partes, quarum supra meminimus, iuuant quidem actionem, & ad aliquem sensuum exprimendum conferunt, sed nihil ex se significant.

At diceret hoc loco aliquis, cur nullam de amictu et uestitu, quibus membra corpusque teguntur, mentionem fecerimus? cui hunc in modum responderem. Primum quidem, quia habitus nihil uidetur ad actionem conferre, aut certe parum, dum aliquam animi actionem potest iudicare. Deinde, quoniam, ut Fabius ait, cultus non est proprius oratoris aliquis, sed magis more conspicitur. Quare, sit, ut in omnibus honestis esse debet, splendidus & virilis. Nam & toga, & calceus, & capillus, tam nimia cura, quam negligentia sunt reprehendenda. Denique, cum eorum, qui nunc dicere solent, habitus sit omnino varius, & in diuersis regionibus diuersus, nulla de eo certa potest dari præceptio; & si quid dici posset, id prudentiæ relinquatur dicentis: qui pro locorum, temporum, & rerum de quibus disit, de conuenienti habitu iudicium fert: de quo pauca quedam scribit Fabius, quæ cum non sint ad nostra tempora accommodata, ea libens prætermittito. Plinius quoque, in hac re explicanda, ut ex Fa-

bio discimus, satis curiosus fuit: cuius nos

hac in parte diligentiam, cum imita-

ri nolumus, ad ea quæ magis

ad rem pertinent sty

lum conuer-

tamus.

Traduntur, quædam communia de recta pronuntiatione præcepta. Disput. 5.

Dico in pronuntiationis, & actionis tractatione spectanda esse supra dicimus: quæ sit earum natura, quæ uis, & qui earundem usus: diximus de primo, sequitur ut de altero dicamus, quod sequentibus disputationibus nobis faciendum est. Et primum quidem, quæ sint in pronuntiando, & in agendo seruanda, postea quæ fugienda docebo: & priore loco de uoce, tum de motu gestu ne dicam. In hac uero disputatione prius quasdam communes præceptiones de recta pronuntiandi ratione trademus, postea quo modo orator ad dicendum se comparare debeat docebimus: de primo has statuo præceptiones.

Prima, qui uult inpronuntiando excellere, is eam pronuntiandi rationem obseruare & imitari debet, quam ipsa docet natura; ita ut optima hac in parte ars, sit ipsius naturæ imitatio; ut ita quisque dicendo aliquem affectum uoce, & gestu exprimat, ut is qui eo afficitur, naturæ uis, exprimere solet; remota tamen, si quæ est in hoc, uel illo homine deformitate. Ut itaque uideris irascentem, lamentantem, obsecrantem, gaudentemque loqui, & agere, eodem tute geres modo. Non secus ac prudens faceret pictor, qui florem quem affabre pingere uellet, ob oculos sibi poneret. Hæc si ad
bibere-

*hiberetur diligentia, ars quæ alias compluribus
difficilis videtur, multo fieret facior, cum singulis
pene momentis, audiamus, uel videamus aliquos,
qui suos apte exprimunt affectus.*

Lud.
Gran. li.
6. c. 2.

Secunda, vox, uultus, & gestus rebus de quibus loquimur, & affectibus quos exprimimus accommodandi sunt: & ut ex rebus oriuntur affectus, ita ex affectibus proficiscatur pronuntiatio. Tot igitur sint, uocis, uultus, & gestus mutationes, quot affectuum; ut singulis sua uocis, uultus, & gestus respondeat moderatio. Quare, si ex re indigna, animus sit ira incensus, uox esto acuta, uultus ardens, & gestus concitatus; quæ iram indicabunt. Si ex re tristi concepta sit tristitia, uultus tristis, vox flebilis, gestus demissus & fractus tristitiam manifestet: atque idem de alijs affectibus dicas.

Tertia pronuntiatio debet esse firma, siue equalis. Nam, prima est observatio, Quintilianus loquitur, recte pronuntiandi, equalitas, ne sermo subsulter imparibus spatijs, ac sonis, miscens longa breuibus, grauiacutis, elata summissis, & inaequalitate horum omnium, sicut pedum, claudicet.

Quarta, necessaria est in pronuntiando uarietas, quæ sola putatur pronuntiatio; quæ aures renouat, dicentem ipsa laboris mutatione reficit: ut standi, ambulandi, sedendi, iacendi uice sunt; nihilq; eorum pati unum diu possumus. Nec quis pugnare inter se putet equalitatem, et uarietatem: cum illi uirtuti contrarium sit uitium, inaequalitas, huic, qui dicitur monoeides, quasi quidam unus aspectus.

Fab.

Sint itaq; quædā nō ita magnæ uocis declinationes, prout, aut verborū dignitas, aut sētētīarū natura, aut depositio, aut inceptio, aut trāsitus postulabit: aut q singulis pinxerunt coloribus, alia tamen eminentiora, alia rectiora fecerunt, sine quo, ne membris quidem suas lineas dedissent. Proponamus, enim nobis, ait Fabius, illud Ciceronis in oratione nobilissima pro Milone principium, non ne ad singulas pene dictiones, quamuis in eadem facie, tamen quasi vultus mutandus est? Etsi vereor, ne turpe sit pro fortissimo viro dicere incipientem timere, &c.

Est autem hec pronuctiandi uarietas non solum in membris orationis, sed etiam in articulis, & in singulis pene uerbis obseruanda: quam ut Gracchus in dicendo seruaret, seruum habuit ad manus cum eburneola fistula, qui staret occulte post ipsum cum cōcionaretur, peritum hominem, inflaret celeriter eū sonum quo illū aut remissum, excitaret, aut a contentione reuocaret. De hac uarietate, nonnihil disputat apud Cic. ad finē tertij sermonis de oratore. Antonius, cum ait, In omni uoce, & quæibi sequuntur.

Quincta, necessaria est quædam uocis, spiritusque moderatio: ne uox ultra uires urgeatur. Nam suffocata sepe, & maiore nisu minus clara est, & interim elisa in illum sonum erumpit: cui Græci colmon nomen a gallorum immaturo cantu dederunt. Nec volubilitate nimia confundenda quæ dicimus: qua & distinctio perit, & affectus et nōnūquā etiam uerba aliqua sui parte fraudantur. Cui contrarium est uitium nimie tarditatis. Nam, & dis-

Lib. 3. orat.

Fab.

Fab.

ficultatē inueniendi fatetur, & segnitia soluit animos, in quo est aliquid, temporibus præfinitis aqua perdit. Spiritus quoque nec crebro receptus concitat sententiam, nec eo usque trahatur, donec deficiat. Nam, & deformis est consumpti illius sonus, & respiratio sub aqua diu pressi similis, & receptus longior, & non opportunus: ut qui fiat non ubi, opus est, sed ubi necesse est. Quare longiorem dicitur periodum, colligendus est spiritus: ita tamen ut id neque diu, neque cum sono facciamus, neque omnino ut manifestum sit: reliquis partibus optime inter iuncturas sermonis reuocabitur.

Sexta, in pronuntiatione apparere debet urbanitas quædam, hoc est certa quædam uox Romani generis, Urbisque propria, in qua nihil offendi, nihil displicere, nihil animaduerti possit, nihil sonare, aut olere peregrinum; hanc sequamur, nec solum rusticam asperitatem, sed etiam peregrinam, insolentiam fugere discamus.

Cic.lib.3
orat.

Equidem cum audio, inquit Antonius, socrum meam Leliam, (facilius enim mulieres incorruptam antiquitatem conseruant, quod multorum sermonis expertes, ea tenent semper, quæ prima didicerunt) sed eam sic audio, ut Plautum mihi, aut Næuium uidear audire. Sono ipso uocis ita recto, & simplici est, ut nihil ostentationis, aut imitationis afferre uideatur: ex quo sic loquutum esse eius patrem iudico, sic maiores, non aspere, ut ille quem dixi, non rustice, non hiulce, sed presse, æquabiliter, leniter. Sed de hac re lege integram disputationem

nem libro primo de eloquentione oratoria.

Atq; has præceptiones attulisse sufficiat. Nunc ad alteram huius disputationis partem accedendo, quasdam alias observationes proponam, de ijs quæ seruanda sunt, cum ad dicendum acceditur, ante ipsam dictionem; si illud prius adnotauerim, duo esse loca in quibus Oratores dicere consueuere, suggestum, in quo qui dicunt quandam maiorem libertatem habent, & pauciores gestus motus ue obseruare debent, & locum aliquem apertum, ita ut tota conspiciatur ab auditoribus persona, ut accidit in scenâ; ubi maiore cum cautela dicendum est.

Prima admonitio, Oraturus cum dignitate & moderato gressu ad dicendum ueniat, ascendantque suggestum.

Secunda, ubi locum conscenderit, seque in ipsius medio collocauerit, audientibus reuerentiam exhibebit, idque nudato capite, & altero genu, nec utroque uicissim ad diuersa latera flexo.

Tertia, in suggestu consistens, antequam dicere incipiat, paululum erit ei commorandum; corpus & uestes componendæ, ut amictus sit decentior, & ut ad cogitandum aliquid spatij detur. Etenim breuis mora attentionem comparat, & mire ipsius actoris cura delectat, & auditor ad audiendum se componit. Atequam igitur orationem aspicietur, exhibito auditoribus honore, breuiuscula mora eos sibi conciliet.

Quarta, status sit erectus, & celsus, ut ait Cicero:
pedes,

pedes, *vel æquales, vel paulum protensus sit sinister, & quasi ad progrediendum paratus, ne ueluti statua stet iunctis pedibus. Genua sint recta, humeri remissi, uultus grauis & liberalis, & præse ferens dignitatem. Manus ambæ sint palpito appositæ, & a seipsis modicum remotæ, non in occulto, sed in aperto, ut uideri queant.*

Quinta, obseruari sunt auditores, ac discernendi, uidendumque ubi sint Prælati, ubi Magistratus, ubi laici, & subditi, ubi fæminæ; ut si quando ad hoc uel illud personarum genus, conuersio, sermo ue faciendus sit, nihil in pronuntiando, agendoque peccetur.

Sexta, factò silentio, & auditoribus ad audiendū compositis, ab eo oratio auspicanda est. Sono, quem in tota orationes potissimum sequi & tenere uolumus, & ad quem redire debemus, cum eum pro rerum, & affectuum uarietate commutauerimus.

Septima, uocis sonus tantus erit in principio, quā tum loci amplitudo, uel auditorum multitudo postulabit. Grauis sonus summissis, aut temperatis orationum principijs est maxime accommodatus: Interdū, etiam medius sonus aptus est, ubi concio frequentior adest. Principijs uehementioribus sonus acutus optime respondet; ut in prima Catilinaria, Quousq; tandem abutere, &c. & oratione in Pisonem: A quo sono ad temperatiorem redeundum erit, quo fere incepisse potuissimus.

*Sed ut quæ de ratione comparandi se ad dicendum diximus, alicuius Magistri auctoritate confirmantur, quæ hac de re docuit Fabius, ea adscribam. Ergo, cum iudex in priuatis, aut præco in publicis dicere de causa iusserit, leniter consurgendum: tum in componenda toga, uel si necesse erit, etiam & integro injicienda dumtaxat in iudicijs, apud principem enim, & magistratus & tribuna-
lia non licebit, paulum est commorandum, ut & amictus sit decentior, & protinus aliquid spatij ad cogitandum. Etiam cum ad iudicem nos conuertimus, & consultus præco permiserit dicere, non protinus est erumpendum, sed danda breuis cogitationi mora. Mirè enim auditurum dicturi cura delectat, & iudex se ipse componit. Hoc præcipit Homerus Ulysis exemplo, quem stetisse oculis in terram defixis, immotoque scepto, prius quam illam eloquentia procellam effunderet, dicit:*



De triplici tono, siue de uocis usu pro tonorum
uarietate. Disput. 6.



MIRA est quædam natura uocis, ut Tullius ait, cuius quidem e tribus omnino sonis, inflexo, acuto, graui, tanta sit, & tam suauis uarietas perfecta in tantibus. Volet igitur ille, qui eloquentiæ principatum tenet, & contenta uoce atrociter dicere, & summissa leniter, & inclinata uideri grauis, & inflexa miserabilis. Ex quibus uerbis, totam recte pronuntiandi rationem in recto trium tonorum, siue sonorum usu positam esse facile intelligi potest: qui usus partim in tota oratione, partim in dictionibus, partim in syllabis, & partim in literis spectatur: de quibus sonis singulis hac disputatione acturi sumus: & primum quidem de triplici tono orationis.

In oratione

Tonus ergo orationis est, quo tota oratio potissimum pronuncianda est: qui in grauem, medium, & acutum, ut supra diximus, diuiditur: quorum primum ad docendum, secundus ad delectandum, tertius ad commouendum confert. Quare, uniuerse loquendo, utemur tono graui cum docere, medio cum lectare, acuto cum mouere uolumus.

Sed adhuc rem hanc planius exponamus: Quod ad sonum grauem attinet, cuius naturam & ei conuenientem uocem supra exposuimus, hic seruatur in summissa & temperata oratione; ut est plerun-

que exordium narratio, diuisio, confutatio, quæ rem docent. Sedata & subtilis disputatio, & grauius doctorumque uirorum sermo, minime concitatus esse debet. Hoc tono tota fere pronuntianda esset Maniliana oratio, excepta ea parte, quæ laudat Pompeium; ubi medio tono utendum esset. Seruatur etiam ferme quotiescunque nouam partem, aut caput, aut argumentationem aggredimur, uel facti aut dicti exemplum exponimus: ut post hanc propositionem acute pronuntiatam, Et quod enim in terris tantum flagitium, & tantum dedecus auditum est? Sequitur narratio itineris Antonij, graui tono pronuntianda, Vehementius in effuso, & quæ sequuntur.

Phil. 2.

Præterea, dum exponimus rem aliquam splendidam, & dignitatis, aut sæditatis plenam.

In Pis.

Exemplum dignitatis, cum de Deo, de virtutibus & de magistratu agimus; Ut magna dignitas est consulatus, magna sublimitas, magna maiestas: hoc tantum onus humeri tui ferre non possunt.

Phil. 2.

Exemplum magnæ sæditatis, Si inter cenam, in tuis immanibus illis poculis hoc tibi accidisset, etc. In huius comparationis redditione producenda ac protrahenda sunt omnia uocabula, & syllabæ, aperiendo fauces, quo maior exprimatur sæditas.

Postremo, hoc tono utimur dum res cuiuscunque generis explicamus, quæ potius ad docendum, quam ad delectandum, mouendum ne referuntur. Hic tonus, ut supra diximus, uocis æquali-

bili-

bilitatem seruat; habet tamen aliquam elationem, & remissionem, sed modicam, suis in locis.

De medio tono, quid sit, & quam uocis formam requirat, supradocuimus: quod uero adu-
sum attinet, eo utimur, dum laudamus quippiam,
aut rem iucundam exponimus, uel amicitiam, &
affabilitatem prę nobis ferimus, uel blande mo-
nemus, amice hortamur, uel communicamus, &
quasi deliberamus cum auditoribus, uel cum uitu-
peramus cum mitigatione, aut reprehendimus,
uel conquerimur cum indignatione, quę mista sit
cum doloris, aut amoris significatione; ut cum
Cicero consulares, & consules reprehendit, uel
hortatur: Qui eodem tono Pompeium & Cęsarem
laudauit. Sed de medio hactenus; Sequitur a-
cutus.

Phil. 2.

Pro lege
Man.

Promar.

Hoc tono, quem supra quid sit demonstrauimus,
utimur in aspera contentione, & acriore indignatio-
ne, aut acerbiorē commiseratione; ut dum obiurga-
mus, reprehendimus, indignamur, execramur, exclā-
mamus, iratorum uoces assumimus, aut calamita-
tem luctuosius deploramus. Acriter, frequenterq;
contendimus membratim, & incisim. Membratim,
cum membra distributionis acrioris, clamosa uoce,
respiratione modica, in ipsis interpunctis proferi-
mus: Incisim, dum incisa plura, uoce continenti spi-
ritu emissa, uel quam breuissimis interspiratio-
nibus profundimus. Hoc tono Orator ita spiritum,
uocem,

uocem, orationem, & gestum suo loco continuat, & captum tenet auditorem, ut is propemodum respirare non possit. Hoc tono pronuntiavit Cicero initium Catilinariae primae, amplificationes peccatorum Verris, Vatini, Pisonis, Clodij, & Antonij: multas commiserationes in perorationibus; ut in Miloniana, & Rabiriana.

Ad hunc tonum pertinet sonus ille, qui adeo est acutus, ut pene extra uocis sonum uideatur esse, ac pene supra naturam humanam uocis acerbus; quo Cicero usus est ad compescendam aduersam acclamationem pro Rabirio perduellionis reo; Quin continetis uocem indicem stultitiae, &c. Sed, ut supra monuimus, uox non est ultra uires urgenda, frangenda sunt acclamationes nimis acutae, atque exiles, & continui clamores: frangunt enim uocem, & uniuersum eius splendorem consumunt. Ut autem hos clamores fugiamus ipsum etiam orationis genus temperandum, ac uariandum erit: Cum uocis uarietas pro rerum, uerborum, & affectuum uarietate adhibenda sit. Atrocia concitate, tristitia flebiliter, grandia cum maiestate, mediocria temperate, parua summis pronuntianda sunt.

Constrictionem contrariorum uoce commutata proferemus, prosopopeiam uoce ficta & apta personae & rei fictae, & quae loquens inducitur: reticentiam uoce concisa: exclamationem canora, plena, magna, totis oris partibus: quamuis, ut postea dicetur, in omni affectu exprimendo maior, & minor possit.

sit esse uocis contentio, uel remissio. Assumet itaque Orator uocem propriam affirmantibus, negantibus, irascentibus, indignantibus, letantibus, flentibus, iumentibus, audientibus, admirantibus, contemnentibus, iridentibus, interrogantibus, alio ue affectu commotis; his enim naturalis quædam tribuitur uox pro affectuum quibus animus commouetur uarietate.

Sequitur dictionum tonus, quo plures dictiones, uel una propter emphasim, quam continet, grauius, pro sua naturali significatione, ponderatur. Quare, cum acrimonia dicemus, Consceleratus: cum significatione audaciæ, Audax: cum animi celsi & magni designatione, Magnanimus, & sic de alijs; ut, Humilis, abiectus, horridus, lenis, gaudeo, doleo, timidus, miser, fortiter, abiecte, leniter, ardentem, & sic de alijs. Pro uerborum itaque simplicium significatione, pronuntiatio commutanda est: & ita in Miloniano exordio hæc uoces Vereor, Turpe, Fortissimus, Timere, Recreare, diuersa ratione pronuntiamde essent. Dictionem ergo unam, uel plures, quæ præ alijs affectum, emphasimque habent, præ ceteris ponderabimus; ut earum uis, uoce, uultu, gestu, prout opus erit, exprimatur; ut in hac sententia fere oēs,

Optima quæque dies miseris mortalibus qui

Prima fugit.

Similiter in Ironia, uox, ubi ironia latet: in Interrogationibus, initium & finis: in Optatione, ea quæ est optationis nota: idem de Admiratione, Execrationes, & de alijs dicas. In Incremento, uox ascen-

Psal. 7. dit, sicuti & res: *Ut si pronuntiāda esset hęc admi-
rabiliter per incrementum exaggerata a Davide sen-
tentia, Domine Deus meus, si feci istud, si est ini-
quitas in manibus meis, si reddidi retribuētibz
mihi mala: decidam merito ab inimicis meis inaniz
persequatur inimicus animam meam, & compre-
hendat, & conculcet in terram uitam meam, &
gloriam meam in puluerem deducat.*

Li. I. de
Eloquit. Sequitur syllabarum tonus, quo aliqua dictiōis
syllaba habet elationem, altera, uel alijs de-
pressis: ad quem sonum recte pronuntiandum proso-
dia regulę consulendę sunt: qua de re nonnihil dixi-
mus in disputatione illa supra citata. In polysyllabis,
penultima longa, habet uocis elationem; ut alio-
quin, quamobrem, apprime, enimuero, & gręca
scripta per *η*, latria, litania, Ironia, brauium,
Alexandria, Antiochia, Nicomedia, & quę scri-
buntur per *ω*, Iacobus, Theodorus, & quę per *η*,
paracletus: diæcesis. Si penultima breuijs sit, ela-
tio erit in antepenultima, ut muliere, Lucia, Orige-
nes, Geometria, & uocatiui, Virgili Gregori, Am-
brofi, Licini. Indissyllabis, prima habet elationem,
sue sit longa, sue breuis; Roma, Deus. Interroga-
tionis ultima dictio si sit monosyllaba eleuatur, si di-
syllaba, prior habet eleuationem: si polysyllaba, pe-
nultima longa eleuatur si hęc breuis, antepenulti-
ma. Vitium nimie depressionis ultimę syllabę emē-
dabitur, si ultimę dictiōis elatio nimia uitetur; in
gubernabantur, ban, habet elationem: aut si in ea

dem syllaba. proferenda uocis instrumenta uirili conatu sustententur, nec motus, & resonantia uocis, ut languidi faciunt, dimittetur.

Sequitur literarū tonus, de quarū pronuntiatio ne nōnihil libro primo de Eloquentione scripsimus.

Tonus in literis accidit ex naturali instrumentorum uocis formatione. A, toto ore & quasi aperto profertur: O, rotundo, & quasi cauo: E, labra secat, & ut sic loquar, dimidiat: I, contractis omnibus oris partibus exiliter nascitur: V, quasi rectum angulum format, & labra facit acuta: apud Gallos, & Germanos pleno ore profertur. Ex mutis, Aspirate ph, ch, th, densum & uastum spiritum continent, & densiores uastioresque gignunt dictiones. Medię, sunt molliores B, D, G. Sed B, in labiorum, G, in dentium & lingue D, in palati & lingue separatione efficitur. Ex Tenuibus, P, C, T, sunt quidem per se tenues, sed aliarum coniunctione interdum rixantur. Duplices X, & Z, pronuntiantur labris & dentibus superioribus & inferioribus separatis: X tamen densiori spiritu Z, tenuiore. Ex liquidis, L, M, N, R, L, est omnium consonantium suauissima: clare sonat post, F, G, P. N, & M. efflunt per nares: M, labris inter se iunctis & musitantibus, N, lingua contingente palatum ad dentes superiores. R, est aspera & canina, & quasi foraminibus dentium angustis profertur, ac proinde titubat, & cum strepitu erūpit. Multa sunt in pronuntiandis literis apud diuersas nationes uitia. Quidā uitiose pronuntiant, A, pro E, F, pro V, & contra: L, pro R: Z, pro S: Est autem S, in principio, & in

Teretia
lib. 3.
Ioan.
Gorop.

& in medio inter consonantes densum, inter uocales, lene, ut, miser. x, a quibusdam minus demergitur in saluam. In summa, literæ omnes suo genuino, & proprio sono omni remota peregrinitate & insolentia, sine cantillatione, sibilo, hiatu, & balbutie pronuntiandæ sunt.

De gestu, siue de singulorum membrorum corporis recta actione. Disput. 7.

DIXIMVS de vocis usu pro sonorum uarietate; sequitur, ut de gestuum moderatione dicamus, quod per singula membra & partes quæ aliquo pacto pronuntiationem iuuant discurrendo, faciemus.

Caput sit rectum, & pro suo naturali statu apte compositum, quod ad decorem & dignitatem facit. Tum accipiat aptos ex ipsa actione motus, ut cum uoce cõcordet, et eas significationes exprimat, quas supra eius gestus exprimere posse diximus, humilitatem, fiduciam, languorem, & alias: & manibus lateribusque obsequatur. Solus, aut frequens capitis motus ineptus est.

Vultus quoque temperato motu suos exprimit sensus, letitiam, tristitiam, indignationem, & alios ad uoces & ad res de quibus est sermo accommodate. Vultuosum esse non decet, hoc est uultu nimis ueriato, atque mutato, sed apto, id est rei & tempori accommodato.

Aspectus eo conuertatur quo gestus, presertim manuum; exceptis fere ijs, quæ damnare, quæ excrari, uel concedere, uel a nobis amouere uolumus. Vultum, enim ab ijs rebus remouemus, quas auersamur; ut,

Haud equidem tali me dignor honore.

Nemo dum loquitur vultum manu, uel pileo occultet; quoniam hoc auditum, & intelligentiam auertit. Strophio uultus sudoribus madidus in aliqua orationis parte semel, atque iterum animi colligendi, aut ualitudinis causa abstergi potest. Verum in summo orationis calore, Quintilianus hoc faciendum negat: unde, nec capilli componendi, nec vestes, si male habeant. Quoniam obliuio, & incuria harum rerum aliquid ardens in Oratore pre se fert in ipso calore actionis.

Oculi itidem suas significationes promant, sequæ animi indices esse ostendant, qui eleuandi sunt, cum de cælestibus est sermo, deprimendi, cum de terra: quod si tunc eleuarentur, fieret in agendo solæcismus. Nemo clausis oculis loquatur, aut in aliquam rem diutius defixis, ut stupidi faciunt.

Palpebræ, nimio motu inconstantiam non designent, sed æquabilitate grauitatem.

Fronte exporrecta designetur hilaritas, contracta uero tristitia.

Supercilia frontis motum inueniunt, eam attollendo aut contrahendo, & ut non debent esse immota, ita nec nimium mobilia, uel inæqualitate dissidētia.

Nares

Nares in rugas contrahere, & inflare, ac digito inquietare, & subito quodam impulsu spiritum illis excutere, & plana manu eas inuertere oratorem non decet.

Labra modico motu uerba formant, & magis ore, quam labris loquendum est. Male porriguntur, scinduntur, astringuntur, mordentur, linguntur, & in latus trahuntur, replicantur, dentesque nudant.

Os sit rectum & plenum. Non decet rixari cum ore, si memoria felellerit: aut faucibus quasi insonare, si quid obstiterit, aut in aduersum tergere. Cauebit orator, quoad fieri poterit, nares emungere, tussire, spuerе, se fricare, aut spiritum ducere, ut faciunt, qui onere pressi, & labore defatigati esse uidentur, ni ratio, aut res aliud suadeat. Nam in fine alicuius partis spuerе, uultum tergere, & se componere licebit, & respirandi gratia, paululum quiescere.

Cervix, quæ est pars colli posterior, sit naturali situ erecta; nisi quippiam docendum, uel cum auditoribus communicandum sit.

Collum tenditur & contrahitur uitiose. Nam, tenso labor subest, tenuaturque uox, & fatigatur: Affixum pectori mentum, minus claram uocem presso gutture, facit:

Humerorum contractio, aut dolorem, aut metum, aut adulationem significabit, ut elatio admirationem, qui gestus rarus est.

Brachia deorsum incompofita non pendeant: Dextrum in contentionibus, & affectibus raro, uel ad dextram, uel ad finiftram fupra oculos exten- datur. Recte explicatur in latus, cum aliquid la- tius & fpatiosius, & res alicuius ponderis dicenda eft; & cum occurrunt uoces Totus, & uniuersus mun- dus, Omnia regna, & fimiles. Siniftrum, præfer- tim fi extra fuggellum dicatur, ita poterit feruari, ut quafi angulum rectum faciat, manu appofita la- teri decenter, nifi cū motibus dextri obfecundabit.

Manus (quarum maximus eft in agendo ufus) in geflibus exprimendis varie componuntur. Nam, pollice fublato, cæteri digiti leniter inflectuntur: uel medius digitus in pollicem contrahitur, alijs expli- caris: uel quattuor primis leniter in fummum coe- untibus, ipfa manus non procul ab ore, uel pectore ad nos conuerfa, in finiftrum transfertur, & deinde prona ac paululum prolata laxatur: uel pollice in- clinato, quattuor digitis potius remiffis, quam ten- fis, manus fupina in finiftrum latus, & prona in dextrum fertur, demonftrando, aut diftinguendo, quæ dicimus: uel, cum tribus contractis, & cum pol- lice iunctis, index erigitur, ad demonftrandum & indicandum quippiam: qui cum affectus magnitu- do postulat, aut cæleftia nominantur decenter attol- litur: allenata & ad humerum fpectante manu; pau- lum inclinatus affeuerat, uerfus in terram urget, & infligat: alias pro numero eft.

Manus, modico geflu, res & perfonas de quibus

V.

agitur



agitur pro ratione locorū in quibus sita sunt, repraesentant. Vnde interdum personam loquentem, interdum secundam tertiamque ostendunt: ut, si hæc pronuntiaretur sententia, Tu ne Cæsar, mihi hoc de illo dixisti? primo ad Cæsarem, secundo ad se, tertio ad illum de quo est sermo conuerteretur huius partis gestus, & postremo ad Cæsarem rediret.

Pronomina primitiua, & deriuatiua speciei, & aduerbia in loco, et p locū distincto designatur gestu.

Membra simplicis distributionis, aut multa argumenta conglobata indice dextero super digitos sinistrae numeramus; ut, Multa absumpsit Antonius: Pompei magni bona, maximus uini numerus fuit, per magnum optimi pondus argenti, pretiosa uestis, multa & lauta supellex, &c. Sic etiam inductiones, frequentationes, & enumerationes omnes, quarum partes nō ornantur descriptionibus, aut rationibus. Nam ista numerantur gestu indicis dextri ordine suo ad digitos sinistrae; & breues descriptiones, uel adiuncta, quibus membra distributionis amplificatur, manus dextra fertur in dextrum latus; ut, Ego sum ille Consul, cui non forum, in quo omnis aequitas continetur, non campus consularibus auspicijs consecratus: non curia summum auxilium omnium gentium, &c. Hoc eodem modo pronuntiabitur diuisio per Dilemma, & Gradatio.

Membra distributionis quibusdam percussionibus a laeuā ad latus dextrum numerantur; ut, Hoc Plato, hoc Aristoteles, hoc Cicero, hoc omnes sapiunt: Accusato-

Cic. in
Cat.

cusatoris officium est inferre crimina, defensoris diluere & propulsare, testis, &c.

Plura membra a dextrę motu in eodem loco repetito numerantur, quasi scisso aere; ut, *Quid est in Antonio, præter audaciam, libidinē, temeritatē, etc.* Sic etiam congeries uocum simplicium idem aut diuersa significantium. Si uero partes in congerie præcedant, & totum sequatur, adhiberi poterit actio, quæ in fine clausulæ totam representet, utraq; manu a se disiuncta; ut, *Pompeius fuit singulari innocentia, temperantia, fide, ingenio, humanitate, deniq; uirtutib. omnibus exornatus. Vel numeramus dextra sinistram percutiendo, indice & medio iunctis, & tensis, pollice ad medios articulos iuncto, duobus ultimis digitis dextrę palmam prementibus; ut, quæ spes uobis libertatis manet, si illis, & quod libet, licet: & quod licet, possunt: & quod possunt, audent: & quod audent, faciunt: & quod faciunt, uobis molestum non est.*

Pulchra est actio, si ubi est dictum membratim, aliquo gestu distributionis, dicamus incisim alio. His modis gestuum agi potest etiam in membris Repetitio, Conuersio, Complexio, Epanodos, Disiunctio, Polysyntheton, Asyntheton, Subiectio longior, Expeditio, siue Remotio causarum, Pisma, siue Ratiocinatio.

Contrariorum duorum, uel plurium conflictio, perfecta comparatio, similitudo, & dissimilitudo, uel disiunctio rei vnius ab alia, uel pluribus, his mo

dis exprimitur. Primo cum utraque manus in suum latum transfertur, utroque pollice comprehendente suum indicem. Deinde, cum dextram transferimus supinam in sinistrum latus, et eandem mox pronam referimus in dextrum, uel contra, idq; pollice intus inclinato, & quattuor alijs digitis remissis, uel alio modo digitis collocatis. Postremo, cum dextram ferimus quocunque modo dispositam prius in sinistrum, deinde in dextrum reducimus. Exempla peti possunt a figuris contrariorum, comparatorum, similium, dissimilium; Vt, ex hac parte pudor pugnat, illinc petulantia: hinc pudicitia, illinc stuprum: hinc fides, illic fraudatio: hinc pietas, illinc scelus: hinc constantia, illinc furor: hinc honestas, illinc turpitudine: denique equitas, temperantia, fortitudo, prudentia, & uirtutes omnes certant cum iniquitate, luxuria, ignauia, temeritate, & uitijs omnibus. Postremo, copia cum egestate, bona ratio cum perdita, mens sana cum desperatione & amentia, bona spes cum omni rerum desperatione confligit. Exemplum similitudinis, Vt hirundines aestiuo tēpore presto sunt, frigore pulse recedunt; ita amici sereno uite tempore presto sunt, sed simulatque hyemem fortune uiderunt, deuolant omnes.

His gestibus unius auctoris sententia in plures sensus distinguetur, uel duorum duas: Iisdem aguntur, Contentio, Commutatio, Correctio, & Conduplicatio. Vbi uero fuerint plura membra in uno exemplo distributionis, aut comparisonis, aut plures contrario-

trariorum conflictiones, & comparationes, et similitudines simul iunctę per amplificationem, aut separatim tractatę actio uarianda erit: prout rerum ratio postulabit, et personarum; ut gestu represententur, ut posite sunt in suis locis.

Manus sinistra raro sola gestus recte facit: simul tamen sinistra cum dextra exprimit multitudinem, magnitudinemque rerum, & affectus, numeratque.

Gestus recte incipitur dextra, a latere sinistro, simul incipiente sententia: exponitur uero a dextris una cum fine sententie, Est autem ineptum, gestum sepe deponere in eadem sententia. Quędam alia quę de manuum, & brachiorum gestu dici possent, sequętib; disputationibus dicentur: ad alias igitur partes pergamus.

Pectus, & uenter, ne proiciantur, obseruandum est. Pendent enim humeri a tergo; & omnis supinitas est odiosa: in theatro tamen non dedecet.

Pes aliquando terram feriet, in contentionibus incipiendis, aut finiendis, ut in iracundia, & obiurgatione asperiori. Rarus pedum incessus, nec ita longus. Discursare uero ineptum est: ne quis ab oratore petere possit, Quot millia passuum declamauerit. Potest autem quis uno passu quandoque progredi, cum se ab una parte in aliam transfert, ut alloquatur aduersos auditores: Verum ne pes currat, aut deambulet, prohibet frequenter loci angustia.

De singularum partium orationis pronuntiatione. Disput. 8.



Nisi tanta esset recte pronuntiandi, tum necessitas, tum difficultas, quæ hucusq; de suscepta materia scripsimus, satis profecto uideri possent: ceterum, ut ad huc planius rem maximi momenti exponamus, de singularum partium orationis pronuntiatione, in gratiam eorum, qui bono hac in parte destituuntur magistro, aliquid priuatim scribemus.

Antequam autem de re proposita aliquid doceo, illud vniuerse dixerim, vocem & actionem debere respondere personis, rebus, orationis partibus, sententijs, et uerbis. Videbit itaque Orator, apud quos sit dicturus: Neque enim eodem decent in uoce, & in gestu, apud Principem, apud Senatum, apud populum, atq; apud iudicium priuatum, aut publicum. Rerum habenda est ratio in tota oratione & materia: Res enim magnæ & difficiles, sicut oratio omnis grandis, postulant uocem plenam animi, & grauioræ affectuum, atque gestum concitatum. Temperata materia, & oratio, requirit uocem suauem, sonum medium, & gestum sub aspectum pulchre cadentem. Materia, & oratio tenuis, grauem & summissam uocem, atque canoram, & gestum parciorem.

Rursus, ut omnis nostra oratio diuidi potest in expositionem, in argumentationem, & in amplificationem; manifestum est, etiam rudibus, alia uoce

et actione exponendum, alia probandum, alia amplificandum esse: quæ partes alias sub se continent. Expositioni, exordium, narratio, propositio, & diuisio finitima sunt. In argumentatione uero aliquando probamus, aliquando confutamus: & interdum sedatius atque subtilius, interdum uero acrius atque uehementius disputamus. In amplificatione adhuc maior est uarietas: In hac enim diuersarum rerum magnitudinem attollimus, & amplificamus, & uarios affectus excitare nitimur; in quibus Indignatio, & Commiseratio præcipue numerantur. In affectibus tractandis tam uaria debet esse actio, quam ipsi sunt uarij, ut postea dicetur.

In expositione igitur, cum citra argumentationem rem aliquam, obscurum uel locum exponimus, sedata opus est pronuntiatione, interuallis tamen distincta, uoceque paululum pro sententiarum natura mutata: ut ipsa pronuntiatione, quas res demonstramus, eas auditorum animis inserere uideamur. Sed iam priuatim de Exordio expositioni subiecto dicamus.

Exordio, inquit Fabius, lenis conuenit pronuntiatio: nihil enim gratius ad conciliandum uerentundia: Itaque & uox temperata, gestus modestus, & sedens humero togâ, & laterum lenis in utranque partem motus, eodem spectantibus oculis, docebit. Errant itaque qui initio, uel ingenij, uel libertatis ostentandæ gratia, ita dicere incipiunt, ut quadam arrogantiae suspitione non careant: & auditores quodammodo contemnere uideantur. Peccant etiam,

qui nimium uocem contendunt; quod tunc potissimum faciunt, cum frequens est concio, uel ut melius audiantur: uel quia quodam maiore calore ad dicendum, ob maiorem frequentiam, concitantur: quos uox, & uires in cursu deserunt, & ita lente, & languide finiunt, & a flamma in fumum desinunt. Hoc igitur tempore comprimendus est animus, & ad maiora seruandus. Cum ergo exordium summisum, uel temperatum dicendi genus requirat, uerecunda, modica, uel nulla sit actio: totum corpus sit stabile & trunco simile, & in hanc, uel illam partem non uacillet.

Gestus uero totius corporis uniuersus erit cum laterum inflexione, & conuersione leni, forti, & uirili, eodem spectantibus oculis, capite, & humeris sensim obsecundantibus. Hac eadem tarda, & graui laterum, uultusque conuersione, in reliquo orationis cursu utetur Orator: non tamen nimis frequenter, & sine iudicio atque delectu: sed quibusdam notatis prius, quoad fieri poterit, rebus insignibus, & personis; ut nunc ad has, nunc ad illas pectus, uultum, & gestum ita dirigat, ut a pluribus uideatur, & audiatur. Hac enim pronuntiandi uarietatis gratia delectabit, & rebus quas animo concepit melius explicatis, & se, & alios magis afficere poterit. Varietas enim gestus, sicut & figurarum ualde delectat: similitudo, & idem motus corporis & alicuius partis, fastidium parit.

Manus in principio, uel immotæ, uel dextera paululum ultra pectus, & intra humerum, gestu quodam modestissimo, protendetur, ad nosque conuersa feretur: deinde prona ac paululum prolata laxabitur; alluato plerumque pollice, & reliquis digitis leniter inflexis, uel medio digito in partem contractio, tribus explicatis, uel indice tantum, uel indice medioque digito pollicis iunctis, reliquis duobus remissis. Verum in exordio uehementiore & grauiore pronuntiatione, & gestu opus est grauiore; ut in patheticis orationibus, quæ ex abrupto incipiuntur.

De narratione, Narratio, magis prolatam manum, gestum distinctum, & uocem sermoni proximam, siue gravis soni, sonum autem simplicem frequentissime postulabit, in ijs quæ nullos continent animorum motus, aut quid simile, quod uariam agendi rationem exigit. Est tamen narrationis pronuntiatio interdum difficilior, quam contentiois actio: cum in hac ipse animi motus, & ardor actionem instruant; in illa uero cum sit minime actiuosa, ars potius, & prudentia dominatur. Sunt tamen narrationes aliquæ, quæ affectus recipiunt, quarum actio non perinde difficilis est. In omni itaque narratione uocum uarietate opus est, ut quo pacto quidque gestum sit, ita narrari uideatur. Quod strenue factum fuisse ostendere uolumus, celeriuscule dicemus, & modo acriter, modo clementer, tum meste, & hilariter in omnes partes commutabimus, ut uerba,

Fab.

Lud.

Gra.

ba,

ba, ita, & pronuntiationem. Si in narratione dicta, rogata, responsa, admirationesque inciderint, diligenter animaduertemus, ut omnium personarum sensus uoce exprimamus. Egressiones, fere leniter, dulciter, & remisse pronuntiantur.

Propositiones, sicuti, & expositiones efferuntur, non acriter, non concitate, sed sedate, uoce interuallis distincta, & paululum pro sententiarum natura, uariata, ut ipsa pronuntiatione, quæ demonstramus, animis auditorum inferere uideamur.

De confirmatione, seu probatione, argumentationeque: confirmatio plerumque acriorem, & a lacriorem uocem, gestumque desiderat; hoc est, fortē & instantem celeritatem. Instandum quibusdam in rebus, & dēfanda oratio: ubi uocem augere, & torquere sonum, & celeriter cum clamore uerba conficere oportebit; ut uim uolubilem orationis uociferatio consequi possit. Asseneratio enim, plus interdum, quam ipsa probatio ualet. Fiducia igitur appareat, & constantia, utique si auctoritas subest quando autem rationes erunt obscuriores, impetus cohibendus erit acuta uoce, sedata actione, & longioribus interuallis utendum; ut hac distinctione apertior fiat oratio, & auditoribus spatium percipiendi detur. Celeritas, enim non modo rudibus, sed etiam doctis impedimento est.

At uero Amplificatio, in affectibus præcipue locum habet, qui, ut supra indicauimus, tam uariam uocis & actionis figuram desiderant, quam sunt

Herb.

Fab.

ipsi uarij. Prima igitur in hoc cura esse debet, ut affectus, & motus animi in nobis sint: tunc, enim ipsi naturali ui erumpent; & ut ueri motus sunt, ita uere auditores afficient. Neque enim aliud agit ars quam ut naturam imitetur: ad quam tamen ars nulla, quamlibet consummata sit, pertingere potest. Quare, id nunquam declamator efficiet, quo bonus orator ueris affectibus incensus faciet. Qui sic igitur commotus fuerit, is plane, ipso affectu docente, intelliget, quam dissimili uocis figura affectus tractandi sint.

Peroratio quoque uariam habebit actionem, prout ad uarios fines fuerit comparata: si ad concitandum sit composita, uocem uehementem, & motum requirit concitatum: si ad mitigandum, postulat modestos gestus, & suauem uocem: si ad merorem, uocem flebilem, & gestus tardos, & fractos: si ad letitiam, alacrem, celerem, excitatumque gestum, ac uocem. Vniuerse autem, huius partis, sicuti & Contentionis actio debet esse uaria, uehemens, plena animi, plena spiritus, plena doloris, plena seueritatis; præsertim, si auditoris animus quasi machinatione aliqua, tum ad seueritatem, tum ad remissionem, tum ad tristitiam, tum ad lætitiā est Anton. Li. 2. ora. contorquendus. Quod si epilogus esset breuis, uel solam enumerationem contineret, graui uoce, & moderato gestu cum aliqua celeritate pronuntiandus erit.

Sed iam aliquid de periodo dicamus. In toto anteceden-

recedente periodi, quod plura habet membra, spiritum, & uocem equabili suo modo sustentamus: in principio redditionis, & consequentis periodi nonnihil dimittimus. Virgulæ moram postulant modicam, membra longiusculam, puncta longiorem, nec tamen nimiam: quoniam tolleretur attentio, & periret affectus. Vbi cauendum est, ne uox continuetur, donec deficiat spiritus; est enim uitium maximum, ut alibi respirare, quam in illis interpunctis: quia frangitur sententia, nec commode ab auditoribus intelligitur. Finem orationis simplicis, uel per interrogationem elatæ, si ad concitandum sit compositus, decet intensior sonus; si ad delectandum, aut docendum lenis. Finis periodi grata modulatione dimittendus est.

De sentiētijs: sentiētiarum recta pronuntiatio ab earum significatione bene percepta, & concepta pendet: quare, pro earum significatione hoc, uel illo modo pronuntiandæ erunt. Graui uoce, & moderato gestu, quæ docent: media, quæ delectant: acuta uero, quæ mouent, præsertim illæ in quibus aliqua animi affectio maior, uel minor designatur: de quarum pronuntiatione mox priuatim agemus.

De singulis dictionibus nihil aliud occurrit dicendum, quam id quod supra diximus, cum de dictionum tono egimus. Significatio igitur, & emphasis attendenda est. At non hæc, ait Fabius, Misellus, & Pauperculus summissa, atque contracta, Fortis, & Vehemens, & Latro, erecta, & concitata uoce

uoce dicenda sunt? Accedit, enim uis, & proprietates rebus tali adstipulatione: quæ nisi adsit, aliud uox, aliud animus ostendat. Quid? quod eadem uerba, mutata pronuntiatione, indicant, affirmant, exprobrant, negant, mirantur, indignantur, interrogant, irrident, eleuant. Aliter dicitur, Tu mihi quodcunque hoc regni, & Cantando tu illum? quam hoc, Tu ille Aeneas? & hoc, Meque timoris arguetu Drance: & ne morer, ait Fabius, intia sequisque, uel hoc, uel aliud quod uolet, per omnes affectus uerset, uerum esse quod dicimus sciet. Sed ut quæ diximus, adhuc planius doceamus, iam priuatiim, & sententiarum recta pronuntiatione agamus.

De recta sententiarum pronuntiandarum ratione. Disp. 9.



VT una ex præcipuis eloquentiæ partibus semper habita fuit eloquentio, & in eloquentione nihil est figuris sententiarum illustrius, & ad tria munera Oratoris præstanda accommodatius; ita in actione, quæ est ueluti quædam corporis eloquentia, nihil est difficilius, neque ad docendum, ad delectandum, atque mouendum aptius, quam recta earum sententiarum pronuntiatio, quibus aliquis erumpit affectus: quarum, uim, atque uarietatem gestu exprimere, ut est ualde utile, ita est maxime difficile. Propterea, non ab re fore

fore existimari, si priuatim de recta pronuntiatione earum sententiarum quibus uarij animi habitus gestusque exprimuntur, scriberem; quod hac disputatione facturus sum. Nonnullas itaque sententias prosequar, in quibus, tum sententiarum, tum uerborum schemata quedam exprimuntur, quarum magis obseruanda est pronuntiatio.

Et ut ab interrogatione quæ est omnium frequentissima, & uaria auspicemur, sententiam quæ interrogationem continet dissimilem a communi sermone pronuntiationem requirere, manifestum est; idque pro affectuum quos exprimit uarietate. Quare, si interrogatione aliquid possemus, uoce blanda utemur; maiore, cum optantes interrogabimus; grauiore uoce, & uehementia maiore cum interrogando instabimus: acuta uoce & concitato gestu cum redarguemus; denique, cum dubitabimus, hærentis, & anxij animi uoce, & gestu interrogabimus. Quo me uertam? unde initium capiam? Interrogatio fiet, & agetur plerumque dextram ad nos conuersam paululum attollendo: Responsio uero, temperata agetur manu prona, & laxata; ut, Cur uirtus est laudabilis? Quoniam facit hominem bonum in quo est. Rationem proferemus manu dextra prona & digitis deorsum spectantibus, mox eadem ad nos conuersa, & resoluta, ut quasi re uera aliquid proferat; ut, Deseruit amicum, sed coactus legibus. Ita fiet in Correctione, Dicæologia, Aetiologia, & alijs figuris a caussarum loco sumptis.

Urgebit autem ac instabit orator, nunc totam manum contrahens, nunc totam explicans: uel indice prono, reliquis tribus digitis in pollice pressis; uel duobus medijs pollicis subiectis: uel summo articulo uel medio indicis sinistri leniter apprehenso: uel denique medio dextere digito in pollicem contracto, reliquis tribus explicatis, & brachio libentius pro-lato. Instat & urget orator, cum petit ab aduersario argumenta, coniecturas, uel testes, uel ut sui facti causas reddat, & cum argumentis premit.

Exclamatio, ut uarios manifestat affectus, ita uoce uaria maiore uel minore exprimenda erit, nunc commiserationem, nunc indignationem, nunc redargutionem acriorem continet, uariisque interiectionibus uehementi affectu prorumpit: unde ad commouendum maxime confert, si suo sono, & gestu fuerit ornata. Exclamamus utraque manu quasi expansa, rei magnitudinem significante: quæ magnitudo interdum brachiorum sustentatione, & manuum nonnihil supra pulpitem utrinque locatarum ostenditur.

Eadem fere ratione pronuntianda est sententia quæ apostrophem continet; conuerso ore & pectore ad eam personam, rem ue ad quam fit, brachijs aliquantulum subleuatis, & inter se conuersis.

Admiratio graui tono, aut etiam acuto, præsertim si indignationem contineat: quam uultus & frontis comitabitur motus. Admiramur itaque manu resupina a minimo digito collecta, flexuque redeunte

deunte explicato, & conuersa, oculis in cælum, suspicientibus: uel motu dextræ ad sinistram unde descendet resiliente.

Optatio, desiderantis animum uoce quadam sensu prolata, interdum suauiter, alias clementer, alias acriter emissæ, pro rei natura quæ desideratur: optamus autem, manibus sublatis, iunctis, aut disiunctis. Optationi contraria est Imprecatio, quæ uocem acri, & horrida enuncianda est: at uero, Bona precatio, suauis uoce, & leni.

Deprecatio, sive obsecratio, blandam, & mollem, non tamen effeminatam uocem requirit; sicuti etiam Inuitatio. Fit autem Deprecatio, uel ad Deum uel ad homines, utranque manum uel attollendo, uel submittendo, & utraque iuncta, aut protensa. Verum, cum Deo supplicamus attollimus, cum hominibus, submittimus.

Hortatio, uoce quadam celeri quæ hortâtis aucto ritatem demonstret, uultu uirili, & grato exprimenda est. Hortamur manu dextra caua, supraque ferme altitudinem humeri dextri graui motu elata. Simili fere ratione castigamus; ut, Quousque piger dormis? quando consurges a sono tuo? Usque quo paruuli diligetis infantiam?

Asseueratio, quæ interdum plusquam ipsa probatio acrimoniam in uoce & uultu requirit, quæ causæ fiduciam præ se ferat. Asseuerabimus, uel dextra remissa pectori ad mota, uel manibus quadam grauitate complois, uel indice in cælum ere-

cto,

Et, cætris cum pollice iunctis, & brachio nonnihil contorto.

Eodem fere modo adiurabimus, & iurabimus; cum Adiuratio, & Iuramentum sint asseuerationes quedam.

Indignatio, atrocem poscit pronuntiationem, uultumque acerbum: quæ stricto pugno, percussoque pulpito, uel pugno compresso pectori admoto, aut dextra leuâ percutiente fit: aut pede orator supplot, & terram quatiet, præsertim in finienda, aut incipienda contentione: sic etiam ira, nimie leuitatis correctio: sic Reticentia, & Præcisio, quæ ex indignatione, & ira proficiscitur. Si uero ex affectu admirationis attonitus hærebit, ac subsistet orator, non quadam ficta arte, sed ex affectu fiat. Huc etiam pertinet Comminatio, siue Minæ, quæ uocem acrem, magnam, seueramque exposcit: minitatur autem indice erecto, & moto.

Dolorem, & tristitiam flebili, & mæsta uoce manibus inter se complicatis, uel ad utrumque, latus deiectis significamus, uel dextera pectori admota.

Abominatio, siue auersio, contentam, uelocem acremque uocem requirit. Auertit itaque orator animum, uultumque a rebus turpibus, humero sinistro prolato, capite, & uultu ad dexteram uergente, dextra in leuam propellente: uel utranque manum in sinistrum latus auertit, aut aduersum abijcit, aut in latus utrinque distendit, uel dimissis

supercilijs in terram excutit, capite reuertit: uel denique dextra in sinistrum latus, unde descendebat resiliente.

Item remittit, negat, omittit, uel capite reuertendo, uel manu quasi obiecta in latus dextrum, uel dextra in sinistrum, unde descendebat resiliente; præsertim si duplicetur negatio, ut fit in conduplicatione, & correctione, Non fuit, non fuit, inquam.

Mitigabit uoce leni, summissa, placido aspectu, manu prona, & leniter incuruata uersus eos, quorum iram, aut dolorem mitigat, paruisque interualis mota, humeris paululum modesteque assentientibus.

Ironica sententia explicatur vultu paululum auerso, & utraque manu, uel utroque indice in latus protenso, cum aliquo capitis motu, & interdum cum aliqua risus significatione.

Vocamus manu sursum flexa: dimittimus auersa, aut in latus protracta, ut, Hæc ades formose pueri tibi lilia plenis ecce ferunt Nymphæ.

Ut figuræ sententiarum quæ uarios exprimunt affectus uariam postulant pronuntiandi rationem, ita etiam nonnulla uerborum schemata, quæ fere sine affectu non enuntiantur; ut sunt Repetitio conuersio, subiectio, complexio, & quædam aliæ.

Similiter Sermocinatio, in cuius pronuntiatione uarianda erit uox, pro ratione personarum quæ loquuntur. Est itaque in sermocinatione uox, & gestus

gestus uariis : quam sicuti , & alias omnes is demum bene pronuntiabit , qui affectum sententia comprehensum , iuxta ea quæ diximus , (neque enim singula prosequenda sunt) nouerit exprimere .

Denique , illud admonuerim , modestiam , & gra- Herb.
uitatem in omni pronuntiatione , & gestu omnino considerandam esse , & decorum illud , quod latentem quadam , & inexplicabili ratione , aliud est in alijs hominibus ; quod quidem , tum naturale est , tum artificiosum ; Ita autem prudenter captanda est actio , ne dum actoris captamus elegantiam , grauis & prudentis uiri perdamus auctoritatem .

Vbi autem oratio absoluta fuerit , Deo gratias agendæ sunt ; atque diligenter animaduertendum , sicubi erratum est ; & aliorum iudicia querenda ; ut

quæ minus prudentibus uiris placue-

rint , emendentur , quæ uero pro-

bata fuere , exercitatione

confirmantur , &

vsurpen-

tur.

VAE de recta agendi ratione nobis dicenda erant, ea omnia explicasse, si diceremus, nemo nos mendacij posset arguere: sed quoniam, ut existimo, ad hanc eloquentiae partem excolendam, non minus vitiorum quæ in agendo cernuntur, quam virtutum cognitio commouere, & iuuare potest; ideo non inutile fore putavi, si grauiora pronuntiationis errata colligendo, quasi sub unum aspectum ea propa-uerem: quorum turpitudine perspecta, qui volunt in dicendo excellere, ea studiose sibi vitanda putent. Qua arte, quidam auctor, & satis, meo quidem iudicio, belle, cum uellet urbanos mores iuuenes docere, deprauatas, rusticas, atque illiberales uiuendi agendique formas scribendo expressit. Hac itaque ratione, rursus quodammodo a principio hanc eloquentiae partem docebimus: nam qui uitia declinare nouit, is necessario emendatam naturam sequendo, uirtutes sectabitur. Vitorum quæ in agendo cernuntur, alia sunt a natura insita, alia praua consuetudine adscita.

Primum igitur obseruanda ac uitanda sunt, uitia quæ minus bona natura secum affert, quæ sunt fere ista, Platiismos, id est hiatus, cum ore, & faucibus nimis diductis sermo promitur. Ischnotes, latine gracilitas, uel exilitas, uitium superiori con-

traviū, cū literę, uel dictiones graciliter proferuntur, uel syllaba syllabę male connectitur. Mogilalia, hoc est hesitantia in uerbis, ex aliquo irę, uel pudoris motu orta; uel si magno conatu uix exprimitur oratio. Cœlostomia, id est ex cauo ore prolatio, cum uox ueluti in recessu oris auditur. Coluotismus, cum syllabę extremę decurtantur, & deglutiuntur. Psellotes, id est balbuties, cum literę, aut syllabę supprimuntur. Traulotes, latine, blesitas, quod uitium ex nimio humore linguę nascitur, ut patet in pueris, qui alicuius literę pronuntiationem non assequuntur: quo uitio laborauit Demosthenes; qui cura, & diligentia illud emendauit. Atque hęc sunt uitia, quę interdum naturam sequuntur: nunc alia numerabimus, quę usu accedunt, partim ex dictis ea colligendo, partim de nouo alia addendo.

Deinde, uniuerse loquendo, uitiosa est in oratore scenica pronuntiatio: multa enim decent histrionem quę oratorem dedecent: & quę sunt in oratore uitia, sepe sunt in histrione uirtutes. Histrionem nimis exquisitę representat, & singula imitatur, & ideo Mimus appellatur: orator modice, & grauiter, ut his uerbis differte exposuit Antonius, Lib. 3. Omnes autem hi motus subsequi debet gestus, non hic uerba exprimens scenicus, sed uniuersam rem, & sententiam, non demonstratione, sed significatione declarans laterum inflexione, hac forti, & uirili, non ab scena & histrionibus, sed ab armis, aut etiā a palestra. Et Fabius, Absesse enim, plurimum a

saltatore debet orator, ut sit gestus ad sensus magis, quam ad uerba accommodatus: quod etiam histrionibus paullo grauioribus fauere moris fuit. Ego, ut ad se manum referre, cum de seipso loquatur, & in eum, quem demonstret intendere, & alia his similia permiserim; ita, non effingere status quosdā & quiddam dicet, ostendere. Neque id in manibus solum, sed in omni gestu ac uoce seruandum est. Neque enim in illa periodo, Cedeatur in medio foro Messanę, motus laterum, qualis esse aduerbera solet, torquendus: aut uox qualis dolore exprimitur, eruenda est. Cum mihi comędi quoque pessime facere uideantur; qui etiam si iuuenem agant, cum tamen in expositione, aut senis sermo, ut in Hydrie prologo: aut mulieris, ut in Georgo incidit, tremula, uel effeminata uoce pronuntiant: adeo in illis quōque est aliqua uitiosa imitatio, quorum ars omnis constat imitatione. Sed iam de uitijs, quę in uoce, seu prununtiatione contingunt, dicamus.

Vitium est non ferendum, initium orationis concionis uel summissius auspicari, & id murmurari, quod nemo, uel paucissimi auditorum exaudiant. Nam orationis principium frequenter propositionē continet, unde sequentia pendent & profluunt, ac etiam, principem controuersię statum ad quem cetera referuntur omnia quę dicuntur: quem, si qui adsunt non audierint, quorsum tendant argumenta, quę in probatione afferuntur, non percipient. Ut ergo a principio clamare agreste quiddam est; ita per-

perniciosum ac uitiosum musitare.

Vitiosa putatur in pronuntiando Monotonia, hoc est uocis æqualitas, qua uno & eodem sono sine ulla uarietate pronuntiatur oratio. In hoc uitium facile incidunt tirones, rei insolentia ac difficultate pressi; ac etiam alij qui cum parum memoria ualeant, ne quæ didicerunt excidant, extimescunt.

Huic uitio opponitur uocis inæqualitas: in quod uitium labi consueuere qui contrarium uitare contendunt; dum non pro sententiarum, & uocum significatione, sed pro suo libitu uocem commutant, & comprimenda attollunt, & attollenda comprimunt: quod dum faciunt, grauius auditorum aures offendunt, & insanam ac temerariam libertatem præ se ferre uidentur.

Ex his duobus uitijis quoddam aliud quasi mistum dicendi genus exoritur, quod quale sit, non est explicatu facile: habet enim cum æqualitate coniunctam inæqualitatem, uocisque flexum, & uarietatem a communi & uulgari sermonis consuetudine non abhorrentem, quam omnibus partibus orationis qui hoc uitio laborant, accommodant: quod perinde est, ac si quis omnibus corporis membris idem uestimenti genus uelit aptare: id, quam sit auditoribus ingratum, etiam stupidus sentiret.

Tarditas quoque in uitijis reponitur, & quæ ei est contraria nimie celeritas: illa lenta pronuntiatione omnia dicit, & auditorem ad somnum, aut nauseam prouocat: hæc nimia festinatione, quasi in fugam cō-

uersa, utitur, & ad finē, uel propter obliuionis timorem, uel aliquem trepidationis affectum, festinat. Vtrumque itaque uitium est, celeri, aut tarda uoce omnia pronuntiare. Quare, ut in uocis figura, ita in celeritate, & tarditate prout res ipsa postulabit, uarietas adhibenda est: magis tamen peccant qui celeritate, quam qui tarditate offendunt.

His similia uitia in acrimonia, & remissione notare licet. Sunt enim nonnulli ita acri ac uehementi ingenio præditi, ut totam orationem, quasi quodam furore perciti, pronuntient: alij uero ita languidi, & remissi, ut aliquid aliud, quam agunt, agere uideantur: quamuis hi magis, quam illi a uera pronuntiandi ratione absint: si tamen ita dicant, ut uocem non exasperent, & quadam ingrata, atque incondita raucedine non inficiant; neque a principio exclamare incipiant. Qui nullibi de uehementia detrahunt, in illud incommodum incidunt, ut cum rem indignantem acri pronuntiatione dixerint, nihil auditores commoueant, cum omnia eodem impetu pronuntiari animaduertant; ut etiam qui ubique sunt remissi, cum commouere nequeat, qui se non esse commotum ostendit.

Vitium quoque censetur cantilena, de quo inuitius sit, an fedijs, Fabius se nescire ait. Quid enim minus oratori conuenit, quam modulatio scenica, & nonnunquam ebriorum, aut commessantium licentia similis? Quid uero mouendis affectibus contrarium magis, quam cum dolendum, irascendum, indignandum

dum, commiserandum sit, non solum ab ijs affectibus, in quos inducendus est index, recedere, sed ipsam fori sanctitatem, ludorum talarium licentia solvere? Quid ergo? non & Cicero dicit, esse aliquem in oratione cantum obscuriorem? & hoc quodam naturali uitio uenit. Ostendam, inquit Fabius, non multo post ubi, & quando recipiendus sit hic flexus, & cantus quidam, sed (quod plerique intelligere nolunt) obscurior.

Illud etiam in uitijs pronuntiationis ponitur, quod his uerbis exposuit Quintilianus, *Ut est autem necessaria uerborum explanatio, ita omnes computare, & uelut annumerare literas, molestum, & odiosum. Nam & uocales frequentissime coeunt, & consonantium quaedam in sequente uocali dissimulantur; ut in hoc exemplo,*

Mult' ill' et terris.

Sic enim pronuntiandum esset, ut alibi diximus. Atque de pronuntiationis uitijs haecenus: nunc de uitioso gestu dicamus: cuius etsi nonnulla uitia supra, dū de recta actione scripsimus attigimus, hic tamen planius omnes partes attingendo omnia per censebimus.

Corporis agitatio, inquietusque motus, quo aliqui magis digladiari, quam agere uidentur, dum ad unam, uel ad alteram partem se inflectunt, aut medium corpus frangunt, aut ante retrouē flectant, in maximis uitijs ponitur. Reprehendenda est, inquit Fabius, & illa frequens & concitata in utraq̃e par-

Lib. 4.
de Eloc.

partem mutatio, quam in Curione patre irrisit Iu-
nius, querens, quis in lintre loqueretur.

Cic. lib.
2. orat.

Huc referres humerorum iactationem, quod vi-
tium, ut supra scripsimus, in se emendauit Demosthe-
nes, ac etiam inambulationem inutilem, praesertim
si quis inambulando dicat: & quaedam alia vitia, quae
refert Fabius; ut est inclinatio ad indices, reclinatio
ad suos, &c.

Caput deiectum, supinum, in latus inclinatum, ac
rigidum, quorundam vitiorum significationem prae-
bet, ut supra diximus: similiter frequens eius mo-
tus non caret culpa, sicuti & rotare, eoque solo
gestum facere.

Vitium est in supercilijs, si aut immota sunt om-
nino, aut nimium mobilia, aut inaequalitate dissident,
aut contra id quod dicimus, finguntur.

Oculos apertos, compressos uel in dicendo; quis
nisi plane rudis, aut stultus habeat? Fixus in una
rem, aut ab auditoribus auersus aspectus, ualde im-
probat.

Labra & porriguntur male, & scinduntur, &
astringuntur, & diducuntur, & dentes nudantur, &
in latus traducuntur. Lamberé quoque ea & mor-
dere deforme est: cum etiam in efficiendis uerbis,
modicus eorum debeat esse motus.

Cervix rigida, & supina non caret vitio, sicuti
colli humerorumque contratio atque alleuatio. Di-
gitis, & manibus varijs modis peccatur; digitis om-
nibus extensis, & dilatatis gestum facere vitiosum
est

est; & contra, iisdem contractis, ut ij faciunt, qui aquam manibus haurire uolunt: auerso pollice aliquid monstrare, indecorum putat Fabius. Tolli manum, idem ait, supra oculos, demitti infra pectus artifices uetant; adeo a capite eam petere, aut ad imum uentrem demittere uitiosum est. Idem, palmas complodere, senicum esse ait, licet in re maxima nonnunquam deceat, sed sepius facere, & aures & oculos auditorum offendit. Huc etiam pertinet suggesti manibus facta percussio. Olim frontem, & femur ferire solebant, sed frontis percussio displicet Fabio. Pedum suppositio non opportuna, & crebra inepti est hominis.

Ad summam, uitium censetur, si gestus cum sententiae sensu simul non incipiat, & cum eadem non deponatur: & multo magis si gestus, & sententia inter se pugnent atque dissentiant. Vnde Polemon Sophista histrionem tragediarum, qui in Olympijs, o Iupiter? pronuntiaret, ostensa terra, o terra? manu in caelum proiecta, sub-

monit a praemijs (praesidebat enim

ei certamini) dicens, Hic

manu commisit solæ-

cismum. Sed de

uiijs ha-

ete-

nus: restat, ut de actionis

exercitatione ali-

quid dica-

mus.

De



QUOD omnes eloquentia partes ad sui perfectionem exercitationem requirunt, tum maxime omnium ea, quæ totam actione consistit, & magis agendo, quam scribendo doceri potest. Quare non ludemus operam, si nonnihil de actionis exercitatione prius scribemus, & id præstabimus, quod alio loco nos facturos esse polliciti sumus: de qua quæ nobis dicenda occurrunt, quibusdam positionibus perstringemus.

Prima positio, actionis, siue pronuntiationis exercitatio est maxime utilis ac necessaria. Hanc positionem, ut probemus, cum sit per se clara, nihil est necesse. Augentur itaque, ut Fabius ait, sicut omnium, ita uocis quoque bona, cura, & negligentia minuuntur. Sed, ut communiter & Phonnascis, & oratoribus necessaria est exercitatio, qua omnia coalescunt, ita curæ non idem genus est; ut plane citatus exponit auctor: quamuis multa sint utrisque communia.

Secunda positio, prima exercitationis cura in eo ponenda est, ut pronuntiationis, & actionis instrumenta conseruentur, & perficiantur; ut sunt corporis firmitas, fauces, & id genus alia. Firmitas corporis conseruanda est, ait Fabius, ne ad spadonum, & mulierum, & ægrotorum exilitatem uox nostra attenuetur: quod ambulatio, unctio, ueneris abstinencia

ria, acilis ciborum digestio, idest frugalitas præstat. Ut fauces sint integræ, hoc est molles ac leues, quarum uitio, & frangitur, & obscuratur, & exasperatur, & scinditur uox. Nam, ut tibi eodem spiritu accepto, alium clausis, alium apertis foraminibus, alium non satis purgatæ, alium quassæ sonum reddunt: ita fauces tumentes strangulant uocem, obtusæ obscurant, rasæ exasperant, conuulsæ fractis sunt organis similes. Finditur etiam spiritus obiectu aliquo, sicut lapillo tenues aquæ, quarum fluxus etiâ si ultra paulum coit, aliquid tamen caui relinquit post id ipsum quod offenderat. Humor quoque uocem, ut nimius impedit, ita consumptus destituit. Nam & fatigatio corpora non ad præsens modo tempus, sed etiam in futurum afficit. Et cum oratori non tam molli teneraque oratione, quam forti, & durabili opus sit, cum multa aspere et concitate sint dicenda, uigilanda noctes, fuligo lacubrationum bibenda, & in sudata ueste durandum, uox delitijs non erit mollienda, nec ea consuetudine inbuenda, quæ nõ sit duratura: sed exercitatio eius talis sit, qualis usus: nec silentio subsidat, sed firmetur consuetudine, qua difficultas omnis leuatur. Illud etiam non sine causa ab omnibus præceptum, ut parcatur maxime uoci in illo a pueritia in adolescentiam transitu; quia naturaliter impeditur, non, ut arbitror, propter calorem, quod quidam putauerunt, nã est maior alijs, sed propter humorem potius. Quo autem modo in dicendo uox conseruanda sit, ex Herenniano auctore supra docui.

Lib. 3.
orat.

Horat.
Fab. lib.
11c. 11.

docuimus; & his uerbis breuiter Antonius exposuit. Nam ad uocem in dicendo obtinendam, nihil est utilius, quā crebra mutatio, nihil permitiosius, quam effusa sine intermissione contentio, Quid? ad aures nostras & actionis suauitatem quid est uicissitudine, & uarietate, & commutatione aptius? Tertia positio, qui cum ratione in pronuntiando se exercere uult, is diligenter eius uitia prius fugiat: cum, ut ille ait, Prima uirtus, sit uitium fugere: & illud exercitationis genus putet optimum, quod est operi simillimum, & quotidie dicere, sicuti agitur, Namque hoc modo, non uox tantum confirmatur, & latus, sed etiam corporis decens, & accommodatus orationi motus componitur. Ediscere autem, quo exercearis, ait Fabius, erit optimum (nam ex tempore dicenti, auocatur cura uocis, ille qui ex rebus ipsis concipitur affectus) & edisere, quam maxime uaria, quæ & clamorem, & disputationem, & sermonem, & flexus habeant, ut simul in omnia paremur: alioqui nitida, & curata uox insolitum laborem recusabit. Illa quidem in hoc opere præcipi quis ferat, pitandos soles, atque uentos, & nubila, etiam ac siccitates? Ita, si dicendum in sole, aut uentoso, humido, calidoue die fuerit, reos deseremus? Nam, crudum quidem, aut saturum, aut ebrium, aut eiectione modo uomitu, quæ cauenda quidam monent, declamare neminem, qui sit mentis compos, putat Fabius.

Quarta positio, qui pronuntiationem recte exercere

agere uoluerit, eum sibi modum, finem ue proponat, ut ita loqui & agere uelit, quemadmodum natura docet: non ergo aliter dicere debemus, atque loquimur; cum eadem rerum natura eandem utrobique agendi, & pronuntiandi rationem flagitet: nisi quod cum loquimur, uox quidem submissior, cum uero dicimus, ob loci amplitudinem, & auditorum frequentiam, eadem attollenda sit, ut ab omnibus audiatur. Quare mirandum est, quod tam pauci recte pronuntiant, cum in hac parte naturam magistram, ac ducem habeant: & facile sit eo peruenire, quo natura ducit. Si quis ergo optimum uult habere magistrum, obseruet etiam ipsas mulierculas inter se loquentes, presertim si rixentur, & eas imitetur: quæ ueris animi affectibus incitate uarias uocis figuras, ac flexus pro affectuum uarietate commutant. Verum, eos etiam loquentes inspiciamus, qui aptius, elegantius, & cum quadam dignitate pronuntiant: atque hac una observatione facile discetur, quod multis præceptionibus uix explicari potest. Eam igitur pronuntiandi rationem sequamur, quam cunctis hominibus natura ipsa, nemine docente, prescripsit. Huc referres imitationem alicuius oratoris, qui in dicendo excelleret, ad cuius similitudinem nos effingamus, & declinato si quod in eo esset uitio: nec enim prauitates imitandæ sunt, quod in quibusdam notauit M. Tullius.

Sed hoc loco monendi sunt, qui ad alicuius imitationem sese accingunt, ut caute, & explorate se gerant.

rant. Cum enim in actione precipue spectetur decorum; sciant hi, non omnia omnes decere. Est enim in hoc, ut scite Fabius scribit, latens quædam ratio, & iuenarrabilis; & ut uere dictum est, caput esse artis, decere quod facias, ita id neque sine arte, nec totum arte tradi potest. In quibusdam, uirtutes non habent gratiam: in quibusdam uitia ipsa delectant. Maximos actores comædiarum Demetrium, & Stratonem placere diuersis uirtutibus uidimus. Sed illud minus mirum, quod alter deos, & iuuenes, & bonos patres, seruosque, & matronas, & graues anus optime; alter acres senes, callidos seruos, parasitos, lenones, & omnia agitatione melius: Fuit enim natura diuersa. Nam uox quoque Demetrii iucundior, illius acrior erat. Annotandę magis proprietates, quę transferri non poterant, manus iactare, & dulces exclamationes theatri causa producere, & ingrediendo uentum concipere ueste, & nonnunquam dextro latere facere gestus, quod neminem alium præter Demetrium decuit: nanque in hæc omnia statura, & mira specie adiunabatur: illum cursus, & agilitas, & uel parum conueniens personę risus (quem non ignarus rationis populo dabat) & contracta etiam ceruicula: quidquid horum alter fecisset, fædissimum uideretur. Quare, norit se quisque, nec tantum ex communibus præceptis, sed etiam ex natura sua capiat consilium formandę actionis. Neque illud tamen est nefas, ut aliquem omnia, uel plura deceant. Huius quoque loci clausula sit eadē necesse est, quę ceterorū est, Regnare maxime modū.

Denique, illud inimitandis in agendo excellen-
tibus oratoribus sequamur consilium, quod de op-
timorum auctorum lectione, inuitationeque agendo
his uerbis, exposuit Fabius, Neque uero id statim
legenti persuasum sit, omnia quæ magni auctores
dixerint, utique esse perfecta: nam & labuntur ali-
quando, & oneri cedunt, & indulgent ingeniorum suo-
rum uoluptati: nec semper intendunt animos, & non
nunquam fatigantur: cum Ciceroni, dormitari inte-
rim Demosthenes, Horatio uero, etiam Homerus ip-
se uideatur. Summi enim sunt, homines tamen: acci-
ditque his, qui quidquid apud illos reppererunt, dicen-
di legem putant, ut deteriora imitentur: id enim est
facilius, ac se abunde similes putent, si uitia magno-
rum sequantur. Hæc ille.

Quintæ positio, quid exercitatio actionis ualeat,
quantumq; possit, speciatim Demosthenis exemplo
cognoscere licet: qui exercitationis beneficio & per
perinacia naturam uicit, & ab inepto, ad aptissimum sta-
tum peruenit, ut de eo recte a quodam dictum fuerit, Suid.
Alium matrem, alium artem peperisse. Huius singu-
laris oratoris circa actionem industria, his potissi-
mum rebus eluxit.

Primum, cum lingua uteretur parum expedita, ita
ut suæ artis primam literam pronuntiare nequiret,
quo facilius uerba ore libero exprimeret, calculos
lingua uoluendo dicere domi solebat. Deinde, cum non
satis firmo atq; stabili uteretur spiritu, ut eum quam
longissimum redderet, scandens in aduersum continua-
bat quam posset plurimos uersus. Postea, ne

populi rumor, aut acclamationes eū dicentem impedit, ad undarum fragorem, in litore dicendo sese exercebat. Ad hæc, humerorū iactationem, ita dicitur emendasse; in angusto quodam pulpito stans dicebat, cui hasta ad humeros iminebat, ut si calore dicitur iactationem vitare excidisset, offensione illa commoveretur. Denique, grande quoddam intuens speculum, actionem componere solebat. Adeo, quamvis fulgor ille sinistras imagines redderet, suis de muneribus oculis credidit, quod efficeret.

Sed hoc loco per candidū Lectorē liceat mihi candido animo, meo exēplo exponere, quātū actionis exercitatio possit. Iuvenilē atq; agetū, actionis prorsus ignarus, cū nihil unquā aut publice, aut privato ullo in genere dixissem; cū accidit, ut in quadā latina, et sacra tragedia in Collegio Germanico Romæ, duæ personæ, unā immūdi spiritus, alteram Regis mihi agenda fuerint; & iterū in alia simili actione, totidē; et tamē ut privata ac diligentis exercitationis tantū paucis dieb. profeci, ut non sine omnium audientium approbatione dixerim, ac speciatim M. Antonij Mureti, & cuiuslibet mei præceptoris acerrimi iudicij viri: ita ut non semel audierim, Hic est ille. Hæc ideo dixi, nō ut aliquid de me dicere uoluerim; sed ut privato exēplo tirones docerē hanc eloquentiæ partē speciatim ab exercitatione pendere; et quæq; eā sibi facile posse comparare, modo diligentia, in qua una virtute Cic. posuit omnia, adhibeatur nō parva. Sed de actionis exercitatione, & de tota agendi ratione satis dictum puto.

Lib. 2.
orat.

Libri Quarti finis.

DE OFFICIO ORATORIS LIBER V.

339

In quo de memoria agitur.

Quæ sit memorie natura. Disp. 1.



VANDAM memorandi artem fieri potuisse, & memoriam in eloquentiæ partibus ponendam esse, eiusq; tractationem ad Rhetorem pertinere, in altero de Arte dicendi libro me docuisse memini. His igitur de memoria capitibus suppositis, illud in præsentia nobis præstandum est, quod ab eas nos præstaturus esse polliciti sumus; hoc est, ut ea præcepta tradamus, quibus memorandi artem contineri a dicendi magistris existimatur. Id autem ita præstabimus, ut longam tractationem facere nolumus, quam tamē facere possemus; cum hac de re multos scriptos libros olim legerimus, et lecta notauerimus. Ad quod faciendum illud etiam nos adducit, quod uerissimum id esse putemus, in quo omnes qui hac de re scribunt, conuenerunt, Memoriam non minus ab assidua exercitatione, quam ab artis præceptis pendere.

Ea igitur potissimum prosequar, quæ proxime ad rem facient, & quæ magis memoriam inuare, quam obruere possunt. Nam, ut non sumus in illa

hæresi, quæ hanc artem operosiores, quam utiliores esse existimat; ita, non multum studij, diligentia, ac temporis in ea ponendum esse arbitramur: cum nimia hac in re cura, nimium obsit iudicio; id quod experientia, & ratione confirmari posset: modo quis ex hac arte inanem quandam gloriam sibi comparare nollit, ut quidam parum prudenter uolunt. Et quamuis loco citato nonnihil de memoria natura dixerim; hic tamen paullo accuratius de eadem re hac prima disputatione agam, ut quæ de hac arte traduntur præcepta, quid quantumq; ualeant facilius intelligi possit.

Antequam autem quicquam de re proposita scribo, quosdam citabo auctores, qui de memoria aliquid literis commendarunt.

Lib. 3.

Lib. xj.
c. 2.

Scripsit de memoria pauca quædam Herennianus auctor: pauciora M. Tullius in secundo de oratore sermone: copiosius Quintilianus, sed non dixit omnia: Ioannes Romberech, quem Italicum fecit Ludonicus Dulcius: Gulielmus Gratarola, Tuscanella, Herbetius libro quinto de Oratore, Petrus Guntherus libro secundo, Iacobus Publicius, libro suarum institutionum, Ioannes Metzgingenus libello de præceptis memoriae, Franciscus Petrarca, Petrus Rauennas, Matheolus Perusinus, Ioan. Bapt. Porta, Cosmus Rosellius, Iacobus Peres. Simon Lucens. Philippus Gesualdus Italice, et nonnulli alij qui de Rhetorica scripsere.

Lib. 9.
c. 17.

In lib.
Ari. de
mem.

Et quoniam in hac disputatione nullæ sunt citandæ

antorum sententiæ, aut ponenda fundamenta, cū eā philosophice examinare nolumus; propterea quæ dicenda sunt, quibusdam positionibus complectemur.

Prima positio, uox memoria, trib. modis sumi potest; pro actu memorandi, pro facultate & ut retinēdi in ea quæ præcepta sunt, & pro doctrina, siue habitu bene memorandi, et hoc pacto accepta, est quarta eloquentiæ pars. Unde colligeres, memoriā esse duplicem, alteram naturālē, uim nimirū quandā certis animantibus a natura tributam, qua præteritorū recordantur; alterā acquisitā, siue artificiosam. De illa meminit Cicero, cū dixit, virtutes quasdam nobis in generari, ut est docilitas, & memoria; per quā animus repetit quæ suere: & Plato cū memoriā, & oxymathian. i. dicēdi celeritatē naturæ tribuit: q̄ ferre oīa uno īgenij nomine designātur, et has virtutes q̄ habet, ingeniosi. De altera vero, cū de Simonide loquēdo dixit, Quē primū ferūt artē memorię ptulisse.

Secunda positio obiectum, siue res in quā fertur ac terminatur memorandi actus, est res præterita iā cognita. Quoniā, nemo dicit se memorari futura, aut præsentia: erit igitur præteritorū. Ex quib. primū inferres, aliqd de nouo discere, nō esse memorari, aut reminisci: cū id discatur, quod prius ignotū fuerat. Deinde, ex dictis inferre licet, ea solum animalia memoria esse prædita, quæ tēpus præteritū percipere possunt. Postremo colligeres, ad actum memoriæ necessariū esse ut aliqd rei iā præterita, aut et corrupta in eo qui recordatur remaneat. Id autē q̄ remanet

Alber.
summā
de hom.
tract. de
memor.

Damas.
lib. 2. de
fide. ca.
20.

Lib. 2.
orat.

Colleg. Conimbr. sunt similitudines ac species rerum iam perceptarum; quarum sedes sunt spiritus in cerebro residentes; in quibus illæ sunt impressæ figuræ, sicuti picturæ in picta tabula; ac etiam cerebri substantia, ut quidam docent.

Themis. li. 2. para. phr. de anim. c. 4. in. Tertia positio, memoria non est idem quod remîniscentia. Nam reminiscencia, proprie loquendo, est eorum, quorum obliti sumus, quorum non statim recordamur, cum ea cogitare uolumus; ut sunt illæ quorum species non statim occurrunt: Est itaque reminiscencia quasi rediuiua memoria siue memorię collapse innouatio. Memoria uero est earum rerum quas prius cognoscimus, & nos cognouisse animaduertimus: quarum species sunt in promptu, & sine ulla mora, uim memorandi excitant. Vtraque tamen in præteritum fertur: ac proinde qui memorari & reminisci uolunt, præteriti temporis rationem habere debent. Vnde, memoria est rei ante cognitę ac cognita est repetita cognitio.

Quarta positio, ad producendum actum memorię uarij requiruntur actus. Ad huius positionis explicationem animaduertendum est, omnem nostram doctrinam ortum habere ab ijs rebus quę sub sensum cadunt; quę per quasdam sui similitudines in nostros sensus quasi per portas ingrediuntur. Externi uero sensus, hoc est aspectus, auditus, odoratus, gustus, & tactus, quas accipiunt rerum imagines ac species, eas ad internos sensus transmittunt.

Sunt autem sensus interni tres, quorum primus dicitur

dicitur sensus communis, sic dictus, quia singulas sensuum exteriorum species cognoscit: quas postea transmittit ad secundum, qui uocatur phantasia, siue estimatiua; cuius munus est cognoscere res etiā absentes, atque de eis iudicium ferre sub ratione boni, & mali; & ita format quasdam notitias, quas uocant, species non sensatas, & has, & illas quas a sensu communi accepit, conseruandas tradere memorię, quę est tertius internus sensus. Primus residet in prima cerebri parte, secundus in secunda, tertius in tertia: tot enim, ut scribitur, sunt in cerebro quasi cellule, in quib. tres sensus interni residēt.

Cum ergo homo actum memorandi uult producere, cogitatiua in brutis, & intellectus in homine repetit, ut ita dicam, conseruatas rerum imagines a memoria, quę res iam cognitās sub ratione pręteriti representat, & ita, re presente, actus produciuntur memorandi: ad cuius generationem quattuor motus sunt necessarij, ut aliqui scribunt: unus quo spiritus in quibus susceptę species continentur, traducuntur ad memoriam: alter, quo formę illę in memoria imprimuntur: tertius, quo a ui memoratiua ad cogitandi, siue intelligendi uim formę illę redeūt, cum aliquid cognoscere uolumus: postremus actio ipsa recogitandi, quę proprie est memoria, quam ars promptam & expeditam reddit, ex quibus colligeres, memorandi facultatem solum species ipsas conseruare, non autem actum ipsum producere. Sed de his accuratius uideant philosophi: nos ad ea pergamus

mus quæ proprius ad rem nostram pertinet: uerum
quæ ad pleniorẽ huius tractationis cognitionem
attigimus, ea non sunt inutilia.

Ex ijs quæ dicta sunt nonnulla colligere licet; pri-
mum, memorandi uim esse materialem, de sensitua
loquor: neq; .n. negamus memoriã intellectuã, quã
cum nonnullis dices non esse ab intelligẽtia distin-
ctã, sed esse eandẽ, ut in futurum fertur. Deinde, ex
Colleg. dictis intelligi potest, cur imagines rerum quarum
Conim. recordari uolumus uim habeant ad excitandã memo-
D. Tho. riam, hoc est cognoscendi uim, ad cogitandum id, qd̃
1. par. q. iam cognoueramus: quia nihil in hac uita possumus
79. ar. 7. cognoscere sine phantasia, quæ cum sit uis in corpo-
Arist. li. re, pendet a rebus corporeis, ad quarum præsentia
de anim. excitatur, & ad cognoscendum prouocatur: non se-
cus ac ille, qui redeundo ad locum in quo aliquid fe-
cerat, ex loci præsentia, in rei factæ cogitationẽ ue-
nit. Postremo colligeres, cur alius alio meliore, aut
Fernel. deteriore utatur memoria; ea nimirũ de causa, quia
lib. 6. sue ab habitu, & instrumentis corporis pendet; et maxi-
physiol. me a diuersa cerebri in quo residet natura; quãuis in
Gal. li. 3. omnibus eodem modo sit perfectus animus.
de locis
affectis.
cap. 5.

Quinta positio, memoriæ bonitas pendet ex bono
cerebri, siue potentiæ memoratiue habitu, ex humi-
ditatis & siccitatis bona temperatione nato. Tempe-
rata itaq; humiditas, & siccitas bonã cõstituent me-
moriã: illa ad imagines recipiendas, hæc ad easdẽ re-
tinendas confert: quo fit, ut nimia humiditas retentio-
nem, & siccitas immoderata perceptionẽ impediat.

Frigiditas autem maxime omnium memorie aduersatur; quia eam confundit: ut merito Paullus Aegine ta dixerit, Frigiditatis filia est obliuio. Obest etiam nimia caliditas, unde oritur siccitas: quare utriusque temperatione opus est. Ex quibus intelligi potest, cur infantes & senes parum memoria ualeant: illi ob nimiam humilitatem, hi ob siccitatem. Quare, qui a natura bonam sortiti sunt memoriam, hoc donum sane maximum summo Parenti omnium bonorum largitori acceptum referant: quod, ut deinceps dicemus, medicamentis, arte, & exercitatione iuuari potest.

Sexta positio, naturalis memorie bonitas ac perfectio, consistit in facili apprehensione, & firma retentione, atque in rerum repetitarum expedita redditione. Qui ergo facile apprehendunt, firmiter retinent, & expedite promunt, bona sunt memoria praediti, qui contra, mala, aut minus bona.

Ad hos autem actus producendos mirum in modum artificiosa memoria confert, ut postea dicetur; Quam hunc in modum definires, Memoria est memorandi faculta arte & exercitatione acquisita; siue ars, qua cito res comprehenduntur, firmiter retinentur, ac facile promuntur: uel cum alijs hoc modo, Memoria est firma rerum, & uerborum dispositionis, elocutionis, et obseruatae pronuntiationis comprehensio: harum. n. rerum custos est memoria. Ex quibus illud inferre licet, hanc artem naturalem memoriam confirmare, et augere, & non solum conferre ad facile memorandum, sed etiam ad facile discendum, cum comprehensionem inuenit. Atque de hac prima disputatione satis.

Quanta sit memoriæ utilitas, atque necessitas,
Disput. 2.



NVTILE sane censeretur, quicquam de memoriæ necessitate & utilitate scribere, si homines tantam in ea excolenda ponerent diligentiam, quantum sane ponerent, si quantum utilis & necessaria est, intelligerent; nec fuissent, qui eam inutilem esse existimarunt. Cum ergo in hac arte, siue facultate excolenda, quæ est omnium artium fons, atque origo, omnes qui literas profitentur, non sine maximo detrimento negligentes sint; aliquid de rebus propositis mihi scribendum duxi: de quibus, cum nihil notandum occurrat, ita breuiter statuo.

Prima positio, memoria artificiosa fuit inuenta necessaria. Primum quidem, quoniam corporeis imaginibus quasi quibusdam sigillis earum rerum formæ memoriæ, quæ alias non facile eas recipit, imprimuntur, & ueluti notæ quedam inuruntur. Deinde, quia hominum memoria, ut plurimum, est exilis, labilis, atque infirma, ac proinde artificiosæ præceptis, quasi quibusdam fulcris, non secus ac domus quæ uitium facit, fulcienda fuit. Postea, quia spiritualium rerum notiones mente conceptæ, facile effugiunt, nisi idolis quibusdam retineantur. Denique, idem patet a simili de scriptura, & literis, quarum; ad multa conseruanda, maxima fuit, necessitas: quamuis, ut quidam putarunt, literarum inuen-

Ippon.
Camer.

10.

inuentio nonnihil detrimenti memorię attulerit :
quia quę scriptis commendauimus, custodire defini-
mus, ipsa quę securitate dimittimus.

Secunda positiō, memorandi facultas eius quę
vsus maximas secum utilitates affert. Hanc posi-
tionem per se notissimam illustrabimus aliquot nu-
merando fructus, quos diligens memorię cultura
producit.

Primum, si illud contritum prouerbiū uerū
est, Tantum scimus, quantum memorię manda-
mus, una sola memoria est, per quam docti & sapiē-
tes nominari poterimus. Et sane, quid prodest
multa audiuisse, legisse, aut scripsisse, si nihil in ani-
mo memorię beneficio retineatur? nihil profecto.
Non Iecus ac si quis multos & boni succi cibos e-
deret, & nihil alimenti retineret, uel, si quis mul-
tas opes laborando acquireret, quas statim dissipari
sineret. Posset ne is cum Biantē dicere, Omnia mea
mecum porto (id quod cum a patria discedebat Pe-
trus Rauennas vsurpabat, cum secum, memorię be-
neficio, suam bibliothecam exportaret) si ea non in
memoria, sed in libris tantum possideret? Si ergo
aliquis scientis & sapientis nomen uere possidere
nult, is memoriā excolat: ne in eum dici possit,
quod in Philomusum dixit Ausonius.

Emptis quod libris tibi bibliotheca referta est,
Doctum & Grammaticum Philomusē putas:
Hoc genere & chordas, et plectrā, et barbita conde,
Hodie mercator, cras citharedaus eris.

Dein-

Deinde memoria, ut Fabius ait, boni ingenij famam facit: ut illa quę didicimus, non domi attulisse, sed ibi protinus sumpsisse uideamur: quod & Oratori, et ipsi causę multum prodest. Nam & magis miratur, & minus timet iudex, quę non putat aduersus se preparata. Idque in actionibus, inter precipua seruandum est; ut quedam etiam quę optime innoxius, uelut soluta enuntiemus, & cogitationibus nonnunquam & dubitantibus similes querere uideamur, quę attulimus.

Potestea, bona memoria maxime confert ad subitam orationem habendam; cum is possit subito dicere qui multas res memoria est complexus: aut qui, quocunque temporis spatio dato, quę inuenerit stabili memoria conseruare poterit.

Potesterea, efficit memoria, presertim artificiosa, hominem euphantasiaton, hoc est, facilem ad imaginandum; quod sane ad multa multo melius percipiendū, & exprimenda est maxime necessarium: cum uerum sit pronuntiatum illud, Opus esse intelligentem phantasmata speculari.

Ad hæc, efficit ut secure & prompte ea quę didicimus, dicamus, & ut elegantius rectiusque pronuntiemus, atque agamus: quę utilitas est sane maxima. Et quod huc facit, uiri alias docti & eloquentes, ob unius memorię uitium in agendo defecerunt, ut Theophrastus, Demosthenes, Herodes Atticus, et Heraclitus Sophista. Qui igitur orationem agendo sedare, aut plane corrumpere non uult, is memorię culturam non negligat: ne dum id quod parum tenet, sibi excidat, timeat.

Lib. i. de
Eloquii.

Pet. Cri.
lib. 3. c. 3

timeat. Inde interruptus actionis impetus, et resistēs ac salebrosa oratio, & qui dicit ediscenti similis, etiā omnem bene scriptorum gratiam perdit, uel hoc ipso, quod scripsisse se confitetur, ut ait Fabius.

Iam uero, memoria artificiosa conseruat, auget, confirmatque naturalem memorandi uim, efficitque ut facilius rem comprehendamus, retineamus, atque promamus. Et ut hunc locum cū Antonio concludā, Qui sit autem Oratori memorię fructus, quanta utilitas, quanta uis, quid me attinet dicere? tenere quæ didiceris in accipienda causa, quæ ipse cogitaris, omnes fixas esse in animo sentētias, omnē descriptum uerborū apparatū, ita audire, uel eū unde dicas, uel ei cui respondendū sit, ut illi non infundere in aures tuam orationem, sed in animo uideatur inscribere. Itaque qui memoria uigent, nesciunt quid, & quatenus, & quo modo dicturi sint, quid responderit, quid super sit; nēdum multa ex alijs causis aliquando a se actis, multa ab alijs audita meminerūt. Atq; ex his intelligere licet; Coreas. quantū errent illi, qui memoriā nihil ad persuadendū conferre putant: ut ex insequenti positione multo manifestius fiet.

Tertia positio, memoria cū omnib⁹ artib⁹ est utilis, tū eloquētiae, cui omnino est necessaria. Quid enim prodest optimas sentētias inuenisse, easque apte collocasse, selectisq; uerbis exornasse, si memorię uitio tota oratio obscuretur, inuertatur, ac deformetur, nec cōgruenti actione exprimat^r? Omnis, mihi crede, labor perit ubi memoria rerū oīum custos desideratur: qua, cū carent Cu-

Curio audientium cacochinnos commouebat. Quis est memoria præditus, boni ingenij speciem præbet, paratæ orationis suspicionem tollit, cum fides ci in publicum uenit, & quasi secunda aspirante aura, recto ac facili cursu ad portum peruenit. Qui memoria est destitutus, timet, hæret, frigide dicit, nullam in pronuntiando rationem seruat, atque cæterarum eloquentiæ partium munera peruertit. Hic est uenter ille animi, qui cibos excipit, exceptos concoquit, & concoctos in sucum sanguinemque conuertit: hic est ille fidus omnium artium custos: hic est ille uerus eloquentiæ thesaurus: hæc est sapientiæ & Musarum mater: hæc tabula in qua omnes rerum omnium imagines pinguntur: hæc gemma in qua sculptæ sunt literæ, quæ in cerâ desiguntur: hæc clarissima lux quæ dicentem præit, nec in dicendo labi finit: Hoc, inquam est eruditionis pænu: hoc ingenij signum, & denique hoc insigne diuinitatis argumentum. Nesciretur, inquit Fabius, quantæ uis esset eius, quanta diuinitas illa, nisi in hoc lumen orandi uim extulisset. Non enim rerum modo, sed etiam uerborum ordinem præstat: nec ea pauca con-
 texit, sed durat prope in infinitum, & in longissimis actionibus prius audiendi patientia, quam memoriæ fides deficit. Quod & ipsum argumentū est, subesse artem aliquā, iuuariq; ratione naturā. Et ut illud ad extremum addiderim, quis memoriæ uim non admittitur, cū quæpiā duas, tres, et quattuor horas perpetuo dicentē, & nunquam herentem, nec in uerbo laben-

tem audiuerit, cum tantam rerum multitudinem
 & ut ita dicam, tam vastum fluiuium ex memoria
 fonte manantem uiderit? Magna itaque immo ma-
 xima, est memoriæ uis, per quam Crassus quinque
 Græci sermonis differentias sic tenuit, ut cum Asia
 præesset, qua quisque apud eum lingua postulasset,
 eadē sibi ius redditū foret: Theodectes multos semel
 auditos uersus protinus reddidit: Seneca duo mil-
 lia nomina quo ordine dicta erant, recitauit: Cyrus
 in numerosissimo exercitu, omnium militum nomina
 tenuit. Mithridates duarum & uiginti gentium
 linguis iura dixit: & denique Cyneas Pirrhi legatus
 nouus in Vrbe homo, totam Romanam plebem nomi-
 natim postero die salutauit.

Sed dicat hoc loco quispiam, qui fieri potest, ut fa-
 cilius locum, imaginem, & rem signatam teneamus,
 quam illam unam rem, cuius meminisse uolumus?
 Huic petitioni his Antonij uerbis facile responde-
 res, Vidit. n. hoc prudenter, siue Simonides, siue
 alius quis inuenit, ea maxime animis effingi nostris,
 quæ essent a sensu tradita atque impressa, accerri-
 mum autem ex omnibus nostris sensibus esse sensum
 uidendi, quare facillime animo teneri posse ea, quæ
 perciperentur auribus, aut cogitatione, si etiam ocu-
 lorum cōmendatione animis traderentur, ut res cæcas
 & ab aspectus iudicio remotas conformatio quædā,
 & imago, & figura ita notaret, ut ea quæ cogitando
 complecti uix possemus, intuendo quasi teneremus.
 Hæc Antonius: quibus adde ea quæ alio loco ad ean-
 dem

Coel. Ro
 dig. lib.
 20. c. 10.
 Alex. ab
 Alex. li.
 6. ca. 18.
 Muret.
 li. 3. Var.
 lect. ca. 1.
 Solin. in
 polyt.
 cap. 7.

Valer.
 Max. li.
 8. ca. 7.

Li. 2. de
 arte di-
 cendi.

dem dubitationem respondendo diximus.

Ultima positio, quamvis memoria artificiosa sit maxime utilis: tamen ne inutilis uel etiam pernicio-
sa fiat, in ea perdiscenda, & in eius usu adhibendus
est modus. Neque enim id consilij cuiquam darem,
ut tantum studij in hac arte poneret, ut quædam rara
miracula ederet, & magis ex ea gloriam, quam utili-
tatem quæreretur: & ut naturali memoria neglecta,
omnia per artificiosam sibi ediscenda putaret; ut in-
fra planius dicetur.

Lib. 3. de
ora.

Quod si quis de huius artis inuentore petat, his
verbis respondebit Antonius: Gratias habeo Simon-
nidi illi Chio, quem primum ferunt artem memorie
protulisse. Dicunt enim cum cænare Cranane in The-
salia apud Scopam fortunatum hominem & nobile,
cecinissetque illud carmen, quod in eum scripsisset: in
quo multa, ornandi causa, pætarum more, in Castorē
scripta & Pollucem fuissent: nimis illam sordide Si-
monidi dixisse, sed dimidium eius ei quod pactus es-
set pro illo carmine daturum: reliquum a suis Tynda-
ridis, quos eque laudasset, peteret, si ei uideretur.
Paullo post esse ferunt nunciatum Simonidi, ut pro-
diret: iuuenes stare ad ianuam duos quosdam, qui eū
magnopere euocarent: surrexisse illum ipsum, prodif-
se, uidisse neminem: hoc interim spatium conclaue illud
ubi epularetur Scopas, concidisse: ea ruina ipsum op-
pressum cum suis interisse: quos cum humare uellēt
sui, nec possent obtritatos internoscere ullo modo, Simo-
nides dicitur ex eo, quod meminisset, quo eorum loco
quisque

quisque cubuisset, demonstrator uniuscuiusque; sepe-
liendi fuisse. Hac tum re admonitus inuenisse fer-
tur, ordinem esse maxime, qui memoriae lumen affer-
ret. Itaque ipsi, qui hanc partem ingenij exercerent,
locos esse capiendos, & ea, quae memoria tenere uel-
lent, effingenda animo, atque in his locis collocan-
canda: sic fore, ut ordinem rerum, locorum ordo
conseruaret, res autem ipsas rerum effigies nota-
ret, atque ut locis procera, simulacris pro literis
uteretur. Hæc Antonius.

De quibusdam admonitionibus ad facilius edi-
scendum. Disput. 3.



V M itaque bene culta memoria tot
fructus pariat; si de eius cultura paul-
lo fusius egerimus, quam aliqui agen-
dum putant, profecto non erit inuti-
le. Et cum tria sint, quibus uis memorandi a natu-
ra tributa iuuari potest, medicamenta, observatio-
nes quædam ad exercitationem accommodatæ, & ar-
tificiose præcepta; hac disputatione de duobus pri-
mis capitibus aliquid dicemus, postea de tertio co-
piosius disputabimus.

Quod igitur ad primū attinet, omnes fere, qui hæc
tractauere materiā, memoriā aliquib. medicamentis,
tū simplicibus, tum cōpositis iuuari posse fatentur.
In simplicib. numeratur esus melisophylli, melisse, ce-
rebri gallinæ, limaturæ ebori, nasturtij, unde puerbiū,
Ede nasturtiū, et quarundā aliarū rerū: sed de medi-
camentis cum Medicū agere nolum, Medicos cōsule.

Ea est medicamentorum uis, ut impedimenta auferant, & uim a natura tributam aliquo pacto iuent. Verum, in eis adhibendis magna est opus cautela: quia, dum datur opera ut frigiditas temperetur, timendum est, ne in siccitatem ueniatur, & contra. Huc referres uictus rationem: cum e cibis, aliqui obsint, alij prosint memoriæ. Obsunt omnes illi quorum post comestionem fumus ad caput ascendit, & illi qui spiritus crassiores producant; ut esus aliorum, ceparum, casei, herbarum crudarum, & acidarum rerum. Item, plurimi uini præsertim potentis potio est pessima: contra, mediocris & temperata est utilis. Rursus consuetudines quædam obsunt; ut quies superflua, quæ calorem debilitat & superfluitates retinet: somnus cibo propinquus, et immoderatus: dormire pedibus calceatis, ob uaporum reflexionem: & frequens uenus. Quidam uero cibi prosunt, ut cibi stiptici, qui uaporum ascensum impediunt, ut coriandrum. Item cibi temperati; ut caro gallinarum, perdicum, & speciatim cerebella. Similiter gaudium temperatum, animi relaxatio honesta, atque superfluitatum emissio. Externutatio ante cibum, capitis confricatio cum pectine post somnum, capitis & pedum lotio cum lixiuio, in quo præsertim certæ herbe bulluerint: & si quæ sunt alia.

Atque hæc de primo capite: nunc de secundo, de quo, cum uarie & confuse scribatur, nos omnia ad quædam capita reuocabimus; quæ sunt, persona,

na, res, auxilia, siue quæ iuuant, siue modus, locus, tempus, & finis. Et quamuis nonnulla quæ ad personam pertinent supra attigerimus, tamen aliquid rursus breuiter dicemus.

In persona igitur quæ memoriam excolendo meliorem reddere studet, hæc desiderantur: bona corporis constitutio, animus bene affectus, & maxime his virtutibus ornatus, temperantia, continentia, sobrietate, studio, diligentia, hilaritate, tranquillitate, & denique summissione, siue humilitate; quæ qui seipsum euacuat, dignus est, qui a Deo omnium scientiarum, & uirtutum fonte, omni doctrina atque uirtute repleatur: quæ bona is multo facilius obtinebit, qui quotidianis precibus ea a Deo postulabit, Huc facit admonitio illa, ut quisque præstantissimum esse putet, maximiq; faciat id, cuius meminisse uult, et eum præceptorem habeat, quem admiretur, libenterque audiat: cum uoluptas & admiratio non parum memoriam iuuent: ac proinde animus a curis & ab alijs cogitationibus, quantum fieri potest, se uocandus est. Huc etiam facit, ut eam facultatem quam quis uult ediscere difficilem esse existimet, ita ut ingenium sibi acuendum & intendendum putet, quod sane multum ad memoriam ualet. Sed de primo capite hætenus.

De secundo, hoc est, de rebus quæ memoriam excolendo ediscendæ sunt, in hac amplissima animi arca diuinoque penu non quæcunque res ponendæ sunt; sed illæ quarum potest esse quotidianus usus,

Et usura: ac proinde eorum quæ asseruanda sunt habendus est delectus, ne memoria rebus impuris inficitur, aut inutilibus repleatur. Discantur itaque ea quæ sunt ad honeste pieque uiuendum necessaria: quæ ad artem quam profiteri uolumus pertinent, uel ad finem quo tendimus ducunt: quæ præsens occasio requirit: bonarum artium principia: utiles in omni uita sententiae: quidquid cum utilitate delectat, & admirationem affert: & denique multa, tum ex alienis, tum ex nostris, quibus memoria thesaurus honeste & utiliter augeri possit: quæ nunquam nos didicisse poeniteat in quo quantum a multis peccetur, quis est qui non uideat? qui non minus imprudenter errant, atque is, qui pro auro ferrum, pro genis lapides, pro frumeto lolium, & pro fulgentibus carbunculis nigros congereret carbones. Sed de his hucusque. De tertio capite, multa occurrunt præsidia quæ ad facilius ediscendum conferunt, e quibus quædam efficaciora paucis perstringam.

Primum atque præcipuum est ordo, qui, ut scribitur, memoriae maximum lumen affert. Quare, qui rem aliquam apte disponet, & eius partes suis in locis collocabit, aut iam collocatas animaduertet, is facile ediscet. Proderit ergo ad facile ediscendum rerum ac rationum tractandarum methodum tenere; qua totum in partes, in membra, in principia, in causas, & in effectus distribuatur. Idcirco qui uellet facilius orationem aliquam ediscere, eius ordinem, maiores & minores partes obseruaret, & ita exordij, narrationis, dispo-

dispositionis, argumentorum, locorumque in confirmatione positorum, & in summa rerum, & uerborum seriem diligenter notaret. Iuuant rerum adnotata capita, iuuant tabulae: multa enim ad breuitatem & ordinem redacta, multo percipiuntur melius.

Deligens auscultatio, quae uires intendit; quam delictatio & admiratio sequi solent; quae, ut ante dicebam, multum memoriam iuuant. Atque idem de diligenti lectione dicas. Unde fiet, ut quod auditur, intelligatur: intelligentia autem est memoriae maximum praesidium. Sicuti etiam rerum quarum facilius meminisse uolumus aspectus.

Si longior oratio memoria comprehendenda sit, per partes ediscatur: quae nec ordine dispositionis certo careant, nec sint nimis exiguae, et multae, nec orationis filum contextumque nimium distinguant, et concidant. Partibus quae diffusi illius memoriae haerent aliquae affigantur notae, quae memoriae excitent; aut certe aliud quod signum in scriptura notetur.

Uno eodemque codice scriptura ue uti in eadem re ediscenda, nonnihil emolumenti affert; sicuti etiam eorum quae memoriae mandare uolumus scriptio: si quidem stylus non secus in pectus, quam in chartam rem memorandam imprimit, attentione.

Quod attinet ad modum, utile putatur, si quis non inclinato capite, & pectore ediscat: si ipse potius tacite, et attente legat, quam si alium legentem audiat. Prestabit ergo tacite ediscere, quam aliquo intercedente

sono, & voce: cum in quiete mens sit attentior, & expeditior.

Verum, & si alieno opus est silentio, non proinde suo: nam interdum animum quasi otiosum alia subeunt cogitationes, in quibus occupatus, facile peregrinari incipit; qui exiguo murmure reuocandus, & quæ interpellare ceperat, excludenda est cogitatio. Sic enim altiore lectione, duobus sensibus, quasi fenestras, aperiremus; patefaciendo ad animum ingressum per intuitum & auditum.

Periculum quoque faciendum est, teneamus ne, & an satis firmiter conceperimus, quæ iam didicimus: Quoniam continuata lectio, & quæ magis, & quæ minus hærent, equaliter transit.

Quoties, quod firma memoria tenere uolumus, id frequenter ad memoriam est reuocandum, recordationeque repetendum. Ex sensu enim nascitur memoria, ex memoria sæpius repetita experientia, ex frequenti experientia ars, & scientia.

Quare, cogitata, audita, & alio quouis modo percepta, sæpius disputando, & communicando, repetenda sunt: Cum, ut Seneca ait, Memoria nihil perdat, nisi quæ sæpe non respicit.

Quod attinet ad locum, in omni loco possumus aliquid discere, in scholis, domi, foris, sedendo, ambulando: sed utilissimum est habere locum remotum, alienum a rumoribus, & a sermone etiam familiarium seiunctum; iuxta ea quæ libro quarto de Caussis eloquentiæ, de exercitatione agendo, dixi.

Quan-

Quando, si hæc circumstantia petat, a quo tempore memorię cultura auspicanda sit, dicendum est a teneris annis exercendam esse memoriam: quia pueris omnia sunt noua, omnia admirabilia, & hæc sunt quę retinentur: a quibus tamen plena opera exigenda non sunt; sed id quod possunt: ne id forte oderint, quod nondum amare queunt: parue itaq; sententię pueris discendę a principio tradantur.

Si vero quęrat^{ur} tempus in quo sit discendum, tertę sint constitutę horę, & illę maxime, quibus stomachus est cibo vacuus. Priuatim vero aurora Musis semper amica habita fuit: at uesperitimum tempus repetitioni omnium est aptissimum.

Tenenda igitur est Catonis exercitatio, qui, ut Cicer^o refert, Pythagoreorum more exercendę memorię causā, quidquid toto die audierat, dixerat, legerat, commemorabat uesperⁱ. Quamuis ergo pene in prouerbium abierit, Memoria matutina, quod sincerius fixiusque teneantur, quę proferente iam se aurora percipimus: tamen & nox ipsa, & illud quod alias causā solet esse obliuionis tempus, memoriam mire adiuuat, & confirmat.

Noctu enim nusquam auocatur mentis intentio, quę facit ut ea quę discimus, uelut oculis subiecta cernere uideamur: & ab illa siue cogitatione, siue lectione, nihil deinceps animo agitamus: sed quietem statim capimus: quę, dictu mirum est, quantum asserat firmitatis, quando sic labor ille, cuius

ipsa fatigatio obstabat, uel requiescit, uel maturatur, ac concoquitur. Quare, una interposita nocte, quæ statim referri non poterant, postero die pulcherrime contexantur. Ut enim cibus statim ingestus magis grauat stomachum, quam vires augeat, tantisper cum concoctus in venas & corpus digeritur: ita lectio, vix dum audita, parum prodest, donec in animi uentriculo conficiatur. Igitur quæ sub somnum ediscuntur, ea tibi mane promptius longe a memoria representabuntur, quam quouis alio tempore, modo ne cumbitum abeas cum crapula, nimioque cibo grauatus, vel inedia penitus absumptus.

Denique, quod ad finem attinet, ut facilius omnia discantur, ut qui in discendo sumitur labor sit multo iucundior, quidquid discitur, in Dei gloriam discatur. Atque hæc sunt admonitiones quæ fere dari solent ijs, qui memoriam sine artificio simplici exercitatione, excolere uolunt: consequens est, ut de artificiose dicamus.



De locorum artificiosa memoria inuentione,
& constitutione. Disput. 4.



ARTIFICIOSAM memoriam omnes qui de ea aliquid literis cōmendarunt, duabus rebus contineri, uno ore fatentur, locis & imaginibus. Sunt autem loca insar tabulæ, chartæ, ceræ, & membranæ in qua scribitur: imagines uero tanquam scriptura, aut literæ, seu formæ, & earum rerum quas memoriæ mandare contendimus similitudines. De duabus itaque rebus in quibus tota hæc ars uersatur, nobis agendum est: & primum de locis, postea de imaginibus: de quibus quæ dicenda occurrunt, quibusdam positionibus complectar.

Prima positio, locus est receptaculum, re aut cogitatione designatum, in quo imagines repetendæ collocantur. Sunt itaque memoriæ artificiosæ loca, ueluti uasa, in quæ infunditur, & e quibus effunditur aqua, ut alia iterum infundatur: uel, ut ante dicebamus, sunt ueluti tabulæ, aut chartæ in quib. literæ scribuntur, & iam scriptæ delentur.

Secunda positio, locus, ut ad nostrum institutum pertinet, hoc pacto diuidi potest. Locorū alius cōmunis, ut est ille qui plura continet loca, ut platea, templum, domus: alius proprius, qui proxime unam rem tantum cōplectitur, aut completi potest, cuiusmodi est locus cui cōmittendū est simulacrū: Rursus, alius inuisibilis sua natura; ut beatarum mētium habi-

habitaculum: alius a mente humana confectus; ut oppidum in aere: quo locorum genere, an utendum sit, postea dicetur: alius realis, & corporeus, qui est duplex: alter qui nihil uere continere potest, ut cœli signa & partes: alter qui potest; ut locus in cubiculo, in ecclesia. Solent etiam aliqui diuidere locum in magnū, ut est cubiculum, in maiorem, ut domus, & in maximum, ut Ciuitas: Sed hæc diuisio parum ad rem facit.

Tertia positio, locorum fictorum, et eorum qui sub aspectum non cadunt, aut difficile cadunt, nullus esse debet in hac arte usus. Primum, quia non facile finguntur, nec etiam facile occurrunt, mentem ue excitant, ut loca oculis subiecta, & nobis nota. Deinde, quia nulla est necessitas, ut, veris locis relictis, quæ cuique sunt in promptu, ad ficta & a sensibus remota confugiamus. Ideo Fabius iure mirabatur Methrodorum, qui in duodecim signis per quæ sol meat, trecentos, & sexagenos inuenerit locos. Vanitas, inquit ipse, nimirum fuit, atque iactatio circa memoriā suā, potius arte, quam natura gloriantis.

Quarta positio, qui artificiosa memoria uti uult, loca adhibeat naturalia, spectabilia, atque nota, & a se frequentata; ut est domus in qua habitamus, modo in ea commodè loca fabricari possint, iuxta ea, quæ postea dicemus; palatia, templa, & id genus alia maiora uel minora, pro ratione eorum, quorum meminisse volumus.

Quintæ positio, loca debent esse distincta, & ordinata.

dinata. Distincta quidem, ut in illis res possimus collocare distinctas: ordinata uero, quia debent respondere rebus quæ oratione exprimendæ sunt: quæ ut suo ordine sunt digestæ, ita suo ordine locis committendæ erunt: adde etiam, quod nihil fere magis memoriam iuuat, atque ordo facit; quam mirum in modum perturbat confusio. Huiusmodi erunt, si eo in loco, quo uti voluerimus, ordinatim procedentes, loca insigniora notauerimus; ut sunt anguli, fenestræ columnæ, & id genus alia, quæ ex se aliquam distinctionem habent. Quod si locus non sit ex se omnino distinctus, ut certe esse deberet, per alicuius rei appositionem, ut scamni, & selle, vel alterius rei distinguendus erit: Ordo facit, ut a quocunque loco uoluerimus res locatas numerare possimus, ordine recto, aut reflexo.

Sexta positio, loca debent esse capacia, hoc est, tantæ magnitudinis, ut altitudine & latitudine sua id continere possint, quod in eis collocandum erit: Et cum signa rerum quarum meminisse volumus, debeant esse potius magna, quam parua; ideo cauendum erit, ne loca sint nimis angusta; nec contra, nimium lata: In summa, sint rei locandæ accommodata.

Septima positio, quod attinet ad numerum, non datur certa regula, sed quisque pro suo usu plura, aut pauciora habebit. Et quamuis a principio pro tironibus pauca satis esse possint: tamen pro exercitatis, et pro iis qui plurimarum rerum meminisse uolunt, uile erit, si multa ac multa parata & expedita habebuntur:

tur: sicut is, cui sunt scribenda multa multum chartę habere debet. Locorum paratorum multitudo, id etiā commoditatis habet, ut pluribus locis plures imagines accommodare, & uaria rerum genera in uarijs locis collocare possimus: ne, si locorum paucitate laborauerimus, imagines rerum recens præteritarum delere cogamur, quod non est factu facile.

Octaua positio, quod attinet ad qualitatem, loca non sint similia, ut columnę, ac preinde similia aliqua distinctione distinguenda erunt: non sint obscura, non nimis lucida; quia obscuritas mentem obsecat, & splendor dissipat: ceterum, magis nocet obscuritas, quam lux, quære uera parum aut nihil obesse uidetur: quamuis luminis mediocritas magis iuuat. Huc etiā facit quod aliqui dicunt, nō debere esse nimis amœna, nec frequētia; ut sunt plateę, & porticus: unde potius monasteria, edes priuatz, & templa, quam alia magis frequentata loca eligenda sunt.

Nona positio, de situ, siue distantia, loca aliquantum distare debent, saltem quinque, aut sex pedes, sint itaque mediocri distantia disiuncta; ne nimia compressio memoriam conturbet, aut maior distantia dissipet: & quod huc facit, non notentur in loco alto, unde non sint altiora, quam hominis statura: ne, cum res credite quas ab illis repetere uolumus, non sint ad manus; neque ita depensa, ut oculos, cum ea inspiciamus, deicere cogamur.

Decima positio, cum locorum distinctio & numerus debeat esse in promptu, illud etiam traditur pre-

præceptum, ut quintus quisque locus notetur insigni aliqua nota, ut aurea, aut argentea cruce, manu ue. Quina itaque & dena loca sint perspecta, & aliquo signo notata; ita ut sciatur, ubi decimus, ubi decimusque lectus, ubi uigesimus sit locus, & sic de alijs: ceterum, aliqui hanc conditionem non necessariam putant.

Undecima posicio, in locis constituendis inchoandum est a manu dextra, & reuertendum ad sinistram. Quare cum ingressi fuerimus, communem locum, ubi propria notare uolumus, ut Ecclesiam, uel monasterium, a manu dextra recto ordine procedemus, donec ad eundem locum reuertamur. Sunt qui dicant, initium capiendum esse ab illustriore loco, & nihil referre a qua manu incipiamus. Sed quod diximus, commodius uidetur.

Denique, ut quæ de locis dicenda restant, breuiter perstringam, locus ille communis in quo priuata loca fabricare uolumus, antequam loca notentur, prius diligenter inspiciendus est; ita ut sit omnino perspectus, atque notatus: & quæ in eo notauerimus loca, etiam vacua, sæpe repetenda sunt; ne dum illis opus fuerit, sint de nouo querenda.

Debent itaque loca semper esse paratissima, non secus ac arma ad pugnandum, & charta ad scribuendum. Et ut quæ hucusque de locorum rationibus diximus, aliqua auctoritate confirmetur, quæ hac de re Fabius scripsit, in medium afferam.

Loca,

Loca, inquit, discurrat quam maxime spatiosa; multa varietate signata; domum forte magnam, & in multos diductam recessus. In ea quid notabile est, animo diligenter affigatur: ut sine cunctatione ac mora partes eius omnes cogitatio possit percurrere. Et primus hic labor est, non hære in occurso. Plus. n. quam firma debet esse memoria, quæ aliam memoriam adiuuet. Et infra, Opus est ergo locis quæ, uel finguntur, uel sumuntur; locis est utendum multis, illustribus, explicatis modicis interuallis. Sed de locis hætenus.

Quid & quotuplex sit imago, deque imaginum artificiosæ memoriæ conditionibus.

Disput. 5.



Priore artificiosæ memoriæ parte, quæ in locorum inuentione atque structura consistit, exposita, sequitur ut de posteriore, hoc est de imaginum conformatione agamus: de qua re primum uniuerse, postea priuatim agemus. Quod igitur ad primam considerationem attinet ita statuimus.

Prima positio, id quo hæc ars ad res representandas uti solet, his fere appellatur nominibus: species, ædolum, simulachrum, similitudo, imago, atque figura; quibus uocibus, & si nonnihil discriminis in significando habeant, in hac tamen tractatione indifferenter utimur, & quidem sæpius nomine imaginis; ac proin-

proinde hoc uocabulum retinentes, quid, & quotuplex sit imago, ut ad nostrum institutum pertinet, nunc docebimus.

Secunda positio, imago uniuerse sumpta, est id quod per modum similitudinis ab alio procedit; quæ si sit in eadem natura dicitur perfecta: ad cuius rationem constituendam tria sunt necessaria, similitudo, origo, æqualitas; si uero sit in aliena natura, dicitur imperfecta, ut statua facta ad similitudinem Cæsaris. Sed de hoc imaginum genere accuratius Philosophi, uel Theologi uideant. At uero imago, ut est ad rem aliquam in memoriam reuocandam instituta, sic describi potest, Imago est similitudo siue nota eius rei, cuius meminisse uolumus.

Vbi animaduertendum est, eas res quæ pro imaginibus assumuntur, duobus modis considerari posse; uno modo, ut res quædam sunt; & sub hac consideratione non ueniunt in hunc locum; altero modo, ut representant, & in alterius cognitionem, ut signa quædam, nos ducunt, quod facere non possent, nisi cum re quam referunt, aliquam conuenientiam aut affectionem haberent: & hoc pacto in presentia considerantur. Et sub hac ratione rursus tripliciter: primo, ut sunt similitudines; secundo ut representant, uel quantum ad modum, uel quantum ad rem representatam; tercio, ut in suis ponuntur locis.

Tertia positio, imagines, ut sunt similitudines, tria requirunt. Primo, ut sint rerum mobilium; uel per se ut animalium, uel per accidens, ut si liber, uel aliquid aliud

D. Tho.
I. P. q. 35
ar. 1.

aliud in manu hominis poneretur, ab eoque moueretur. Deinde, ut exerceant aliquem gestum, qui excitet, vel affectum, ut dolorem, & letitiam; uel imaginationem ipsam simpliciter per suum motum. Tercio, ut sit res, vel persona indiuidua, et per usum ualde nota, quantum ad actum, quem representare debet.

Quarta positio, imagines ut actu referunt, ratione modi, triplici ratione id efficiunt. Prima, cum assumuntur uoces ab aliquo saepe usurpatæ, ut aliquid designet: secunda, cum ponuntur gestus ad aliquam rem designandam; ut capitis inclinatio ad designandum assensum, & actus spoliandi, verbum, spolio: Tercio, cum uoces similes capiuntur; ut si canis assumatur ad significandum canem. Si uero considerentur ratione rei significatæ, uariantur pro diuersitate rerum ad quas representandas assumuntur; ut literarum, syllabarum, dictionum, orationis, cassum, numerorum rerum, & argumentorum.

Quinta positio, quod attinet ad locum in quo ponendæ sunt, illud obseruandum est, ut suis applicentur, & affigantur locis; iuxta eorum ordinem: & quidem diuersæ imagines in diuersis sunt ponendæ locis; ni necessitas, ut secus fiat, postulet. Hac enim ratione multo melius suo fungentur officio.

Sexta positio, imagines quibus ars memorandi utitur, variæ diuidi possunt: nos eas diuisiones attingimus, quæ magis ad rem faciunt. Prima diuisio, imaginum, aliæ uocum, aliæ rerum: uel hoc pacto, aliæ literarum, aliæ syllabarum, aliæ dictionum, aliæ sententiarum,

tiarum, siue orationum, & argumentorum, alię factorum & rerum; uel compositarum, uel simplicium, quas iuxta decem categorias subdiuideres, ut alia sit substantię, alia quantitatis, alia qualitatis, alia relationis, alia actionis, alia perpefionis, alia loci, alia temporis, alia situs, alia denique habitus: Rursus, alię rerum materia carentium, alię rerum corporatarum. Atque hę diuisiones sumptę esse uidentur ex parte materię, siue obiecti.

Deinde, diuidi possunt, ut representant, & suo funguntur officio; & sic, alię clare, & efficaciter representant, claramque notitiam ingerunt; & hę bonę dici possunt: alię obscure, imperfectę, & exiliter, quas malas, aut minus bonas uocares: quę enim omnino inepte referunt, reiiciendę sunt.

Pręterea, alię sunt proprię, ut cum ad representandum re aliqua proprie accepta utimur; ut si ad designandum lupum; sumamus lupum: alię metaphoricę; ut cum res similes ad similia significanda ponimus; ut si ad designandum Angelum, alatum iuuenem, & ad significandum amorem, ignem poneremus.

Postea, diuidi possunt in imagines communes & proprias: communes sunt, quę pluribus rebus possunt accommodari: proprię, quę unam tantum rem referunt. Rursus, imago, aut est simplex, cum unum simplex fingitur simulachrum; aut composita, ut cum plures coniunguntur figure & notę.

Denique, alię sunt reales, ut sunt illę quę non in

uoce, sed in re tantum conuenientiam cum re significata habent; ut si pro diuo Paulo, uirum Sanctum, ponas: aliæ uocales, ut cum figuræ nomen simile habet uocem cum re, quā repræsentat; ut si palum, pro Paulo, aut petram, pro Petro ponas: aliæ mixtæ; ut cum in re et in uoce aliqua est conuenientia; ut si pro Paulo, aliquem, & nomine, & forma similem constitueres. Et hæc de diuisione.

Septima positio, imaginum natura ac uis in eo sita est, ut sint maxime similes, uiuæ, aut saltem aliquis motus eis tribuatur, aut aliquid circa eas fiat. Illæ enim aptissime & efficacissime memoriam excitant, quæ aliquem habent motum gectum ue, per quē quodam modo sese in animos ingerunt: non autem illæ, quæ uita carent, & ociose sunt. Et, cum in omni imagine, tum in metaphoricis necessaria est similitudo, atque analogia quædam.

Octaua positio, imago non debet esse exigua, sed loco proportionata: quam autem magnitudinem locus habere debeat, supra docuimus. Adde etiam, quod res parue, ni multiplicentur, imaginationem excitare non possunt; ut si imaginemur formicarum cumulum. Contra uero, nec esse debet nimis magna; cum imaginatio res maiores comprehendere nequeat: quare imagines arte & cogitatione magnæ, uel parue faciendæ sunt.

Nona positio, quod attinet ad numerum, non sint uel plures, uel pauciores, quam res ipsa demonstranda

da postulat: unde bellum referri potest etiam per duos pugnantes: quare, si necessitas cogat, uno in loco multe ponende non sunt, si res diuersae designandae sint, praesertim quando imagines, essent similes. Multitudo imaginum per unam uitari posset, si eam faceremus uarie agentem, aut si ei aliqua insignia tribueremus. Quod si plures coniungendae essent, id aliquo ordine fiat, & ita disponantur, uel ad latus, uel ad pedes, ut nulla nascatur confusio: sed cum plura habemus loca, ab ista multiplicatione abstinendum est.

Decima positio, quod attinet ad qualitatem, haec potissimum qualitates in bonis imaginibus requiruntur: ut sint egregiae, insignes, nouae, incredibiles, ridiculae, admirabiles, monstruosae, inusitatae, efficientes aliquid, quod sensum affectumque moueat, et denique aliquo motu, perturbatione uel affectu, aliqua inquam forma, & actu insolito, turpi, crudeli, & horrido: addunt alij, ut sint propriae & uniuocae: quare, si imago sit equiuoca, hoc est, si plura significare possit, ad rem priuatam contrahatur. In ea igitur nos exerceri conuenit, ut similitudines multum nobis cognitae; & aliquid agentes cum insigni quadam nota, tam pulchritudinis, quam turpitudinis, aut certe ridiculi cuiusdam sumamus: de quarum apta constitutione statim dicemus.

Imagines, ait Herennianus auctor, nos in eo genere constituere oportebit, quod genus manere in memoria diutissime potest. Id accidit, si quam maxime no-

tas similitudines constituemus: si non mutas, nec vagas, sed aliquid notum agentes imagines ponemus si egregiā pulchritudinem, aut unicā turpitudine eis attribuemus: si aliqua re exornabimus, ut si coronis, aut ueste purpurea, quo nobis notior sit similitudo: aut si qua re deformabimus, ut si cruentam, aut cæno oblitam, aut rubrica delibatam inducamus, quo magis insignita sit forma: aut si ridiculas res aliquas imaginibus attribuamus. nam ea res quoque faciet, ut facilius meminisse possimus. Nam quas res veras facile meminimus, easdem fictas, & diligenter notatas meminisse non est difficile.

Et Fabius, utendum esse ait imaginibus aliquid agentibus, acribus, insignitis, quæ occurrere, celeriterque percutere animum possint. Sed de imaginibus uniuerse satis.

De ratione formandarum imaginum. Disp. 6.



EXPLICATA imaginum natura, atque uarietate, sequitur ut de earum fingendarum ratione dicamus. Ea autem quæ dicenda sunt, ad præcepta quædam reuocabo, quæ nonnullis positionibus perstringam.

Prima positio, imagines ad representandum sumi possunt ex rebus, & uocibus: & ita res possunt representare voces, & voces res, licet res non sint inter se similes, modo sit aliqua similitudo in voce. Unde cano, potest referre canem, et canis præsertim
la-

latrans, tantum, seu canere : gallina Gallos, & Galli gallinam .

Secunda positio, imagines sumi possunt ab interpretatione, & origine nominum ; ut si ponatur Philoponus, pro amatore laboris, & Philippus, pro eo qui equos amat : Lapis, pro ledente pedem, Andreas, pro fortitudine & forti, Christophorus, pro eo qui Christum gerit, Hieronymus pro sacra lege, lex pro legamine, uel lectione, & electione .

Tertia positio, nomina, primitiua referunt deriuata ; ut silua siluestrem, mons montanum, Pontifex, pontificium, ponteficale : & positiua, comparata, & superlata ; ut sapiens, sapientior, sapientissimus : in summa, omnia denominata, ea a quibus denominantur, & contra, ut a prudentia, prudens, prudenter .

Quarta positio, res siue uox similis similem refert ; ut imago Cesaris, uel aliquis qui esset ei similis, aut eodem uteretur nomine, ipsum Cesarem : homo hominem, terra terram, ignis ignem, bos bouem, & sol solem . Huc referres metaphoricam similitudinem, que late patet, et sic per ignem, amorem : per florente arborem, felicem & floridum aliquis statum ; per fluentem aquam, copiosam, ac fluentem orationem : per reuirescentem arborem, reuirescentia studia : & denique, per candidam niuem, animi candorem .

Quinta positio, relata inter se apte referre possunt : eam ob causam, quod inter se necessarium

habent ordinem, & unum non potest esse sine alio. Vnde filius referret parentes, creatura creatorem, uxor maritum, discipulus præceptorem, docere discere, emptio uenditionem, & denique pars totum, & contra.

Sexta positio, quandoque ex opposito designari potest oppositum, atque contrarium. Vt, si pro sobrio, hominem uinosum ponamus: pro pio, impium: pro ueloci tardum, aut rem tardam; ut pro uelocitate, testudinem.

Septima positio, causa apta est ad representandum effectum, & effectus causam, & id quod continet, rem quam continet, & contra. Quare ignis referet calefactionem, & hæc ignem: sol diem, & dies solem: iugulatio homicidam, & hic necem: similiter, dolium uinum, & hoc dolium: aqua pisces, & hi aquam: cathedra Concionatorem, & concionator cathedram: nauis nauigantes, & hi nauim.

Octaua, commoda imago sumitur ab inuentore, ad referendam rem inuentam, & contra: Vnde, pro frumento Ceres poni posset; pro tibia pan: pro uite & uino Bacchus, & pro nauigandi arte, seu pro uelo Dedalus. Similiter si Deus aliquis fictus poneretur pro re, quæ sub eius tutela esse dicitur, ut si Minerva pro literis, Mercurius pro eloquentia, Mars pro bello, Diana pro uenatione, Neptunus pro tempestate, & Aeolus pro uento.

Nona positio, omnia instrumenta idonea sunt ad

ad designandos ipsos artifices, ac etiam insignia, ea & eos quorum sunt insignia. Quare, hasta militem, malleus fabrum, calamus scriptorem, rastrum agricolam, mola molitorem, Luna Turcorum, & lilia Francorum Regem: mitra Episcopum, galerus rubens, Cardinalem, & crux equitem. Similiter opera suos artifices; ut tela textorem, uas figulum, & clavis fabrum ferrarium. In summa, unumquodque opus suum artificem indicat, ut arare agricolam, ligare uulnera, chirurgum, & sic de alijs.

Decima positio, quando uolumus designare aliquam personam, eius etatem, habitumque corporis exprimere debemus. Quare senex incuruus, canus, tremulusque fingendus est: Iuuenis erectus, agilis, prodigus, & ornatus: Diues pinguis, numerosus, splendide uestitus, & auro onustus. Pauper, pannosus, nudus, pallidus, & ulcerosus: Atque idem de alijs etatibus, uarijsq; fortune gradibus dicas. Plurimum tamen memoriam inuabit, si ad id exprimendum quod uolumus, personam nobis notam, familiarem, & quæ rem eam solita sit efficere, aut dicere, cuius meminisse uolumus, sumemus: cum res nota, & care facile occurrant.

Vndecima positio, personarum affectiones, animique sensus ac perturbationes, ut amor, ira, timor, cupiditas, spes, & aliæ, optime designari possunt per animalia, aut per alias personas in quibus huiusmodi affectiones dominantur. Vnde, lupus uoracem, sus immundum, ursus iracundum, agnus mi-

tem, turtur castum, lepus timidum, miluius rapacem, asinus obtusum hominem apte refert: Similiter, adolescens, prodigum, senex auarum, scortum impudicum, virgo castum, uir constantem, & mulier effeminatum ac mollem. Possent aliquæ animi affectiones designari per colores, si quis eorum significationes notas haberet: ut spes per uiridem, timor, siue tristitia per nigrum, ira, siue crudelitas per rubrum, & sic de cæteris.

Duodecima positio, uarij corporis motus & operationes, uarias res referre possunt; ut sessio, status, cursus, capitis inclinatio, manuum extensio, & contractio: expoliare se, induere, percutere, & saltare. Qui itaque personas varie agentes effinget, uarias res designare poterit; ut uarios actus, & id quod per illos efficitur; ut per actum dormiendi, otium, et tranquillitatem: per pectoris percussione[m] dolorem, penitentiam, & sic de alijs.

Decimatertia positio, corporis humani partes et habitus formaue res uarias designare possunt; ut si per cilia superbiam, capilli luxum & diuitias, unguens crudelitatem, dentes discordiam, tergum fugam, ceruix seruitutem, genua misericordiam, pectus amorem, venter gastrimargiam, pudenda reueneriam, & pedes uelocitatem.

Decimaquarta positio, per subiecta optime designantur eorum accidentia, & proprietates, & cōtra per accidentia subiecta. Quare per melle dulcedinē, per cygnum candorem, per ignem caliditatem, per solem

lem splendorem, per nigredinem coruum, & per albedinem, lac designares.

Decimaquinta positio, ad bonas imagines fingendas utile est habere in promptu figuras, siue formas quibus pictores, ea praesertim quae sub sensum non cadunt, exprimere solent; ut Angelorum, demonum, virtutum, vitiorum, scientiarum, artiumque imagines. In summa, is bonas formabit imagines, qui imaginationis vi maiore praeditus fuerit, & rerum naturalium, atque artium non erit ignarus.

De priuata imaginum formandarum, collocandarumque ratione. Disput. 7.



QUAMQVAM ex ijs quae ante diximus, aliquis non omnino ineptus facile imagines excogitare, & ad res ipsas applicare posset: tamen, ut artem non omnino facilem, adhuc faciliorem reddamus, de imaginum formatione, et applicatione ad res ipsas, aliquid priuatim nobis scribendum duximus. Antequam autem praecipua trado, nonnullas premitto distinctiões.

Prima, collocatio duobus modis fieri potest: primo per ipsam scripturam, ponendo vocem, siue rem scriptam in designato loco, eo modo quo scribitur in charta: secundo, per aliquod signum, & hieroglyphicam figuram, Aegyptiorum more; ut si pro feroce, ponatur leo, & pro providentia, oculus in summitate baculi.

Secunda, collocatio dupliciter fit; prima, cum tota res aliqua gesta siue factum, nulla habita verborum, sed solius rei ratione, exprimitur; vt si bellum, si cædem, per homines inter se altercantes designares. Facta itaque per actiones, siue per agentes ac patientes personas designari possunt. Secundo modo per sententiam; cum non res ipsa, sed oratio collocatur: & hoc bifariam, primo per periculum, cum tota simul sententia collocatur: secundo per singula verba. Hinc enata est illa imaginum distinctio, quod alia sit uerbi, alia facti, siue negocij: Verbi, siue vocabuli imago, est similitudo vocis in toto, uel in parte illius rei cuius meminisse volumus. Rei uero imago est, qua ipsum factum, resue ipsa, nulla habita verborum ratione, representatur.

Tertia distinctio, dictionum alia significant rem, alia actionem: Res autem, aut habet figuram; vt sunt illæ quæ sub aspectum cadunt; quarum alia formari possunt, ut homines; alia non possunt, aut saltem non facile; ut tenebræ, nox, dies, lux, lumen, stellarum multitudo, & harum similes: aut non habet, ut sunt illa, quæ sub nullum sensum cadunt; ut anima, & Angeli. Rursus earum quæ formari possunt, aut sunt a natura, aut ab arte; quæ aliquid ex materia conficit; aut a uoluntate, ut imago Dei, Angeli, demonis; quæ personæ pro uoluntate varias sumunt formas: aut ab ingenio, ut Deorum imagines cum suis insignibus. Rursus earum
quæ

quæ figuram non habent, uel sunt eiusmodi, ut non cadant sub oculos, sed tamen alio sensu percipi possunt; uel omnem sensum fugiunt. Rursus, quæ sunt a natura, aut sunt personæ, hoc est homines, aut non.

Quarta distinctio imagines, aut significant actionem quæ in rem, uel personam transit, ut occidere, uerberare, uel eam, quæ non transit, ut amare, odisse. Potest autem actio significari dupliciter; uno modo proxime; ut si tangere manum, ipsam designet actionem: altero, consequenter; ut si idem manuum tactus, confederationem, aut pacem indicet.

Denique, dictio quæ actionem significat, aut designat ipsum agere, aut participale, aut uerbale nomen; ut, amare, amans, amor. His ita positis distinctionibus, has statuo positiones.

Prima positio, si quis uellet collocare per scripturam, is magnis utatur literis, quæ uim aliquam maiorem habent ad memoriam mouendam. Quare, si quis uellet collocare initium Genesis, in singulis locis singulas maiores poneret dictiones, maiusculis literis expressas. Verum, cum hic modus paruam habeat uim ad mouendum, & nihil fere differat a nuda scriptura, in artificiosa memoria nullum fere habet usum.

Secunda positio, integrum factum, per personas agentes, una integra designatur figura, ni multas habeat partes quæ plures figuras requirant: cui
figura

figuræ uarij tribuuntur motus, habitusque, qui multa referāt; ut si uelles collocare factum hominis, qui ex loco oculto aliquem deambulantem plumbæo globo traiecisset, Fingeres hominem cum manuali tormento, in aliquo angulo, & alium ante eum spatia facientem. Quæ collocandi ratio inferuaret ijs, qui historiarum meminisse uellent; & ijs qui dicendo nolent a uerbis pendere. Et aliquando, vel vnico nodo, aut annulo in aliquo digito posito, rei faciendę recordamur. Vnde ei quem meminisse uolumus dicere solemus, effice nodum in auricula.

Tertia positio, factum integrum per sententiam, siue per uerborum ambitum, si sententia contineat personas agentes & actiones, exprimitur per personas cum suis actionibus; ut si uelles exprimere hanc sententiam, Cum ieiunas, unge caput tuum, & faciem tuam laua, fingeres aliquem edentem cibos, quibus in ieiunio utimur, & una manu oleum supra caput infundentem, altera faciem lauantem. Si uero sententia non continet personas agentes; ponatur figura, quæ præcipua uerba referat; ut si collocanda esset hæc sententia, Arma, uirumque cano, Troiæ qui primus ab oris, Fingendus esset canis armatus virga, cum porca, grauida, quam troiam uocamus, pomum ore tenentem: aut primum, uel unum & alterum uerbum imagine exprimeretur, ex qua in aliorum memoriam deueniremus.

Quarta positio, si collocanda sit una tantum dictio,

dictio, quæ actionem designet, si actio sit transiens, & agens, & patiens, & modus representari potest: unde homo personatus cum balista, sagitta in quæmpiam emissâ, tria iam dicta referret: si actio non transeat, sed tamen appareat, ut risus, & tristitia, per actum ipsum exprimeretur; ut si quem ridem, uel capite demisso fingeremus. Si uero actio sit occulta & interna, designari potest obiectis cum quibus solet esse coniuncta; ut contemplatio, speculo, aut sphaera ob oculos posita; aut personis quæ huiusmodi actiones exercent, aut actibus, qui tales actiones consequuntur, ut oratio per genuflexionem.

Quinta positio, uerba siue dictiones quæ non significant actionem, sed rem cum actione coniunctam, actione ipsa designantur; ut manuum complexus, pax, osculo beneuolentia, somno negligentia, &c de similibus.

Sexta positio, res quæ figuram ex se habent, seipsas designantur; ut panis, poma, arbores, animalia: similiter, quæ arte formantur, ut calcei, & quæ uoluntate, ut personæ diuinæ, Angeli, & dæmones illis formis, quas pro uoluntate suscipiunt: & quæ humano ingenio finguntur, iisdem imaginibus, quibus ex Primi solent; ut sunt uirtutes, scientiæ, nymphe, & ætænes dii. Illa autem quæ figuram sua natura habent, si magnitudine excedant, aut paruitate deficiant, arte minuenda, aut augenda sunt. Unde, si cæcum, si mons, si alta arbor, si ciuitas collocanda esset, uel

vel cogitatione, vel pictura minui deberet, nulla quantitatis habita ratione; ut si celum per sphaeram designaretur; res vero parua augenda, aut multiplicanda esset.

Septima positio, personę his modis collocari possunt: Primo, si illę ponantur, quarum recordari uolumus, modo notę sint: secundo, si nobis non sint notę, earum imagines sumantur, si quando eas uidimus: postremo, si alię personę, earum aliquo pacto similes, aut certe res, quę eodem, aut simili appellarentur nomine; ut petra, pro Petro; asinus, pro Asinio; vrbs, pro Urbano ponatur.

Octaua positio, res quę sub sensum aliquem cadunt, excepto oculo, ut sunt sapores, odores, sonus, calor, & alię, designantur causa efficiendi unde nascuntur; ut calor, igne: subiecto in quo sunt; ut dulcedo, melle: & gestibus, uel actibus, & instrumentis, quibus tales qualitates percipiuntur, ut sonus auricula, uel capitis gestu, sapor lingua, vel gustandi actu.

Nona positio, quę nullo sensu percipiuntur, sequentibus modis significantur. Primo simili significatione; quo modo hieroglyphyce, hoc est sacrę scripturę & figurę, quę a rerum proprietatibus sumuntur, referunt; Vnde Leo fortitudinem, serpens prudentiam referret, & sic de alijs. Ut si uelles exprimere hanc sententiam, Fidelis seruus, & prudens; finge seruum tenentem canem filo, & eum in serpentem irritantem; canis fidelitatem, serpens pruden-

dentiam designat. Secundo, uoce in toto, uel in parte simili: In toto, ut si pro palam, poneris, palum: In parte, quod uarijs modis potest cōtingere.

Primo adiunctione literæ, uel syllabæ, in principio, medio, uel fine; ut, pro amo, hamus: pro alio, allium; pro uel, uelum.

Secundo detractione ijsdem modis; ut pro maligno, lignum: pro tingit, contingit: pro menta, elementa: pro principio, princeps.

Tertio conuersione; ut, pro amore, Roma; pro dare, rheda; & pro alto, lato: sed hic modus non est magni usus.

Quarto commutatione, cum litera pro litera ponitur; ut pro certe, certa: pro clausus, claudus.

Quinto, agnominatione, siue alliteratione; ut passum, possum: arator orator: panno, penna: cara, cura: quæ alliterationes quinque uocalium mutatione fiunt.

Sexto compositione; ut, pro qui es, quies: pro uir ago, uirago, pro quis quam, quisquam.

Postremo diuisione, ut pro Apollodoro, Apollo inauratus: pro Sardanapalo, sardella in palo: pro Sansouinus, assensum in uino: pro capeſso, capio piscem.

Decima positio, quoniam interdum literarum compositione aliquid exprimendum est, ideo singularum literarum imagines siue figuræ tenendæ sunt, quæ his fere modis fingi solent.

Primo, si conficiatur alphabetum ex nominibus
homi-

hominum nobis notorum, ac etiam ſceminarum; ut Antonius, Bernardus, Cæſar, Domitus: Agnes, Beatrix, Catherina.

Secundo, ſi ſumantur nomina artiſcium, aut perſonarum in dignitate conſtitutarum; ut Abbas, Baro, Comes, Doct̃or: Agricola, Barbitonſor, Cocus.

Tertio, ſi ſumantur animalium nomina; ut Aquila, bos, canis, draco, &c. Et ne hæ res, nobis ſeipſas oſtendant, aliquo ſigno diſtingui poſſunt, quò ſolam primam literam eas referre intelligamus, quod quidem ſignum poterit eſſe commune.

Poſtremo, fieri ſolet quibuſdam instrumentis, quæ literarum ſimilitudinem referunt; ut ſi A, Circino erecto deſignetur, B, Lyra erecta, C, falce, & ſic de alijs, ut uidere licet apud quosdam huius artis ſcriptores.

Ioan. R. d.
Roſel.

Quo loco adnīaduertendum eſt, ex allatis alphabetis poſſe ſumi uarias literas, a perſonis, a ſignis, ac etiam literas maiuſculas ex craſſiore charta, aut ex ligno factas. Vnde ſi uellem exprimere Mens, ſingerem, Marcum inſidentem Elephanto, geſtāntem, bilancem, & buccinam obtortam: Marcus M, Elephāntus E, bilanx, N, & buccina S, deſignaret. Poſſunt etiam fingi nomina, quorum ſingulæ literæ ſingulas diſtiones referant; ut, Fagus, deſinit in Limus, id eſt hæc nomina facilis, agilis, gracilis, humilis, ſimilis, in uoce ſuperlata, iſtam habent deſinentiam: Reubau, deſignat uoces, quas traſcendentes Logici uocant, Res ens, unum, bonum, aliquid, uerum: hospita

hospita tetin res confitas, designant hæc verba terminationes omnes nominum quintæ declinationis apud Græcos.

Atque ex dictis colligeret, quomodo formandæ sint syllabæ, nimirum per literarum coniunctionem, & per uoces quæ illas continent; ut *Ab*, per *Abbatem*, *Ac*, per *Accolitum*, *Be*, per *Bembum*, & sic de alijs: & ex uarijs syllabis una poterit formari, & designari dictio. Finguntur etiã dictiones quæ referant singulas syllabas earum uocum, quarum recordari uolumus; ut si pro hac sententia, *Carissimo patri donavi cibum alium, hanc uocem Capadocia, ponerem. At hæc & superior regula uim habet in rebus iam cognitis. Diximus de simili, sequitur ut de dissimili dicamus; q̃ est alterũ caput, quo res quæ omnino figura carent, referri possunt: sub quo continentur, oppositio, uoluntarium, signum, & connexum, siue adiunctum.*

Undecima positio, res q̃ figura caret designari pōt p̃ suũ oppositũ; ut per contraria, p̃ relata; et ita ponitur pater pro filio, maritus pro uxore, sacramentũ p̃ gratia, et sic de alijs. At qui adhibendũ est aliquod signũ, ne p̃ seipsis usurpari uideãtur, sed p̃ suo opposito.

Duodecima positio, uoces quæ significatione carẽt, quas syncategorematicas et mistas Logici uocãt, ut prepositiones, aduerbia, coniunctiones, & quantitatis signa, omnis, nullus, & quidam, a quibusdam scriptorib. rebus uoluntarijs designari solent, licet nulla adsit similitudo; ut uarijs generib. fructũ, uaria

particula: sed alij melius per personarum nomina designari uolunt. Quare, multa nomina colligenda essent, quæ nobis præpositiones, aduerbia, & alias uoces, quæ frequenter occurrunt referrent; & illa diligenter essent memoriæ mandanda; ut, si Et, per Antonium, In, per & incensum designaretur, & sic de alijs. Eadem fingendi ratio usui esse posset in aliqua priuata facultate, si quis ad hunc modum multa uocabula, quæ in illa arte sunt frequentia locare uellet.

Hac arte utuntur qui sub aliquo oratore, aut concionatore singula uerba scribere solent: Qui multarum uocum simplices characteres pro arbitrio fictos, cognitos habent, quos pro integris dictionibus usurpant. Debent tamen characteres esse distincti, et breues: Qui sumi possent ex alphabeto latino, græco, hebraico, & ex geometricis figuris.

Decimatertia positio, res aliqua optime designari potest per connexum, siue adiunctum; qua appellatione intelliguntur ea omnia, quæ licet sint dissimilia; tamen aliquam habent cum re designanda affinitatem; ut sunt gestus, etymologia, signum, insigne, instrumentum, & consueta loquela. Gestus quo uti solet concionator, referet concionatorem, & concionem: sed ut inter hæc duo nomina discrimen aliquod ponatur, concio designetur oculis eleuatis in cælum, concionator oculis depressis in terram: sic orator, et oratio.

Quod attinet ad reliquos modos, superiore disputatione, eorum attulimus exempla: lesio pedis lapidem, calamus scriptorem, Luna Turcorum Regem, et qui sepe iurat, iuramentum designabit.

De quarundam priuatarum rerum formatione
collocatione. Disput. 8.

NE longius quam nostrum postulat institutum, hanc de memoria tractationem protrahamus, hac una disputatione multarum rerum collocandarum rationem paucis complectemur. Dicam igitur, de collocatione casuum, generum, punctorum, argumentorum, numerorum, citationum, temporumque; de quibus omnibus sequentes statuam positiones.

Prima positio, nominum casus sex partibus humani corporis designari possunt: nominandi casus capite, gignendi manu dextra, dandi sinistra, accusandi, pectore, uocandi pede dextro, auferendi sinistro. Si itaque dictio est nominandi casus, ponatur imago in capite: si auferendi in sinistro pede, & sic de alijs.

Secunda positio, numerus unius ostenditur persona, siue parte denudata; multitudinis uero, parte, siue corpore uestito. Quare, si quis uellet dicere montem, poneret montem in capite nudo: si uero montibus, in pede sinistro calceato.

Tertia positio, nominum genera hoc pacto designari possunt: Genus masculinum per sexum uirilem, fœmininum per fœmineam, cum genitalibus nudatis: neutrum uero cum genitalibus tectis.

Quarta positio, puncta, & distinctiones orationis gestibus quibusdam designari possunt: Punctum hoc pacto, si ultima persona pedem dextrum in rem aliquam uerteret, ei que incumberet: duo puncta, si pedibus iunctis staret: minor distinctio, si pede sinistro elevato, atque contracto. Hac itaque uel alia simili ratione distinctiones notare licet.

Quinta positio, argumenta, uel per sententias, uel per singula uerba notari possunt: & interdum satis esset medium terminum collocare: quod si omnes partes collocare uolumus, maior propositio in manu dextra, minor in sinistra, conclusio in capite ponatur: probationes ad latera personae affigi possunt. Quod si syllogismus subsumendus esset, minor in pectore, conclusio in uentre ponatur. Quod si argumentum esset enthymema, antecedens in manu dextra, consequens in sinistra collocetur: antecedentis probationes ad latera statuantur: consequentis uero in capite, pectore, & uentre: sed si quis omnia ordinate collocare uellet, pluribus utatur locis.

Sexta positio, numeri uaria ratione fingi & collocari solent. Aliqui assumunt personas: alij res materiales inanimas, ut uarias fructuum species, quibus numerus tribuunt: alij res materiales, quae numerorum figuram aliquo pacto referant: quorum magis uidetur expedita & ad artem accommodata ratio. Ponunt itaque pro primo numero, pugionem: pro secundo fabrorum forfices apertas: pro tertio triangulum: pro quarto quadrangulum: pro quinto serpentem inflexum: pro sex-

to cochleā, cum capite extra testā: pro septimo, & disticatoris normā: pro octauo cucurbitam cum duplici corpore: pro nono asciam: pro decimo transversam crucem. Sed, ne qua oriatur confusio, cum hæ res pro numero, aut pro se poni possint, aliquo pacto distinguantur. Iisdem figuris designantur simplices numeri, si ponantur in manu sinistra; si in humero sinistro denaria: si in dextro, cētenaria, si in manu dextra, millenaria. Quare, si figure multiplicentur, cōpositi numeri multiplicari poterunt. Quod si millenaria per denaria, & cētena multiplicare oporteret, pro denarijs figure ponantur ad Zonam, pro centenīs ad dextrum genu. Vnde si velles exprimere centum, et novem in humero sinistro pugionem cum ascia ponerēs; & sic de alijs; sed adhibenda est cura in collocandis figuris, ut distincte appareant, & si fieri potest, aliquem motum habeant. Sunt & alij numerorum fingēdorum modi, quos nos scientes omittimus.

Septima positio, citationes librorum hac ratione fieri possunt. Fingatur libri imago, q̄ sumi poterit a materia, uel a titulo libri; et pro persona, ponere licebit auctore libri, qui librū manu teneat, cui sit inscripta libri figura; ut si quis citare uellet Pauli epistolā ad Corinthios, poneret Paulum cum libro in quo esset inscriptum cor. Quod si idem auctor multos fecisset libros, distinctis imaginibus notandi essent. Ad librorum citationes accedunt quedam alia; ut est numerus librorū, qui antecedere solet, cū auctor plures ros composuit: capitum, et capita numerus.

Sunt etiam pro artium diuersitate uarij citandi modi, per distinctiones, per textus, per leges, per paragraphos, & per initia legum. Qua autem ratione ista omnia fingenda, & collocanda sint, nolo hoc loco latius exponere, cum quisque ex se per regulas iam traditas, facere id possit. Quod si quis aliquem auctorem consulere uellet, Guntherium legat.

Octaua positio tempora, hoc est anni, & eorum partes, hoc modo notari possunt: Annus per serpentem, qui caudam mordeat: menses characteribus signorum Zodiaci, aut illis, quibus Astrologi utuntur, uel per mensium attributiones, quo modo a pictoribus pinguntur. Dies, Astrologorum characteribus, aut planetarum figuris: ut dies dominicus per Apollinem, & sic de alijs. Horæ per horologium: horarum uero numerum aliqui hunc in modum designant. Primum ligetur horologium ad manum sinistram, & extendantur digiti pro ratione numeri, & ita designabuntur sigillatim quinque horæ: postea alligetur ad medium brachium, & eodem modo digiti extendantur, & designabuntur aliæ quinque horæ, & ita erunt decem: postea alligetur ad humerum sinistrum, & modo iam dicto explicentur digiti, & ita aliæ quinque notabuntur horæ: deinde alligetur ad humerum dextrum, et postea ad medium brachium extendendo digitos dextræ manus. Tempus uero designatur per senem: qui si aspiciet terram, designabit præsens: si cælum, futurum: si post tergum, præteritum.

Nona positio, si quis uellet uno & eodem tempore simul plura pluribus per hanc artem dictare, is uaria habeat loca communia, gratia exempli decem, et in singulis per singulas distiones, siue res, suas per ordinem collocet imagines: ubi omnia locauerit, per singula loca percurrat, & ordinatim dicter, primas, secundas, tertias sententias, & alias: Et si quis uellet mirabilis uideri, ordine retrogrado dictaret. Exēpli gratia, si quis eodem tempore quattuor uellet dictare epistolas, eas prius conficiat: postea in quattuor diuersis locis communibus singularum epistolarum singula uerba collocet, eaque memoriae mādet; & sic facillime ordine recto, & retrogrado poterit eas dictare; quod sane mirum uideretur ijs, qui hanc artem ignorarent: ijs uero, qui non sunt huius artis ignari, non item.

Quod autem de quibusdam fertur, pluribus plura uno eodemq; tempore dictasse, ut speciatim de Iulio Cesare, qui dum ipse scribebat, quattuor epistolas dictabat, & de Origene, qui septem scriptoribus dictare solebat, ingenij memoriaq; bonitate factū fuisse existimandum est: & Origenes fortasse non sine diuina ope: sine qua sex millia uolumina, ut quidam referunt, edere non potuisset; qui tanta fuit prae-
Euseb.
Hier.
 tus doctrina, ut Ecclesiarum magister post Aposto-
 los fuerit appellatus.

De recto artis memorandi usu. Disput. 9.



QUONIAM parum utiliter omnium artium præcepta traduntur, nisi eorum rectus demonstretur usus; propterea, ne quæ de memoria documenta dedimus, sine fructu data uideantur, in postrema huius operis parte aliquot admonitiones ad bonum artificiosæ memoriæ usum pertinentes adijciemus: quas quibusdā positionibus perstringemus, quibus multa paucis complectemur.

Prima positio, maximus est in omni vita memoriæ usus. Est enim memoria ueluti hominis exarium, in quo omnia diuina & humana, cælestia, & terrestria, omnes denique rerum naturæ asseruantur: quasi cælum unde hominis emanat lux: quasi primum mobile, a quo cætera omnia mouentur: quasi oceanus quidam, ex quo omnia scaturiunt flumina: quasi munitissima arx, & quidam Troianus equus, unde armati milites ad expugnandos, & uictos trahēdos auditorum animos erumpunt: & denique quasi bibliotheca, librorum refertissima, atque pluta sophia, hoc est sapientiæ opes.

Secunda positio, longe melior est memoriæ, quam bibliothecæ usus. Primum quidem, quia bibliotheca introducta est ob memoriæ uitium: ac proinde memoria melior est, quam bibliotheca. Est itaq; memoria ueluti pes uiuus, qui quoquo uolumus nos prosequitur; bibliotheca uero quasi pes mortuus, siue ligneus, qui loco moueri nequit. Deinde, quia mino-

vi labore atq; impensa paratur, ac proinde est omnibus: tum diuitibus, tum pauperibus communis. Preterea bibliothecæ usus non potest esse ubique & semper; memoria uero maxime: de die, de nocte, domi, foris, in hac, & in alia uita. Postea, per memoriam efficitur similes Angelis, qui cum omnia mente contineant, nulla bibliotheca indigent, sicuti nec primi parentes indigebant, nec Deus indiget. Denique, quia, qui hac bibliotheca utuntur, ueluti oracula quædam subito petentibus dant responsa, dubitantibus satisfaciunt, ac proinde omnibus admirabiles uidentur. Quare, si eorum laudantur studia, qui bibliothecas munificentissimas parauerunt, ut Ptolomei, Gordiani, Eusebii, & aliorum, quanto magis laudari debent illi, qui memoria pro bibliotheca usi sunt; ut Esdras, Iulius Cæsar, qui solum iniuriarum erat obliuiosus, Portius Latro, Themistocles Rauennas, & alij. Cum ergo talis ac tantus sit huius bibliothecæ usus; ad eam recte constituendam nonnullas admonitiones subiiciemus.

Tertia positio, in bibliotheca memorię conscribenda, hæc animaduertenda sunt.

Primo, maxima locorum multitudo notanda ac formanda est: prout quisq; plura, uel pauciora perpetua memoria continere uoluerit.

Secundo, quotidie quisq; aliquid eorū quæ audit, aut legit, eius scientiæ quam profitetur memoriæ mandet, siue colloget: ita ut audita & lecta in memoriæ arario per hanc artem conseruanda ponantur.

Tertio

Tertio, ista loca semper remaneant plena, ut sit firma, contra obliuionem, quæ est memoriæ tinea. Quare, bis terue in mense repetenda erunt ea, quæ iam didicerimus, & uesperis, quæ mane memoriæ commendauimus.

Quarta, ut in bibliotheca ponuntur separatione cuiusque artis libri: ita in distinctis locis communibus, distinctæ facultates, & materiæ ponendæ sunt.

Quinto, in huius bibliothecæ fabrica paulatim procedendum est, ne dum multa fabricare & collocare uolumus, labore perterriti, ædificationem abiciamus: cauendum est igitur, ne eodem tempore collocentur multa.

Sexto, si alicui loco, uel materiæ aliquid de nouo addendum esset, ad latera aliquæ possunt apponi imagines, quæ rem nouam referant: aut locus ante, retrouæ dilatetur, & imaginibus repleatur: aut naturalis memoriæ usus adhibeatur. Quamobrem, non placeat illi, qui hanc artem sine memoria naturali consistere posse putant; cum interdum eius usus sit necessarius: præsertim in uerbis & sententijs compositis: in quibus magis admiscetur naturalis memoria, quam in simplicibus.

Septimo, præter loca plena ædificanda sunt alia, quibus pro re nata, uti possimus, & ad ea collocanda quorum perpetuam memoriam habere nostra nihil refert; aut certe habere nolumus.

Octauo, in ædificatione prius inchoandum est a facilio-

cilioribus : & ideo prius discamus locare simplicia facta, quam uerba, & prius uerba simplicia, quam composita atque complexa, & prius breues sententias, quam longiores, & carmina, quam orationē nīmeris solutam, & lectā, seu scriptā, quam audita.

Carmina, ut id hoc loco obiter dixerim, his modis locari poterunt. Primum per ipsorum capita; maxime cum sunt facilia & connexa: Deinde per capitularum distinctionum: Postremo per figuras singularum uocum.

Audita uero hoc modo: Primo, si singula uerba locentur, ut singula repetantur: uerum hoc non est tēronis, sed hominis multū diuque exercitati: ubi opus est maxima in audiendo attentione. Secundo, dum auditur, paulatim pro rebus notandis fingendæ sunt imagines, & suis locis collocandæ, & si quid datur tēporis, quod tunc daretur, cum sola capita locarentur, repetendæ sunt. Sed hoc loco illud supponitur, ut is qui dicit, non confuse, sed ordinate dicat, neque male pronuntiet. Denique, notanda est connexio & ordo eorum quæ dicuntur. Bibliotheca iam comparata, eius usus tenendus est, de quo aliquid sequenti positione dicam.

Quarta positio, ad rectum memoriæ usum, hæc obseruanda sunt.

Primo, omnia quæ de memoria discuntur, pro uanis habenda sunt, nisi accedat usus, & exercitatio: quæ admonitio est quidem in promptu; sed tamen cū a multis negligatur, frustra hac in re tempus ab eis

conteritur; ut a quibusdam iuuenibus conteri aliquando uidi: qui dum in uarijs libris legendis, & in præceptis colligendis toti essent, nihil memoriæ commitebant: adhibendus est itaque præceptorum usus.

Secundo, cum per huius artis exercitationem spiritus uitales languescant, & animi uires flaccescant, expedit profecto, ut aliqua ratione reficiantur: possint autem refici odore, liquore aliquo, calore, frigore, alia ue ratione, prout natura ipsa affecta postulat.

Tertio, cum repetitio ad memoriæ conseruationem sit necessaria, ut sæpe diximus, non erit inutile, si interdum inter strepitus fiat, ne si ad strepitum aliquando sit dicendum, aliqua ratione impediamur.

Quarto, qui uult facile hanc artem exercere, recte intelligat, & distinguat rem, sententiamque collocandam, eamque secum solitarie uoce referat, ut facilius in publico eandem explicet.

Quinto, cum fieri poterit, & cum res postulabit, potius singula uerba, quam conceptus siue sententiæ collocentur: ad quarum dictionem expedit, potius ex loco minus claro, quam ex lucido prodire.

Quinta positio, cum interdum ob locorum paucitatem, imagines delende sint, ut aliæ reponantur, ad eas delendas, & ad obliuionem inducendam hæc conferunt.

Primum, si quis per loca imaginibus notata cogitatione discurrens, quandam obscurissimam noctem, siue nubem imagnetur, quæ omnia obtegat; atque
sua

sua obscuritate deleat.

Deinde, si eodem modo per loca semel, iterum, & tertium discurrendo, imaginetur loca esse uacua, ut prius erant, quam ibi imagines ponerentur.

Præterea, fingere licet imagines tectas aliquo uelo, ad cuius remotionem deiectionem uel imagines etiam remoueri uideantur.

Ad hæc, uim magnam habebit ad imagines remouendas, si fingamus maximam aliquam uentorum, & grandinis procellam, post quam loca cogitatione repetendo, tempus lucidum & tranquillum imagine mur. Similiter, si figeremus adesse hostium, siue armatorum hominum multitudinem, quæ hastis & impetu omnia prosterneret, aut fugaret.

Denique, ne plures modos percenseam, cum una res aliam trumat, si rem unam in alterius loco ponere uolueris, eius imago alterius imaginem tollet, eiusque occupabit locum. Quod si loca personas haberent fixas, ita ut personæ locorum vicem gererent, tunc ad obliuionem imaginum, quas personis attribuere mus, fingere licebit, personas imagines illas proiecisse, & capite inclinato, brachisque pendentibus stare, & in summa alios gestus facere, quam prius faciebant. His igitur aliisque modis formatæ imagines deleri poterunt.

Atque hæc pauca e multis, quæ de hac quinta elequentiæ parte dicere potuissem, dicta sufficiant: quandoquidem, ut initio dixi, integrum uolumen conficere nolui cum præsertim in his quæ diximus, quæ
de

de memoria scribi solent, sint omnia comprehensa. Nec me fugit, quosdam eorum qui de memorandi arte descripserunt, affirmare, esse in hac arte nescio quædā recondita præcepta; quæ tamen, uel ob inuidiam, exponere noluerunt; uel quod magis credo, cum meras magis fingant, non potuerunt. Crederem tamen, quod ad usum attinet, nouis in hac arte discipulis multum profuturum, si quem in ea exercitatum nacti fuerint; quoduce, quæ traduntur præcepta, ad usum discerent reuocare.

Et cum omnia quæ de Oratoris officio dicenda erant, iam exposuerim, mihi iam hac in parte meo officio functo, recte nec ne, alij dixerint, huic operi ad Dei laudem, communemque utilitatem suscepto, atque adeo omnibus de arte dicendi tractationibus finem facere liceat.

Habes ergo, candide Lector, a nobis tres, & uiginti, de arte Oratoria libros septem tomis comprehensos, duos de arte dicendi in quorum primo rethoricę, naturam, in altero eiusdem partes explicuimus, quinque de inuentione, duos de quæstionibus oratorij, in uno, de statibus, in altero de tribus generibus causarum egi, unum de partibus orationis, quattuor de eloquentione, totidem de causis eloquentię, & hos quinque de officio Oratoris, non longo temporis spatio scriptos; ac proinde non omni ex parte limatos: in quibus omnia quæ ad bene dicendum sunt cognitu necessaria, ex optimis quibusque auctoribus, tum Græcis, tum Latinis ordinate breuiterque sunt collecta: cum ex
quam

quam plurimis huius artis scriptoribus, & ex uarijs operibus artem dicendi continentibus, unum quass corpus & opus confecerimus, quod loco omnium tibi esse poterit; cum nihil cognitione dignum in alijs sit, quod in nostro non contineatur opere: de quo illud libere fatemur, quod alibi non uno loco testati sumus, non esse ubique omnino absolutum, cum de Rhetoricis, ob causas alibi dictas, obiter egerimus, quæ tamen, fauente Deo, alias absolutiora in lucem uenient.

Interim, tu candide Lector, quæ tua erit humanitas, quæ scripsimus candido accipe animo, et ni scripta probas, saltem iuuandi uoluntatem commenda, et meliora profer: ad quod faciendum, dum hanc artem noua quadã ratione nullo modo a uiro docto, atque prudente improbanda, tradidimus, uiam posteris indicauimus.

Libri Quinti Finis.

Laus Deo, & Beata Virgini
Annunciata.



400

1818

7

6184



